

ЖАҲОН АДАБИЁТИ

АДАБИЙ-БАДИЙ, ИЖТИМОИЙ-ПУБЛИЦИСТИК ЖУРНАЛ

Муассислар:

ЎЗБЕКИСТОН
РЕСПУБЛИКАСИ
ДАВЛАТ МАТБОУТ
ҚУМИТАСИ

ЎЗБЕКИСТОН
РЕСПУБЛИКАСИ
ЁЗУВЧИЛАР
ЮШМАСИ

ЎЗБЕКИСТОН
РЕСПУБЛИКАСИ
“МАЊНАВИЯТ ВА
МАЃРИФАТ”
ЖАМОАТЧИЛИК МАРКАЗИ

МУНДАРИЖА

НАСР

ФРАНСУАЗА САГАН. Кўлмак сувда қўёш парчаси. *Қисса* 3
ИВОННА КЁЛС. Инжиқ Давиднинг онаси. *Роман*. Охири 52

ШЕЪРИЯТ МИНТАҚАДАРИ

ХОФИЗ ШЕРОЗИЙ. Рубоийлар 122
ЕГИШЕ ЧАРЕНЦ. Янгроқ тордир юрагим менинг... 129

1999 — АЁЛЛАР ЙИЛИ

АННЕМАРИЕ ШИММЕЛ. Жонон менинг жонимда 135

ФАЛСАФА. МАДАНИЯТ. САНЪАТ

АНДРЕЙ САХАРОВ. Эсдаликлар 161

ТАРИХ ТИЛГА КИРГАНДА

ЮРИЙ БОРЕВ. Сталиннома... 178

Май '99

| | |
|---|-----|
| КИТОБЛАР ОЛАМИДА | |
| НАИМ НОРҚУЛОВ. Шайх Кубро тушлари | 195 |
| САРГУЗАШТ. ДЕТЕКТИВ. ФАНТАСИКА | |
| ХИДЕО ЯМАДЗАКИ. Виждон. Ҳикоя | 199 |
| МАДАНИЙ ҲАЁТ | |
| УЛУФБЕК РАҲИМОВ. Парижда ўзбек наволари | 208 |

Бош муҳаррир: Озод Шарафиддинов

Таҳрир ҳайъати: Немат Аминов, Муҳаммадали Аҳмедов, Шароф Бошбеков, Жамолиддин Бўронов, Эркин Воҳидов, Одил Ёқубов, Нематулла Иброҳимов, Мурод Муҳаммад Дўст, Мирпӯлат Мирзо (Бош муҳаррир мувонини), Абдулла Орипов, Файбулла Саломов, Жавлон Умарбеков, Шоир Усмонхўжаев, Рустам Шогуломов, Файзи Шоҳисмоил (масъул котиб), Сайдбек Ҳасанов.

Жаҳон адабиёти 5. 1999

ИНДЕКС 828,829

Ўзбекистон Республикаси Давлат Матбуот қўмитасида рўйхатта олинган, № 172.

Таҳририят манзили:

700129, Тошкент, Навоий кўчаси, 30

Телефонлар: 144-41-60; 144-41-61; 144-41-62.

Навбатчи муҳаррир Гулнора МУҲАММАДЁРОВА

Рассом М. КАРПУЗАС

Техник муҳаррир М. НИЗОМОВА

Мусахих Т. ОРИПОВА

Теришга берилди 15.03.1999 й. Босишига рухсат этилди 30.04.1999 й. Бичими $70 \times 108!$ /₁₆.
Офсет қофози. Офсет босма. Шартли босма табоқ 18,2. Нашриёт босма табоғи 20,0.
Жами 3000 нусха. К-6941 рақамли буюртма. Баҳоси шартнома асосида.

Ўзбекистон Республикаси Давлат Матбуот қўмитасининг “Ўзбекистон” нашриётида
компьютерда терилиб, ижарадаги Тошкент матбаа комбинатида босилди.
Тошкент — 700129. Навоий кўчаси, 30.

© Жаҳон адабиёти, 1999 й.

Франсуаза САГАН

Кўлмак сувда қуёш парчаси

Қисса

БИРИНЧИ ҚИСМ

ПАРИЖ

I б о б

Эндиликда у деярлик ҳар куни шу кўйга тушадиган бўлиб қолди. Кечқурун тўйиб ичган бўлса-ку хўп-хўп-а... Унда эрталаб зўрга кўзини очади, боши караҳт, ҳамма нарса туманга чулғангандек хира. Нима қилаётганини сезиб-сезмай душ тагига киради, гайришуурый кийинади. Бутун вужудини шунаقا ҳоргинлик чулғаган бўладики, елкасидан зилдек босиб турадиган “мен”ининг юкидан сал-пал халос бўлгандек бўлади. Аммо кўпинча бошқача бўлади — бундан ортиқ азоб йўқ; тонг отар-отмас уйғониб кетади, кўрққанидан юраги ҳаприқиб, қинидан чиқиб кетгудай бўлади. Эндиликда у яхши билади — бу — ҳаётдан қўрқувдан бошқа нарса эмас. У уйғониб улгурмай хавотир ичида кута бошлайди. Мана ҳозир унинг миясида бошланаётган куннинг ташвишлари, галвалари, омадсизликлари тилга кириб саннай бошлайди. Юраги така-пуча; у кўзини юмиди ухлашга, ҳеч нимани ўйламасликка ҳаракат қиласди. Бефойда. Шунда у тўшакка ўтиради, каравот ёнида турган бир шиша минерал сувни қарамай қўлига олиб, шишанинг ўзидан қулқуллатиб ичади. Сув таъмсиз, илиққина, кўнгилни бехузур қиласди. Худди кейинги уч ой мобайнидаги ўзининг

Озод
ШАРАФИДДИНОВ
таржимаси

Франсуаза Саган — француз адабаси. 1935 йилда туғилган. Парижда католик лицейини тугатган. Биринчи романи “Салом, ғусса” 1954 йилда эълон қилинган. Унда бир енгилтак қизнинг тарихи орқали муаллиф ҳаётнинг фожеий моҳиятини ифодалайди. Бундан ташқари “Табассумнамо” (1956), “Ой ўтиб, йиллар ўтиб” (1957), “Брамсни севасизми?” (1959), “Ажойиб булутлар” (1961), “Таслим бўлишга ишора” (1965) каби романлари бор.

САГАН асарлари сюжетининг ўткирлиги, драматизмга бойлиги, психологик теранлиги билан ажралиб туради. Адаба, айниқса, ҳозирги эркаклар ва аёлларнинг ички дунёсини, кечинмаларини яхши билади ва ҳаққоний тасвирлайди. Унинг асарлари XX аср одамининг руҳий дунёси ҳақидаги тасаввурларингизни бойитади.

САГАНнинг “Швециядаги қаср” (1960), “Валентинанинг бинафа-шаранг кўйлаги” (1963) каби драматик асарлари ҳам бор.

ЖАҲОН АДАБИЁТИ

ҳаётига ўхшайди. Ўзининг ҳаёти ҳам кўнглини беҳузур қилар даражада. “Менга нима бўлди, ўзи? Нима?” — деб ўзига-ўзи савол беради у ноҷорлик ичида дарғазаб бўлиб. У ўзига етгунча мутакаббир одам эди. У ўзи самимий хурмат қиладиган одамларда асабий тушкунлик дардини кўп қўрган. Бироқ шундоқ бўлсада, бу дард унинг назарида бировнинг тарсакисидай таҳқири туюларди. У ёшлик йилларидан ўзи тўғрисида чуқур мулоҳаза юритиб қўришга ўрганмаган эди, унинг учун ҳаётнинг ташқи томони кифоя қиласарди. Мана энди қўққисдан ўзига саросаб солиб қараса, жуда дардчил, ожиз, серзарда маҳлуққа айланаб қолибди. Буни ҳис этиб даҳшатга тушди. Наҳотки, тонг ёришар-ёришмас каравотига ўтириб олиб, ҳеч қандай тайинлик сабабсиз асабий қалтироқ тутиб ўтирган ўттиз беш яшарлик шу эркак унинг ўзи бўлса? Наҳотки шоду хуррамлик билан ўйнаб-кулиб, беташвиш ўтказилган ўттиз йиллик умр уни шу аҳволга олиб келди? Ахир, бу умрга аҳён-аҳёнда фақат ишқий можароларгина соя соларди. У бошини ёстиққа қўйди, гўё ёстиқ дардига малҳам бўладиган уйқуни тұхфа этиши зарурдек, унга бетини яширди. Аммо, барибир, кўзлари юмилмади. Гоҳ у муз терга ботиб, аъзойи бадани увишар ва адёлга бурканиб оларди, гоҳ эса иситмаси кўтарилиб, нафаси тиқилар ва устидаги ҳамма нарсани улоқтиради, аммо буларнинг ҳеч қайсиси кор қилмас — ички қалтироғи тўхтамасди. Бу қалтироқ ичидаги алланечук адоқсиз бир мунгдан, бедаво бир дилхасталикдан туғилаётгандай эди.

Албатта, Элоизага ўгирилиб, ишқ билан машғул бўлай деса, унга ҳеч нарса халақит бермайди. Аммо у бундай қилолмайди. Уч ойдан бери Элоизага қўлининг учини ҳам теккизгани йўқ, уч ойдан бери бу тўғрида гап ҳам бўлгани йўқ. Соҳибжамол Элоиза!.. Қизик, у бунга қандай чидаётганийкин? Гўё Элоиза ундаги дардни, фалатиликни ҳис этаётгандай, гўё унга раҳми келаётгандай... Ана шуниси алам қилади-да... Элоизанинг разабига ҳам, ҳатто бевафолигига ҳам чидаса бўлади, лекин ичи ачиганига... Кошки эди у ҳозир Элоизани истаб қолса, унинг устига ташланса, ҳар гал янгичасига илиқ туюладиган аёл баданига чирмашиб жазавага тушса, ўзини бутунлай унутса... Лекин уйқуга алағда бўлмаса бас... Аммо айни ана шуни қилолмайди-да! Элоизанинг ўзи юрак ютиб бир неча марта уриниб кўрди, бироқ бу унинг кўнглини бадтар қолдирди. Аслидаку бу ишни у жонидан ортиқ яхши кўрарди, ҳар қандай шароитда ҳам, ҳатто ўта фалати ва бемаъни вазиятларда ҳам бу ишга берила оларди, энди бўлса тўшакда, ўзига ёқадиган аёл билан ёнма-ён ётиб, ожизлик қиляпти. Элоиза гўзал аёл, уни чиндан ҳам яхши кўради, лекин шунга қарамай, бўшашиб ётипти.

Лекин у маҳобат қилаётган эди. Бир гал — уч ҳафтача аввал, Жанникидаги тўкин дастурхондан кейин у Элоизанинг кўнглини ола билган эди. Бироқ бу ҳозир унтутилиб кетди. Ўша куни бир сабаб бўлиб, у ҳаддан ташқари кўп ичган эди. Фира-шира эсида қолгани шу бўлдики, кенггина кўрпа устидаги Элоиза билан анча олишибди, эрталаб уйғонгандага эса муҳорабани ютиб чиққанини ўйлаб, кайфияти чоғ бўлди. Гўёки бир лаҳзалик лаззат ўйкусиз ўтказилган оғир тунлар учун, эпсиз узр-баҳоналар учун, ясама шилқимлиги учун таскин берга оладигандек... Албатта, бунақа эмас-да... Авваллари ҳаёт ундан саҳоватини аямас эди. Ундоқ бўлмаганда ҳам, унинг ўзи шундай деб ўйларди. Бу эса унинг муваффақиятларини таъминлаган сабаблардан бири эди. Энди эса соҳилдаги қояни ёлғиз қолдирib чекинган денгиздай ҳаёт қўққисдан ундан юз ўғирди. У ўзини ёлғиз қолган қоя — чол сиймосида кўриб ҳатто кулиб юборди — алам билан, калта-калта кулиди. Ахир, чиндан ҳам бадандаги яширин ярадан сизиб чиқадиган қон каби ҳаёт мендан юз ўгириб олди, — ўйлади у. Ҳозир энди вақт ўтаётгани йўқ, балки аллақайга фойиб бўлди. Ҳозир ҳам бошқалар ҳар қанча ҳавас қилса арзийдиган жиҳатларим кўп — афт-ангорми бинойидек, туппа-тузук хунарим бор, ҳар хил соҳаларда анча-мунча ютуқларга эришганман дея ҳарчанд ўзига-ўзи таъкидламасин, ҳарчанд ўзини-ўзи ишонтиришга уринмасин, бу тасаллиларнинг ҳаммаси унга черков ваъзхонларининг гапларига ўхшаган маънисиз, пуч ва бехуда туюларди... Ҳаммаси жонсиз, ўлик сўзлар...

Бунинг устига Жанникидаги зиёфатда унинг кечинмалари алланечук нософлом ва жирканч экани аён бўлиб қолди. У бир дақиқага меҳмонлар ўтирган хонадан чиқиб, сочини тараб, қўлини чайиб келмоқ учун ваннахонага йўл олди.

Кўлини юваётганда совун кўлидан сирғалиб чиқиб полга тушди. У энгашиб, совунни олмоқчи бўлди. Совун сув қувурининг тагида ётарди — бир бўлак пушти ранг совун гўё ўша ерга яшириниб олгандай эди. Тўсатдан совуннинг пуштилиги ҳаёсизликдай кўриниб кетди, у қўлини чўзиб совунни олмоқчи бўлди-ю, ооломади. Гўёки совун совун эмас, аллақандай тунги маҳлуқ эди — у зулмат қаърига яшириниб олган, иложини топса, унинг қўлидан ўрмалаб кетишга тайёр эди. Жил даҳшатга тушиб, турган жойида қотиб қолли. Кейин ўзига келиб, қаддини ростлаганда, бутун гавдаси жиққа терга ботиб кетганди. У ўзини кўзгуда кўрди ва онгининг қаърида тўсатдан алланечук бамайлихотир қизиқиш уйғонди, кейин қўрқув туйфуси яна ўз жойини эгаллади. У яна чўнқайди ва трамплиндан сувга сакрайдиган одам сакраш олдидан чукур нафас олганидек, кўкрагини тўлдириб нафас олди-да, пушти совунни қўлига олди. Кўлига олди-ю, шу заҳотиёқ қуруқ шоҳча деб ўйлагани мудраб ётган илон эканини билиб қолиб жон ҳолатда улоқтиргандек, совунни ҳам раковинага итқитди. Шундан кейин бутун бир минут давомида юзини совуқ сувга чайиб турди. Шунда унинг кўнглига бир фикр келди: ҳозирги ахволининг сабабини ҳаддан зиёд толиққанидан кўриш керак эмас, бунга “ҳозирги замон”ни ҳам айбдор қилиб бўлмайди, бу сабаб бутунлай бошқа нарсада. Ана ўшанда Жил “бу”нинг чиндан ҳам рўй берганини тан олди — у хаста.

Хўш, энди нима қилмоқ керак? Одам шоду хуррам, масрур ҳаёт кечиришга, ҳамма нарсага бепарво бўлишга аҳд қилган бўлса, бундай тўхтамга энг табиий йўл билан — инстинктив тарзда келган бўлса-ю, тўсатдан икки қўли қоқ қуруқ, кўнгли хувиллаб қолса, яна бунинг устига бу Парижда, мелодий минг тўққиз юз олтмиш еттинчи йилда воқеъ бўлиб турган бўлса, дунёда бунақа маҳлуқдан кўра ёлғизроқ кимса топиладими? Психиатрга мурожаат қилишни ўзи учун таҳқири деб билди — у бу фикрни қатъий рад қилди — бунга фурури йўл қўймади. Магурлигини эса у ўз табиатининг энг яхши хислатларидан бири деб ҳисоблашга мойил эди. Шундоқ бўлгандан кейин фақат битта илож қолади — индамай қўя қолиш керак. Эскича яшашида давом этмоқ лозим. Аникроқ айтганда, давом этишга уриниб кўрмоқ даркор. Бундан ташқари ҳаётга, унинг баҳти тасодифларига ишончини аввалгидай сақлаб қолар экан, у бундай ахвол узоқ давом этмаслигидан умидвор эди. У тан оладиган якка-ю ёлғиз ҳукмдор — вақт эди. Вақт унинг ишқий эрмакларини, унинг хушнудлигини, гуссаларини ва ҳатто айрим қарашларини олиб кетди, эндиликда эса шу вақтнинг ўзи “бу дарди”ни ҳам бартараф қиласагига шубҳаланмаса ҳам бўлади. Аммо “бу дарди” алланечук қиёфасиз, исмизиз эди, моҳият эътибори билан бу дард нима эканини ўзи ҳам билмай гаранг эди. Балки ўзингнинг ақлинг етган нарсалар устидангина вақтнинг ҳукми ўтар?

II б о б

У газетанинг халқаро бўлимида хизмат қиларди. Шу куни эрталабки вақтни у таҳририятда ўтказди. Дунёда ақл бовар қилмайдиган хунрезликлар содир бўлмоқда. Улар ҳамкасаба дўстларини лол қолдириб, даҳшатга солмоқда. Буларнинг бари Жилнинг фашини келтиради. Яқин-яқинларда ҳам — атиги уч ой муқаддам — Жил бажону дил улар сафарга жўнайверар, разабини тўкиб соловерарди, бироқ энди бундай қиломайди. Унинг энсаси қотиб, зардаси қайнаётганининг сабаби бор: Ўрта Шарқдами ёхуд АҚШдами ёки дунёнинг яна аллақайси бурчида рўй бераётган шу воқеалар билан ҳақиқий ташвишдан — унинг ўз ташвишидан дикқатини чалғитишмоқчи бўлишапти. Курраи Заминнинг боши айланиб қолди — эндиликда унинг икки пуллик жирканч муаммолари билан шуғулланишга кимда хоҳиш уйғониши мумкин-у, ким бунга вақт топиши мумкин? Бироқ Жилнинг ўзи омади юришмаганларнинг иқрономалари-ю, тавба-тазарруларини тинглашга озмунча вақт сарфладими? Унинг ўзи бошқаларни қутқараман деб озгина жонбозлик кўрсатдими? Хўш, оқибати нима бўлди? Ана, теварак-атрофини тўлдириб юрипти одамлар ҳаяжондан кўзлари ялтираб. Фақат унинг ёлғиз ўзигина тўсатдан адашган итга ўхшаб саросима-

га тушиб қолди, баъзи бир қарияларга ўхшаб худбин бўлиб қолди, худди улар касбининг қилча қадри қолмади. Қўққисдан бир қават юқорига кўтарилигиси, Жаннинг хонасига кириб, у билан гаплашгиси келиб кетди. Унинг назарида ҳамма таниш-билишлари ичida фақат Жангина ўзининг ташвишларини бир зум унутиб, унга ҳамдard бўлишга қобилдай эди.

Ўтгиз бешга кирган бўлса-да, Жил Лантъе ҳамон чиройлик. “Ҳамон” деганимизнинг боиси шуки, йигирма ёшидаёт у жуда ноёб бир ҳуснга эга эди. Шуниси ҳам борки, бу ноёб ҳуснни у ҳеч қачон идрок этиб етган эмасди, лекин аёлларни ҳам, эркакларни ҳам (эркакларни — бефараз) мафтун этиб, ҳуснidan бемалол мусоида қилаверарди. Мана, орадан ўн беш йил ўтди. У анча озди, мардонароқ қиёфа касб этди, бироқ унинг юришида, хатти-ҳаракатларида голибона ёшлик йилларига хос нималардир сақланиб қолганди. Жан аввалги даврларда Жилни ҳаддан ташқари ёқтиарди. Лекин ҳеч қачон унинг ўзига бу тўғрида оғиз очган эмас. Сирасини айтганда, ўзи ҳам ичida буни тан олмас эди. Ҳозир Жил кириб келганда Жаннинг юраги ҳаприқиб кетди. Бу озғинлик, бу мовий кўзлар, бу ҳаддан ташқари узун сим-сиёҳ соchlар, бу асабийлик... Тўғрисини айтганда, у борган сари асабийроқ бўлиб боряпти, дўсти бўладиган бўлса, унинг парваришини ўйламоги керак. Бироқ ҳа дегандан бунга юраги бетламас эди: Жил кўп вақтдан бери унинг учун масрурлик ва бегамлик рамзи бўлиб қолган; шунинг учун кўпдан бери бир қолипга тушиб қолган образга қўл уришга боти-нолмагандек, бу масалада оғиз очиш ҳам малол келадиган иш эди. Борди-ю Жил қукундай сочилиб кетса нима бўлади? Отам замонларидан бери турмуш тегирмонларида обдон абжафи чиқиб кетган хўппа семиз, тепакал Жан дунёда туғма масрур одамлар бўлmas экан-да, деган тўхтамга келса нима бўлади? Жан аллақачон жуда кўп хом хаёлларидан мосуво бўлган, аммо ана шу хом хаёли жуда аноиي бўлгани учунми, ундан ажralиб қолишни сира истамайди. Жан стулни суриб берди. Жил эҳтиёт бўлиб ўриндиққа ўтириди. Ҳонада столларнинг устида ҳам, полда ҳам, токчаларда, камин устида ҳам ҳар хил қофозларга тўла папкалар тиқилиб кетган, айланишга жой йўқ эди. Жан унга сигарета тутди. Деразадан бир-бирига қалашиб кетган кулранг ва ҳаворанг томлар, турли-туман тарновлар, мўрилар ва телевизион антенналар кўриниб турарди. Яқин-яқинларда ҳам бу манзара Жилнинг завқини кўзгарди. Бироқ энди Жил у томонга қайрилиб ҳам қаролмайдиган ҳолда эди.

— Хўш, қалай? — деди Жан. — Маъқул бўлдими?

— Қотилликни айтаяпсанми? Ҳа, энди, ёзишни боплапти деса ҳам бўлади.

Шундай деб Жил кўзларини қўйи тикиб индамай қолди. Орадан бир дақиқа ўтди. Жан айтадиган изоҳини пайсалга солиб, стол устидаги панкаларни тартибга келтира бошлади ва бунинг устига улар учрашганда бир дақиқа индамай ўтириш гўё табиий бир нарсадек, ҳуштак чалиб бир кўйни хиргойи ҳам қилди. Ниҳоят, у журъат қилди — табиатан эзгулиги қолган ҳамма нарсанинг устидан голиб келди. Жаннинг хотини кетиб қолган кунларда Жил унинг теварагида парвона бўлганини, ширин гапини аямаганини эслади ва тўсатдан ўзининг ашаддий худбин эканини ҳис қилди. Мана икки ойдирки, Жилга бир бало бўлди. Жан буни сезиб юрипти, бироқ икки ойдан бери бу тўғрида юрагини очиб гаплашишдан ўзини олиб қочади. Яна дўст эмиш бу киши. Аммо ҳозир Жилнинг ўзи уни қистаётгандай бўляпти, аникроқ айтганда, уни ҳужум бошлашга ошкора даъват қиляпти. Шундай пайтда у кичкина бир ўйин кўрсатишдан ўзини тиёлмади. Ўтгиздан кейин ҳаммамиз ҳам шунақамиз: ҳар қандай ҳодиса ҳам — у бутун дунёга дахлдорми ёки фақат бизнинг туйғуларимиз дунёсига тааллуқлами — бундан қатый назар, бизга фойда келтирмоғи ёхуд онгимизга тезроқ этиб бормоғи учун муайян даражада ўйин қилишни талаб этади. Шу сабабдан Жан чала чекилган сигаретасини куллонга эзғилади-да, ўтириб, қўлларини кўксига қовуштирди. Жилнинг юзига синчиклаб қараб туриб, томонини қириб сўради:

— Хўш, қалай?

— Нима қалай? — жавоб берди Жил.

Унинг чиқиб кетгиси келди, лекин билардики, ҳеч қаёққа чиқиб кетмайди, чунки бу сўраб-сuriшишларни бошлашга Жанни ўзи мажбур қилди. Энг

бадтари шу бўлдики, буларнинг баридан Жилнинг ўзи анча енгил тортмоқда эди.

- Хўш қалай? Ишларинг юришмаяптими, дейман?
- Юришмаяпти.
- Икки ойлар бўлди, а? Тўғрими?
- Уч ой бўлди.

Жак муддатни тахминан чамалаб айтди. У Жилнинг кайфиятидаги тушкунликни назардан қочирмаганини писанда қилмоқчиди, холос. Аммо шу пайтга қадар бу тўғрида оғиз очмаган бўлса, бунинг сабаби — андиша қилганидан. Бироқ шу лаҳзанинг ўзида Жилнинг кўнглидан бошқа фикр кечди: “Ўзини зийрак кўрсатмоқчи бўляпти, муғомбир. Ўзи бўлса роса бир ойга адашди...” Жил оғизда бошқа гап айтди:

- Ҳа, уч ойдан бери ичимга чироф ёқса ёришмайди.
- Бирон сабаби бордир? — деб сўради Жан ва кескин ҳаракат билан зажигалкасини ёндириб, сигаретини тутатди.

Шу дақиқада Жилнинг кўзига ёмон кўриниб кетди: “Полиция амалдорига ўхшаб пўписа билан гапирмаса-да... Ўзини кўпни кўрган доно қилиб кўрсатмоқчи... Гўё бу кишининг раҳмини келтириб бўлмайди... Олифталик қилмоқقا не ҳожат!” Лекин шу билан бирга у ичидаги бор гапини тўкиб солишга эҳтиёж сезди — аллақандай енгиб бўлмайдиган бир тўлқин вужудини чулғаб олиб, уни ошкоралик сари етакламоқда эди.

- Ҳеч қанақа сабаби йўқ.
- Бу гапинг анча жиддий-ку! — луқма ташлади Жак.
- Ҳа, энди, қандай қараашга боғлиқ, — эътиroz билдириди Жил.

Унинг фаши келганини сезиб, Жан дарҳол гапининг оҳангини ўзгартириди. У ўрнидан туриб, столни айланиб ўтди-да, қўлини Жилнинг елкасига кўйиб, эркалатганнамо оҳангда гап қотди: “Майли, ҳечқиси йўқ, ошна!” Бу гапни эшитиб Жилнинг кўзларига ёш келди — бундай аҳволдан ўзи даҳшатга тушди. Чиндан ҳам ҳеч вақога ярамай қолипти. Роса бўлари бўлган экан. У қўлини узатиб, стол устида ётган шарикли ручкани олди-да, бошини босиб, ручканинг учини чиқарди, кейин уни чиқариб-киргизиб ўйнай бошлади.

— Қайси ишинг юришмаяпти, ошна? — деб сўради Жан. — Балки бетобдирсан?

— Йўқ, бетоб эмасман. Дунё кўзимга қоронғи кўриниб қолган, холос. Ҳеч нарса ёқмайди, бирон ишга қўлим бормайди. Тамом-вассалом. Бунақа хасталик ҳозир роса урф бўлган, шекилли?

У ҳатто тиржайишга уриниб кўрди. Ҳа, унинг бунақа тушкун руҳий ҳолати тиббиёт оламида расман кенг тарқалган хасталик сифатида тан олинган, аммо ундан бунга нима? Аксинча, алам қилгани қолади. Агар иш бунақа тус оладиган бўлса, у “ноёб дард”га чалинмоқни афзал кўярди.

— Ана шунақа... — деб ўзини зўрлаб гапда давом этди у. — Ҳеч нарсани кўнглим тусамай қолган. Ишлагим ҳам келмайди, севгим ҳам келмайди, қўмирлагим ҳам келмайди. Кун бўйи бир ўзим кўрпани бошимга ёпиб олиб, тўшакда ётаверсан дейман... Мен...

- Шунақа қилиб кўрмадингми?
- Кўрдим, албатта. Бироқ бу ҳам бўлмади. Кечқурун соат тўққизларга етаретмас ўзимни ўлдириш иштиёқига тушиб қолдим. Рўйжа билан ёстуқ кўзимга кир кўриниб кетади, ўзимнинг ҳидим ўзимга жирканч туюлади, ҳар куни чекадиган сигаретларимнинг ҳидига чидаёлмайман. Нима дейсан, шундоқ бўлса ҳам ҳечқиси йўқми?

Жан англаб бўлмайдиган тарзда бир нималарни минғирлади — Жилнинг руҳий аҳволи носозлигидан далолат берувчи бу тафсилотлар унга жуда оғир ботди. Бундан кўра ҳар қандай беҳаё тафсилотларни эшитгани маъқул эди. У сўнгги бор буларнинг барига ақл бовар қиласидиган бирон сабаб топишга аҳд қилди:

- Элоиза билан қалайсан?
- Элоиза билан қалай бўлардим? Чидаб юрипти. Ўзинг яхши биласан-ку, сирасини айтганда, умуман бизнинг гаплашадиган гапимиз йўқ. Лекин у мени

чиндан яхши кўради. Мен эса тамом бўлиб бўлганман. Фақат хотиним билан эмас, умуман ишдан чиққанман. Деярлик ҳеч нарсага ярамай қолганман. Мабодо, бирда ярим яраб қолсан ҳам, сиқилиб кетаман. Шунинг учун...

— Кўйсанг-чи, бунинг қўрқадиган жойи йўқ. Юришиб кетади.

Шундай деб Жан кулиб қўя қолмоқчи бўлди. Шундай қилса, Жилни ҳозирги аҳволга соглан баҳонаи сабаб, асосан, заифлашиб қолган хўрзанинг камситилган иззат-нафси бўлиб чиқарди.

— Сен дурустроқ докторга кўрсатмофинг керак. Унинг маслаҳати билан дармондорилар ич, ҳавоси тоза бирон жойда уч-тўрт кун дам ол — икки ҳафтадан кейин ҳаммаси ўтиб кетади. Қарабсанки, яна макиёнчаларнинг кетидан югуриб қоласан.

Жил унга ўқрайиб қаради. Фазаби жўшганидан овози бир парда кўтарилди.

— Ҳамма гапни шунга олиб бориб тақама. Тупурганим бўлсин бу ишга, билдингми? Тупурман. Мен ҳеч нарсани хоҳдамай қолганман, тушуняпсанми? На фақат аёлларни! Умуман, яшашни истамай қолдим. Бунаقا ҳоллар учун қайси дармондорини ичиш керак?

Орага сукунат чўқди.

— Виски ичсанми? — деб сўради Жан.

Столнинг тортмасидан бир шиша шотланд вискисини олиб, Жилга узатди; Жил файришуурый тарзда ундан бир ҳўплади-да, сесканиб бошини сарак-сарак қилди.

— Менга энди ичкилик ҳам ёрдам бермай қўйди. Чалажон бўлгунча ичиб учиб қолсан — бошқа масала. Ичкилик мени жунбушга келтирмай қўйган. Ҳар нима бўлганда ҳам, дардимнинг шифосини ичкиликтан изламаслик керак, тўғрими?

Жан унинг қўлидан шишани олиб, лунжини тўлдириб бир қултум ичди.

— Қани кетдик, — деди у. — Жиндай сандирақлайлик...

Улар кўчага чиқишиди. Париж илк баҳорий мовийлиги билан энтиқтирадиган даражада гўзал эди. Кўчалар ҳамон ўша-ўша — аввалги кўчалар эди, улардаги тамадди хоналар ҳам ўша-ўша. Мана, ресторон — одатда бирор воқеани ювишмоқчи бўлишса, уларнинг ҳаммаси бир тўп бўлиб шу ерга келишарди. Манави барга эса Жил Марияни яхши кўрган замонларда унга қўнфироқ қилиш учун яширинча келиб-кетиб турарди. Ё тавба — ўша пайтни эсласанг, юрак орзиқиб кетади — дим телефон буткасига кириб олиб, Жил даф-даф титрар, девордаги ёзувларни ҳеч нарса тушунмай қайта-қайта ўқир, телефон бўлса тинимсиз сигнал беришда давом этар, лекин гўшакни ҳеч ким кўтармасди. Роза изтироб чекарди Жил. У ўзини бепарво кўрсатишга ҳаракат қилиб, гўшакни жойига илар, бекага буюриб, бир стакан ичкилик олар, уни шу ернинг ўзида тикка турганича бир кўтаришда сипқорарди. Ўшанда юраги сиқилгандарли-чи? Аламдан, фазабдан отилиб кетай дерди! Лекин у тирик эди у пайтларда. Гарчи ўша мудҳиш дамларда уни эзиб, бўйсундириб олишган бўлсалар-да, гарчи уни оёқлари билан тепкилаб топташган бўлсалар-да, буларнинг бари ҳозирги тушкун аҳволнинг олдига салкам ҳавас қилса бўладиган қисмат эди. Майли, унга жароҳат етказишган бўлишсин, лекин бу оғриқнинг сабаби, лоақал, равшан эди-ку...

— Бирор ёққа бориб келсанг бўлмасмикин? — деди Жан. — Икки ҳафталарга командировка олсанг...

— Ҳафсалам йўқ... — деб жавоб берди Жил. — Самолетларни ўйласам, жадваллар, нотаниш меҳмонхоналар, олдиларига бориб интервью олишим керак бўлган одамларни кўз олдимга келтирсам... Йўқ, йўқ, тоқатим йўқ буларнинг барига! Бунинг устига, чемодан кўтариб юриш... Йўқ, сира бўлмайди!

Жан унга кўз қирини ташлаб турди-да, бир лаҳзага “бу ошнам майнавозчилик қилмаяптими, ўзи?” деган ўй лип этиб хаёлидан ўтди.

Авваллари аҳён-аҳёнда Жилнинг найрангбозлик қиласидиган одатлари бўларди. Одатда кўпчилик унинг тузофига илина қоларди ҳам. Бироқ ҳозир унинг юзида кўркув ифодаси шунаقا бир кўринишда зоҳир бўлдики, ҳамма нарсадан ижирғанаётгани шунаقا куч билан намоён бўлдики, Жан буни кўриб чиппачин ишонди.

— Сафарни йўқ десанг, ёшлиқ чоғларимизни бир эслаб, қизлар билан дил-кашлик қилақолайлик. Пойтахтга ўйнагани келган қишлоқ йигитлари каби бир мириқар эдик... Э-э, қўй, нималар деяпман... Китобинг қалай аҳволда? Америка ҳақидаги репортажларинг нима бўлди?

— Бунаقا китоблардан элликтачасини одамлар аллақачон ёзиб қўйган. Ҳаммаси меникидан аъло. Наҳотки, мени шу аҳволимда лоақал икки сатр тузукроқ нарса ёза олади деб ўйлайсан?

Китоб ҳақидаги фикр уни узил-кесил абгор қилди. У ҳақиқатдан ҳам АҚШ тўғрисида китоб ёзишни ният қилиб қўйганди. Жил бу мамлакатни яхши биларди — унинг ҳақида китоб ёзишни орзу қилас, ҳатто режасини қоралаб ҳам қўйганди. Энди эса шуниси ҳам аниқки, у бирон сатр ёзаолмас ёхуд бирон фикрини охирига етказиб ифодалай олмасди. Ахир, нима бўлди ўзи? Не қўйларга тушиб қолди? Қайси катта-калон гуноҳлари учун бу жазога мустаҳқ қилинди? Ким уни жазолаяпти? У ҳамиша дўстларига биродарларча муносабатда бўлар, аёлларнинг эса мулойимлик билан кўнглини овларди. У ҳеч қачон ва ҳеч кимга қасдан ёмонлик қилган эмас. Нега энди ўттиз беш йиллик умри заҳарланган қиличдай бугун ўзига зарба беряпти?

— Аҳволинг нима кечайдиганини ҳозир сенга айтиб бераман, — деб садо берди унинг ёнида турган Жан. Унинг овозида тасалли оҳанглари сезилиб турарди. — Сен ҳаддан зиёд толиқсансан, сенинг аҳволинг...

— Ўчир овозингни! — дея тўсатдан бобиллаб берди Жил бутун кўчани бошига кўтариб. — Аҳволимдан сўз оча кўрма! Негаки, менинг аҳволимни сен билмайсан. Негаки, аҳволим нима кечайдиганини мен ўзим ҳам билмайман. Эшитяпсанми, ўзим ҳам... Ундан кўра, — деб узил-кесил тоқати тоқ бўлиб илова қилди Жил, — бошимни кўп қотирма! Ўз ҳолимга қўй!

Йўловчилар уларга қарай бошлашди. Жил тўсатдан қизариб кетди. У Жаннинг тирсагидан ушлади, унга яна бир нималар демоқчи бўлди, аммо бунинг ўрнига кескин орқасига ўгирилиб, дарё бўйи томон тез-тез юриб кетди.

III боб

Элоиза уни кутиб ўтиради. Элоиза уни ҳамиша кутарди. У донгдор моделлар уйида лиbosларни намойиш қилувчи бўлиб ишларди. Ҳаётда унинг кўп ҳам омади чопмади, шунинг учун у икки йил аввал бажону дил Жилникуга кўчиб ўта қолган эди. Бу воқеа рўй берган оқшом Жил Марияни эслаб роса сиқилган ва ортиқ ёлғизлика чидаёлмайдиган даражага етган эди. Элоизанинг соchlари гоҳ қарасанг қора, гоҳ малла, яна бир гал оқ-сариқ ва ҳатто қизғиш рангларга кириб қоларди. Сувратларга яхшироқ тушмоқ ниятида у ҳар уч ойда сочини ҳар хил рангларга бўяб турарди. Жил унга қараб, нима бўлаётганини англаёлмай хуноб бўларди. Элоизанинг кўзлари жуда чиройли, улар осмон рангида — тиниқ мовий тусда эди. Комати ҳам жуда келишган. Ҳамиша димоги чоф. Анча вақтгача улар бир-бирларига тўймай, жуда апоқ-чапоқ яшашди, лекин эндиликда Жил у билан оқшомни бирга ўтказиши, унга нималардир гапириши кераклигини ўйласа, юраги орқага тортиб кетарди. Албатта, у “бирор ўртоғим кечки овқатга таклиф қилган” деган баҳона билан уйдан бир ўзи чиқиб кетса ҳам бўларди, аммо Париж билан, унинг кўчалари, тунги зулмати билан яна учрашмоққа тоқати йўқ эди — у уйининг бир бурчагида ўзи-ўзи билан андармон, ўз ёғига ўзи қоврилиб ётишни истарди.

У Дофин кўчасида уч хоналиқ квартирада яшарди. Лекин ҳафсала қилиб, квартирани тузукроқ жиҳозламади ҳам. Аввалига у зўр иштиёқ билан токчалар ўрнатди, стереофоник радиола учун сим ўтказди, китоб жовонига, телевизорга жой танлади — қўйинг-чи, кенг расм бўлган рўзгор буюмлари харид қилишга берилиб кетди. Бу буюмлар турмушни ёқимлироқ қиласи, уни бойитади деб ҳисобланарди. Энди бўлса, у бу буюмларнинг ҳаммасига энсаси қотиб қарап, жовондан-ку бирорта китоб оладиган ҳоли қолмаганди. Ҳолбуки, яқин-яқинларда ҳам Жил ҳар қандай китобни тўймай, қўлидан қўймай, ютоқиб ўқиб юрган одам эди. У кириб келганда Элоиза қўлида газета билан телевизор кўриб

ўтиради. У бирон тузукроқ кўрсатувни ўтказиб юбормаслик учун бот-бот қўлидаги газетага кўз югуртириб қўярди. Элоиза Жилни кўриши ҳамон ўриндан сапчиб туриб, югуриб ёнига борди ва қувноқ табассум билан уни ўпди — хотининг сапчиб туриши-ю, апил-тапил ўпишгани унга сунъий ва култили туюлди — “сенинг жажжи хотинчанг” қабилидаги ясамаликдан ўзга нарса эмас. У барга, аниқроғи, бар ўринда хизмат қиласидиган фиддирак оёқли столча томонга йўналди, гарчи ичкиси келмаётган бўлса ҳам стаканга виски қўйди. Сўнгра Элоизаникига ўхшаш ўриндиққа ўтириб, юзини телевизор экранига бурди. Элоиза ажойиб томошадан бир лаҳза нигоҳини олиб, унга ўгирилди.

- Қалай, ишларинг тузукми?
- Жуда ҳам. Үзинг-чи?
- Мен ҳам.

Элоиза енгил тортгандай бўлди ва яна экранга кўзини қадади. Экранда диктор жувон жон олғич табассум билан йигитларнинг олдига ёғоч ҳарфларни сочиб ташлати, йигитлар эса улардан сўз ясашга уриниб ётишилти. Жил сигарета тутатди, кўзини юмди.

- Менимча, “дорихона” бўлиши керак, — деди Элоиза.
- Тушунмадим.
- Улар излаётган сўзни айтаман. “Дорихона” бўлиши керак.
- Бўлиши мумкин, — деб қўяқолди Жил.

У яна кўзларини юмди. Кейин вискидан яна бир қултум ичмоқчи бўлди. Виски аллақачон илиб қолипти. Жил стаканни полга тўшалган поёндоз устига кўйди.

— Никола кўнғироқ қилди. Кечкурун кечки овқатни у билан бирга клубда қилишга таклиф қилди. Нима дейсан?

— Кўрамиз, — деб жавоб берди Жил, — жиндай нафасимни ростлаб олай.

— Агар кўчага чиққинг келмаётган бўлса, холодильникда бузоқ гўшти бор.

Телевизорда детектив кўриб ўтириб овқатлана қоламиз.

“Жуда соз, — деб хаёлидан ўтказди Жил. — Хоҳлаганингни қиласер: истасанг, ана, Никола билан кечки овқат қил. У юзинчи марта, киномиз бу қадар сотқин бўлмаганида, у, яъни Никола аллақачонлар дурдона фильм яратган бўларди, деб қулоғингга қуяди. Ёки уйда қолиб, совуқ бузоқ гўштини танаввул қилиб, телевизорда бемаънидан-бемаъни кўрсатувни томоша қил. Қандай даҳшат-а!” Лекин авваллари у кеч бўлиши билан кўчага ошиқарди, кўчада дўстлари кўп эди, улар билан кўнгилхушлик қилишар, янги одамлар билан учрашишарди. Хуллас, ҳар бир тун мисоли бир байрам эди... Қани ўша оғайнилари? Жил оғайнилари қаерда эканини яхши билади — телефонга кўлини узатса, кифоя. Уч ойдан бери улар Жилга самарасиз кўнғироқ қиласериб жонларига тегиб кетди — бор гап шу! Хаёлан у дўстларининг номларини бирма-бир эслаб чиқди, улардан қай бири билан кўришмоқни кўнгли тусаётганини аниқламоқчи бўлди. Ҳеч қайсисини кўргиси келмаётган экан. Фақат анави бетамиз Николагина ҳали ҳам унга елимдай ёпишиб олган. Сабаби аниқ; ичкиликка пули йўқ. Телефон жиринглади, лекин Жил ўтирган жойида қимиrlамади. Бир вақтлар телефон жиринглаши билан сапчиб туриб гўшакни оларди — билардики, уни жононларидан бири чорляяпти, ёки бирон-бир саргузаштми, омадли ишми кутяпти. Энди телефонга ҳам бепарво. Гўшакни Элоиза кўтарадиган бўлди. Ётоқдан Элоизанинг қичқиргани эштилди:

- Сени сўрашяпти. Жан кўнғироқ қиляпти.
- Жил дудмалланди. Нима десайкин?

Кейин кундуз куни Жанг қўпол муомала қилгани эсига тушди. Қўполлик ҳамиша жуда хунук кўринади, бўлмағур нарса. Ахир, инсоф қилиб айтганда, ўзининг ғам-андуҳларини кўтариб, Жангнинг олдига борган ўзи эди-ку, кейин уни кўччанинг ўртасида қолдириб кетворди. Жил гўшакни кўтарди.

- Сенмисан, Жил? Ҳа, қалайсан?
- Ҳаммаси жойида, — деб жавоб берди Жил.

Жангнинг овозида илиқлиқ бор эди, унинг хавотир олаётгани билиниб туритти. Чин дўстнинг овози. Жил ийиб кетди.

- Бугун бўлиб ўтган ишлар учун узр, — деди у, — биласанми, мен...

— Жиддий гапларни эртага гаплашамиз. Кечқурун нима қилмоқчисан?
 — Билмасам... Мен... Кечқурун уйда ўтирамиз, шекилли. Совуқ бузоқ гўшти еб...

Бу ёрдам сўраб қилинган чинакам илтижо эди. Шундан кейин қисқагина сукунат чўқди. Сўнг **Жак** мулойимгина деди:

— Менга қара, уйда ўтирганинг фойдаси йўқ. Бугун “Бобино”да премьера бор. Истасанг, менда ортиқча билет бор. Берсам бўлади...

— Йўқ, раҳмат, — деб жавоб берди **Жил**. — Уйдан чиққим келмаяпти. Ундан кўра эртага бир тўйиб ичақолайлик...

Жил ҳеч қанақа зиёфат-у, тўйиб ичишларни хаёлига ҳам келтираётгани йўқ эди. Жан буни биларди. Лекин театрга боришга кеч бўлган эди. Жан уйига бориши керак, кийимини ўзгартирмоғи шарт, сўнг яна уйдан чиқиб келиш... Ундан кўра эртага бўладиган мужмал зиёфат унга кўпроқ маъқул бўлган эди. Шунга кўнақолди, ҳар эҳтимолга қарши икковларининг орасида қўлланилмайдиган бир такаллув билан “Бўлмаса, эртагача...” деди-да, гўшакни илиб қўйди. Жил ўзини аввалгидан ҳам бадтарроқ ёлғиз ҳис қилди. У меҳмонхонага қайтиб чиқиб, ўриндиққа ўтириди. Элоиза аввалгидай маҳлиё бўлиб, экрандан кўзини узмай ўтиради. Жил бирдан портлаб кетди:

— Наҳотки шуни кўришга қурбинг етади, а?

Элоиза унинг гапига жиндай ҳам ҳайрон бўлмади, фақат ўзининг хомуш ва юввош тортиб қолган юзини унга ўтириди.

— Шунақа қилсан тузук бўлар деб ўйлаб эдим. Унда мен билан гаплашмай қўя қолардинг.

Таажжубдан **Жил** ҳайрон бўлиб, нима дейишини билмай қолди. Айни чоқда, Элоиззанинг сўzlари шунақа бир таҳқири оҳанга эшитилдики, **Жил** ўзига яхши таниш бўлган фира-шира даҳшатни ҳис қилди — демак, у туфайли бирор изтироб чекаётган экан-да. Шунда у тушундики, сири фош бўлипти.

— Нега бундай деялсан?

Элоиза елкасини қисди.

— Ўзим, шундоқ... Менимча... Менга шундай туюлятники, сен ҳолиликни истаб қолгансан, бирорнинг дахл бўлишига тоқатинг йўқ. Шунинг учун... телевизор кўриб ўтирибман...

Элоиза унга илтижо билан мўлтираб қараб туарди. У **Жилнинг** “Йўғ-е, нега бундай деялсан, яхшиси, бемалол менга тиқилинч қиласвер, гаплаш мен билан, сен менга кераксан!” дейишини хоҳлар эди. **Жил** бир кўнглида Элоиззани хурсанд қилмоқ учун унга шундоқ демоқчи ҳам бўлди. Лекин бу — ёлғон бўлар эди, яна битта ёлғон! Хўш, бунақа демоққа унинг қандай ҳаққи бор?

— Кейинги кунларда ўзимни анча лоҳас ҳис қиляпман, — деди **Жил** бўшашган овозда. — Мендан хафа бўлма! Менга нима бўлаётганини ўзим ҳам билмай қолдим.

— Мен хафа бўлаётганим йўқ, — жавоб берди у. — Бунинг нима эканини ўзим яхши биламан. Йигирма икки ёшимда менинг ҳам бошимдан ўтган эди. Асаб тушкунлигига учрагандим. Туну кун йиғлаганим йиғлаган эди. Онам шўрлик мени ўйлаб роса хавотирланган эди.

Ана холос! Шундоқ бўлишини кутмоқ керак эди. Таққосни қаранг! Ҳамиша ҳамма нарса Элоиззанинг бошидан ўтган бўлади!

— Хўш, охирида нима бўлган?

Савол қаҳр билан истехзоли оҳанга берилди. Ҳақиқатан ҳам, унинг хасталигини Элоиззанинг майдо-чуйда ташвишлари билан солишириб бўлар эканими? Бу фикрнинг ўзи таҳқири эмасми?

— Ҳеч гапдан ҳеч гап йўқ — ўзи ўтиб кетди. Бир ой мобайнода аллақандай дори ичдим — оти эсимдан ҳам чиқиб кетди. Кунлардан бирида тўсатдан аҳволим ўзидан-ўзи яхши бўлди-қолди...

Элоиза ҳатто жилмаймади ҳам. **Жил** унга еб қўйгудай бўлиб ўқрайиб қаради.

— Дориларнинг номини унутганинг чакки бўлибида-да. Ё телефонда онангдан сўраб кўрасанми?

Элоиза ўрнидан туриб, унинг ёнига келди-да, бошини кафтлари орасига олди. **Жил** унинг хотиржамлик уфуриб турган зебо чехрасига, ўзи неча марта-

лар ютоқиб ўпган лабларига, ҳамдардлик тўла мовий кўзларига синчиклаб тикилди.

— Жил!... Жил! Биламан, менинг ақлим унчалик ўткир эмас; сенга ёрдам бериш қўлимдан келмаса ҳам керак. Аммо сени яхши кўраман, Жил, азизим!..

Элоиза унинг пиджагига юзини буркаб йиғлаб юборди. Буни кўриб Жилнинг ичлари ачиб кетди, аммо айни чоқда буларнинг бари уни ҳамон дикқинафас қилишда давом этарди.

— Қўй, йиғлама, — деди у. — Бехуда йиғлама! Ҳаммаси ўрнига тушиб кетади... Ўзим ҳам жуда шалоги чиққандайман. Эртага докторга бораман.

Элоиза бир нарсадан юрак олдирган боладай пиқиллаб йиғлашда давом этарди. Жил эртага, албатта, докторга кўриниш беришга ваъда қилди, хуррамлик билан бир бўлак бузоқ гўштини еди ва Элоиза билан жиндай гаплашиб ўтиришга уринди. Кейин тўшакка ётганларидан сўнг у Элоизани эркалаб, суйиб бетидан бўса олди ва ичидаги бошқа ҳеч қачон тонг отмаслигини тилаб, биқинига ўгирилиб олди.

IV боб

Доктор жуда закий одам экан, лекин бу аҳволни енгиллатишга сира кор қилмади. У Жилнинг кўкрагига уриб, ўпкасини текшириб кўрди, юрак уришига қулоқ солди, жонига тегиб кетган одатдаги саволларини сўради. Лекин бу саволларга зигирдек аҳамият бермаётгани шундоққина кўриниб туради. Энди Жил докторнинг рўпарасида Людовик XIII услубидаги чуқур ўриндиқда ўтиради. У врачдан кўзини олмайди. Унинг нигоҳида гира-шира умид бор — врачнинг бетакаллуф оҳангига, комил ишонч билан ҳаракат қилаётгани унинг беморни даволашга қурби етмаслигини яширувчи бир никоб бўлмаса гўрга эди.

“Охир-пировардида врачлар ҳам ҳамма нарсани биладиган одамларга хос бетакаллуф қиёфа касб этишни ўрганиб олишган. Оқловчилар ҳам шунаقا, бўлса-бўлмаса, комил ишонч билан иш юритишади. Ўзим-чи? Ўзим ҳам улардан қолишмайман. Баъзида мен ҳам журналистга хос тарзда ўзимни масалага жуда чуқур қизиққан ва жуда чуқур тушунган қилиб кўрсатаман”. Шундоқ бўлса ҳам, унинг кўнглидаги умид бутунлай сўниб битгани йўқ. Борди-ю чиндан ҳам шунаقا дори бўлса-чи? Уни жиндай ичишинг билан, ҳаётдан тўйиб кетганинг тутундек тарқалиб кетса! Нега шундоқ бўлиши мумкин бўлмасин?! Эҳтимол, унинг, яъни Жил Лантъенинг организмида жиндай калцийми, темирми ёки яна бошқа бирон алланимабаломи етишмас-у, факат шу важдан ўзини шу қадар баҳтсиз ҳис қилаётгандир. Шундоқ бўлиши ҳам мумкин-ку, ахир! Одам ўзининг иродаси, эрки, мияси тўғрисида аллақандай сафсалаларни тўқиб чиқаради, кейин эса тўсатдан маълум бўладики, арзимаган бир “В” витамини етишмаслиги важидан у қўл-оёғи боғлангандай ночор ҳолатга тушиб қолипти. Ана шунаقا! Айни шу гапни миянгга сингдириб олишинг керак. Ўзингни шунга ишонтироминг зарур. Инсон организми бамисоли мураккаб бир фабрика ва...

— Хуллас, сиз ўзингизни ёмон ҳис қиляпсиз, шунақами? — деди доктор. — Сиздан яшириб ўтирмайман — бирон нарса билан сизга фойда беришим қийин.

— Нечук?

Жил ўзини таҳқирланган ҳис қилиб, ачифи келди. Ахир, у ўзини руҳан шу врачнинг ҳукмига топшириб қўйди, унга ишонди, кўнглини очди, энди бўлса, бир соат ўтар-ўтмас бу муттаҳам бамайлихотир “менга умид боғламай кўяқолинг” деб ўтирипти. Ахир, сен врачсан-ку! Нима бўлганда ҳам, бу сенинг касбинг. Бирор чорасини кўришга мажбурсан. Гаражлардаги машиналарга механикларнинг тиши ўтмайдиган бўлиб қолса нима бўларди? Ёхуд...

— Жисмонан сиз соппа-соғсиз. Ташқи белгилар шундан далолат беряпти. Истасангиз, анализлар қилишимиз мумкин. Умумий ҳолатингизни бардамроқ қилиш учун дори ёзиб беришим мумкин. Овқат олдидан ҳар куни беш мартадан ичасиз...

Докторнинг оҳангига анча-мунча истеҳзо бор эди. У Жилнинг кўзига совук кўриниб кетди. У болажон отанинг ҳузурига келдим деб ўйлаган эди, ҳолбуки бадфеъл, турқи совуқ бир одам экан.

— Сиз ёрдам беради деб ҳисобласангиз, мен ҳар қандай дорини ичишга тайёрман. Кунига ўн марта бўлмайдими, — деди у куруққина.

Доктор жилмайди.

— Нима дори берсамикин? Сизда умумий лоҳаслик бор. Биз буни тушкунлик деб атаймиз. Ўзингиз айтганингиздек, бу дард ақлий фоалиятга ҳам, жинсий ишларда ҳам, яна бошқа масалаларда ҳам таъсирини кўрсатади. Истасангиз, мен сизни психиатрга жўнатай. Баъзан фойдаси тегади. Баъзан тегмайди. Доктор Жиро деганимиз бор — бу ишларни яхши билади.

Жил қўлини силкиб, бу таклифни рад қилди.

— Сизга сафарга бориб келишни тавсия этишим мумкин. Яхшилаб дам олинг. Ёки, аксинча, обдон чарчанг. Очигини айтсан, мен бу соҳада дуруст мутахассис эмасман. Шундоқ бўлгач, билмаган нарсамни айтишга журъат қиломайди. Фақат битта нарсани маслаҳат беришим мумкин — бардош қиласиз, кутинг.

Шундай деб у ёрдамчи жувонни чақирди ва гўё Жилга туҳфа этаётгандек, дорининг рецептини айтиб туриб ёздиради. Дори одамга зарап бермайдиган, айни чоқда, таркиби анча мураккаб эди. Жил докторга разм солди — бу одамнинг истараси иссиқ, юзида нури бор, шу билан бирга, ҳорғин эди. Рецептга имзо чекиб доктор уни Жилга узатди.

— Келинг, бир уннаб кўрайлик. Ҳарна бўлганда ҳам уйланган бўлсангиз, хотинингизни хотиржам қилиб қўйинг.

Жил ўрнидан турди, турди-ю чиқиб кетишга ботинолмай тараддулланиб турриб қолди. У “Хўш, энди бу ёғига нима қилай?” деб сўрашни истарди. У врачларга камдан-кам қатнар эди. Шунинг учун ҳозир ёрдам сўраб мурожаат қилган врачнинг лоқайдлигини кўриб ҳанг-манг бўлиб қолганди.

— Миннатдорман, — деди у ниҳоят, — биламан, жуда банд одамсиз. Жаннинг илтимоси билангина...

— Жан билан жуда қадрдонмиз, — деди доктор. — Ҳар ҳолда, оғайни, сизга ўшаган касаллардан ҳафтада камида ўн бештасини кўраман. Замон шунаقا бўлиб қолди-да, на илож?

У Жилнинг елкасига қоқиб, эшикдан чиқариб юборди. Шундай қилиб, кечки соат бешларда Жил ўзини дарғазаб ҳолда йўлкада кўрди. Гўё бирор унга “яқинда ўласан” дегандек бутунлай тарвузи қўлтиғидан тушиб, ҳанг-манг бўлиб қолган эди. Жан унга “Шу докторга бир кўрингин, жилла бўлмаса, у бошингни қотириб, лақиљатмайди-ку сени” деган эди. Аммо хасталикларни даволаш билан шугулланадиган врач одамларнинг бошини қотиришга ҳаққи йўқми? Жил сезиб турипти — у бирорта сохта пайғамбарни ёхуд беморнинг ичини дори-дармонга тўлдириб ташлайдиган бирор бетамиз доктор биланми иш юритишни афзал кўрган бўларди. У ҳозир шу даражада паст кетганки, ўзини очиқласига алдашларини, юзига ёлғон гапиришларини маъқул кўради — ишқилиб, бу ёлғонлар унга далда берса бўлгани. Жил шу кўйга тушиб қолди. Одам шунчалик ҳам тубан кетадими? Шуни ўйлаганда у ўзига ўзи бадтар ёмон кўриниб кетарди.

Нима қилмоқ керак? Албатта, таҳририятга қайтиб борса ҳам бўлади. Аммо озиб-ёзиб бир марта ишга бормаслика узрли сабаб чиқиб турипти: “Докторга кўрингани бориб эдим”. Бу қанақа болаларча қилиғ-а? Нега ҳамиша узр қидирмоқ керак, алдаш керак? Бошқа ёши улуғларда баркамол нозирларни кўриш одати нимаси? Бунинг устига, уларни осонгина лақиљатиб кетса бўлади. Жил ана шу кайфиятга кўнигиб қолмоқда ва бу эса уни тобора кўпроқ эзмоқда. Унинг иши-чи? Авваллари қандоқ яхши кўрарди ишини! Энди бўлса, ишини адо этишга, майли, ёмон бўлса ҳам бажаришга қурби етмай ўтирипти. Унинг учун ҳамма ишни Жан бажаряпти. Ҳадемай бутун таҳририят бундан хабардор бўлади. Уни газетадан ҳайдаб соладилар. Ҳолбуки, у газетани яхши кўрарди ва бу ерда кўп қийинчиликлар билан ҳозирги мавқеига эришган эди. Ҳайдаб юборсалар бирон-бир арзимас газетада ҳеч ким икки пулга олмайдиган қаламкашга айланади-қолади. Бадтар бўлсин. Бунақа “матбуот органларининг таҳририяларида бундай ебтўймас, очофат ярамаслар тиқилиб ётипти. Жил ҳам шуларнинг бири бўлади, биригина эмас, улфати бўлади, муккасидан кетиб ички-

ликбоззлик қиласи, оқшомлари эса тунги майхоналарда ўзининг тақдирига ачиниб кўз ёши тўкиб умрини ўтказади. Тамом-вассалом!!

На чора? Тубанлашиб бўлса, чўзиб юрмай бир йўла тубанлашиб қўяқолиш керак. Жильда бир йўлини қиласи. Жильда ҳамиша уйида. Жильда ҳар доим бошқаларга лаззат баҳш этишга ҳам, ўзи лаззатланишга ҳам ёки икковини бравар қилишга ҳам тайёр. Жильда кўп йиллардан бери битта ювошгина бразилияликнинг жорияси. Бразилиялик унинг ҳеч нарсадан тап тортмаслигига мафтун бўлиб қолган. Жильда Пассидаги квартирасидан чиқмайди ҳисоб; баъзилар қора дори кайфига чўмиб яшаганидек, Жильда ҳам ҳирсий лаззатлар уммонига шўнгигиб яшайди. Қирқ саккизга кирган бўлса ҳам, ҳали гавдаси таранг, сўлиб бораётган чехрасида шернигига ўхшаш ифодалар бор. Айниқса, ғазаби қўзиганда чинакамига шер бўлиб кетади. Жан бу аёлни Барде д'Орвильининг сўнгги қаҳрамонларидан бири деб айтган эди. Жил унинг фикрига қўшилиб қўя қолса ҳам бўларди, бироқ у хотинларни миридан-сиригача яхши биладиган одам-да: аҳён-аҳёнда Жильданинг тантанавор дағал қиёфаси замираиде алланечук жўн, жиндай китобий масҳарабоззлик сезилиб қолади. Лекин ҳар нима бўлганда ҳам, у дуруст хотин эди ва Жилни жуда яхши кўрарди. Жил такси тўхтатди — чунки мана икки ойдирки, Париж қўчаларида машина ҳайдаш унинг учун битмас-туганмас азоб-уқубатдан иборат бўлиб қолганди. У ҳайдовчига Жильданинг адресини айтди.

Бу гал Жильда истисно тариқасида уйда ёлғиз бир ўзи эди. Жил кириб борганда Жильданинг эгнида уйда киядиган гулдор кўйлаги бор эди. Кўйлак унга жуда ярашиб тушганди. Жилни кўриши биланоқ у бир дунё нозу карашмалар қилиб, уни тъяна-дашномларга кўмиб ташлади. У каравотнинг бир четига омонатгина ўтириб, Жильданинг жаврашини тинглашга чоғланди. Жильда уни ўлгудай соғиниб қолипти. У яқинда Багам оролларидан келипти. Иссик мамлакатларга сира ҳам тоқати йўқ эмиш. Ундоқ деса, шимол мамлакатларини ҳам ёқтиримайди. Ҳозир янги ўйнаш топиб олган — ўн тўққиз яшар сўтак бола. Уни эркалатиб, ҳар мақомга йўргалатиб юрипти. Лекин унинг онаси ҳам Жильдага ёқади. Виски қўйсинми, мартиними? Авваллари у мартини ичарди. Икковлари дон олишиб юрган кезларда. Уларнинг аймокланиши неча қун давом этди ўзи? Жильда уни яхши кўриб қолишига сал қолган эди-я! Ҳа, ҳа, чинакамига яхши кўриб қолай деганди. Ўн дақиқалардан кейин у жаврашдан тўхтади ва Жилга жиддий нигоҳ ташлади.

— Ҳа, яна нима дардисарни бошляяпсан?

Бу гапга икковлари ҳам кулиб юборишиди. “Ҳа, яна нима дардисарни бошляяпсан?” деган иборани улар анчадан бери қўллаб юришарди. Жилнинг безовталиги ўтиб кетди, у хотиржам бўлиб қолди, оёғини узатиб қулайроқ ўтириб олди ва жимжимадор қилиб жиҳозланган хонани лоқайд бир нигоҳ билан кўздан кечирди.

— Ҳозир доктордан келяпман, — деди у.

— Сенми? Ҳа, нима бўла қолди сенга? Ростдан ҳам озиб кетибсан. Ё бирор касални юқтириб олдингми?

У касалининг отини очиқ айтмади, лекин пичингли бир ўй Жилнинг кўнглидан ўтди. Жильда тилга олмаган сўз у ошкора айтишдан истиҳола қиладиган бирдан-бир сўз бўлса ажаб эмас.

— Хотиржам бўлавер, менда рак йўқ. Менда умуман, ҳеч нарса йўқ. Юрагим сиқилади, холос.

— Үндай бўлса гўрга, — деди у мамнунлик билан. — Жуда қўрқиб кетдим-а! Анчадан бери шунақами?

— Чамаси уч ойлар бўлди. Аниқ билмайман.

— Менга қара, — деди Жильда насиҳатомуз оҳангда, — сенинг касалинг шунчаки юрак сиқилиши эмас. Сен тушкунлик дардига йўлиққансан. Ўзинг эслагин, олтмиш иккинчи йилда мен қанака аҳволга тушган эдим...

Афтидан, бу хасталикни бошидан ўтказмаган биронта одам қолмаганга ўхшайди. Бу бир. Иккинчидан, уларнинг ҳаммаси бу тўғрида жон-жаҳди билан гапириб беришга тайёр кўринади. Ана шуниси алам қиласи-да... Жил Жильданинг асабий тушкунлик касаллигини қандай кечиргани тўғрисида ҳикоясини тинг-

лашга мажбур бўлди. Бу хасталик гўзал кунлардан бирида ўз-ўзидан ўтиб кетти. Бу воқеа Капри оролида бўлган эканми-ей... Жил бу хасталик билан ўзи, яъни Жил Лантъе кечираётган бетоблик ўргасида бирон муштарак жиҳат борми-йўқми эканини англашга тиришди. Ҳеч қандай ўхшашлик йўқ эди.

— Биламан нимани ўйлаётганингни, — деб қолди қўққисдан Жильда. — Ўйлаяпсанки, сендаги хасталик буткул бошқача. Бундай деб ўйласанг, адашсан. Сенини ҳам байни менинг хасталигимнинг ўзи. Ҳеч фарқи йўқ. Гўзал кунлардан бирида сўлим тонг чоғи сен ҳам жиблажибондек хуррамлик билан уйкудан уйғонасан... Аввалгидан фарқ қилмайдиган кайфиятда... Ёки ўзингни ўзинг пешонангдан отасан. Сен, албатта, мендан ақллироқсан, аммо сенга ҳозир ақлингдан нима фойда?

Жильда қўлини унинг тиззасига кўйиб, жиндай унга энгashiб, эркалагандай майин оҳангда гапиради.

Жил ҳайрон бўлди — нечук бу сўлим аёлнинг тиқмачоқ бадани уни ўзига жалб қилмаяпти? Авваллари Жильда билан кўришганда дарҳол унинг ҳирси жунбушга келарди. У Жильданинг кўйлагидаги очиқ жойига кўл узатмоқчи бўлиб эди, аёл унинг қўлидан тутиб қолди.

— Йўқ, — деди у, — кўриб турибманки, заррача хоҳишинг йўқ.

Шунда у бошини хотиннинг елкасига кўйди ва ёнига чўзилди. Жил кийимларини ечмай, чўзилиб ётарди. Қимир этмайди. Жильда сукут ичидан унинг бошини силайди. Жил ҳеч нарсани кўраётгани йўқ. Жильданинг шоҳи кўйлагининг бурмаларига тумшугини тиқиб олган, нафас олиши ҳам қийин, кўнгли жиндай бехузур, аммо қимир этгани мажоли йўқ. Жильда тўсатдан уни силкитди — Жил алланималарни мингирилар, гапини англаб олиш қийин эди.

— Менга қара, Жил, ҳозир Арно келади. Мен кийинишим керак. Арно мен билан аллақайси қасанғи бир қаҳвахонага бормоқчи эди. Сен шу ерда қолаверишинг мумкин. Истасанг, мен Вероникани жўнатай. У ҳинди қиз, жуда зўр, ҳаддан ташқари кўйдирмажон. Жиндай кўнглинг ёзилармиди дейман-да. Нима, ҳали ҳам Элоиза билан биргамисан?

У бу гапни энсаси қотиб, ижирғаниб айтди. Одатда собиқ ўйнашларининг бошқа бирон аёл билан алоқаси чўзилиб кетса, буни маъқулламасликларини кўрсатиб қўймоқчи бўлган хотинлар шунаقا оҳангда гапиради.

— Демак, хўп-а?

Жил фақат бир нарсани хоҳлар эди — ҳеч ким тегмаса-ю, қимирламай ётаверса... Ҳозир туриб кўчага чиқиши, Парижнинг ола-ғовур кўчалари кўйнига шўнғиши, кечқурунги соат еттида такси излашни, атлақаёқларга шошиб кетаётган одамларнинг турткilarига чидашни ўйласа, юраги безиллади.

— Майли, қолақоламан.

У Жильданинг пардоз қилаётганини, кийимини ўзгартираётганини, телефон қилаётганини кўриб туриб, чинакам ҳузур қилди. У ҳатто Арнонинг қўлини сиқиб кўришди ҳам. Арно деганлари чиндан ҳам гирт сўтак экан. Лекин ўзига етгудек олифта экан.

Сокин хонада вაльда қилинган жувоннинг келишини кутиб ётар экан, у ҳатто ўзини детектив романнинг қаҳрамони деб ҳис қилди. Ва бу унга ғалати туюлди. Жильда кетгандан кейин у меҳмонхонадаги диванга жойлашиб ўтириб олди, устига эркакларнинг халатини ташлаб олди — кимдир уни бу ерда қолдириб кетган экан, жуда қўл келиб қолди, сигарета тутатди, расмли журнални қўлига олди, ўзининг ёнига гилам устига вискили стаканни кўйди, кейин кулдонни топиш учун туришга тўғри келди, кейин Жильда жуда баланд қилиб қўйиб кетган мусиқани пасайтириш учун турди, кейин деразанинг бир табақасини очиб қўйиш учун ўрнидан турди, негаки иссиқдан бўғилиб, нафас ололмай қолган эди, кейин деразани ёпиб қўйиш учун туришга тўғри келди, негаки, бадани жунъжикиб, совуқ қотиб қолганди, кейин Жильданинг ётоғида унутиб қолдирган сигаретини олиб келиш учун туришга тўғри келди; кейин илиб қолган вискига бир бўлак муз солиб қўйиш учун туришга тўғри келди, кейин кетма-кет уч марта қайта айтган пластинкани алмаштириш учун туришга тўғри келди, кейин яна туришга тўғри келди — бу гал энди телефон жиринглаб қолганди, сўнг бошқа журнал олиш учун туришга мажбур бўлди. Бу туришларнинг

ҳаммаси чунонам Жилнинг хунобини оширдики, қўяверасиз. Хуллас, бир соат ўтгандан кейин ташқари эшикнинг қўнғироғи жиринглагандада, Жилнинг фифони шу даражада авж нуқтага кўтарилган эдик, бориб эшикни очмоқ учун ўрнидан турмади.

V б о б

У кўчалар бўйлаб уйига кетиб борар экан, тўғри, равон юрмасдан, айланма ўйлардан ўтиб борарди. Сабабки, у на тўхтай оларди, на орқасига қайта оларди. Калласи бўм-бўш хумга ўхшаб гувиллади, назарида, ҳамма ўтирилиб унга қараётгандай ва унинг нечоғлик бемаза бўлиб қолганини, аянчили эканини кўраётгандай. Ўзига ўзи ҳам шундай кўриниб боряпти. Гоҳ у назарида, бир жойда депсиниб тургандай туюлади, гоҳ эса қараса, кенг майдонни кесиб ўтипти-ю, буни ўзи ҳам пайқамай қолипти. Нима учундир у Тюильтрига бориб қолди. Шунда бир воқеа эсига тушди: ўз вақтида Дриела Рошель ҳам бу ерга гўё сайд қилиш учун — умрида сўнгги марта сайд қилиш учун келган эди. Буни эслаб, Жилнинг қулгиси қистади: ўз жонига қасд қилишга унинг ҳеч қачон юраги бетламайди, унда бундай истакнинг ўзи ҳам йўқ. У лоақал шунга ҳам қобил эмас. Унинг ожизлигини истаганча таърифлаш мумкин, фақат “мардона” ёхуд “романтик” деган таърифларгина унга тўғри келмайди. Очигини айтгандада, агар унда ўзини-ўзи ўлдириш хоҳиши туғилгандада, бу таърифлар тўғри келиши мумкин эди. Умуман олганда, истаган нажот йўлини у жон-жон деб қабул қиласади.

“Балки менинг ишим ҳам ўзимни бартараф қилиш билан тугар, — деб ўйлади гўё ўз-ўзига таскин бермоқи бўлгандай. — Бундан кейин ҳам ахвол шу бўлса, мен дош беролмайман, албатта. Бирор тадбирини кўрмоғим керак-ку? Ахир, мен...” Жил ана шу “мен” тўғрисида бир-бираига қоришиб кетган умидворлик ва қўркув туйғуси билан гўёки унинг ўрнига ҳаракат қилаоладиган аллақандай бегона одам тўғрисида ўйлагандек ўйлади. Фақат ҳозир эмас, ҳозир бундай қилолмайди, чунки ҳозир тўппончани оғзига тиқиб, ўзини ўзи отиб ташлашга қодир бўлган “мен” и йўқ. На фақат отиш, анави жойдан пастга — Сенанинг тўқ зангори сувларига ўзини ташлайдиган “мени” йўқ. Ҳозир у на қандай ўлмоғини, на қандай яшамогини тасаввур қила олади. Ҳозир у ҳеч нарсани охирига етказа олмайди. Ҳозир у фақат нафас ола билади, бир амаллаб кунини ўтказади, изтироб чекади.

Бирдан унинг вужудида қалтироқ турди ва у клубга бориб, тўйиб ичишга аҳд қилди. Албатта, бу чоралар ичиди энг аълоси эмас, бироқ у совуққотган қўлларини плашининг чўнтағига яшириб, кафтларидан елкасига, у ердан юрагига, ўпкасига борадиган ҳар бир асабини ҳис этиб, ҳар қадамда ток уришини кутгандай индамай сандирақлаб юравермайди-ку! Ҳа, роса бурнидан чиққунча ичиш керак. Уйига бўлса, бирортаси олиб бориб қўяр. Шундай қилса, лоақал кўзи ўйқу қўради-ку! Элоиза бўлса устини одеял билан ёпиб қўяди.

У клубга кириб борди, бармен билан саломлашди. Жоэлни ўзига яқин қўриб, бир тутиб қўйди, Пьер билан бир-икки оғиз мутойиба қилишди, Андре, Билл, Зогга қўлини силкиб қўйди — хуллас, таомилга кўра қилиниши керак бўлган ишларнинг барини қилди, сўнг кўп ошналари ҳузурларига чорласалар-да, барнинг ёнига бориб, узун курсига бир ўзи ўтириди. У шотланд вискисини ичди, кейин яна бир марта ичди, бироқ вискини сувдай ичди. Кейин Тома пайдо бўлди. У ҳам роса масти эди, маъносиз илжаяди. Келиб Жилнинг ёнига ўтириди. Таҳририятда — мана, тўрт йилдирки, улар зимдан бир-бирларига душман эдилар. Аллақандай бир қиз важидан, аллақандай бир репортаж баҳонасида бир можаро бўлиб ўтганди — бунинг тафсилотлари ҳозир Жилнинг эсида йўқ. Уларнинг ёвлашиши шундан бошланган. Жилнинг билгани шуки, улар уришиб қолишган. Пакана бўйли, озгин, чўзиқ башарали Тома Жилнинг ғашини келтирадиган ингичка овозда чийиллаб гапириди:

— Ие, ие, сенмисан, жонон йигит? — деб хитоб қилди у. Унинг оғзидан қўланса ичкилик ҳиди гупиллаб турарди. Жил бу ҳиддан беихтиёр сесканиб

кетди. Бугунги оқшомни муносиб якунлаш учун шу учрашув етмай турганди. — Ҳа, нега бурнингни жийиряпсан? Ёқмадимми? Айт, мен ёқмадимми?

Пьер олисдан туриб, бир нима ишоралар қилди. Бу оқшом клубда у навбатчи эди, шунинг учун Томанинг фирт мастилигини билдириб, Жилни огоҳлантириб кўймоқчи бўлди. Ҳолбуки, бу шундоқ ҳам равшан эди. Тома ҳамон хархашасини давом эттироқда.

— Ҳой, жонон ыигит! Нега жавоб бермайсан?

Шундай деди-ю, кўққисдан, атайинми ё беҳосданми — кескин ҳаракат қилиб, қўлидаги бир стакан ичкиликни Жилнинг кўйлагига афдариб юборди. Стакан полга тушиб чил-чил синди. Ҳамма жимиб қолди.

Шу лаҳзада Жилнинг ичида бир нарса узилиб кетгандай бўлди. Ҳамма нарса — рўшнолик кўмсаётгани ҳам, одамларга эҳтироми ҳам, ўзини босиб тургани ҳам фойиб бўлди, ҳамма нарса чок-чокидан сўқилиб, ғазаб алансасида ёниб кетди; Жил тўсатдан ўзини четдан туриб кўраётгандай бўлди — мана, Пьерни урятти. Шўрлик биринчи зарбаданоқ афдарилиб тушди. Жил бўлса унинг ёнида тиззалаб ўтирганича, чўзинчоқ башарасига мушт урмоқда. Жил ўзининг турмушини, ящащдан қайтган ихлосини, ўзини саваламоқда эди. Кимдир бакувват қўллари билан унинг елкасидан тутди, уни Томадан ажратиб олишиди. Жил бўлса ҳамон муштлашишда давом этар, ўзини тутолмай фарёд чекаётгандай бўларди. Кейин унинг қулоғига “Кутурмай ўл!” деган сўзлар эшитилди, кимдир жағига бир мушт тушириди. Шундагина Жил ўзини босди, қўлдан чиқаман деб юлқинмай қўйди. Ҳамма тинчиди. Жил теварагида ўнтача дарғазаб, энсаси қотган одамни, жуссаси кичик Томанинг эмаклаб, ўрнидан туроётганини кўрди, лабларида қон ва қўз ёшининг шўртак таъмини ҳис қилди. У гандиреклаганча эшик томонга юрди. Ҳеч ким унга ҳеч нарса демади. Ҳатто Пьер ҳам. Ҳолбуки, Пьер билан бутун ёшликларини ичишиб ўтказишган. Аслида, жағимга туширган ҳам Пьер бўлса керак, — деб кўнглидан ўтказди Жил. — Тўғри қилди, боплади. Сирасини айтганда, бу унинг бурчи-да! Ҳар кимки бор, аравасини ўзи судрамоғи керак.

Ўйида ҳар хил овозлар эшитилмоқда эди. У ҳайрон бўлиб остоноада тўхтаб қолди. Вақт ярим кечага етиб қолганди. У чўнтағидан дастрўмолини олиб, лабларининг чеккаларида қотиб қолган қонни артди: у уйига сон-саноқсиз даҳшатли фильмларнинг қаҳрамони Франкенштейн қиёфасида кириб бормоқчи эмас. Аввалги замонлар бўлганида-ку бу ролни ўйнаб, кўнгил очищдан тўймасди, лекин бир вақтлар унга хуш ёққан кичкина масҳараబозликлар эндиликда унинг учун маъносини йўқотган эди. Мехмонхонада Элоиза дераза олдида турарди. Ёнида Жан дўмбоқина ширин сўз дугонаси Марта билан туришилти. Элоиза Жилни кўриб сесканиб тушди. Жан ёлғондакам хотиржам қиёфада унга ўгирилди, Марта эса:

— Вой, шўрим... Жил, сизга нима бўлди? — деб хитоб қилди.

“Ҳақиқий оиласи кенгаш, — деб ўйлади у. — Мехрибон одамлар, самимий дўйстлар вафодор дугонаси билан бирга менинг ташвишимни чекишатипти... Бунинг устига, омадни қаранг — қаҳрамон жароҳат билан кириб келди”. Элоиза пахта олиб чиққани ваннахонасига югурди.

— Мен муштлашдим. Албатта, одатдагидек, қойил қилиб қўйганим йўқ. Ким билан муштлашганимни биласанми, Жан? Тома билан.

— Тома билан? Лекин афт-башарангни ҳойнаҳой Тома абжақ қилмагандир?

Шундай деб Жан бепарвогина кулди. У билагон одамдай Жилнинг галига ишонқирамади. Ахир, ҳар душанбада бекорга боксга қатнайдими?

— Йўқ, — деб жавоб берди Жил. — Бизни ажратадиганда Пьер тушириб қолди.

Шундоқ деб ўша аянчли можарони, ўзининг қаҳри қўзиб кетганини, бир одамни мириқиб урганини эслаб, тўсатдан даҳшатга тушди. “Ўзимга ўзим жирканч кўринаётганим кам эди. Энди бошқаларга ҳам жирканч кўринадиган бўлдим...” У қўлини кўтарди.

— Бўлди, бу тўғридаги гапни бас қилайлик. Эртага таҳририятда мени “ҳайвон” деб сўкишади, индинга бўлса ҳамманинг эсидан чиқиб кетади. Қайси важдан сизларни кўриш лаззатига мушарраф бўлиб турибман?

Саволни у Мартага берган эди, лекин у жавоб бермай, очик чехра билан жилмайди, қўйди. Афтидан, Жан унга “Жилнинг аҳволи ночорроқ” деган бўлса керак. Албатта, Марта “аҳволи ночорроқ” деган гапнинг тагига етолган эмас, “ночор аҳвол” қанақа бўларкин?” деб ўз кўзи билан кўргани келган.

Элоиза ваннахонадан чиқди — у эътиборини бир нуқтага жамлаган, жиддий қиёфада эди — аёллар ўзларини тиббиёт ҳамширалари қилиб кўрсатишни ўлгудай яхши кўришади. Чиқиб келибок, Жилнинг бошини орқага қайирди.

— Тек ўтири. Жиндай ачиштиради, холос.

“Энди бўлса, ўзини ғамхўр она деб тасаввур қиляпти: “Болагинам шўхлик қилиб қўйипти-ку!” Бунақа бемаъни масҳарарабозликларга мунча ўч бўлишмаса булар? Ҳозиргина “Паканаларни урмайдилар” деган мавзуда соф эркакча ўйин кўрсатишган эди, энди бўлса “Жил Лантъенинг оила бағрига қайтиши ва унинг ўзининг манфаати йўлида яқинлари томонидан уюштирилган фитна” деган мавзуда томоша кўрсатишяпти. Жан бир насиҳатгўй ролида муштлашган оғайнисини койимокда: “Ай-ай-ай, яхши эмас!” Элоиза рўзгорга муккасидан кетган бека ролини ўйнаяпти. Марта ҳеч қанақа рол ўйнаётгани йўқ, чунки баайни тўнкадай бефаросат. Акс ҳолда, у спирт солинган шишачани кўтариб, Элоизанинг ёнига югуриб келарди”.

Ёрилган лаби чиндан ҳам жуда ачишди. Жил инқиллаб, минғирлай бошлади.

— Ҳўш? — деб сўради Жан. — Даниел нима деди?

— Даниел?

— Ҳа-да. Доктор.

— Ўзинг у билан телефонда гаплашмадингми?

Жил бу гапни энсаси қотиб, тусломлаб айтди — у дўстининг ўзига нисбатан одатдаги муомаласига шама қилаётган эди. Жан одатда Жилга нисбатан оталарча, ҳомийлик билан муомала қиласар, баъзан эса ҳаддан ошириб юборар эди. У Жаннинг хижолатга тушиб қизариб кетганини кўрди ва билдики, шамаси мўлжалга тегибди. Жан чиндан ҳам қаттиқ ташвишда эди; бу гаплардан у бирдан хавотирга тушиб қолди, алланечук ваҳшиёна кўркув туйуси унинг ичини кемира бошлади — агар бу гапларнинг ҳаммаси жиннихона билан тугаса нима бўлади?

— Ҳа-я, тўғри, — деб унинг гапини маъқуллади Жан ёлғонга ҳожат қолмаган бир шароитда алдашни истамаган одамга хос сиполик билан. — Мен унга қўнғироқ қилгандим.

— Демак, сен ҳам ташвиш қилипсан-да?

— Жиндай. Яхши ҳам қўнғироқ қилганим — у мени анча хотиржам қилди.

— Шунчалик хотиржам қилиптики, сен ярим кечада келиб, мени кўришга аҳд қилибсан-да!

Жан бирдан тутоқиб кетди.

— Менинг келганимнинг боиси шуки, сенинг соат тўртда докторга кетганингдан Элоиза хабардор эди. Шу кетганча, аллақаёққа гумдон бўлибсан. Элоиза безовта бўлиб, ўзини кўярга жой тополмай қолипти. Мен уни холи қўймай далда бериб туриш учун келдим. Телефонда Даниел билан гаплашдим. Унинг фикрига кўра, сенинг асабларинг чарчаган. Шунинг учун эзгин аҳволга тушиб қолгансан. Ҳозир ўнтадан тўққизта одам Парижда шунақа аҳволда. Лекин шунақа экан деб, сен майхоналарда Тома биланми ё бошқа биронтаси биланми муштлашиб юрсанг, бошқалар бу ерда сенинг ташвишингни қилиб, изтироб чекиб ўтириши шарт эмас-ку!

Орага жимлик чўқди. Кейин Жил жилмайди.

— Узр, мени кечиринг, дадажон! Ошнанг сенга яна нималар деди?

— Шароитни ўзгартирмоғинг керак экан.

— Шунақами? Газета менга белуп чипта олиб беради-ю, мен Багам оролларига туристик сафарга жўнайман, тўғрими? Сен бу масалада хўжайин билан гаплашиб кўрасанми?

У бемаъни гапларни гапираётганини, бекорга зарда қилаётганини, бу гапларнинг ҳеч қайсиси ўринли эмаслигини сезиб турар, лекин сира ўзини тўхтатолмас эди.

— Багам оролларини жуда чиройли дейишади, — деб гапга аралашди Марта, аммо Жан унга шундай ўқрайиб қарадики, Жил хохолаб кулиб юборишдан ўзини зўрға тийиб қолди.

У лабларини қўмтиб олди, ҳар қанча оғримасин, тишлаб тураверди, яқинда қаҳр-ғазаб ичидан қандай қуюлиб келган бўлса ҳам, ҳозир томогига тиқилган кулги зўрлик билан ташқарига ёриб чиқмоқчи бўлаётганини ҳис қилас-да, чидади. У кучи борича ўзи билан ўзи олишиди, чукур нафас олишга ҳаракат қилди, аммо Мартанинг оғзидан чиқсан ибора унинг миясига ўрнашиб қолган ва нима учундир унга ҳаддан ташқари кулгили кўринарди. У томоқ қирди, кўзларини юмди ва бирдан хохолаб кулиб юборди.

У қаҳ-қаҳ уриб энтикиб-энтикиб куларди. “Багам ороллари, Багам ороллари, — дерди у кулги орасида минғиллаб гўё узр сўраётгандек. — Багам ороллари, Багам ороллари. Кўзини очганида эса қаршисида учта башаранинг саволчан назар билан анграйиб турганини кўриб, яна баландроқ овозда хохолаб кулишга киришиди. Лабидаги яраси ёрилиб кетди ва иягидан қон ирмоқча бўлиб оқиб туша бошлаганини ҳис этди ва фира-шира англадики, шу аҳволда — қонга беланганд, гоҳ кўзидан ёш чиққунча қаҳ-қаҳ ураётган, гоҳ чийдухоба қопланган ўриндиқда кулгидан силкиниб тиришаётган ҳолда нақ телбага ўхшайди. Бирдан ҳамма нарса бемаъни, ёввойи, кулгили тус олди. Бугунги кун-чи? Ё тавба, оқшомни ҳам шунаقا ўтказадими одам?! Канизагини кутган пошшодай устида бироннинг халати билан диванда тарвақайлаб ётса, кейин кутгани эшик қоқиб келганида туриб эшикни очмаса... Оҳ, қани энди, буни Жанга айтиб беришнинг имкони бўлса... Аммо кулги жазаваси сира ўтиб кетмаяпти — у ўзини тўхтатолмаяпти, бирон оғиз гап айтишга ожиз. Ниҳоят, у кулгининг зўридан инқиллаб юборди. У телба, бутун туриш-турмуши ҳам телбанамо. Шошма, нега буларнинг учкови кулмайди-я?

— Бас қил! — деб буюрди Жан. — Тўхтат!

“Ҳозир мени бир тарсаки тушириб қолади, ҳа, бир тарсаки уриши турган гап, бундай ҳолларда шунақа қилиш керак деб ҳисоблайди. Ҳамма ҳам ҳаётдаги ҳар бир ҳодисанинг ўзига муносиб қоидаси бор деб ҳисоблайди. Агар одам қаттироқ кулса, унинг юзига тарсаки тортишади, агар у қаттироқ йиглаб-сиқтаса, унга ухлатадиган дори беришади. Ёки Багам оролларига жўнатишади”.

Лекин Жан уни тарсакиламади. У деразани очиб қўйди, аёллар ўзларини ётоққа олишиди, даҳшатли қаҳқаҳа жазаваси аста-секин тўхтади. Жил ҳатто нега бунақа кулганинг сабабини ўзи билмасди. Жил, энди эса нима сабабдан юзидан илиқ ва сокин, кети-охири кўринмайдиган кўз ёшлари оқаётганини ҳам билмасди. Шунингдек, нима учун Жан костюмининг кўкрак чўнтағидан катак гулли оч кўк дастрўмолни олиб унга узатажиганини, қўли эса нима сабабдан дағ-дағ қалтираётганини ҳам идрок этмас эди.

ИККИНЧИ ҚИСМ

ЛИМОЖ

I боб

У майса устида ётганича олисда — адир устида қуёшнинг чиқишига қараб ётилти. Бу ерга келганидан бери ҳар куни жуда эрта туради, кечаси ҳам тузукроқ ухлаёлмайди, чунки Парижнинг фала-ғовур суронлари нечоғлик унинг жонига теккан бўлса, қишлоқдаги сокинлик ва осойишталик ҳам шунчалик фашлантирар эди. У опасиникига келган, ҳозир шу ерда турипти. Опаси Жилнинг фашланганини кўриб, унга билдирамай, хуфиёна хафа бўляпти. Унинг фарзанди йўқ эди, шунинг учун энг кичкина укаси Жилни ўғли ўрнида кўрарди. Унинг назаридаги икки ҳафта мобайнинда укасини оёққа турғизиб юбора олмагани Ли-музенга тўғридан-тўғри ҳақорат эди. Жонажон ўлканинг мусаффо ҳавоси ва, умуман, уларнинг оиласи шаънига доғ эди. Албатта, “асабий хасталик” тўғри-

сида газеталарда босиладиган мақолаларга Жилнинг опасини ҳам қўзи тушиб турарди, лекин буни у жиддий бир хасталик деб ҳисобламас, балки баъзи бир нозиктаъб одамларнинг инжиқлиги деб биларди. Мана, қирқ йилдирки, Одилия ҳавас қиласиган бир фидойилик билан бутун борлигини эри билан рўзгорига бахш этиб яшарди. У жуда меҳрибон аёл эди, лекин хаёлот дунёси йўқ эди, ҳисоб. Шунинг учун истироҳату семиз бефшекслар кундалик сайрларга кўмилиб ҳар қандай беморни ҳам даволаб тузатиб юбормаслигига сира ишона олмасди. Жил эса шифо топиш ўрнига озига кетяпти. У индамас бўлиб қолди, баъзан эса ҳатто уйдан чиқиб, кетиб ҳам қолади. Масалан, Одилия эри Флоран билан ҳозирги воқеалар тўғрисида гап бошлаганида шундай бўлди. Одилия нинг яқинда харид қилинган жуда зўр телевизори бор эди, у бир эмас, иккита программани қабул қиласи. Одилия шу телевизорини қўйса, Жил ўзининг хонасига кириб, ичидан беркитиб олади-да, эртасига эрталаб чиқади. Узи-ку ҳамиша ҳар нарсаларни чалкаштириб юргувчи эди, энди ўзининг Парижидаги бутунлай ақлдан озига қолган кўринади. Шўрлик Жил!.. Энг ажабтовур жойи шундаки, Одилия унинг бошини силаганида Жил юлқиниб туриб кетмади, ўзини эркалатишга йўл қўйиб берди, опаси тўқиши билан андармон бўлиб ўтирганда Жил ҳам унинг ёнида курсичада индамай мўлтираб ўтириди. Гўё опасининг шу ердалигидан унинг ичига чироқ ёқилаётгандай эди. Одилия ҳар балоларни жавраб ўтириди. Фира-шира сезиб туриптики, бу гапларнинг ҳеч қайсиси уласини қизиктирмайди, лекин нечукдир унга хотиржамлик бағишлайди, фаслларнинг алмашиши, ҳосилнинг чўфи, қўни-қўшниларга ўхшаган доимий мавзулар каби хотиржам қиласиги.

Жил Парижда кечирган ўша изтиробли кундан кейиноқ дарҳол жўнаб кетишига қарор қилди. Лекин қарз дегани унда бисёр эди-ю, пули йўқ эди. Бундан ташқари ҳар қандай нотаниш одам унда кўркув уйғотарди. Шунинг учун у Одилияницидан бошпана топишга қарор қилди. Уйи анча нураб, тўкилиб қолган эди. Бу уй ота-оналаридан қолган бўлиб, улар вафот этганларидан кейин эри Флоран билан бу ерга кўчиб ўтган. Флоран нотариус эди, аммо болалардай ювош ва иш юритишга укувсизроқ эди. Тирикчилиги ижарадан оладиган жиндай маблағ-у, рентадан келадиган арзимас даромад ҳисобига эди. У кундалик ҳодисалардан ажралган ҳолда, ўзи билан ўзи овора бўлиб ҳаёт кечирадиган одам эди. Жил опасиникида ўлгудай зерикишини биларди, лекин бу ерда лоақал ўз-ўзидан қочиб қутулмоғи мумкин-ку! Агар Парижда қоладиган бўлса — сезиб турилти — анави тутқаноқлари борган сари кўпроқ тутади. Опасиникида лоақал шу бемаъни тутқаноқлари тутмаслиги мумкин. Ҳар ҳолда, у яна ўзини ерга отиб тириша бошласа, бунга Лимузен яйловларида ўтлаб юрган қўйларгина гувоҳ бўлади-ку! Ҳар ҳолда, ўз дўстларинг ва ўз маҳбубангнинг кўз ўнгидаги йиғлаб-сиқтаб нола-фигонлар қиласидан кўра, қўйлар даврасида қиласиган маъқулроқ-ку! Бундан ташқари, туғишидан опасининг ҳузурида бўлмоқ, бошқача айтганда, сен билан табиий, қондош ришталар орқали боғланган ягона одамнинг суҳбатини олмоқ — унинг назарида самоларнинг унга юборган неъмати бўлиб кўринди. Ҳар қандай сунъийлик, ҳар қандай зўракилик уни даҳшатга соларди. Энди ҳеч кимнинг олдида ўзига ўзи дашном беришига ҳожат қолмади. Париждаги уйни Элоизага қолдирди, газетада унинг ишини Жан бажариб туради — уларнинг икковига ҳам Жил бир ойдан кейин соғайиб қайтиб келишга қаттий ваъда берди.

Мана, у икки ҳафтадан бери опасиникида, лекин тузалиш ўрнига, тобора умидсизликка тушиб бормоқда. Бу ернинг табиати жуда ажойиб — буни кўзлали билан кўрди, лекин юракдан ҳис этмади. Ота-онасининг уйи — ҳеч шакшубҳасиз — унинг учун жуда қадрли, лекин бу уйда у тасалли топмади: ҳар бир девор, ҳар бир бурчак унга қараб, гўё “Авваллари сен бу ерда баҳтиёр эдинг, унда сен яхши эдинг” деяётгандай, энди бўлса, у боғнинг хиёбонларида ёхуд уйнинг йўлакларида ўғрига ўхшаб қисиниб-қимтиниб, ёнламасига юради. Ўғри бўлгандга ҳам, қароқчига талангандаги ўғри — унинг бор-йўғини ҳатто болалигини ҳам ўғирлаб кетишиган.

Қўёш кўтарилиб, яшил ўтлоқни нурга кўмди. Жил юзини шудрингли майсанга ботирди, бошини ўнгга, сўлга буриб, шошилмасдан ернинг ҳидини сими-

ришга ҳаракат қилди. Шу билан у кўнглида ўзини баҳтиёр ҳис қилишдан туғи-ладиган ҳузурни тирилтиromoқчи бўлди. Авваллари бу ҳузур ўз-ўзидан пайдо бўлар эди. Лекин на илож — шунчалик жўн туйгулар ҳам буюрган билан пайдо бўлавермас экан! У ўзига ўзи жирканч туюларди — гўё у ўзини табиатни сева-диган одам қилиб кўрсатиб, уччига чиқсан масҳарабозлик қилаётгандай. Бир вақтлар бир аёлни ёниб севган эркак кўксидаги эҳтироси сўнгандан кейин шу аёл билан бир тўшакда ётиб қолса, шунаقا ёқимсиз туйгуларни кечиради, юра-ги юмулиб қолган бўлса, ундан севги садолари эшитилмай қолган бўлса-ю, эркак киши ўша аёлга бир замонлардаги каби муҳаббат сўзларини айтса, эски қилиқларини такрорласа, ўзига ўзи шунаقا жирканч кўриниб кетади. Жил ўрни-дан турди, устидаги полувери намиқиб кетганини кўрди ва уйга йўл олди.

Бу уй анча кўхна эди. Томи ҳаворанг, устига иккита жажжигина отнинг шакли қўндирилган, олд томонида айвончаси бор, орқасида адр кўриниб тура-ди. Йилнинг ҳамма фаслида ва ҳар соатида бу уйдан арғувон гулининг ҳиди анқиб туради. Ҳар ҳолда Жилга доимо шундай туюлган. Мана ҳозир ҳам Жил каллаи саҳарлаб, эрталабки аёздан бадани жунжикиб, ошхонага кириб келар экан, шуни ўйлади. Одилия аллақачон уйқудан турган ва халатини елкасига ташлаб олган кўйи қаҳва қайнатмоқда эди. Жил уни ўпди. Опаси саҳари мар-дондан шудрингли майса устида ётса, зотилжамга чалиниб қолиш ҳам ҳеч гап эмас, деган маънода ғудранди. Шундоқ бўлса ҳам у опасининг ёнида ўзини яхши ҳис қилар, кофе ҳидини туйиши, унинг атрини искаш, ўчоқда тутаб ёнаёт-ган ўтин ҳидини ҳидлаш унга хуш ёқмоқда. Кўққисдан Жил анави каттакон майла мушукнинг ўрнида бўлгиси келиб кетди: мушук сандиқнинг устида чўзи-либ ётипти. Мана, эндиғина уйқудан уйғонишини ихтиёр этдилар. “Ё тавба, ё Парвардигор! Мана буни ҳақиқий яшаш деса бўлади — бирам оддий, бирам тинч...” Надоматлар бўлсинким, ана шу ошуфтажон кўхналиқ қўйнига Жил бир неча дақиқагина ташлана олади — шу заҳотиёқ ҳаёт ўзининг жамики таш-вишлари ва ғалвалари билан уни бошдан-оёқ чулғаб олади. Бамисоли тозилар галаси қувиб бораётган кийикка уч дақиқагина нафасини ростлаб олишга им-кон бергандек. Кейин қувиш яна давом этаверади. Шу пайт ошхонага Флоран кирди. Унинг устида халат бор эди. У ҳам паканагина, хотинига ўхшаб тўладан келган. Бироқ унинг катта-катта кўzlари кўлни эслатар ва лоларагн юзига ада-шиб ўрнатиб қўйилганга ўхшарди. Унинг ғалати одати бор эди — теварагида бўлаётган ҳодисаларнинг ҳаммасини алланечук қилиқлари билан шарҳлаб ту-рарди. Масалан, уруш ҳақида гап қўзиси қолса, у тирсагини букиб қўли билан юзини тўсиб оларди. Ёки муҳаббат ҳақида гап кетганда бармогини лабига қўярди. Шунинг учун Жилни кўриши билан бир қўлини баланд кўтариб, у билан шу қадар баланд овозда саломлашдиди, уларнинг орасида камида юз метр масофа бор деб ўйлаш мумкин эди.

— Хўш, қалай? Яхши ухладингми, азизим? Яхши тушлар кўрдингми?

Шундай деб унга муғомбirona назар ташлади. У қайнисининг беморлигига асти ишонгиси келмас, унинг аҳволига ўнгидан келмаган бирор ишқий саргу-зашт сабаб деб ҳисобларди. Жилнинг “унақа эмас” деб тихирлик қилиши зар-рача фойда бермади. Ёввош нотариуснинг назарида Жил ашаддий хотинбозу, бу гал биронта ялмоғизнинг тузогига илиниб қолган. Шунинг учун Жилнинг ялпайиб ётганини кўрганда унга тасалли бермоқ мақсадида “Биттасини бой берсанг, ўнта янгисини топасан” деганга ўхшаш бирон илмоқли гап қиларди ва бу гапни айтатуриб иккала қўлининг панжаларини куч билан кериб оларди. Бунақа ҳазилларни эшитганда Жилнинг қаҳ-қаҳ уриб қулгиси келар ва айни чоқда жаҳли чиқарди, шунинг учун индамай қўя қоларди. Бироқ жиндай муло-ҳаза қилиб кўриб, Флоран унинг аҳволини шунчалик ёмон билишини кўриб хурсанд бўларди. Нима деяоласиз, эҳтимол, суриштириб келса, унинг гапида ҳам ҳақиқат бордир. Шу чалкашликларнинг бари ишни бир мунча юмшатди. Ўзи шунаقا бўлади — бирор кимса юқумли сариқ касали билан оғриб қолса, оғайниси уни кўргани келади-да, ёстиққа бош кўйиб ётган одамнинг ранги лимондай сарғайиб кетганини кўриб, беморнинг сочи тўқилиб кетганига ёзғу-ради.

— Соат неча бўлди? — деб сўради Флоран хуррамлик билан. — Саккиз бўлдими? Кунни қара-я! Мунча сўлим бўлмаса?

Жил бир сесканиб, деразага ўтирилди. Дарҳақиқат, уни жуда сўлим кун кутарди. Бозор қилиб келгани опасини қўшни қишлоққа олиб бориб келмоғи керак, ўзи ҳам газета, журнал, сигареталар харид қиласди, қайтиб келгач, айвонда ўтириб, тушликкача ўқийди, кейин ўрмонни сайр қилиб келади, сўнгра кечки овқатдан олдин Флоран билан виски ичишади-да, эртароқ бориб ухлайди. Ҳа, жуда эрта ухлашга йўл олади, ахир, кечки соат саккиздан бери тинибтингчимаётган опаси ҳам бир оз ҳордиқ чиқарсин-да! Ниҳоят, телевизорини қўйиб, жиндай кўрсинг. Нима сабабдан эканини ўзи билмайди, лекин Жил телевизорни жуда ёмон кўриб қолган. Буни бирордан яшириб ҳам ўтирумайди. Бир дақиқа унинг виждони қийналди — опасини хузур-ҳаловатдан маҳрум этишга унинг нима ҳақи бор? Наҳотки, телевизор қаршисида ўтириш шунақа гуноҳи азим бўлса? Ахир, опасининг турмуши ҳам яйраб-яшнаб кетган эмас-ку? У Одилияга энгашди.

— Бугун кечқурун сизлар билан бирга телевизор кўраман.

— Вой, йўғ-е! — деб эътироуз билдириди опаси. — Фақат бугун эмас. Биз ҳаммамиз бирга Руаргларникига борамиз. Тунов куни сенга айтувдим-ку.

— Ундаи бўлса, телевизорни бир ўзим мазза қилиб кўрарканман-да, — деди у ҳазиломуз.

— Вой, эсинг жойидами? — деб хитоб қилди Одилия. — Сен ҳам борасан! Руарг хоним илтимос қилган. У сени беш ёшингдан бери билади...

— Мен сеникига меҳмонма-меҳмон юргани келганим йўқ! — дея даҳшатга тушиб қичқирди Жил. — Мен бу ерга дам олгани келганман. Руаргларникига бормайман, тамом.

— Йўқ, борасан, нодон! Мехр деган нарса борми сенда ўзи, безори?

Гўё болалик кезларидаги талашиб-тортишишлари бирдан янгидан жонланниб қолгандай, уларнинг икковлари ҳам овозлари борича бақира бошлишди, қўрқиб кетган Флоран эса қулгили тарзда қўлларини силкитиб, икковларини тинчтишга беҳуда уринарди. У гоҳ маромини йўқотиб қўйган дирижёрдай жонжаҳди билан иккала қўлини силкитар, гоҳида эса жазавага тушган роҳибдай бармоғини насиҳатомуз тарзда юқорига ниқар эди. Лекин буларнинг бари беҳуда эди. Бўрон кам деганда беш минут давом этди. Жанжал мобайнида кимлар тилга олинмади-ю, қандай таъна-дашномлар айтилмади! Марҳума оналари ҳам, Жилнинг суюқёклиги ҳам, одоб-ахлоққа риоя қилиш кераклиги ҳам қолмади. Ҳатто Одилиянинг ўта бефаҳмлиги ҳам ўртага тушди, буни, албатта, Жил айтди. Буни эшитиб Одилия ҳўнграб йиглаб юборди. Флоран уни қучиб олди ва муштини кўрсатиб, Жилга таҳдид қилди, ҳатто у томонга боксёrlардай бир қадам ташлаб ҳамла ҳам қилди. Шунда ҳанг-манг бўлиб қолган, мағлуб бўлган Жил ҳам Одилияни қучди-да, опаси билан истаган жойига боришга тайёр эканига қасам ичди. Буни эшитиб, эру хотин “ҳар ҳолда ёмон бола эмассан-да” деган эътироф билан Жилни тақдирлашди. Кейин кечки соат саккизда уччовлари Флораннинг шалаги чиқиб кетган “ситроэн”га ўтиришиб йўлга чиқишиди. Аммо Флоран машинани шунақа бир чапдастлик билан ҳайдадики, эру-хотинлар унинг уйидан Лиможгача бўлган ўттиз чақиримлик масофани босиб ўтгунларича Жилнинг руҳий ташвишларини ўйлашга буткул имкони бўлмади — у жонининг омон қолишини ўйлаш билан банд эди.

П б о б

Лиможда қадимий ҳаворанг меҳмонхоналардан бир нечтаси сақланиб қолган эди. Ҳозир улар борган сари кам учрайдиган бўлиб қолган. Жаноб Руаргларнинг меҳмонхонаси шунақа сўнгги нусхалардан бири эди. Кўпгина йиллар муқаддам Лимож аҳли ёппасига ҳаворанг баркутга ўч бўлиб қолди; фақат баъзи бир оиласаргина кўпинча молиявий сабаблар билан ёхуд ўтмишга садоқатлари юзасидан жиҳозларини янгиламади. Жил Руаргларнинг меҳмонхонасига қадам қўйиши билан оллик хотираларига чўмди — юзлаб марта бўлган оқшомги

чойхўрликлар неча мартараб юмшоқ ўриндиқда ўтириб, ота-онасини кутганлари, оқиши ҳаворанг кўринишдаги хаёлот парвозлари... Аммо Жил ўгирилиб ултумасдан уйнинг бекаси — оқ сочили, икки бети қип-қизил кампир уни қучоқлаб бағрига боса кетди.

— Жил, азизим, жонгинам Жил! Сизни кўрмаганимга йигирма йил бўлдиёв! Лекин сиз ўйламанг, эрим билан иккимиз сизнинг мақолаларингизни ўқиб борамиз, чиқишиларингизни кузатиб турдимиш... Албатта, биз сизнинг ҳамма фикрингизга ҳам қўшилавермаймиз, чунки икковимиз ҳамиша бир оз эскичароқ одамлар бўлганмиз, — деб қўшиб қўйди у гўё беозор шўхликларини тан олаётгандай, — лекин сизни қизиқиш билан ўқиймиз... Биз томонларда ҳали кўп бўласизми? Одиллия айтгандай бўлувди — камқонлик хасталигига чалинган эмишизми?.. Келганингиз бирам яхши бўлди-ей... Қани, юринг, мен сизни ҳаммага таниширий.

Ҳанг-манг бўлган, лол қолган Жил кампирнинг қучоқлашларига, пайпаслашларига, мақтovларига лом-мим демай чидаб туриб берди. Меҳмонхонада одам кўп, ҳамма тик туриб гурунглашмоқда эди, фақат учта мўйсафидгина стулларга ўтириб олганди. Жил буни қўриб ваҳимага тушди. У опасига еб юборгудай ўқрайди, лекин опаси жуда шоду хуррэм эди. У қанот боғлагандай меҳмонхона бўйлаб елиб-югурад, фақат ўқтин-ўқтин аллақандай нотаниш одамларнинг олдиди тўхтаб, курсандлик билан уларнинг бўйнига ташланар эди. “Бу ерда бўлмаганимга қанча бўлди-я? — деб ўйлади Жил. — Ё тавба, отам ўлгандан бери бу ерда бўлмабман. Демак, ўн беш йил бўлипти. Лекин ҳозир нима қилиб юрибман бу ерда?” У ўй бекасига эргашиб, меҳмонларни айлануб чиқяпти, ўнтача хонимнинг қўлидан ўпди, ўнтача эркакнинг қўлини қисди ва ҳар гал уларнинг ҳар бирига илжайиб қарашга ҳаракат қилди, лекин аслини суриштирганда бу одамларнинг деярлик ҳаммаси Жилга нотаниш эди. Лекин тўғрисини айтганда бу нотаниш одамлар ичидаги хушрой ва башанг кийинган аёллар кўп эди. Охир-оқибатда у ўриндиқда ўтирган қайси бир мўйсафиднинг ёнига жойлашди. Мўйсафиднинг айтишича, у Жилнинг марҳум отасининг эски дўстларидан экан. Кейин у мамлакатнинг сиёсий аҳволи тўғрисида Жил нима деб ўйлашини сўради ва шу заҳотиёқ ўзи сиёсий аҳволни ҳижжалаб тушунтиришга киришди. Мўйсафиднинг устига жиндай эгилиб олган Жил ўзини эшистаётганга солиб турди. Шу пайт Руарг хоним унинг енгидан тортиб қолди.

— Эдмон, — деб хитоб қилди у мўйсафидга қараб, — қўйсангиз-чи, йигит бечорани қийнаб нима қиласиз? Жил, мен сизни Сильвенер хоним билан танишитирмоқчиман. Натали, танишинг: Жил Лантъе.

Жил ўгирилди. Рўпарасида новчагина гўзал жувон унга жилмайиб турарди. Унинг соchlари малла эди, зангори кўзлари дадил бокарди, юзида шаддод ва шу билан бирга меҳрибон бир нигоҳ сезилиб турарди. У ўзига ярашган табассум билан паст овозда: “Яхшимисиз” деди-да, шу заҳотиёқ нари кетди. Бунга ҳайрон бўлган Жил унинг орқасидан қараб қолаверди. Унинг бутун қиёфаси ловлов ёниб турган алангага ўхшар эди. Бу аланга кўхна меҳмонхонанинг ранги униқиб кетган ҳаворанг барқутига сира мос эмас эди.

— Бу мамлакатнинг иззат-нафси масаласига бориб тақалади... — деб яна фўнғиллашга тушди толмас мўйсафид. — Ие, Сильвенер хонимнинг ҳусни жамолига маҳлиё бўлиб қолибсиз-ку! Шахримиз маликаси!.. Кошки эди мен сиёнинг ёшингизда бўлиб қолсам... Узим билардим-а! Бизнинг ташқи сиёсатимиз масаласига ўтадиган бўлсак, Франциядек улуғ бир мамлакат...

Кечки тамадди чўзилгандан чўзилди. Соҳибжамол Сильвенер хонимнинг рўпарасида столнинг нариги бошида ўтирган Жил ўқтин-ўқтин жувоннинг ўзига йўналтирилган хотиржам, хаёлчан нигоҳини пайқаб қоларди. Бундай нигоҳ унинг ўзини тутиш тарзига мос келмасди. Жувон кўп жаввар, унинг теварагида қаҳқаҳа тинмасди. Жил уч-тўрт марта енгил киноя билан унга қараб қўйди. Кўринишидан, у чиндан ҳам ўзини Лимузеннинг маликаси деб ҳис қилар ва Париждан келган журналист йигитга манзур бўлишни истарди. Аввалги вақтлар бўлса вилоят судидаги бир мансабдорнинг хотини билан икки ҳафталик дон олишиш унинг учун зўр бир эрмак, ажойиб саргузашт бўларди. Пойтахтга қайтгандан кейин бу саргузаштни Бальзакона тафсилотлари билан ҳикоя қилиб

бериб, роса ошналарининг ҳавасини келтирган бўларди. Лекин ҳозир унда ишқий саргузаштларга тариқча ҳам иштиёқ йўқ. У ўзининг дастурхон устидаги қўлларига қаради — озгин, ожиз қўллар. Уларни кўриш билан Жил тезроқ бу ердан кетишини истаб қолди.

Дастурхондан туришлари биланоқ у кичкина боладек Одилияга ёпишиб олди. Одилия укасининг юзи бир бурда бўлиб қолганини, қўллари қалтираётганини, кўзлари тўла илтижо эканини пайқади. Укасининг аҳволидан биринчи марта чинакамига қўрқиб кетди ва Одилия Руарг хонимдан узр сўради, ширакайф Флоранга “орқамдан юр” деб ишора қилди. Улар “инглизчаси”га хайр-маъзурни нася қилиб жуфтакни ростлашди. Машинада Жил жунжикиб, дар-даф тит-рар ва ҳадеб тирнорини гажирди. У ич-ичида ҳамма худолар номига қасамёд қилиб борарди — йўқ, бошқа кўнгилчанлик қилмайди, ортиқ ҳеч қаёққа бормайди.

Натали Сильвенер масаласига келсак, у биринчи қарашдаёқ Жилни яхши кўриб қолган эди.

III б о б

Жил Лантъе балиқ овламоқда. Тўғрироғи, Флоран балиқни қандай овлаётганини беписанд томоша қилиб ўтирипти. Флоран эса минг хил найранг ишлатиб, ўлакса чувалчанглари билан балиқни алдаб, ушлаб олиш умидида. Лекин балиқ мугомбирроқ экан. Вақт пешинга яқинлаб қолган эди, қўёш забтига олиб қиздира бошлади, балиқчилар свитерларини ечиб қўйишиди ва Жил анча вақтдан бери биринчи марта чинакамига роҳат қилаётганини ҳис қилди. Сув ҳаддан ташқари тиник эди. Жил қорнига ётиб олиб, анҳор тубидаги турфа хилдаги юмалоқ тошларни томоша қилди. Тўда-тўда балиқларнинг сехрли сузишларини кузатди. Улар Флораннинг қармоғига ташланишар, эпчиллик билан чувалчангни ажратиб олишарди-да, бамайлихотир қочиб қолишарди. Флоран эса пўкак қимирлаганда, қармоқни силтаб тортар, лекин балиқ илинмаганини кўриб чангитиб сўкишга тушарди.

— Қармоғинг жуда йўғон экан, — деди Жил.

— Зогора балиққа шунақаси керак-да! — деди аччиғи келиб Флоран. — Масхара қилаверма! Ундан кўра, ўзинг тутишга урнаб кўр.

— Саломат бўлсинлар, — деди Жил салмоқлаб, — шундоқ ҳам аҳволим ёмон эмас. Шошма, бу ким бўлди?

У юраги така-пука бўлиб ўрнидан турди: сўқмоқдан аллақандай бир аёл тўғри улар томон келарди. Жил қаерга бекинсамикин деб теварак-атрофига кўз юргутириди. Лекин соҳилда ястаниб ётган теп-текис, силлиқ ўтлоқда яширинадиган жой йўқ эди. Аёлнинг соchlари офтобда ялтиради. Жил уни дарров таниди.

— Бу Натали Сильвенер! — дея хитоб қилди Флоран ва қип-қизарид кетди.

— Нима бало, жигарингдан урганми? — деб ҳазиллашди Жил, аммо поччасининг fazabdan чақнаган кўзларини кўриб, тилини тишлаб қолди.

Натали Сильвенер уларга анча яқинлаб қолди. У жуда ҳам жозибали эди — қадди-қомати келишган, табассуми ўзига ярашган, чарақлаган қўёшда кўзлари қисинқираган, тунов куни оқшомдагига қараганда кўзлари янада зангорироқ кўринарди.

— Сизларни олиб келгани мени Одилия юборди. Ўтган гал мен унга “кириб ўтарман” деб ваъда бергандим. Ваъдамнинг устидан чиқдим. Қалай, илингатими?

Балиқчилар ўринларидан туришди. Флоран ўсал бўлиб пақирчасини кўрсатди — унда биттагина балиқча бор эди, холос. Мадам Сильвенер хохолаб кулиб юборди ва Жилга ўгирилиб сўради:

— Сиз-чи? Ёки сиз томошабин, холосми?

У жавоб бериш ўрнига кулди. Натали балиқчиларнинг рўпарасига ерга чўнқайиб ўтириди. У энгига жигарранг чарм юбка, жигарранг полувер кийган, оёғида паст пошна туфли бор эди — аввалгига қараганда анча ёш кўринарди. “Ёши

ўттиз бешларда чиқар” деб чамалади Жил. Ҳозир у Наталидан унча ҳадиксирамай қўйган эди — тўғрироғи, энди у ортиқ бегона туолмай қолганди.

— Қани, санъатингизни намоён қилинг-чи, — деди жувон Флоранга. Яна аввалги аҳвол айнан такрорланди: сузгич сувга шўнғиди, Флоран қармоқни силтаб тортди, аммо ипнинг учиди қармоқдан бошқа ҳеч нарса йўқ эди. Жил хоҳолаб кулиб юборди, Флоран эса қармоқнинг дастасини ерга улоқтириди-да, ясама газаб билан уни топтай бошлади.

— Бўлди-ей! Кетаман уйга! — деб хитоб қилди у. — Хоҳласангиз уйга бориб, сизларга “Порто-флип” коктейли қилиб бераман.

— “Порто-флип” дейсизми? — деб ҳайрон бўлди Жил. — Бунақа коктейл ҳали ҳам борми?

Жил билан мадам Сильвенер жиндай кулишиб, Флораннинг орқасидан қараб қолишиди. У иккита қармоғи, йиғма курсиси ва пақирчаси билан лапанглаб адирга ўрмалаб бораради. Ниҳоят, кўздан фойиб бўлди. Жил билан Натали ёлғиз қолиб, бир оз ўнғайсизланишиди. Жил бир майсани узиб олиб, навданинг белидан тишлади. У жувоннинг ўзига синчиклаб қараб турганини ҳис қилди ва кўнглидан фира-шира фикр лип этиб ўтди — мабодо ҳозир қўлимни чўзсан... Аёл нима деб жавоб бераркин — бир тарсаки туширадими ёхуд иш бўса билан тамом бўладими — Жил буни билмасди. Лекин нимадир рўй беради. Бунга ишончи комил. Аммо мужмал ҳолатларни у аллақачон унтиб юборган, Парижда ҳамма савдо очиқ-оидин, ошкора, кўтара бўларди, ҳаммаси осонликча қўлига кира қоларди. У томоқ қирди, нигоҳини кўтарди. Жувон ўтган ўша зиёфатдагидек унга хаёлчан назари билан термулиб турарди.

— Опам билан кўпдан дугонамисизлар дейман?

— Йўқ. Очифини айтсам, менинг келганимни кўриб, у ҳайрон бўлди.

Шундай деди-ю, индамай қолди. “Жуда соз, — деб ўйлади Жил, — демак, жавоби бўса бўларкан. Пойтахтдан олис жойдагилар ҳам анойи эмас. Аммо бу жувоннинг нимасидир бор эдики, у Жилнинг сурбетлигини жиловлаб турарди.

— Нега келдингиз, бўлмаса?

— Сизни кўрмоқчи бўлдим, — деб бамайлихотир жавоб берди у. — Ўша куни дафъатан менга ёқиб қолдингиз. Шунинг учун сизни яна бир марта кўриб кетай деб келдим.

— Жуда яхши қилибсиз-да...

Жувоннинг овозидаги хуррам ва хотиржам оҳанглардан Жил анча-мунча хижолатга тушди. У калавасининг учини йўқотиб қўйган эди.

— Ўша оқшом дабдурустдан кетиб қолганингиздан кейин ҳамма сизни гийбат қиласабошлади. Турмуш тарзингиз, асабларингизнинг хасталиги тилга олинди... Бу жуда фалати қўринади менга. Шундоқ авлоқ жойда Фрейд бўлса, чиндан ҳам фалати қўринади-да.

— Хасталик белгилари тўғрими-йўқлигини текширгани келдингизми?

Энди у яна газабдан қутуриб, тутақа бошлаган эди. Ахир, инсоғ ҳам керакда, уни бемор деб роса фийбат қилишса, яна бу хотин тап тортмай унинг ўзига айтиб ўтиrsa...

— Мен, ахир, айтдим-ку, сизни кўргани келдим деб. Сизнинг дардларингиз билан нима ишим бор менинг? Юринг, бориб, “парто-флип” ичамиз.

Жувон енгилгина сапчиб ўрнидан турди, Жил эса ётганича қоловерди ва ҳаммаси бирдан узилганига энсаси қотди. У юмулган киприклиари тагидан аёлга қараб тураганда ҳам зарда билан, хафа бўлгандай қаарарди ва билардики, мана шундай қараши унга жуда ярашиб тушади. Шу чоқ аёл қўққисдан унинг ёнига чўккалади ва бошини қўлига олиб, унга энгашди, юзларига жуда яқинлаб борди-да, сирли бир табассум билан жилмайди.

— Мунча ҳам озғинсиз-а! — деди жувон оҳиста.

Улар бир-бирларига синчиклаб тикилишиди. “Агар у мени ўпадиган бўлса, ҳаммаси тамом! — деб ўйлади Жил. — У билан сира бошқа учрашмайман. Лекин афсус, чатоқ бўлади-да”. Бу бемаъни аҳмоқона фикр хаёлидан лип этиб ўтди ва бирдан юраги ўйнаб кетди. Бу орада жувон сапчиб туриб, Жилга қарамай, юбкасини қоқиб тузата бошлади. Жил ҳам ўрнидан туриб, унинг кетидан эргашди. Ярим йўлга етганда у бир лаҳза тўхтаб қолди ва жувон унга ўтирилди.

— Менга қаранг, балки сиз жиндай жиннироқдирсиз?

Бирдан жувоннинг чехраси жиддий қиёфа касб этди ва у бирданига ўн ёшга қариб кетди. Жувон бошини чайқади.

— Сира ҳам-да...

Шундан кейин то уйга етиб боргунларича бир-бирларига лом-мим деб оғиз очишмади. “Порт-флип” анчагина совутиб қўйилган экан. Бу жойларда Натали Сильвенернинг шуҳрати анча баланд экан — ҳаяжондан қизариб кетган Одилия унинг теварагида гирдикапалак эди, Флоран эса меҳмоннинг шарафиға тоза курткасини кийиб олипти. Меҳмон жувон яна ярим соатча ўтири, хушмуомалик билан гап сотди, кейин Жил уни машинасигача кузатиб қўиди. Агар шаҳар музейидаги Матис кўргазмасига боргингиз шунчалик қистаб кетаётган бўлса, эртага кундузи кириб сизни олиб кетаман, — деди у Жилга.

Жил кечга қадар жуда тунд кайфиятда, зардаси қайнаб юрди ва ҳар доимгидан ҳам эртароқ ухлагани кириб кетди. “Нима жин урди яна менга? Нега бу ортиқча юкни елкамга ортиб олдим? Биламан, ҳаммаси Лиможнинг теварагидаги бирон қишлоқ ишратхонасида тамом бўлади, ҳали мен вазифамни эплолмай шарманда бўлмасам гўрга эди. Бундан ташқари, эртага музейда икки соат роса диққинафас бўлмоғим керак. Жинни-пинни бўлиб қолмадиммикин?” У жуда эрта турди, бугун қилиши керак бўлган ишларни эслаганда, юраги гурсиллаб уриб кетди. Сўнгги кунларда у қишлоқдаги зиқлилка ўрганиб қолганди. Барқарор бир аҳволга келиб қолган бу зиқлилк унинг кунларини тўлдириб турган эди. Афсус, энди у бузиладиган бўлди. Уйда телефон ҳам йўқ эди. Натали Сильвенерни огоҳлантириб ҳам бўлмайди. Уни кутишга тўғри келди.

IV боб

— Хўш, қалай? — деди у. — Мамнунмисиз?

Бутун гавдаси терга ботган, ҳансираган, таҳқирланган кўйи у чалқанча ётиб олди. Наталига ноўрин таъна қилгани учун ўзини яна бадтар таҳқирланган ҳис қилди — ахир, уни бу тўшакка ўзи етаклаб келди-ку! Улар йўл бўйидаги чойхонада бир оз тамадди қилишди, Жил бўлса хўжайинга бир даста пул тутқазиб, мана шу зорманда хонага эга бўлди. Натали бўлса Жил бу гапни унга маълум қилганида миқ этиб оғиз очмади. Унга бирор оғиз гап қайтармади, лекин унга ёрдам бермоқ учун ҳеч нарса қилгани ҳам йўқ. Ҳозир эса Жилнинг ёнида қип ялангоч, хотиржам ва ҳатто лоқайдайдай ётили.

— Нимасига мамнун бўлай? Қиёғангиз бирам қаҳрли...

Натали жилмайди. Жил зарда билан хитоб қилди:

— Хўп деяверинг, эрқак учун бу унча ёқимли эмас.

— Аёл учун ҳам, — деди у хотиржам оҳангла. — Лекин сен ҳаммаси айнан шунақа бўлишини аввалдан билган эдинг-ку. Унақа десам, мен ҳам аввалдан билганиман. Сен атайнин шу хонани ижарага олдинг. Ўзи, сенга омадсизлик ёқади, шекилли. Тўғрими?

Ха, бу гап рост эди. Жил унинг ялангоч елкасига бошини қўйиб, кўзини юмди. У бирдан ўзини ичи хувиллаб қолгандай ҳис қилди, тунги эркалашлардан кейин таранглиги кетиб, ювош тортиб қолгандай эди. Бир бурчига совукдан-совуқ сандиқ қўйилган олабайроқ дарпардали хона ҳеч нарсага қиёс қилиб бўлмайдиган эди — Жилнинг ўзи каби, ҳозирги вазият каби уй ҳам вақтдан ташқарида, маъносиз бир ҳолатда эди.

— Унда нега ўзинг кўндинг? — деб сўради у боши қотиб. — Агар билган бўлсанг...

— Ўйлайманки, сени деб мен ҳали яна кўп нарсаларга кўнадиганга ўхшайман, — деди у.

Орага жимлик чўқди. Кейин Натали секингина “гапир” деди ва Жил гапира бошлади. У бор гапни айтиб берди: Париж, Элоиза, ошна-оғайнилари, иши, сўнгги ойлар тўғрисида сўзлади. Унинг назаридаги буларнинг ҳаммасини гапириб бериш учун, ҳозирги “ҳечлик”ни ифодалаб бермоқ учун йиллар керак эди. Натали унинг гапини бўлмай тингларди, фақат ўқтинг-ўқтинг иккита сигаретани

ёндириарди-да, бирини Жилга тутар эди. Соат еттига яқинлаб қолганди, лекин Натали бу тўғрида бутунлай ўйламаётгандай кўринарди. Натали унга тақалмай, бошини силамай, қўли билан соchlарини ўйнамай тек ётарди. Албатта, елкаси аллақачон уюшиб қолган бўлса керак.

Ниҳоят, у ўзини бир оз нокулай ҳис қилиб гапдан тўхтади, тирсагига таяниб, бошини кўтарди-да, Наталига қаради. У қимиirlамай ётганича, дикқат билан Жилни кўздан кечириб чиқди. Унинг юзи жиддий, бутун фикри-зикри бир нуқтага жам бўлгандай кўринарди. Кўққисдан у жилмайди. “Яхши аёл, — деб кўнглидан ўтказди Жил. — Жуда ҳам меҳрибон экан”. Ўзига йўналтирилган ана шу меҳр ва мушфиқликни ўйлар экан, кимдир унга чинакамига қизиқаётгани тўғрисидаги фикр кўнглидан кечар экан, Жилнинг кўзларига беихтиёр ёш келди. Уларни яшириш учун Жил энгашди, унинг жилмайиб турган лабларидан, ёноқларидан, юмуқ қовоқларидан майин-майин бўсалар олди. Сирасини айтганда, ҳали белидан қуввати кетмаган экан. Наталининг бармоқлари унинг елкасига санчилди.

Кейинчалик анча ўтгандан сўнг Жил Наталининг васлига эриша олганди. Унинг учун шаҳвоният ҳеч қачон мушфиқлик билан боғланган эмас эди, аксинча, “бу жуда зўр қиз-да”, деган гапнинг ўзиёқ уни жунбушга келтириши мумкин эди. Кейинчалик, орадан анча ўтгандан сўнг, гапнинг индаллосини айтадиган бўлсак, ҳаддан ташқари кечикиб Жил бирор беларвогина оҳангда “бу меҳрибон аёл” деганини эшитиб қолса, сергакланадиган бўлди. Ҳозир эса у жилмайиб Наталига қараб ётар ва ўзидан-ўзи жиндай мамнун бўлган ҳолда эркалатишлари кўпол бўлгани учун узр сўради. Натали каравотнинг оёқ томонида туриб кийинар экан, бирдан бошини буриб, унинг гапини бўлди:

— Жуда ҳам қойилмақом бўлди деб айттолмайман-у, лекин сен ўзингни яхшироқ ҳис қиласошладинг, тўғрими? Тавқи лаънатингдан қутулиб олдингми?

Жил сапчиб тушди. Хафа бўлсамикин, йўқми?

— Сен ҳар доим шунақа гапларни айтишни бурчинг деб ҳисоблайсанми?

— Йўқ, — деб жавоб берди у. — Биринчи марта айтяпман.

Кулиб юбориб у ҳам ўрнидан турди. Соат етти ярим бўлипти. Афтидан, Натали кеч қолаётган эди.

— Сен бугун зиёфатга борасанми?

— Йўқ, уйда тамадди қиласман. Франсуа хавотир олиб ўтирган бўлса керак.

— Франсуа деганинг ким?

— Эрим.

Буни эшитгандан кейингина у таажжуб ичидаги хаёлдан ўтказди: “Ие, унинг эри борлиги менинг хаёлимга ҳам келмабди-ку!” Жил унинг ҳаёти тўғрисида, ўтмиши ва бугунги куни тўғрисида ҳеч нарса билмайди. Тунов куни Одилия унга зодагонлар даврасидаги Натали тўғрисидаги фийбатларни айтиб бера бошлаганди, у эътибор бериб тингламади. Фийбатни эшитишни ўзига муносиб кўрмади.

— Мен сенинг тўғрингда ҳеч нарса билмайман, — деб фудранди у.

— Бир соат аввал мен ҳам сен тўғрингда ҳеч нарса билмас эдим. Ҳозир ҳам кўп нарса биламан деб айта олмайман.

Натали унга жилмайди ва Жил унинг табассумига маҳлиё бўлиб анграйиб қолди. Йўқ, йўқ, агар зарур бўлса, ҳозир, шу дақиқанинг ўзида бу ишни тўхтатиш керак. Зарурликка-ку зарур: у ўзини яхши кўришга ноқобил бўлганидек, бошқа биронта одамни ҳам яхши кўришга қобил эмас. Жил бу аёлни фақат изтиробларга дучор қўлмоғи мумкин. Бирор марта кўполроқ ҳазиллашиб-нетиб қўйса, кифоя, бу аёл Жилдан нафратлана бошлайди. Бироқ эндиликда бу тўғрида ўлаш унга ёқмай қолган эди, айни чоқда Жил унинг дадил, самимий, замирида кўп ваъдалар яширинган табассумидан чўчир эди. У минғирлади:

— Мен, ахир, биласанми...

— Биламан, — деди Натали бамайлихотир. — Бироқ мен сени севиб қолдим-да...

Бир дақиқа яна унинг газаби ўт олгандай, ҳатто фигони кўкка чиқадигандай кўринди. Ахир, бу нимаси? Кечирасиз-у, мұхаббат дегани бунақа бўлмайди — биринчи дуч келган одамга бутун қуролу яроғ, аслаҳаю анжом, тўпу тўпхона-

си билан таслим бўлиб кетаверадими? Йўқ. Натали — қип-қизил жинни! Ўзи ўзини йўлдан урилдим деб тан олиб турган бўлса, уни йўлдан уришнинг нима қизиги бор? Ахир, биринчи дақиқадан у ўзининг севгиси масаласида заррача шубҳага ўрин қолдирмади, шундек бўлгач, Жил уни қандай қилиб яхши кўради-ю, ундан нечук умидвор бўлади? Ҳаммасини расво қилди. Қоидаларни писанд қилмай иш юрита бошлади. Айни чоқда, Жил унинг саҳоватли табиатидан, унинг алланечук чапанича мардлигидан қойил бўлмоқда эди.

— Сен қаёқдан ҳам била олардинг? — деди у ҳамон бир оз енгилтак ва эркалутувчи оҳангда. Кейин унга тикилиб туриб, бирдан сездики, Натали — жуда чиройлик аёл. У фақат муҳаббат учун яратилган. Эҳтимолки, у ҳозир Жилнинг устидан кулаётгандир ҳам. Натали эса унга сира кўз узмай қараб турарди. Кейин кўққисдан кулиб юбориб шундай деди:

— Сен менинг гапим рост чиқишидан кўркяпсан, айни чоқда, бу гаплар ёлғон бўлмасин деб чўчияпсан, тўғрими?

Жил ичидагини Натали сеза олганига хурсанд бўлганини билдирамай, бош иргади.

— Ҳа, шунаقا. Билиб қўй. Мен тўғрисини айтдим. Бирон замон рус романларини ўқиганинг борми? Тўсатдан, бир-икки учрашувдан кейиноқ йигит қизга “Мен сизни севаман” деб икрор бўлади. Унинг бу гапи рост бўлади ва бу воқеани тўғридан-тўғри фожиавий интиҳога олиб боради.

— Бизнинг икковимиз учун Лиможда қанақа фожиавий интиҳо кўряпсан?

— Билмадим. Бироқ худди рус романларининг қаҳрамонлари каби мен учун ҳам бунинг фарқи йўқ. Қани, бўлақол.

Жил Натали билан бирга чиқди — у бирмунча таскин топгандай эди — ҳар ҳолда, ўқимишли аёлнинг садафаси кетсанг арзиди-да, у фира-шира бўлса-да, ўзини нима кутаётганини ҳам, шеригининг қисмати қанақа бўлишини ҳам билади. Ботаётган қуёшнинг қийғоч нурида соялар узайгандай кўринар, пичан гарамлари пушти ранг шуълаларга кўмилган эди. Жил янги маҳбубасининг нағис юз чизиқларига қараб, ичида сал-пал бўлса-да, мағрурланиб бораради. Ҳар нима бўлгандга ҳам, Натали чиройли эди, майсазорлар, бутазорлар ҳам чиройли эди, Жил эса жуда қойилмақом қилиб бўлмаса ҳамки, ўзининг эркаклигини намоён қила олди ва Натали уни яхши кўраман, деди. Асаблари қақшаб ётган одам учун чакки эмас. У кулиб юборди. Натали унга ўтирилиб қаради:

— Ҳа, нимага куляпсан?

— Ўзим. Мамнунман.

Натали тўсатдан машинани тўхтатди, курткасининг иккала ёқасидан маҳкам ушлаганича уни силкита кетди. Буларнинг бари шунаقا тез содир бўлдики, Жил ҳанг-манг бўлганича қолаверди.

— Яна бир марта айт. Қайтар. Мамнунман де!

Натали бу гапларини бутунлай бошқача, янгича бир тарзда — талабчан, ҳокимона, ҳаяжонли оҳангда айтди. Буни эшишиб, Жилда беихтиёр иштиёқ қўзғолди. Жил унинг тирсакларини қисиб ушлади ва қўлларини ўпар экан, ўзгарган овоз билан “Мен мамнунман, мамнунман, мамнунман” деба тақрорлади. Натали бармоқларини ёзди ва индамай машинани ҳайдаб кетди. Нақд уйга етиб боргунларича улар бир-бирлари билан гаплашмадилар. Дарвоза олдиди Жил машинадан тушганида улар кейинги учрашув вактини келишиб ҳам олишмади. Аммо кечкурун Жил ётогида каравотида ётиб, йўл четидаги ғаройиб тўхташни қайта-қайта эслар экан, буларнинг бари жуда ҳам эҳтиросли муҳаббатга ўҳшаб кетаётганини ўйлаб, жилмайиб қўйди.

V б о б

Бир неча кун давомида Наталидан ҳеч қанақа дом-дарак бўлмади ва Жил бунга ҳеч қанча ҳайрон қолмади. Афтидан, у Сельвинер хоним учун шунчаки бир ўткинчи эркак бўлгандир, бунинг устига унчалик ёқимли хотирот қолдирмаган ҳам бўлиши мумкин, муҳаббатдан гапирган бўлса, шунчаки одоб юзасидан, ўша бемаъни буржуа одоби юзасидан гапирган, балки унинг доимий одати

ўзи шунақадир. Шундоқ бўлса ҳам қай бир даражада унинг тарвузи қўлтиғидан тушган ва бу унинг доимий хуноблигини янада кучайтирган эди. У уйидагилар билан деярлик гаплашмай қўйди, соқолни ҳам кун ора олишга ўтди, китоб ўқишига уриниб кўрди. Лекин рус ёзувчиларининг асарларини қўлига олгани йўқ.

Бешинчи куни соат ўн иккидан кейин ёмғир шаррос қўйиб турганида, соқоли ўсиб кетган Жил меҳмонхонадаги диванда фужанак бўлиб ётганида тўсатдан Натали кириб келди ва унинг ёнига ўтириди. Натали унга тикилиб қаради. Жил унинг бақрайган кўк кўзларини кўрди, унинг устидаги кўйлакдан анқиб турган ёмғир исини туди. Ниҳоят, у йигламсираган овозда гапира бошлади ва Жил шу лаҳзанинг ўзида жуда ҳам енгил тортганини ҳис қилди.

— Нима бало, менга қўнғироқ қилишинг мумкин эмасми? Ё борақолсанг нима бўларди?

— Менда телефон ҳам, машина ҳам йўқ, — деб қувноқ оҳангда жавоб берди Жил ва унинг қўлини олмоқчи бўлди.

Натали энсаси қотиб қўлини тортиб олди.

— Беш кун кутдим-а, — деб шивирлади у. — Ана шу сочи тўзиган, соқоли ўсган одамни беш кун кутдим-а! Бу киши бўлса, кроссворд ечиб ётиптилар.

Наталининг фифони фалакка чиққан эди. Бу эса Жилни ўзи кутганидан ортиқроқ хурсанд қилди. Қизик, эҳтимол, у умрида биринчи мартадир, маҳбубасини моҳирлик билан лақиллата олгани учун ўзини ўзи табриклади, балки Наталининг феъли-авторига баҳо беришда адашганини шунчаки ўйлай бошлади. У ўзини оқлашга уннади.

— Мени кўргинг келганига ишончим комил эмасди.

— Ахир, мен сени яхши кўраман дегандим-ку! — деб жавоб берди у қовоғини ўюб. — Айтганмидим, йўқми?

Шундай дея сапчиб турди-да, эшикка қараб шунақа жаҳд билан шипиллаб қолдики, Жил уни қўлдан чиқариб юборишига сал қолди. Жил унга етиб олганда, Натали даҳлизга чиқиб улгурган ва ёмғирпўшини кияётган эди. Ҳар дақиқада Одилия ёхуд ошпаз хотин кириб қолиши мумкин эди. Шундай бўлса ҳам Жил уни кучоқлади. Деразага тарақлатиб турган ёмғир шовури, бу дарғазаб аёл, унинг кутилмаганда кириб келгани, зина тагига тахлаб қўйилган ўтиларнинг ҳиди, уйдаги сукунат — ҳаммаси қўшилиб уни жиндай сархуш қилган эди. Жил Наталини авайлаб ўпар, у эса ўжарлик билан бошини кўттармас эди. Кейин бирданига бошини кўттарди-да, ўзи унинг бўйнига осилди. У Наталини ўзининг хонасига етаклади, деярлик ҳеч кимдан ҳадисирамай, иштиёқ туфайли туғиладиган алланечук шаддодлик билан етаклади. Улар чинакамига ошиқмаъшуқ бўлишиди. Фақат севги учун яратилган ва севгида кўпни кўрган одамларгина шунақа ошиқ-маъшуқ бўлиша олади. Шу тарзда Жил яна қайтадан лаззатнинг таъмини ҳис қила бошлади.

Оқшом чўка бошлаганди. Жил пастда одатдагидан баландроқ овозда аллақандай фармойишлар берилаётганини эшилди, кейин бирдан бунинг сабабини англаб етди-да, Наталига ўгирилиб, овоз чиқармай кулиб юборди. У эринибигина кўзини очди ва шу заҳоти яна юмид олди. Жил сўради:

— Машинангни қаерда қолдиргансан?

— Дарвозанинг олдида. Нега сўряпсан? Вой, шўрим қурсин, опанг билан Флоранни бутунлай эсимдан чиқарибман-ку! Сени уришаман-у, дарҳол орқамга қайтаман деб ўйлагандим. Энди улар мени нима деб ўйлашади?

Натали одатда висол дақиқаларидан кейинги ҳорғин, хотиржам овозда гапиравди. Жил шундоқ овозни эшилмай, тўрт ой қандай яшаганига ҳайрон бўлди. У жилмайди.

— Сенингча, улар нима деб ўйлашади?

Натали жавоб бермай ўгирилди.

— Мен билардим, — деди у. — Иккимизнинг орамизда шу иш бўлишини билардим. Сени кўришим биланоқ билгандим. Қизик-а!..

— Қизик ҳам гапми? — деди у. — Юр, “парто-флип” ичайлик.

— Қайси юз билан уларнинг олдига тушамиз? Нимани важ-карсон қилиб кўрсатамиз?

— Бирдан-бир илож шу, — деди Жил. — Ҳеч қачон ҳеч нарсага ҳеч қандай важ-карсон кўрсатиш керак эмас. Қийин.

У буйруқ оҳангода кесиб-кесиб гапирди. Анчадан бери ҳеч кимга бунақа оҳангда гапирмаган эди. Ўзидаги бу ўзгаришни сезиб ҳайрон бўлди. Ҳали ҳам кўрпага ўралиб ётган Натали унга пичинг билан муғомбирона назар ташлади. Жил энгашиб, унинг елкасидан ўпди.

— Ҳа, — деди у, — биз ожиз бандалармиз. Биз тўсатдан шунақа нарсанинг асоратига тушиб қоламизки, уни ўзимиз ҳам назорат қила олмаймиз. Раҳмат сенга, Натали.

Улар кичкина меҳмонхонага беларвогина кириб келишди. Одатда ўттизлардан ошган ошиқ-маъшуқларда ҳал қилувчи шодумон висолдан кейин шунақа бегамлик пайдо бўлади. Бунинг эвазига Флоран билан Одилия хижолатдан қизаришиб ўринларидан туриб кетиши. Флоран кўлларини икки ёнига чўзиб: “Ие, қайси шамол учирди!” деб хитоб қилди. Одилия эса тилидан бол томиб, Наталини мақташга тушди. Ҳўп азamat аёл-да, шундоқ ёмғирдан тап тортмай келипти-я; Одилия бўлса-ку бунақа жалада эшикдан тумшугини чиқаришга бетламасди. Албатта, бу тилёғламаликнинг маъноси шу эдик, на Флоран, на Одилия бу билан икки соатдан бери дарвоза олдида қантариғлик турган автомобилни кўрганимиз йўқ деб шама қилишмоқда эди. Бунақа инжа зодагоний одобни на-мойиш этишгач, Одилиянинг кўриш қуввати бениҳоя заифлашиб қолгани маълум бўлгандан кейин у уласининг кайфини чоф қилиб, бунақа об-ҳавода жиндай исиниб олмоқ учун бирор нарса ичмаса сира бўлмаслигини айтди. Айтди-ю, шу заҳоти ўзи яна қизариб кетди. Флоран бўлса оёғини кўлига олиб шароб олиб келишга юргуди. Натали озғин билакларини худди жонсиз буюмдай тиззасига қўйиб диванда ўтиради. У жилмайиб саволларга жавоб берар ва баъзан Жилга назар ташлаб қўярди. Жил эса каминнинг токчасига суюниб олганича, бу қишлоқча томошани жиндай мутакаббирлик билан томоша қилиб турарди.

— Об-ҳаво чатоқ. Касинъяклар зиёфатини очиқ ҳавода ўтқазолмаса керак, — деб хуноб бўларди Одилия.

— Уларникига бормоқчимисизлар? — деб сўради Натали.

— Жил боргиси келмайдими деб қўркувдим, — деб ўйламай жавоб берди Одилия. — Лекин энди бўлса... — Бир лаҳза Одилия даҳшат ичиди қотиб қолди-ю, дами ичига тушиб кетди, унга қадаҳ узататётган Флоран эса кўзлари бақрайганича туриб қолди. Жил хоҳолаб кулиб юборишига сал қолди, аммо вақтида ўгирилишга улгурди, — лекин энди бўлса, анча тузук бўлиб қолди, — деб дудуқланди Одилия, — эҳтимол, биз билан бирга боришга кўнар...

Одилия уласига илтижо билан термулди. Жил уни тинчтиш учун бош ирради. Наталининг кўзлари жиққа ёш эди, афтидан у ҳам кулгисини зўрга тўхтатиб турарди. “Ё парвардигор, — деб ўйлади Жил бирдан, мен бу аёлдан жуда миннатдор бўлмоғим керак. Мен кўпдан бери бунақа ҳорғинликни кечириб ҳузур қилмаган эдим. Бунақа ҳорғинлик висолдан кейин пайдо бўлади ва гоҳ кўз ёшларини чиқаради, гоҳ тўхтатиб бўлмайдиган кулги қўзгайди”.

— Бормай нима қилардим. Албатта, бораман! — деб шодмон жавоб берди у.

— Лекин фақат икковларинг билан танца тушаман.

Шундай деб у Наталига бирам майнин жилмайдики, Наталининг киприкли-ри пирприраб кетди ва ўгирилиб олди.

— Ҳўп, мен энди кетай, — деди у. — Демак, эртага кечкурун Касинъяклар-ницида учрашамиз-а?

Жил унга ёмғирпўшини кийишга ёрдамлашди. Натали машинага ўтиргач, Жил унинг кетидан машина эшлигини ёпди-да, бошини деразадан ичкарига суқди.

— Эртага қундузи-чи?

— Иложим йўқ, — деб жавоб берди у ноҷорлик билан. — Эртага мен Қизил Хоч жамияти аъзоларининг мажлисини ўтказишим керак.

Жил кулиб юборди:

— Ҳа-я, тўғри. Сен катта амалдорнинг хотинисан.

— Кулма, — деди бирдан Натали титроқ овозда, — кулма. Кулиш тўғри келмайди сенга.

Шундай деб у жўнаб кетди. Жил эса унинг гапларига ҳайрон бўлганича, турган жойида туриб қолаверди.

Бутун оқшом давомида опаси унинг кўнглини яна нима билан олишни билмай, теварагида гирдикапалак бўлди. Бу — Жилнинг кулгисини қистатди. Аёллар ўзларини омади чопган абжир одамлар ўрнида кўришни яхши кўради. Айниқса, уларнинг турмушлари Одилияники сингари парвозсиз, руҳсиз ўтган бўлса, қўяверасиз. Бу билан улар гўё ўзларининг идрок этилмаган омадсизликларининг аламини олгандай бўладилар.

VI б о б

Об-ҳавонинг Касинъякларга раҳми келди. Жил, Одилия ва Флоранлар етиб келишганида, улар боғда уюштирган зиёфат авжида эди. Июнь ойи бўлса-да, уйнинг олдидаги кенг майсазор майдон жуда чиройли, иссиқ йўқ, анча салқин эди. Аёлларнинг бири-биридан ўтадиган ясан-тусанлари, эркакларнинг хоҳолаб қулишлари, гуллаб ётган зайдунларнинг хушбўй ҳидлари Жилга ҳозир хаёлга айланниб қолган урушдан аввалги замонларни эслатди. Пойтахтдан олисда яшайдиган бу одамларнинг ўзаро муносабатларида аллақандай самимият ва содалик сезилиб турарди, ҳозирги байрамона кайфиятнинг ўзида ҳам алланечук майнинлик бор эди. Буларнинг қаршисида Жилга ўзи жон-дилидан яхши кўрадиган Парижи ўта мудҳиш бир жойдай кўриниб кетди. Укасини қўлтиқлаб олган Одилия ўнгу сўлига таъзим қилиб Жилни меҳмонларга таништириб борарди. У бу оломон орасида уй бекасини топиб олишдан умидвор эди. Тўсатдан Жилга опасининг қўли титраб кетгандай туюлди. Одилия хушрўйгина новча бир эркакнинг олдида тўхтади — Франциянинг гарби-жанубий қисмida истиқомат қиласиган меҳмонлар орасида у ўзининг инглизча тавозеси билан ажраби туарди.

— Франсуа, укам билан танишмисиз? Танишиб қўйинглар, Жил — мсье Сильвенер.

— Жуда хурсандман, лекин биз илгари учрашганимиз — Руаргларникидаги зиёфатда бирга бўлган эдик, — деб жавоб берди таажжуб билан Сильвенер.

— Ҳа, ҳа, албатта, — деди Жил гарчи бу одам билан учрашгани мутлақо эсида бўлмаса-да. Бир зумда унинг миясида ҳар хил фикрлар фужфон ўйнади: “Унинг эри шу одам экан-да! Дуруст, шакли-шамойили чакки эмас. Мишмишларга қараганда, анча бадавлат бўлса керак. Лекин унчалик ювощи одамга ўҳшамайди. Ўнчалик қувноқ ҳам кўринмайди. Қизиқ, Натали менинг қулоғимга гапирадиган гапларидан унга ҳам гапиравмикин? Йўқ, албатта, гапирамайди!” Шуларни ўйлаб Сильвенер билан қўл олишар экан, Жил тўсатдан Наталини ўтган кунгига ўҳшаб қучиб, бағрига босгиси келаётганини ҳис қилди.

— Сиз Парижда турасизми? — деб сўради Сильвенер.

— Ҳа, ўн йилдан бери. У ерга тез-тез бориб турасизми?

— Имкони бор қадар камроқ боришга ҳаракат қиласман. Хотиним, албатта, Париж деса жонини беришга тайёр, аммо мен Парижни кўрсам кўнглим айниди, холос.

Одилия рақиблар бир-бирини дуэлга чақирмаганини кўриб хотиржам бўлди, шекилли, мамнун қиёфада бошқа меҳмонлар тўдаси томон ўйл олди. Жил бажону дил опаси билан ўша томонга кетарди — унинг қалбida ахлоқми ёхуд эстетика ақидаларининг қолдиқлари алланечук сақланиб қолганди — шулар маҳбубаларининг эрлари ёхуд яқин дўстлари билан дилкашлиқ қилишига йўл кўймас эди. Аммо Сильвенер бир ўзи ёлғиз эди, шунинг учун уни қолдириб кетиши нокулай эди. Жил Сильвенер билан Париждаги кўча ҳаракатининг қийинчиликлари, меҳмонхоналарда номерларнинг қимматлиги, катта шаҳарлардаги шовқин-суронлар тўғрисида сухбатлашиб турар экан, нигоҳи билан Наталини излади. Бирданига у тўлиб кетгандай бўлди ва хаёлан бир тўхтамга келди: “Ҳозироқ кетаман уйга, жонимга тегди бунақа зиёфатлар. Наталига ҳам ҳайронман — мени излаб топса бўларди-ку...” Сильвенерни тарқ этмоқ учун эп келадиган бирон баҳона излаб турган ҳам эдики, бирдан Натали келиб қолди.

Унинг эгнида жуда бежирим тикилган зангори кўйлак. Кўйлаги ҳам кўзларининг рангида. У жиндай ранги оқаринган, аммо табассумдан чехраси ёришган кўйи Жилга қаради. Жил шу заҳотиёқ қолишга қарор қилди.

— Сизлар танишиб олган бўлсаларингиз керак, — деди Сильвенер.

— Биз Руаргларникида кўришган эдик, — деб унинг гапини такрорлади Жил Натали қаршисида таъзим бажо келтирап экан. Жил ўзининг жавобидан хурсанд бўлди, чунки у ҳақиқатни айтган эди, бу жавобда ҳеч қанақа шама-ю киноя йўқ эди. Жил сергак тортган ошиқ-маъшуқларнинг бу найрангини жинидан баттар ёмон кўрарди. Натали жилмайди.

— Худди шундай. Мсье Лантъе, уй эгасининг онаси юролмайди, ўриндиқча михланиб қолган. У киши сизни кўриптилар, мендан сизни ҳузурларига олиб боришимни илтимос қилдилар. Қани, юринг, борайлик.

Жил унга эргашди. У ёнларидан ўтиб бораётган меҳмонларнинг башарасини фира-шира танигандай бўлар, гё танигандарига енгил таъзим қилиб салом берарди. Ҳозир уни бу ерда Жан кўрса борми — башаралари бужмайиб кетарди, шўрликнинг. Шуни ўйлаб Жил жилмайди. Шу йўсинда улар Натали билан айвондан ўтиб, соя-салқин томонга йўл олишди. Боф ичида занглаган сим чи-виқларидан ясалган, гирдини ям-яшил кўкатлар қоплаган шийпонда кекса уй бекасининг тахти равонга ўхшаган фиддирак оёқли ўринди туради. Кутимаганда Натали ҳуркиб кетган тойчокдек бир томонга ташланди, у Жилни ҳам ўзи билан судраб, бир дараҳтнинг панасига турди. Ўша заҳоти унинг соchlари Жилнинг ёноқларига тегди, Наталининг ўзи бутун вужуди билан унга ёпишди. Наталининг бу ҳардамхёл қилиги Жилни шу қадар тўлқинлантириб юбордиди, у лов этиб ёниб кетгандай бўлди, юраги гурсиллаб, қинидан чиқиб кетгандай бўлди. Жил ўзини тутиб туролмади, мажнун мисол уни севадигандай, эҳтирос билан уст-устига ўпа бошлади.

— Бас қил, — деб шивирларди Натали. — Бўлди, бас қил!

Йўлкада одамлар кўринди, Натали парищон қўл ҳаракати билан сочини тўғрилар экан, Жил гўё ечилиб кетган ботинка ипини тузатмоқидай энгashiшга зўрға улгuriб қолди. Натали ўтиб кетаётган меҳмонларга кувноқлик билан салом берди, Жилни таништириди. Кейин у ҳали ҳам юраги ўйнаб турган ҳолда кекса хонимнинг ҳузурига бориб қўлидан ўпди ва бека унинг мақолалари шаънига — ўқимаган бўлса ҳам — мақтов гаплар айтди. Кейин улар Натали билан бирга таомилга риоя қилиб, бир-бир босиб уйга қайтишди. Оқшом туша бошлаган эди. Касинъяк хонимнинг невараси эскириб кетган радиоласини ишга солди, “Шейк” оҳанглари янгради. Ёш меҳмонлар гавдаларини бир маромда ҳар томон чайқатиб, сонларини силкитиб рақс туша бўшладилар, озми-кўпми боди бор қариялар эса ийиб, илжайиб, уларни томоша қилиб туришди. Жил ўзини ўзи тиёлмаганига ғаши келиб кетди.

— Менга қара, эринг бинойидек-ку, а? — деди у истехзоли оҳангда.

Натали унга ўқрайиб қаради.

— Менга эримдан гапирма! Умуман, унинг тўғрисида гаплашмайлик...

— Мен холисона гап айтяпман, холос, — деди Жил ҳамон ўша мазаҳ оҳангидан давом этиб.

— Мен сендан холис бўлишингни сўраётганим йўқ, — деб қуруқ жавоб берди Натали ва нари кетди.

У сигарета тутатди, қиқирлаб кулди ва бирдан ўзига-ўзи жуда совуқ кўриниб кетди. Нега олифтагарчилик қиляпти Жил? Нега энди ҳамма нарса кўнглига урган парижлик беҳаёс, сурбет ва беписанд журналист ролини ўйнамоқчи бўлиб қолди? Наҳотки, Дон-Жуанча олифта қиликлар ишлатмасликнинг иложи йўқ? У дараҳтга суюнди. Йўқ, кетиш керак, фойиб бўлмоқ зарур, бу аёлни ўз ҳолига қўйиш керак — билганича яшасин. Жил унинг тирноғига ҳам арзимайди. Жил шўрпешона бир бетамиз махлук бўлса, мана энди ёлғончи ва масҳарабоз бўлиб ўтирипти. Натали ўзини тутиб олган аёл, унга хайф. Буларнинг барини унга айтиб тушунтириш зарур — дарҳол, ҳозирнинг ўзида.

Бироқ у Наталинин топганда кўрдики, у ёлғиз эмас экан. Шўринг кургур Натали учта эркакнинг қуршовида эди. Улардан бири жуда хушсуврат, уччовлари ҳам Наталига ошику беқарорга ўхшашади, ҳаммалари бир гапириб, ўн

кулиб туришипти. Жил Наталини танцага таклиф қилди, лекин нотаниш хушсуврат йигит такаллuf билан унинг галини қайтарди.

— Наҳотки сиз Наталини унинг мушкетерлари қўлидан ўғирлаб кетсангиз? Биз ҳаммамиз унинг мушкетерларимиз. Ижозатингиз билан ўзимни танитай; менинг исмим Пьер Лакур, мана булар Жан Нобль билан Пьер Гранде. Келинг, биз билан бирга бирон нарса ичиб, бизга Париж тўғрисида галириб бering.

Пьер Лакурнинг кўзларидан анча мугомбирлиги билиниб турарди. У ҳам иккала ошинасига ўхшаган, Наталига ўхшаган ўзига ишонган, хотиржам бир йигит кўринарди. Навқирон соҳибжамол Лакур, ҳеч шубҳасиз, Наталининг ўйнаши ёки илгари ўйнаши бўлган, шунинг учун ҳозир ўта беписандлик билан чўпдай озгин олифта парижликни кўздан ўтказмоқда. Жил бўлса, Наталини изтиробга солиб қўймай деб кўрқиб, вижданан эзилиб юрипти. У жилмайди ва қўшни стол устидаги вискли стаканни қўлига олди.

— Ҳозир Натали бир китобни танқид қилиб дабдаласини чиқарди. Мен бу китоб тўғрисида матбуотда яхши фикр айтган эдим, — деди ўзини Лакур деб таништирган йигит. — Сизга айтиб қўймоғим керак — мен Лиможда адабиётдан дарс бераман ва ўқтин-ўқтин юрак ютиб маҳаллий матбуотда чиқиб турман.

— Ундай бўлса, сиз билан ҳамкасаба эканмиз, — деди хушмуомалалик билан Жил.

Унинг ҳаддан зиёд ўзидан жаҳли чиқди — нега мунча фирт аҳмоқ бўлмаса! Нечук у Натали тўғрисида шундай ўйга борди? Бу аёл, ахир, унинг бўйнига ўзи осилди-ку! Биринчи учрашувдаёқ ҳеч тап тортмай унинг қўйнига кирди-ку! Эҳтирос илми бобида шу қадар катта билим эгаси бўлган аёл келиб-келиб шу жинқарчага кўнгил қўядими? Бунақа гапни қандай қилиб хаёлига келтирди у? Э-э, Натали ўтакетган шаҳватпараст бир аёлдир-да... Зоҳирлан ўзини зиёлинамо кўрсатиб юради-да... У анчадан бери бунақа дарғазаб бўлгани йўқ эди.

— Ҳар ҳолда сизни шу танцага таклиф қилгани ижозат бергайсиз, — деди у. — Бу ерларда фокстротга кам тушишадиган кўринади. Умбалоқ ошиб танца қилишга ёшим тўғри келмайдими дейман-да...

Натали жилмайди, қўлини унинг елкасига қўйди ва икковлари тўғридан-тўғри ернинг устига курилган думалоқ паркет майдончага киришди. Улар бир неча муддат индамай танца тушишди, кейин Натали бошини кўтарди.

— Сен бошқа қилмайсанми?

— Нима қилмайманми?

— Франсуа тўғрисида гапирмайсанми?

Жил Натали билан ораларида бўлиб ўтган можарони бутунлай унутиб юборган эди. Кошки эди гап фақат шунда бўлса... У юввошгина жилмайди...

— Йўқ, бошқа гапирмайман. Биласанми, сенинг биринчи номерлик мушкетеринг жуда кетворган йигит экан. Анави-чи... Адабиёт ўқитувчиси... Сени жонидан ортиқ кўради, шекилли?

— Кошки эди шундоқ бўлса. У менинг укам-ку! Лекин роса барно йигит-да! Тўғрими? — Бир дақиқадан кейин шивирлади: — Мени ҳадеб фижимлаб қисаверма. Ҳамма қараб турипти. Жил, сен баҳтлимисан?

— Ҳа, — жавоб берди у.

Шу дақиқада Жил ҳақиқатни айтаётган эди.

VII б о б

Эрталаб Жил Жандан телеграмма олди. Зудлик билан қўнфироқ қилишни илтимос қилипти. Мана энди у Белланинг каталакдай почта бўлимида пешинги жазирамада димиқиб ўтирипти. Жил Жаннинг нима гапи борлигини билолмай бир оз хавотирга тушганди, шу билан бирга унинг “қўнфироқ қил” дегани Жилнинг ўз соҳасида ҳали қадри борлигидан гувоҳлик берарди. Жанни чақириб бергунларича учта котиба билан гаплашишга тўғри келди — улар Жилнинг

овозини эшитишиб, хурсанд бўлишди. Нихоят, гўё бошқа сайёрадан гапираёт-гандай олис-олислардан унинг овози эшитилди.

— Алло, Жилмисан? Ишларинг қалай? Анча тузалиб қолдингми? Лаббай? Ҳа, ўзим ҳам билгандим-а... Хурсандман, жуда хурсандман, дўстим...

“Вой, каллаварам сўтаг-ей, — деб дўстини ноўрин койиди ичиди Жил. — Нимани билгандинг сен? Бу ерда бўладиган воқеалар етти ухлаб тушингга кирган эмас. Опамга ўхшаб, Лимузеннинг тоза ҳавосига қатта умид боғлаган эдим дема. Аҳволим яхшироқ бўлиб қолганининг боиси шуки, бу ерда бир аёл бор экан. У мени севиб қолди. Мен ҳам унинг севгисини қабул қиласман. Сен буни олдиндан билган бўлишинг мумкин эмас-ку!”

Бироқ ўзининг ўйини ўлашща давом этар экан, Жил оғир жароҳат олган-у, нихоят ҳаёти сақлаб қолинган ва жароҳати билан дўстларини ёмон қўрқитганини тушунадиган одамга ўхшаб ихчам-ихчам жумлаларда хотиржам оҳангда дўстига жавоб бериб турди.

—... Менга қара, — деб давом этди Жан. — У шеф билан жуда ёмон сўкишиб қолди. Ҳалқаро бўлимни сенга топшироқчи бўлишяпти. Худо ҳақи, гапим рост. Бу ишга мен аралашганим йўқ, гапимга ишонавер... Ҳўш, сен нима дейсан бу гапларга?

Жан севинчдан боши осмонга етгани сезилиб турарди, аммо Жил унинг севинчига шерик бўламан деб бехуда уринди. Бунақа мансабларни бошига урадими Жил? Рост, бир замонлар шу мансабни эгаллашни орзу қиласди, лекин ҳозирга келиб, бунақа мансаблар унинг учун ҳар қандай қимматини йўқотди.

— Бу, албатта, октябрдан олдин бўлмайди. Мен бетакаллуф тарзда сенинг бир гўрга ғойиб бўлганингни айтдим. Асабий тушкунлигинг тўғрисида оғиз очганим йўқ, албатта. Ўзингдан қолар гап йўқ, ҳозир бу гап ўртага тушса анча ноҳуш таассурот туғдириши мумкин. Имкони борича тезроқ қайт. Жилла бўлмаса, бир-икки кунга бўлса ҳам келиб кет... Шеф ўзи кўрсинг сени... Ўзинг биласан-ку, тилига кучи етмаган дўстларимиз ҳам сероб...

“Демак, менинг асабий тушкунлигим ёмон таассурот қолдирап экан-да? — киноя билан ўйлади Жил. — Бундан чиқадики, тузук одам касал бўлишга ҳақи йўқ экан-да?.. Яхши журналист, албатта, масрур, мамнун, қувноқ ва ҳатто жиндай бузук, фосиҳ одам бўлмоғи керак. У ким бўлса бўлаверсин-у, фақат асаблари бўшашган бўлмасин. Ўлай агар, буларнинг бари шунга олиб келадики, бир эмас, бир кун юраги торларнинг ҳаммасига заҳар беришади. Ўшанда заҳар берадиганларнинг хўп иши кўпаяр эди-да!

— Қалай, хурсандмисан? — деган Жаннинг эркалатувчи майин овози эшитилди. У ўзининг самимилигидан ҳаддан ташқари мамнунга ўхшарди. — Қачон етиб келасан?

— Эртанги поезд билан, — мужмал жавоб берди Жил. — Ўзинг биласан, самолёт йўқ. Эртага кечки соат ўн бирда экспрессда бораман.

— Бугун йўлга чиқа қолганинг яхши эди.

Бирдан Жилнинг жаҳли чиқди.

— Нима, ўт тушиб кетдими? Агар шеф чиндан ҳам мени тайниламоқчи экан, наҳотки бир кун кутиб туролмайди?

Орага жимлик чўқди. Кейин Жан бўшашибгина гапни калта қилди:

— Сен учун бу ёнгин бўладими деган эдим. Бўпти, бўлмаса! Вокзалга кутгани чиқаман. Хайр, оғайни.

У гўшакни қўйди, Жил терлаб кетган пешонасини артди, кабинадаги ҳаво чида бўлмайдиган даражада дим. Кундузи соат учда Натали билан учрашмоғи лозим эди. Наҳотки, у шу учрашувни деб кетишини кейинга қолдири? Ахир, у яхши билади-ку — уларда таҳририятда бирон муҳим мансаб бўшаб қолса, чиндан ҳам ёнгин бошланади. Ҳозир таҳририятда ҳамма нарса остин-устун бўлса керак, ҳаммаёқ югр-югурдир. У бўлса хотин кишини деб қўлига кириб турган ўлжадан қолиши мумкин. Ҳозирнинг ўзида Жанга қўнгироқ қилиб, “буғун йўлга чиқаман” дейиш керак. У телефончи аёл олдида тараффудланиб турарди. Кейин бирдан деразадан шамолда чайқалиб турган галлазорни, ям-яшил майсаларни кўрди. Наталини кўз олдига келтирди, унинг ширин эркалатишлари,

ўткир кўзлари эсига тушди ва тезгина почтадан чиқди. Флоран уни почтанинг эшиги олдида, машинада кутиб ўтиради.

— Хўш, қалай? Хушхабарлар борми? Ё ёмон гапларми?

Унинг чиндан ҳам ташвишланаётгани қиёфасидан сезилиб турарди. Одатда уни пайқаб-пайқамайдиган Жил катта-катта мовий кўзли бу очиқ кўнгил одамни бир лаҳза ёқтириб кетди. У Флоранга жилмайди, — унга мардона жилмайди деса ҳам бўлаверади, чунки шу дақиқада Флоран кўчадаги каттакон юк машинасига тегай деб кетиб борарди.

— Менга газетада анчагина юқори бир мансабни таклиф қилишяпти.

— Жуда яхши-да, ҳаммаси бир йўла юришиб кетади, — хитоб қилди Флоран. — Ҳаммаси жойида бўлади. Мен доим айтаман — ҳаёт денгиздаги тўлқинга ўҳшаган гап. Биттаси юқорига кўтаради, биттаси қўйига олиб тушади...

Шундай деб у қўли билан денгизлар ҳаракатини кўрсатди, бу орада машина йўл ёқасидаги ариққа ағдарилишига сал қолди. Бироқ Жил Флораннинг гапига жавобан шахсан ўзи кўтарадиган тўлқиндан ҳам, туширадиган тўлқиндан ҳам ҳадиксирашини, янги мансабда унинг зиммасига юкландиган масъулиятдан кўрқишини, Наталининг муҳаббатидан, жўнликдан, ёлғизликдан чўчишини айтишга журъат қила олмади.

VIII боб

— Шундай қилиб, эртага кетадиган бўляпсанми? — тақроран сўради Натали.

У устидаги кийимларини ечмай, Жилнинг каравотида нималар тўғрисида-дир хаёл сурисиб ётарди. Натали келиши биланоқ Жил унга ҳамма гапни гапириб берди. Наталининг назарида асаблари қақшаган пажмурда ҳол бир бемор бўлиб кўринишдан кўра амалга иштиёқманд, бу йўлда зафар қучадиган ғолиб бўлиб кўриниш яхшироқ эди-да. Берилиб кетиб, у ҳатто янги ишнинг муҳимлиги тўғрисида, китобхонлар олдидағи маънавий бурч тўғрисида, китобхонлар ўртасида ташқи сиёsat ҳамиша катта қизиқишлир туғдириши ҳақида анчагина баландпарвоз оҳангларда гапира кетди. Кўйинг-чи, бу гапларини шунақа қўтариинки руҳда боя телефонда Жан билан гаплашганда айтса жуда ўринли бўларди. Ҳатто Жилнинг миясига жиндай кинояли яна бошқа бир фикр ҳам келди — эҳтимол, у маъшуқасининг ақлини шошириб, кўзларини қамаштириб кўйиш учун атайин шунақа оҳангда гапираётгандир. Шундай қилса, дўстининг умидларини оқламагани учун маломат қиласётган виждан овози жиндай ўчармиди?! Лекин Наталининг кўзлари заррача ҳам қамашгани йўқ. Аксинча, алланечук караҳтликдан улар бақрайгандек эди.

— Мен бир ҳафтага кетаман, — деди Жил. — Бир ҳафта ёхуд нари борса, икки ҳафтага. Кейин қайтиб келаман. Ишни октябрда бошлайман.

— Мактаб болаларига ўхшаб-а? — деди Натали паришонхотир.

Жил янги мансабда қандай ишлаши тўғрисида гапиргани сари бу таклиф жуда ҳам маъкул ва ўринли таклиф бўлганига ўзи ҳам кўпроқ ишона борди ва бугунги учрашув вожидан шундай мансабдан қуруқ қолиши мумкинлигига ўзидан ҳам, Наталидан ҳам жаҳли чиқди. Лекин кўнглидаги бу гапни овоз чиқариб айтишга юраги бетламади. Бу тўғрида Наталининг ўзи гап очди.

— Агар буларнинг бари шу қадар муҳим бўлса, нима учун бугун йўлга чиқмадинг?

— Бугун икковимиз учрашмоғимиз керак эди-ку.

Гарчи у чин ҳақиқатни гапирган бўлса-да, Жил ўзининг сўзларида алланечук сохталикни ҳис қилди. Натали унга синчиклаб қаради.

— Балки сен танишганингга эндингина икки ҳафта бўлган аёлга икки энлик хат ёзиб узр сўраб, ташлаб кетаверишга хижолат бўлгандирсан?

Натали буни хотиржам оҳангда гапирди. Жил бўлса, “йўқ” дегандай бошини сарак-сарак қилганини ва ҳатто ёлғон гапиргандай сал-пал қизарганини ҳам ҳис қилди. Борди-ю Натали ҳақ бўлса-чи? Жил бошқа ҳеч қачон қайтиб келмаса-чи? Парижга бориши билан унинг мафтункор ёрининг сеҳрига бери-

либ, ошна-оғайнилари, денгиз, сайру саёҳатлар билан андармон бўлиб кетса, Натали унинг хотирасида Лимузенда ёз фаслининг бошланишидаги икки ҳафталик машмаша ҳақидаги бир эсдаликлай қолиб кетаверса нима бўлади? Кўққисдан Жил ўзига Наталининг кўзлари билан назар солди — мана у эркин, довюрак, бутун умри давомида бўлгани каби бир оз енгилтак ва ўзига ишонган. Унинг бутун вужудини илиқ мулоиймлик чулғаб олди. Бу илиқлик қаердан келиб қолганини у билмайди — балки бу Натали унинг аввалги, қувноқ, деярлик ўзи ҳам унтиб юборай деган сиймосини қайта тиклагани учун миннатдорлик юзасидан туғилгандир. Ёки бу илиқлик Наталига раҳми келиб кетганидан, ўзининг қайтиб келмаслигини олдиндан ҳис қилганидан туғилгандир. Жил Наталига энгашди.

— Агар мен қайтмасам, нима қиласардинг?

— Олдингга ўзим борардим, — деди Натали муросасозлик билан. — Мени қучгин.

Жил уни қучоқлади-ю, шу заҳоти Парижни ҳам, сиёсатни ҳам унуди. У беҳаётлик билан Парижда унга шунаقا мафтункор маҳбуба етишмаяхагини ўйлади, кейин шу заҳоти буни ҳам эсидан чиқариб, бошини унинг елкасига кўйиб, қисқа муддатга бўлса ҳамки Наталидан ажралиши кераклиги ҳақидаги фикрдан эзилиб, анчагача қимиirlамай ётди. Натали унинг бошини силади, қўли билан бўйнидаги соchlарини ўйнади. Жил англадики, бу лаҳзани ҳеч қачон унтулмайди. Бундан кейин нима воқеа рўй бермасин, ҳаёти қай кўйга тушмасин, ҳамиша эсида туради.

— Сени вокзалга олиб бориб қўяман, — деди Натали. — Лекин Лиможга эмас, Вьерзонга олиб бораман. Қайтиб келганингдан кейин, келиб, ўзим сени олиб кетаман.

Унинг овозида аллақандай ғалати хотиржамлик оҳангси сезиларди. Бу хотиржамлик ночорлик аламидан туғилгана ўхшаб кетарди...

УЧИНЧИ ҚИСМ

ПАРИЖ

I боб

Элоизани Жил Парижга етиб келгандан кейин, вокзалда уни ўзига томон югуриб келаётганини кўрибгина эслади. Унинг орқасидан Жан келяпти. Ичимдагини топ дегандай сипо. Элоизани буткул унтиб қўйганига ҳанг-манг бўлган Жил у билан қучоқлашиб, ўпишиб кўришишга мажбур бўлди. Сирасини айтганди, Элоиза унинг учун бутунлай ёт аёл эди. “Ахир, бу аёл мавжуд-ку, яшяпти-ку! Ахир, у меникода туради. Қандай даҳшат-а! — деб ўйлади у. — Нима қиласарди Жан уни менга эслатиб қўйса...” Бу фикрдан унинг кулгиси қистади. Нима, энди ҳар гал сафардан қайтганингда яқин дўстинг “сенинг ўйнашинг бор, у сеникода туради” деб эслатиб туриши керакми?.. Ҳозир Элоизанинг атири ҳам, лабларидан бўса олгани ҳам унга жуда ёқимсиз туюлди. У Наталининг Вьерзондаги уч соат аввалги бўясасини эслади, жон-жаҳдолари билан ўзларини унтиб жазава ичиди хайрлашганларини эслади ва бирдан иримчи одамдек қўрқиб кетди: улар келган йўл бошдан-оёқ иланг-биланг эди, Натали қайтиб кетаётисб фалокатга учраган бўлса, нима бўлади? Ахир, унинг кўзлари жиққа ёш эди — буни Жилнинг ўзи охирги дақиқада кўриб қолди. Унинг ўзи ҳам ҳаяжонини босолмай роса қийналди. Беш дақиқа мобайнида кўзларини бир нуқтага тикиб, индамай ўтириди, кейин бир амаллаб эс-хушини бир жойга йиғиб, гурс-гурс қадам ташлаб ресторонга йўл олди. Бунақа аҳволда унинг ўзи ҳам машинани бошқара олмаган бўларди, ҳолбуки Натали машинани олди-кетига қарамай ҳайдайверади. Албатта, у машинани зўр ҳайдайди, бунга гап йўқ. Лекин бу аҳволда ҳайдаш... Йўқ, у борган сари бетамиз бўлиб боряпти. Жил Элоизадан ўзини секин нари олди-да, Жаннинг елкасига шалатилаб,

жилмайишга уриниб кўрди. Вокзал қурум босиб қорайиб кетган, одамларнинг сурони қулоқларни қоматга келтиради. Фақат машинага ўтиргандан кейинги на Жил ўзининг севимли шаҳарини — ялқов ва мовий Парижни кўрди. Ёзги тунлар Парижи. Ўн йил мобайнида Парижда қанчадан-қанча нашидали кунларни бошидан кечирганини эслаб, Жилнинг юраги орзиқиб кетди, гўёки бу нашидали фурсатларнинг ҳаммаси унинг учун умрбод ғойиб бўлгандай эди. У қўрқиб кетди, яна қайтадан ўзини саросимага тушган, эзилган ҳис қилди. Ҳозир Лимузендан ям-яшил майсазорда бўлиб қолиш учун, бирор соя-салқинда Натали билан ёнма-ён чўзилиб ётмоқ учун у бутун жони-жаҳонини беришга тайёр эди.

— Демак, қайтиб келганингдан хурсандсан? — деб сўради Жан.

— Жуда. Ўзингнинг ишларинг қалай?

У ўзини бегам кўрсатишига уринди.

— Яхши ҳамки, менга келишингни Жан айтди, — деб хуш кайфиятда жавраб келарди Элоиза. — Мени мактубга кўмиб юбординг деб гина қилолмайман...

— Сени кутиб олиш учун Элоиза такси олиб юрмасин дедим-да, — деди Жан. — Шунинг учун йўлдан кириб, уни ҳам олиб келдим. Сенинг келаётганингни эшишиб оғзи очилиб қолди...

Жан ҳам шоду-хуррам эди, аммо унинг шодонлигига жиндай бўлса-да сунъийлик сезилиб турарди.

Жан Жилга кўзининг қирини ташлади. Яқин дўстинг бирон ишнинг чатогини чиқариб қўйганда унга шунақа назар билан қарайдилар.

— Мен сенга бир-икки қўнгироқ қилдим, — деди Жил Элоизага ўгирилиб, — лекин ҳеч ким жавоб бермади.

— Ажабланадиган жои йўқ, мен кун бўйи расмга тушиш билан банд эдим... Биласанми, қайси журналга? “Вог” журналига! — Севинчдан унинг боши осмонда эди.

“Майли, балтар бўлмайдими? — деб ўйлади Жил. Ҳеч бўлмаганда бу томондан тинч бўлади-ку!” Лекин кўнгли аллақачон бошқа бир фикрнинг асоратида эди — Наталига ўзи қўнгироқ қилсамикин ёки Жандан қўнгироқ қилишни илтимос қилсамикин? Улар Натали билан эртага телефонлашишни келишиб олишганди, ҳозир кечки соат ўн бир, демак, эрига рўпара келиб қолиши ҳеч гап эмас, лекин Жил авария ҳақидаги аҳмоқона фикрни ҳеч миясидан қувлаб чиқара олмаяпти. Албатта, у Наталини яхши кўриб-нетиб қолган эмас, ўзини хотиржам қилмоқ учунгина, унинг эсон-омонлигини билиб қўймоқчи, холос. Лекин Элоиза қараб турса, уйдан қандай қилиб қўнгироқ қила олади? Элоиза ундан бир қадам ҳам нари кетмас энди. Жаннинг олдида ҳам қўнгироқ қилолмайди — Жан унга редакциянинг ишларидан ҳикоя қилишдан бўшамайди...

— Кўринишинг анча дуруст, — деди Жан. — Ҳатто офтобда жиндай қорайбсан. Шуниси жуда яхши бўлипти — мен шефга сени ўсиб келаётган янги бир итальян кино юлдузини олиб, Ложувард соҳилга кетди деб эдим.

— Мен бу гапларнинг барига чидашим керакми? — деб кулиб юборди Элоиза, Жил бўлса хижолатдан ўриндиқнинг ёстуғига ёпишиб олди.

Жил шу заҳотиёқ Наталини ўсиб келаётган итальян кино юлдузи ўрнида тасаввур қилиб кўрди ва қалби ифтихор туйгуларига тўлиб кетди — Натали ҳар қандай итальян кино юлдузидан чиройлироқ эди ва итальян кино юлдуzlарida йўқ нарсалар унда бор эди.

Квартираси ўзгармапти, хотинининг нуқси кўпроқ уриб қолипти, холос. Аллақандай фотограф Элоизага каттакон духоба айик совға қилипти. Айиқни кўриб Жилнинг тутоқиб кетишига сал қолди, лекин ўзини босиб олди ва тезгина бошқа томонга ўгирилди. Тупургани бўлсин-е буларнинг ҳаммасига! У ўз уйида ўзини бегона ҳис қиларди. Улар ўриндиққа ўтиришади-ю, мен уларнинг кўзини шамғалат қилиб, киши билмас ҳолда ётоққа чиқиб кетаман ва ўша ердан бемалол қўнгироқ қиламан деб ўйлади у. Аммо Элоиза саришта аёл эмасми — аллақачон унинг чемоданини ётоққа кўтариб кириб, тарақ-туруқ қилиб,

деворга ўрнатилган жовоннинг эшикларини оча бошлаган эди. У нима қилишини билмай, ноchorлиқдан қисиниб ўтирас, Жаннинг гаплари қулогига кираттани ҳам йўқ эди. Бир оздан кейин у дўстининг паришонхотирлигини сезиб, саволчан назар билан унга тикилганича индамай қолди. Жил ўрнидан турди.

— Узр, дўстим, бир дақиқа ёлғиз қолдираман. Мен оламга етиб боришим билан қўнгироқ қиласман деб ваъда бергандим. Ўзинг биласан-ку, жуда куюнчак аёл...

Шу ерда гапи бўлинди. Жан мулойим жилмайиб, бош иргади. Тўсатдан Жилнинг эски ошнасига меҳри жўшиб кетди. Жил беихтиёр унга жавобан жилмайди, ёнидан ўтаётганда соchlарини чанглаб эркалатган бўлди ва ётоқقا кирди. У ерда бамайлихотирлик билан телефонни кўлига олиб, каравотга ўтирида телефон китобини варақлай бошлади. Наталига қўнгироқ қилиш учун ўнтача рақам териш керак эди.

— Қўнгироқ қилгани кеч бўлмадими? — сўз қотди Элоиза унинг кўк курткасини илгичга иларкан.

— Оламга, — деб гапни калта қилди у.

У номерни терди. Агар дастакни эри кўтарса, уни осиб қўйиш мумкин. Узунузун сигналлар эшишилди, кейин жуда яқиндан Наталининг бир оз уйкусираған овози келди. Жил телефон дастагини ушлаб турган қўли бир оз намланганини энди пайқади.

— Алло! — деди у. — Бу менман. Эсон-омон етиб келганимни айтиб қўяй дегандим. Сен уйгача эсон-омон етиб келдингми? Шуни билмоқчи эдим.

У лоқайд оҳангда жуда тез бидирлаб гапирди. Орага жимлик чўқди, кейин Наталининг бир оз бўғиқ, ҳаяжонли овози эшишилди:

— Адашган кўринасиз, — деди у. Бир лаҳзадан кейин анча мулойим оҳангда қўшиб қўйди: — Йўқ, йўқ, мъсе, мен сира безовта бўлганим йўқ.

Жил бир дақиқа қотиб қолди, кейин Элоиза эсига тушиб, тиниб қолган дастакка “Икковингизни ҳам ўпаман” деди-да, уни илиб қўйди. У терга ботиб кетган эди.

Демак, эри уйида. Ёнида турипти. Натали ҳеч нарсани гапира олмади. Лекин йўлини тез топганини қаранг. “Йўқ, мъсе, мен сира безовта бўлганим йўқ!” дегани бирам гаройиб, бирам таъсирчан чиқдики... Демак, ҳаммаси жойида, у эсон-омон, бешикаст етиб олипти. У Жилни яхши кўради. Ҳар ҳолда бир нарса қизиқ — нима учун баъзи-баъзида унинг асаблари бу қадар қақшаб ишдан чиқаркин?.. У меҳмонхонага енгил, эркин, шахдам қадамлар билан қайтиб кирди, энди Наталидан бутунлай хотиржам бўлганди. Элоиза унинг фикрини қанча банд этаётган бўлса, Натали ҳам ундан ортиқ банд этаётгани йўқ эди. Лекин бир дақиқа бўлса ҳамки, унинг хаёлига бир фикр келмади — модомики, у хотиржам бўлган бўлса, демак, ўзининг хотиржам қилинишига эҳтиёж бўлган экан-да...

— Мана, ҳамма нарса яна қайтадан аввалгидек, — деган Элоизанинг овози эшишилди қоронфида. — Биз узоқ ўйлар мобайнида бирга бўлишишимизни билардим...

Жил жавоб бермай, бошқа биқинига ўгирилди, у ўзидан-ўзи ғашланиб ётарди. Улар Жан билан бирга бугун жуда кўп ичишди, улар уччовлон бугун жуда кўп ичишди — унинг қайтгани учун ҳам, келажакдаги улуф ютуқлари учун ҳам қадаҳ кўтаришди. Кечаси соат учларга яқин Жан кетди. Жилнинг уйкуси келаётгани йўқ, у хушнуд, ўзига ишонган бир кайфиятда эди.

Хуллас калом, Жил фирт масти эди. Белидаги қувват аллақандай қайтиб келдими — у, ҳарқалай, хотини билан ётиб турди. Аммо бу ишни деярлик ғайришурорий бир тарзда бажарди. Шу кезда унинг тўшагида Элоиза эмас, бошқа аёл бўлганида ҳам худди шундай бўларди. Хуллас калом, у Наталини алдади, лекин бундан кўп ҳам ташвишланаётгани йўқ, чунки Натали буни ҳеч қачон билмайди. Уни бошқа нарса кўпроқ безовта қиляпти — у ўзини ўзи алдамоқда. Мана, кайфда олган лаззати ҳам алланечук зўраки, асабий лаззат бўлди. У Элоизани

ҳам алдади, негаки бугунги ишратларини Элоиза унинг муҳаббатининг далили деб ўйлади. Буларнинг барини Элоизага тушунтироқ керак, унга Натали тўғрисида гапириб бермоқ лозим, ҳозирнинг ўзида гапириб бермоқ лозим, чунки Жилнинг айби билан Элоиза эрининг ўзига нисбатан иштиёқи ҳали сўнмаганига янгидан ишонч ҳосил қилди. Кўққисдан у чироғини ёқди, сигарета тутатди, Элоизага қаради. Кўнглидан сочлари ёстиқда шунаقا ёйилиб ётганида Элоиза ҳам жуда жозибадор кўринади деган фикр ўтди ва унга айтмоқчи бўлган гапини қандай бошлиш кераклигини ўйлай бошлиди.

Унинг боши ёрилиб кетар даражада оғрир, ўзини эзиз ташлангандай аборг хис қилас, ичкиси келар эди.

— Жуда ажойиб бўлди-да, — деди Элоиза хаёлчан, — ҳамма ишимиз бирдан юришиб кетди. Аnavи америкалик фотограф туфайли мен “Вог”да доимий ишлайдиган бўлдим. Сен ўзинг орзу қилиб юрган мансабни эгаллайдиган бўлдинг. Мана, бутунлай согайиб ҳам кетдинг. Бир ой олдин шунаقا бўлди деб ким ҳам ўйларди. Биласанми, мени жуда қўрқитиб юбординг-да! Жуда кўрқдим. Жуда, жуда, жуда...

Ҳар доимдагидек севги онларидан кейин Элоиза болаларча жаврай бошлар эди. Авваллари бу Жилга хуш ёқарди, кейин-кейин энсасини қотирадиган бўлди. Ҳозир эса Жил виждони қийналиб кетганини хис қилди.

— Ишларнинг юришиши сен ўйлагандек осон эмас, — деди у бўғиқ овозда. — Мен ҳали бутунлай согайиб кетганим йўқ. Иш масаласи бир ёқлик бўлиши биланоқ, мен яна опамникига кетаман.

— Мен бўлсан бутун ёз мобайнинда моделлар намойишида иштирок эта-ман, — деди у. — Аммо намойишлар орасидаги танаффус вақтида сенинг олдингга бориб келсан бўлди. Ҳозир Лиможга самолёт қатнайдиган бўлган-ку...

“Шуниси камлик қилиб турувди”, — деб ўйлади Жил. Ишга техник тарақ-қиёт бурнини суқа бошлиди. Йўқ, ҳозирнинг ўзидаёқ унга ҳамма гапни айтиш керак. Аммо у ҳамиша аёл кишидан ажралишини ўйлашнинг ўзидаёқ нечундир қўрқиб, даҳшатга тушарди... Йўқ, йўқ, фақат бугун эмас. Бугун эмас. Келганидан бери биринчи дафъа у Элоизага синчилклаб назар ташлади, унинг умидвор нигоҳини кўрди, бадани нақадар сўлим эканини кўрди ва шу заҳотиёқ ана шу ҳар қаричи яхши таниш бўлган бадан, ундан анқиб турувчи латофат, зеболик унга ортиқ керак эмаслигини хис қилди. Тўсатдан Элоизага ҳам, ўзига ҳам, Наталига ҳам раҳми келиб кетди. У муҳаббатга ачиниб кетди, эртами-кечми йифи-сифилар ва афсус-у надоматлар ичиди сўнишга маҳкум бўлган ҳар қандай муҳаббатга ачиниб кетди. Кейин кўзидаги шашқатор ёшларини Элоиза кўриб қолмаслиги учун юзини ёстиққа яширди. Элоиза унга энгашди.

— Нега маъюссан? Ҳамма ишларимиз юришиб кетди-ку!

У жавоб бермай чирокни ўчирди. Жил қўлларини бошининг тагига кўйиб чўзилди, яна кўз ўнгидан дарё соҳилидаги майсазор, яқинлаб келаётган Натали пайдо бўлди, кўёш тафтида илиган майсалар бўйини тўйди, боши устида аста тебраниб турган терак новдаларини, Наталининг нурли кўзларидаги сирли даъватни кўрди.

II б о б

Газетанинг бош муҳаррири Фермон баланд бўйли, қотма, бесёнақай ва жуда меҳнаткаш одам эди. У бадавлат оиласдан чиққан бўлиб, ҳаммани таажужубга солиб, ўз маблағига сўл газета чиқарар эди. Бу газета чиндан ҳам ўша алғовдалғов кезларда шароит имкон берган даражада сўл эди. Шунга қарамай у ўзини ҳокимона тутар, жуда қаттиққўллик билан иш юритарди. Газета ходимларининг ҳаммаси яхши билардики, у истаган шаклдаги ҳар қандай имтиёзларни қоралаган ҳолда, бир неча йилдан бери ўзи учун граф де Фермон унвонининг қайта тикланишига ҳаракат қилиб келарди. Бу унвон Карл X замонида бекор қилинган эди. Жил Жан билан бирга унинг кабинетида ўтириб, бундан буён унинг, яъни Жил Лантъенинг зиммасига юкландиган мажбуриятлар тўғриси-

даги ҳаддан зиёд жиддий мулоҳазаларни диққат билан эшишиб, уқиб олишга интиларди.

— ... саргузаштларингизга чек қўйишингиз зарурлиги ҳақида гапириб ўтиришнинг ҳожати йўқ, — дерди Фермон. — Америка билан Вьетнам сулҳ тузадиган бўлиб қолса, мен сизни Сен-Тропезда излаб юришни истамайман. Биламан, сиз бу мансаб учун ҳали анча ёшлик қиласиз, лекин айни шу сабабга кўра ҳам ишга жуда жиддий киришмоқ керак бўлади. Айтганча, бир нарсани ҳисобга олинг — агар Гарнье анави фалвага аралашиб қолмаганда, биз, албатта, уни тайинлаган бўлардик.

Жил сергакланди. У Жанга қаради, Жан хижолат ичида бош чайқади.

— Менинг унча хабарим йўқ-а бу ишдан, — деди Жил. — Ҳақиқатан ҳам, Гарнье бу бўлимда кўпдан бери ишлайди. Пишиб кетган...

— Гарньенинг бошига тушган можаро анча жиддий. Аллақандай бола туфайли у энди полициянинг рўйхатига тушиб қолди.

— Бу гапларнинг иш масаласига нима дахли бор? — деб хитоб қилди Жил.

Унинг фаси келди, фазаби қўзиди. Жан унга “ўзингни бос” деган маънода қараб қўйди. Аммо Жил ўзини тўхтатолмай қолганди.

— Бундан чиқадики, агар мен вазиятни тўғри англаётган бўлсан, бу мансабга мен намунали хулқим учун эришаётган эканман-да?

Фермон тешиб юборадиган дараҷада совуқ назар билан унга ўқрайиб қаради:

— Гап сизнинг феълу-атворингизда эмас, менинида. Мен бу масъул вазифага бироннинг кутқусига учадиган, фалвали ишларга аралашиб юрадиган одамни қўёлмайман. Сентябрдан ишни бошланг.

Жаннинг кабинетида Жил ғазабини тўкиб солди. Жан унга бепарвогина қараб ўтирап, у бўлса қўлларини силкитиб хона бўйлаб елиб-югуради.

— Қабул қиломайман мен бу мансабни. Ўғирликдай бир гап бўлади-ку! Бу воқеа нима деган маънони билдиради? Мунча тегма-нозик бўлмаса одамлар? Кимларнингдир аллақандай майллари бор экан деб, бизнинг давримизда бирор уларни соғиб ичармиди? Рози бўлолмайман... Сен-чи? Сен нима деб ўйлайсан бу тўғрида? Менга айтиб қўйишинг мумкин эди-ку? Гарнье бутунлай хотиралдан кўтарилиб кетипти.

— Гарнье эсингдан чиқиб кетипти. Элоиза ҳам, мен ҳам эсингдан чиқиб кетганимиз, — деди муроса оҳангига Жан. — Майли, хавотир бўлмай қўяқол. Сен таклифни рад қилсанг, бошқа одам топишади. Масалан, ошнанг Томани қўйишади.

— Э-э, тупурдим, Томани қўйишадими, бошқасиними, менга — барибир. Лекин мен Гарньега нисбатан бунақа ишни қиломайман. Гарнье менга жуда маъкул одам. Ишни мендан кўра ёмон билмайди.

У хона бўйлаб тўхтамай юрар экан, тинмай устма-уст сигарета чекарди. Жан уни тўхтатди.

— Қани, ўтири-чи! Бошим айланиб кетяпти. Мен Гарнье билан гаплашганман. У сени энг маъкул номзод деб ҳисоблаяпти. Ўзи тўғрисида ҳеч қанақа хаёлга бораётгани йўқ. Учрашиб, гаплашиб кўр.

— Бирам осон-а ҳаммаси! — деди хуноб бўлиб Жил. — Бирам осон-а!

У ҳорғингина ўриндиқقا ўтириди. Жан жилмайди.

— Сени фавқулодда иқтидорларинг учун ишга олишмаганига хафа бўляпсанми?

— Ҳеч балони тушунаётганинг йўқ, — деди Жил. — Бунда очиқдан-очиқ адолатсизлик қилинганипти. Мен бундан фойдаланишни истамайман.

Лекин айни чоғда чиндан ҳам унинг кўнглида алланечук алами бор эди. Алам билан бирга нималардандир жирканяпти. Парижнинг бети қурсин жамики фийбатлари, найранглари, тартиблари, мунофиқликлари билан. Унинг қишлоққа қайтгиси келиб кетди. Лимож меҳмонхоналарини қўмсади. Поччасининг кўзига ўхаш бу мовий меҳмонхоналар нақадар сокин, нақадар сўлим! Наталига қўнғироқ қилиб, ундан маслаҳат сўраш керак. У тайинлик маслаҳат беради. Унда аллақандай табиий покизалик бор. Ҳозир унга айни шунақа покизалик керак.

— Ҳозир қўнфироқ қиласман, — деди у файришуурый тарзда.

— Кимга?

Кўндаланг қўйилган бу савол уни ажаблантириди. Одатда Жан сертакаллуф бўйларди, бирорни хижолатга қўйишни ёқтирамас эди.

— Нега мендан буни сўраяпсан?

— Қизиқяпман-да. Париждан кетаётганингда елкасига осилган тириклик бўйинтуругини зўрга кўтариб юрган, жонидан тўйган бир маҳбусга ўхшардинг. Қайтиб келиб, самоларда парвоз қилияпсан. Қизиқ, ким сабаб бўлсайкин бунга?

— Йўқ, сен адашајпсан? — деб хитоб қилди Жил ранги қумдай ўчиб. — Мен мутлақо уни яхши кўрмайман, — соддалик билан давом этди у. — У билан эндингина танишиб улгурдим. Жозибали аёл, тамом-вассалом!

Жан кулиб юборди.

— Тамом-вассалом дегин! Хўп ажойиб-а! Ундоқ бўлса, бутун умринг давомида ўзинг интилган мансабни таклиф қилсан, ўша куни эмас, эртасига йўлга чиқасан. Элоиза билан учрашсанг, энсанг қотади. Келиб улгурмасингдан ўша хотинга қўнфироқ қилишга ошиқасан. Илк бор қийинчиликка учрашинг биланоқ бу аёлдан маслаҳат сўрашинг зарур бўлиб қолади. Ана энди тамом-вассалом десак бўлар. Менга бунақа қарама, гўё бошимга масхарабознинг қалпоғини қўндириб қўйгандай. Аввал ўзингга қара, турқинг шунаقا бемазаки, кўрган одам қўрқиб кетади.

— Жуда ҳаддан ошиб кетдинг, — деди Жил. Фазаби зўрлигидан у ҳатто дукулана бошлади. У Жанни ҳам, ўзини ҳам ўзининг ҳақлигига ишонтиришга бехуда уринарди. — Мен сенга айтяпман-ку, у менга жуда манзур бўлди. Тамом, бошқа ҳеч гап йўқ. Нима бало, ичимдагини мендан кўра яхшироқ биладиган бўлиб қолганмисан дейман?

— Эндингина эмас, — деб жавоб берди Жан, — ўн беш йилдан бери сендан яхшироқ биламан. Қани, юр, бирор жойда жиндай ўтирайлик. Балки менга жиндай ёриларсан...

Улар “Шлюп”га киришиб, айвонда ўтиришди. Ҳаво жуда майин, қўёшнинг илиқ нури юзларни силаб эркалаётгандай бўлади. Жан қистовга олавериб қўймагач, Жил ўзининг қишлоқдаги саргузаштларини лўнда қилиб айтиб берди. Ўзининг иқрономаси самимий эканига, тўғрироғи, носамимий эканига Жанни ишонтиromoқ учун Жил гапларига пичинг ва киноя оҳангларини қўшиб юбормоғи керак эди. Аммо Жил бундай қилолмаганини қўриб ўзи ҳайрон бўлди. Лекин шундай бўлса ҳам ҳикоясини охирига етказиб қўйди. Жан эса мудроқ қиёфада трубкасини чекиб ўтиради.

— Агар бу гапларингнинг ҳаммаси тўғри бўлса, — деди у, — сен нега Лиможга қайтмоқчи бўляпсан? Ундан кўра, ҳар доимдагидек, Элоиза билан жанубга борақол-да.

— Ахир, тушунсанг-чи, гап қаерга бориша эмас! — хитоб қилди Жил узилкесил ғазаби тошиб. — Бу аёл мени қизиқтириб қолди! Психологик жиҳатдан...

— Мана, қирқ беш дақиқадан бери сен менга бу аёл тўғрисида гапиряпсан, — деди Жан, — соатимга қараб турдим, роппа-роса қирқ беш минут бўлди. Ўлгудай димлигига қарамай, юрагинг ўртаниб кетганига қарамай, пивога қўлингни ҳам теккизмадинг. Элоиззанинг шўри курсин. Франсуаззанинг ҳам шўри курсин. Ҳа-ҳа, эрининг. Ана кўрдингми, мен ҳатто унинг исмини ҳам биламан.

Жил анграйганча унга қараб қолди. Бир дақиқа боши айланди. Назарида унинг ичига бир нарса ўсиб, катталашиб келаётгандай бўлди, бутун вужуди даҳшатга тўлиб-тошли ва айни чоғда у ҳаддан ташқари енгил тортди, қўлини узатиб кружкадаги пивони олди-да, тантанавор тарзда лабларига олиб борди. Қўзларини ярим юмиди, бошини орқасига ташлаб, “қулт-қулт” қилиб, лунжини тўлдириб-тўлдириб ича бошлади. Илиқ пиво томоғидан ўтар экан, унга ҳозир қанча пиво бўлса ҳаммасини ичиб юборадигандек ва бундан кейин ҳамиша шунаقا хузурланиб чанқофини қондирадигандек туюлди... У бўшаган кружкани стол устига қўйди.

— Гапинг тўғри, — деди у. — Мен бу аёлни севиб қолганга ўхшайман.

— Ана, кўрдингми, ҳар қалай, сенга фойдам тегиб қолар экан-ку, — деб хуласа ясади Жан жиддий қиёфада.

III боб

Бутун кунни тушдагидек ўтказди. Тезроқ Наталига қўнғироқ қилиб, муҳабатидан тантанали равишда огоҳ қилиб қўйиш истаги уни ўртаб юборди. Шу билан бирга, у бу гапини Наталига кутилмаган бир тарзда, худди ноёб ва ажойиб бир тұхфадек тақдим этмоқчи, бу тўғрида унга гапираётганда Наталининг чехраси қандоқ бўлишини кўзи билан кўрмоқни истарди. Ишқилиб, яна бир неча кун бардош қилмоқ керак. Натали уни кутиб олгани вокзалга келадиган фурсатни кутиш керак... Улар шаҳар ташқарисига чиққанларида Жил Наталидан машинани тўхтатишини илтимос қиласди, унинг юзини кафтига олади-да, унга дейди: “Биласанми, мен сени жону дилимдан яхши кўраман!” Бу сўзларни эшишиб Натали нечоғлик масрур бўлишини ўйлаганда Жилнинг қалби ифтихорга тўлар, бутун вужудини ажойиб бир мулойимлик чулғаб олганини ҳис қиласди. Бундай пайтларда у ўзининг олижаноблигини гўё ташқаридан туриб томоша қилаётгандай бўларди. Олижаноблиги қўзиб кетган шу лаҳзада у заргарлик дўконига кирди ва ёнида бор пулнинг ҳаммасига чиройлик тақинчоқ олди. Бундан яна бадтар ийиб кетди ва келишиб олганларига биноан соат бешда юраги ҳаприқиб, гурс-гурс ургани ҳолида уйининг ёнидаги кичкина кафедан Наталига қўнғироқ қиласди.

Натали телефонга дарҳол келди, лекин овози қуруққина, ҳатто лоқайдгина эди. Бундан Жил аввалига ҳайрон бўлди, кейин алам қиласди. Лекин шу заҳотиёқ “Майли, ўзи шунаقا бўлади, бу табиий” деб ўзига тасалли берди. У яхши биларди: севгида ҳамиша охир-пировардида бир томон иккинчи томонни изтироб чекишига мажбур қиласди ва фақат аҳён-аҳёндагина камдан-кам ҳолларда роллар алмашинади. Лекин ҳозирнинг ўзида даб-дурустдан унинг зулмидан изтироб чекиб ўтиrsa, қандоқ бўлди бу? Уни яхши кўришини Жилнинг ўзи эндигина тан олди, буни у ҳали билмайди ҳам! Бу инсофдан эмас, айни чоғда, бу дарднинг оғриғи жуда қаттиқ экан. Лекин айни шу оғриқа қараб у Наталини чиндан ҳам яхши кўриб қолганига амин бўлди.

— Нималар бўляпти? — деб сўради у қувноқ оҳангда.

— Нима бўларди, кун ҳаддан ташқари дим. Эрталабдан бери момақалдириқ гумбуrlайди. Мен бўлсам... момақалдириқдан ўлгудай кўрқаман. Кулма! — Шундай деб Натали дарҳол илова қиласди. — Ўзимга сира кучим етмаса, нима қиласай?

Лекин Жил кулиб юборди. Наталининг гапини эшитиши билан унинг хафалиги дарҳол тарқаб кетди, айни чоғда у таажжубга ҳам тушди. Натали биринчи марта ўзини болалардек тутмоқда эди. Шу пайтгача унинг ҳамма қиликлиари ни — шаддодлиги, мардлиги, бидъату хурофотларга буткул бефарқлигини Жил кўпроқ унинг ўшлигига йўйган эди, лекин зинҳор-базинҳор бу сифатлар мешчанлар муҳитида ўсиб-улғайган ҳуркак болага хос деб ўйламаганди.

— Мен сенга совға олиб қўйдим, — деди у.

— Мунча яхши... Менга қара, Жил, мен гўшакни қўйиб қўймоқчиман. Момақалдириқ вақтида электр асбобларга қўл теккизиб бўлмайди. Жуда хатарли. Эртага қўнғироқ қилассан.

— Менга қара, — деди Жил. — Телефоннинг электртрга ҳеч қанақа дахли йўқ. Бу...

— Ўтинаман, — деди Натали кесиб. Унинг овози қўркувдан ўзгариб кетган эди. — Ўпаман... Хайр.

Натали гўшакни қўйиб қўйди, у бўлса саросима ичиди, қўлидаги гўшакни жойига қўймай, илжайишга тиришиб туриб қолганди. Унинг хаёлидан бир фикр ўтди — Лиможда янаги момақалдириқ вақтида Натали унинг қучогида бўлади — ана ўшанда кўрамиз нима зўр экан — қўркуви ёки лаззат. Бироқ Жил яна фуссага ботди, у ўзини ташландик одамдай ҳис қиласди. Кўча қуёшнинг чараклаған нурларига тўла эди, энди унинг Наталига олган соваси латофатини йўқотиб бемаъни бир нарсага ўхшаб кўринди. Унинг дарҳол Наталини кўргиси келиб кетди. Албатта, дунёда “Эр-Интер” бор. Машхур “Эр-Интер”. Агар у ҳад-

дан зиёд қийналиб кетса, шу заҳотиёқ учиб кетиши мумкин. У Орлига қўнғироқ қилди — эртагача самолёт бўлмас экан. Поезд кетиб бўлган, машинасини сотиб юборган, ёнида эса ҳемирининг тайини йўқ. Бунинг устига у эртага таҳририятга бориб, янги маоши масаласини аниқлаб олиши керак, Элоиза билан гаплашмоғи зарур. Э-э, умуман, ҳаёт деганлари қип-қизил дўзашнинг ўзи. Сирасини айтганда, ўзи шунақа бўлишини кутиш керак эди. Бугунги кунда унинг хурсандчиликлари ҳаддан зиёд кўпайиб кетди. “Ҳамма нарса учун ҳақ тўлаш керак” деган фикр унинг қалбida ўз-ўзидан жирканиш туйғусини туғдирад эди. Йў-ўқ, у заррача ҳам соғайгани йўқ. Аксинча, эндиликда унинг касалига яна касаллик қўшилди. У ҳам тушкун кайфиятда, ҳам таниб-танимайдиган бир аёлнинг асоратига тушиб ўтирипти. “Ўламан саттор, сени яхши кўраман” деб қасамлар ичса-ю, момақалдироқнинг илк қалдираши биланоқ гўшакни улоқтира! Қанақа аёл бўлди бу! У ўзининг гуссаларига андармон бўлиб ўтирад экан, кафенинг бекаси унга меҳрибон назар билан қаради. Ниҳоят, бу аёл ўзига қараб турганини пайқаб, Жил зўрма-зўраки илжайди.

— Зўр ҳаво бўляптими? — деди у.

— Иссик қаттиқ бўляпти, — деб бажонидил жавоб берди бека. — Момақалдироқ бўладими дейман.

Жил шу гапни илиб олди.

— Менга қаранг, сиз момақалдироқдан қўрқасизми?

Бека кулиб юборди.

— Момақалдироқдан? Ҳазиллашяпсизми? Биз қўрқсак, соликлардан қўрқамиз.

Бека бу мавзуда яна анчагина гапирмоқчи эди-ю, Жилнинг қиёфаси ўзгариб кетганини кўриб, гапни бошқа ёқقا бурди. Чиндан ҳам бека табиатан меҳршафқатли аёл эди, бироннинг дардини ҳис қиласидиган бенуқсон туйғуга эга эди. Кўпинча кичкина кафеларнинг бекалари биринчи қарашларидаёқ ёлғиз одамларни ҳам, шоду-хуррамларни ҳам, йўлдан адашиб, разиллашган одамларни ҳам таниб олади.

— Мана, масалан, менинг жиянимни олайлик. У Морважда туғилиб ўсан. У жойларда даҳшатли момақалдироқлар бўлади. Жияним шўрлик сира-сира уларга кўнниколмайди. Айтайлик, у тамадди қилиб ўтирган бўлади, бирдан момақалдироқ гумбурулаб қолади, жияним қўрққанидан каравотнинг тагига кириб кетади. Нима қила олардинг — асаб.

— Ха, — деб тақрорлади Жил мамнун оҳангда. — Нима қила олардинг — асаб.

Жил ўйланиб қолди — шу пайтга қадар Натали ўз асабларини қўйиб, унинг — Жилнинг асаблари билан шуғулланди. Мана, энди улар ўринларини алмашдилар. Инсоғ юзасидан қараганда, бунда адолат бор. У бека билан анчагина чақчақлашиб ўтириди, уни портвейн билан меҳмон қилди, бу ширин шарбатдан ўзи ҳам бир неча қадаҳини ичди. Авваллари бу шарбатни қўргани тоқати йўқ эди, лекин ҳозир у поччасининг уйидаги коктейлни эсига соляпти. Хуллас, Жил бирмунча ширакайф аҳволда баҳри-дили очилиб кафедан чиқди. Энди бориб Элоиза билан гапни бир ёкли қилиш керак эди. Эртага у кун бўйи таҳририятда бўлади, бир оз пул топишга уннаб кўради, топса, кечқурун йўлга чиқиши мумкин. У ҳозирнинг ўзиданоқ машинада Натали билан ёнма-ён ўтириб босиб ўтадиган юз чақирим йўлни кўз олдига келтира бошлади. Юз чақирим мўъжизакор йўлни, юз чақирим севги дафтарлари ўқиладиган йўлни... Нима учун Жил Наталига бир ҳафтадан ёхуд икки ҳафтадан кейин кўришамиз деди? Афтидан, бу ўз-ўзини ҳимоя қилишга уриниш эди, ўзига ҳам, Наталига ҳам “бир ҳафта мобайнида бемалол сенсиз яшай оламан” деган фикрни сингдиришга уриниш эди. Эҳтимолки, у ўзига ўзи мана, Париж ҳам бор, шуҳрат йўлини очиб берадиган амаллар бор, ёру-дўстларинг, ошна-оғайниларинг бор деган ишончни ҳам сингдирмоқчи бўлгандир. Лекин шу муғомбирликларининг ҳаммаси беҳуда чиқди, чунки мана — икки кундирки, унинг учун буларнинг ҳеч қайсиси йўқ, у ҳеч нарса-

ни кўраётгани ҳам, ҳеч нарсани сезаётгани ҳам йўқ, унинг ичида яшаётган бирдан-бир нарса Лимузен адирлари-ю, Наталининг чехраси. Аммо Натали Жилнинг ҳовлиқиб, шоша-пиша қайтиб борганини кўрса нима деб ўйлади? Унинг Наталига аллақачон боғланиб қолганини англаса, нима дейди? Унда шубҳа-гумонлар гумдон бўлиши биланоқ муқаррар тарзда пайдо бўладиган ўта хотиржам ишонч пайдо бўлмасмикин? Ёки у хурсанд бўлганидан эс-хушини йўқотиб қўярмикин? Кейин Жил унинг тунов кунги вокзалдаги ёш тўла мўлтираб турган кўзларини эслади, бугунги телефондаги эҳтиоросиз овозини эслади ва бир-бирига ўхшамаган иккита аёл борга ўхшайди деган тўхтамга келди, кейин Наталининг турли сиёкларини бир-бирига таққослаб, қўшиб, мураккаблаштириб, хиралаштириб, ҳақиқий муҳаббат ҳудудига келиб қолганини ўзи ҳам сезмай қолди.

Жил кириб келганида Элоиза телевизор кўриб ўтирад эди. Аммо эри кириши биланоқ, ўтирган жойидан сапчиб туриб, унинг бўйнидан қучоқлаб олди. Жил бир замонлар худди шунақа аҳвол рўй бериб турганини эслади. Лекин ўшандан бери бор-йўғи бир ой ўтипти, холос-ку. Буни эслаб ҳайрон бўлди. Ҳолбуки, ўшандан бери жуда кўп вақт ўтгандек эди... Ўшандан бери озмунча воқеалар рўй бердими?.. Қани, бир саралаб кўрайлик-чи — нималар рўй берди ўзи? Икки ҳафта мобайнида у опасиникида ўлгудай сиқилиб, диққинафас бўлиб юрди, кейин ўн кун мобайнида аллақайси аёл билан севги айшини сурди. Истасанг, шу ерда нуқта қўйса ҳам бўлаверади. Аммо у нуқта қўйишни сира истамаётган эди, ҳа, нуқта қўйишга мутлақо ҳоҳиши йўқ эди.

— Қалай, ишларинг тузук бўлдими? Фермонни кўрдингми?

— Ҳа, — деб жавоб берди у. — Кўрдим. Ҳаммаси жойида.

Жилнинг батафсил гапиргиси, Гарнъе воқеасини айтиб ўтиргиси келмади. Бу тўғрида Наталидан бошқа ҳеч ким билан гаплашишга ҳуши йўқ эди. Балки баъзида муҳаббатга қўнглингдагининг борини фақат битта одам билан баҳам кўриш истагидир деб таъриф берса ҳам бўлармикин?

— Ичишга портвейнинг йўқми, мабодо? — деб сўради у. Сўради-ю, дарҳол дами ичига тушиб кетди — у ўзини меҳмондай тутмоқда эди.

— Портвейн дейсанми? Портвейнга тоқатинг йўқ эди-ку?

— Мен уч қадаҳ портвейн ичиб келяпман. Арапаштирмай деяпман. Мен... — деди у томоқ қириб, — яна ичмасам бўлмайди.

Ана — бўлди. Гапнинг муқаддимаси айтилди. Ҳозир Элоиза “Нима учун?” деб сўрайди, Жил бўлса, “Сен билан гаплашиб олишим керак” деб жавоб беради. Бироқ Элоиза ҳеч нарсанинг фаросатига бормаётган эди.

— О, тушунаман, — деб хитоб қилди у. — Шўрликинам, роса чарчагансан. Жиндай сабр қил, югуриб пастга тушиб чиқаман. Фир этиб магазинга бориб келаман.

— Қўй, керак эмас, — деди Жил энсаси қотиб.

Аммо Элоиза аллақачон хонадан чиқиб кетганди.

У деразанинг олдига бориб, Элоизанинг танца тушаётгандай йўрға юриш билан кўчани кесиб ўтиб, магазинга кириб кетаётганини кўрди. У худди ёв қувгандай теварак-атрофига аланглади — пастаккина стол устида унинг яхши кўрган сигарети. Унинг ёнида саришталик билан тахлаб қўйилган кечаги газета. Вазада янги узилган гуллар. Ётоққа кириб кўрмаса ҳам Жил билдики, унинг оқ кўйлаги билан енгил кулранг костюми каравотининг оёқ томонига илиб қўйилган. Ҳатто анави сўхтаси совуқ духоба айиқ ҳам аллақаёққа фойиб бўлипти. Бўлмаса, Жил айиқ тўғрисида лом-лим деб оғиз очгани йўқ. Афтидан, Элоиза унинг индамаганини андишага йўйган, шекилли. Ҳолбуки, бу лоқайдликдан ўзга нарса эмас эди. Жил бўлса кеча кечаси ҳеч нарсани ўйлаб ўтирмай у билан ишрат қилди ва умуман, унга нисбатан бетамизларча муомалада бўлди. Жил ўзига ўзи жирканч кўриниб кетди. Булар тўғрисида ҳам оқизмай-томизмай Наталига гапириб беради, ундан ҳеч нарсани яширмайди. У ҳозирданоқ ўзининг ошкоралиги билан, ўзини ўзи аямай са-

валаб расво қилгани билан фуурлана бошлаганди, аммо ўз айбини юмшатиш истаги ва Элоиза билан ажралишига Натали назарида кўпроқ қиммат беришга уринаётгани унинг тавба-тазаррусида қанақа роль ўйнашини Жил ўйлаб кўргани йўқ эди.

Хаёл оғушида ўтирган Жил бир қадаҳ портвейн ичди-да, Элоиза билан бўладиган гап-сўзни телевизион журналинг тугашига қолдирди. Журнал тугагандан кейин Элоиза телефильмнинг навбатдаги сериясини кўраман деб туриб олди — у ҳам бу фильмни Жилнинг опаси Одилия каби бир ойдан бери мириқиб томоша қилмоқда эди. Шундай қилиб, кутимагандга Жилга яна эллик беш дақиқалик муддат тегиб қолди, аммо бундан унинг саросимаси кучайди, холос. У Элоизани бирор ёққа, масалан, клубга олиб бориб, одамларнинг тала-тўполнони орасида, музиканинг шовқин-сурони остида унга ҳамма гапни айтишни истаган эди. Шундай қилса, гапириш енгилроқ бўлармиди? Лекин буларнинг бари — сийқаси чиққан.

— Корнинг очми? — деб сўради Элоиза телевизорни ўчирад экан.

— Йўқ, Элоиза... Сенга айтадиган гапим бор эди... Мен... мен... У ерда... қишлоқда бошқа аёлни учратиб қолдим... Мен... мен...

У гапирадиган гапини йўқотиб кўйди. Ранги учиб кетган Элоиза унга бақрайганча қотиб қолди.

— Бу аёл менга жуда ҳам ёрдам берди, — деб шоша-пиша илова қилди у. — Ростини айтсан, мен шу аёл туфайли ўзимга келдим. Мени кечир... Кечаги тун учун ҳам кечир... Бундай қилмаслигим керак эди...

Элоиза бир оғиз гапирмай, аста ўриндиқقا ўтириди.

— Мен яна ўша ёққа кетаман. Сен бўлсанг, албатта, бу уйда истаганча туришинг мумкин... Ўзинг яхши биласан-ку, сен билан биз ҳамиша дўст бўлиб қолаверамиз...

“Гапларим мунча тутириксиз бўлмаса? Шунчалик ҳам бесўнақай бўладими? — деб ўйлади Жил. — Учига чиққан бемаъни қилиқ. Роса бағритошлиқ қиляпман. Бошқа нима иложим бор? Ҳамма гапимни айтдим!” Унинг вужудиди алланечук караҳтлик эгаллаб олди.

— Сен уни севасанми? — деб сўради Элоиза.

Элоиза унинг гапларига ишонмаган кўринидаи.

— Ҳа. Ҳар ҳолда ўзимча шундоқ деб ўйлајпман. У ҳам мени севади, — деб шоша-пиша қўшиб кўйди у.

— Ундоқ бўлса нима учун... Нима учун кеча кечаси...

Элоиза Жилнинг бетига қарамади ҳам. У ҳатто йифламади, телевизорда гўё фақат унинг кўзигагина кўринаётган алланечук фильм намойиш қилинаётгандай экрандан кўзини узмай тикилиб ўтираверди.

— Мен... мен... кўнглим сени тусади, шекилли, — деб минфиirlади Жил. — Мени кечир, ҳамма гапни ўша заҳоти айтмоғим керак эди.

— Ҳа, — деб луқма ташлади Элоиза. — Керак эди.

Элоиза индамай қолди. Сукут борган сари чидаб бўлмайдиган тус олмоқда эди. Бундан кўра Элоизанинг фарёд кўтаргани, уни саволларга кўмиб ташлагани, ҳатто бирон қалтисроқ иш қилгани ҳам яхши эди — унда Жилга енгилроқ бўларди. Ҳа, Жилга! У бошдан-оёқ терга ботиб ўтирган жойида, қўли билан сочини силади. Аммо Элоиза ҳамон индамай ўтиради. Жил ўрнидан туриб, хона бўйлаб юра бошлади.

— Бирор нарса ичгинг келяптими?

Элоиза бошини кўтарди. У йиғламоқда эди, Жил файришуурый тарзда унга талпинди, лекин у ўзини орқага ташлади-да, қўллари билан юзини яшириб олди.

— Кет, — деди Элоиза, — сендан ўтиниб сўрайман, Жил, ҳозирнинг ўзида чиқиб кет... Эртага мен чиқиб кетаман, йўқ, чиқиб кет, илтимос қиласман сендан.

Гурс-гурс урган юраги қинидан чиқиб кетай деб Жил зинадан югуриб тушди ва кўчага отилди. Нафаси бўғилиб дарахтга суюнди, уни қўллари билан қучди.

У ҳаддан ташқари сиқилиб, хуноби чиқиб кетган, уялганидан ўзини қаерга қўйишни билмай қолганди.

— Айни сизни тайинлашганидан беҳад хурсандман, — деди Гарнье.

Улар “Қирол қўприги” деб аталган меҳмонхонанинг баридаги ўтиришарди. Бар ертўлада жойлашган бўлиб, уни электр чироқлари кечаси-ю кундузи бирдек ёритиб турарди. Жил тунни меҳмонхонада ўтказди. Унинг соқоли қирилмаган, кўйлаги ҳам мижигланган, уни қийнаган даҳшатлардан ҳали ўзига келгани йўқ. Ҳар қанча фалати бўлмасин, новча ва бақувват, соchlari оплоқ, теварак-атрофга майнинги билин боқадиган Гарнье Жилга қараганда ўзини хотиржамроқ ҳис қиласарди, шекилли.

— Бу жой... инсоф юзасидан қараганда сизники эди, — деди Жил. — Мен сизни ундан бенасиб қилишни истамайман.

— Бу масалада сизнинг ҳеч қандай айбингиз йўқ. Фермонга менинг маънавий қиёфам маъқул эмас. Ҳамма гап шунда.

Гарнье кулиб юборди, Жил қизарди.

— Биласизми, — деб юмшоқ оҳангда давом этди Гарнье, — буларнинг бари унчалик жиддий эмас. “Номусдан бошқа ҳамма нарса қўлдан кетди...” Мен бемалол ҳаммасини инкор қўлмоғим мумкин эди. Уларнинг қўлида ҳеч қанақа далил-исбот йўқ эди. Аммо обўйимни ҳимоя қиласман деб, номусимдан ажраплиб қолардим. Кўп фалати гаплар-а, шундай эмасми?

— Нима иш қўлмоқчисиз энди? — деб сўради Жил.

— Олти ойдан кейин болани колониядан чиқаришади. У балогат ёшига етади. Ўшанда мен билан кўришиш-кўришмаслигини ўзи ҳал қиласади.

Жил Гарнъега завқланиб қаради:

— Борди-ю у сиз билан кўришишни истамаса, — деди у, — сиз ҳамма нарсадан маҳрум бўласиз-ку, эвазига ҳеч нарса олабилмайсиз...

— Мен ўз ихтиёrim билан берган нарсам учун ҳеч қачон афсусланган эмасман, — хотиржам жавоб берди Гарнье. — Фақат ўғирлаб олган нарсамизгина жуда қимматга тушади, буни эслаб қолинг, азизим... — Шундай деб у жилмайди. — Мендай фосиҳ бир одамдан ахлоқ бобидаги бунақа баландпарвоз мулоҳазаларни эшлиши фалати кўринса керак, албатта? Лекин гапимга ишонаверинг, бир кун келиб севган нарсангиздан уяла бошласангиз, ўша куни ҳалок бўлдим деб ҳисоблайверинг. Ўз-ўзингиз учун ҳалок бўласиз. Келинг, энди иш тўғрисида гаплашайлик.

Гарнье Жилга кўпгина жўялик маслаҳатлар берди, бироқ унинг гаплари Жилнинг қулогига кирмади, ҳисоб. У Элоизани қароқчидай тўнаб кетганини ўйларди, Наталига бўлган муҳаббатидан ҳеч қачон хижолат чекмаслигини ўйларди. Гарчи анави болани қандай яхши кўрган бўлса, Жил ҳам Наталини шунчалик самимият билан, шунчалик нафис севажагини ўйлар эди. У буларнинг барини Наталига айтади, унга, албатта, Гарнье тўғрисида сўзлаб беради. Унинг ҳаддан ташқари Наталини кўргиси келиб кетди. Ярим соатдан кейин у таҳририятда бўлади, пул масалаларини тезроқ бир ёқлиқ қилишга ҳаракат қиласади, Жан билан бирга тушлик қиласади, унга Элоизанинг ташвиши билан шуғулланишини топширади, чемоданини жойлайди-да, соат бешдаги поездга бир амаллаб улгуради. Ҳозир эса меҳмонхонанинг ўзидан Лиможга кўнфироқ қиласади.

Наталининг овози жуда мулоийм, қувноқ эди. Жил қўққисдан ўзини чинакамига баҳтиёр ҳис қиласди.

— Кечаги гаплашганимиздан бери мен ич-этимни еб бўлдим, — деди Натали гапининг аввалиданоқ. — Лекин кеча мен ҳақиқатан ҳам ёмон қўрқдим. Бу асаб.

— Майли, хафа бўлма, — деди у. — Натали, агар бугун кечкурун борақолсам, нима дейсан?

Орага жимлик чўқди.

— Бугун кечкурун дейсанми? — деб қайтариб сўради Натали. — Йўқ, Жил, бу ҳаддан ташқари яхши бўларди. “Кел” десам, келоласанми?

— Ҳа. Париж жонимга тегиб кетди. Менга сен етишмаяпсан, — деб овозини пасайтириб илова қилди у. — Поездда бораман. Мени Вьерзонда кутиб оласанми?

— Ё парвардигор! — деди у саросима ичида. — Биз бугун Кудеркларниги зиёфатга бормогимиз керак. Нима қилсам экан-а?

Унинг овозида чиндан ҳам начорлик оҳанглари яққол сезилиб турарди. Буни эшишиб, Жил хотиржам бўлиб қолди ва бардам оҳангда деди:

— Лиможгача бораман-да, у ёғига такси оламан. Эртага учраша қоламиз. Мен билан тушлик қила оласанми? Эртага Қизил Хочнинг мажлиси йўқми?

— Оҳ, Жил... — деди Натали. — Жил, тушимми-ўнгимми! Эртага сени кўраманми, а!.. Қандай баҳт-а! Ўлгудай соғиндим сени...

— Эртага соат ўн иккida опамникига келиб мени олиб кетасан. Хўпми? Опамга айтиб қўйишинг шарт эмас.

Бирдан у ўзини одатдагидан бошқачароқ — мард, қатъиятли, фаол одамдай ҳис қилди. У Париж деб аталмиш ақл бовар қилмайдиган ола-ғовуру, тўпалонлар уясидан халос бўлиш арафасида турипти. Унга янгидан жон киряпти.

— Мен ҳозирнинг ўзида Одилиянинг олдига бораман, — деб жавоб берди Натали. — Эртага пешинда эса сени олиб кетгани бораман. Сенинг ҳамма ишинг жойидами?

— Баъзи бир мураккабликлар бўлди, ҳатто жиддий қийинчиликлар ҳам юз берди, бироқ мен... Мен ҳаммасини бартараф қилдим, — деди Жил қатъий оҳангда гапини якунлар экан.

“Бартараф қилдим эмиш... Гапга қара-ю, — деб хаёлидан ўтказди у кўйқисдан. — Бирорнинг ўрнини эгаллашга рози бўлдим, аёл кишини изтироб чекишига мажбур қилдим дегин”. Бироқ у баҳтиёрлик билан ҳамиша ҳамқадам юрадиган кишини маст қилувчи, сира енгилмайдиган, шафқатсиз шодмонлик туйфусига қарши кураша олмас эди.

— Эртагача хайр, — деди Натали. — Сени севаман.

Жил “мен ҳам” деб улгурмади — у тўшакни илиб қўйди.

ТЎРТИНЧИ ҚИСМ

ЛИМОЖ

I боб

Бу гал поезд ҳаддан ташқари имиллаб узоқ юрди. Вокзал тугаши биланоқ Парижнинг чекка жойлари чўзилиб кетди. Ботаётган ёз қўёшининг шуълаларида улар ҳам бетакрор бир латофат касб этган эди. КейинLuaraғa етишга сал қолганда ям-яшил семиз ўллар билан қопланган дастлабки майсазорлар бошланди. Уларни узундан-узун соя ташлаб турган дараҳтлар қуршаб олганди. Сўнг буралиб-буралиб оқаётган Luarанинг ўзи кўринди. Кейин қоронғи тушиб, ҳеч нарсани ажратиб бўлмай қолди. Жил деразадан юзини бурди-да, ҳамроҳларининг хотиржам юзларига қарай бошлади. Жил бу поездда ўзини яхши ҳис этмоқда эди, чунки поезд муқаррар тарзда уни опасининг уйига ва Наталига олиб бормоқда, уни муҳаббат ва осойишталик бағрига элтмоқда. Унинг назарида бутун ҳаёти давомида бирор марта ҳам муҳаббат билан осойишталик бирга намоён бўлмаган эди.

У Лиможда поезддан тушганида эндингина соат ўн бирдан ошган эди. Теварак-атроф қоронғи. Тўсатдан Натали унинг бўйнига осилиб олганда у ҳайратдан ҳанг-манг бўлиб қолди. У чемоданини ерга ташлаб, бирор оғиз гап айттол-

май, Наталини бағрига босди: баҳтдан маст эди. Улар перронда шу аҳволда бир-бирларига ёпишиб, кема устидагидек енгил чайқалиб, ўтган-кетғанларнинг синчков назарига эътибор бермай узоқ туриб қолишиди. Кейин Жил бошини орқасига ташлаб унга қаради — Жил авваллари пайқамаган экан — Наталининг кўзлари бетининг ярмини эгаллар даражада катта экан.

— Қандай қилиб чиқиб келдинг зиёфатдан?

— Қочиб чиқдим, — жавоб берди у. — Ортиқ чидаётмадим. Зиёфат эмас, турган-битгани азоб бўлди. Шўрва беришгандан кейин сени Орлеандан ўтиб қолгандирор деб ўйладим. Балиқни дастурхонга тортишгандан, сен Шаторга келгансан дедим. Накд жинни бўлаётдим. Назаримда, сал бўлса, ҳушдан кетадигандек эдим. Мени ўпиг қўй, Жил. Энди бошқа ҳеч қаёққа кетмайсан...

Жил Наталини ўпди, у билан бирга майдонга чиқди, унинг машинасини қидириб топди, машинага чемоданини ташлади, ўзини ҳам ўриндиққа ташлади-да, Наталини қучоқлади.

— Яна ҳам озиб кетибсан-ку, — деб дакки берган бўлди у. — Лоақал мени танияпсанми?

— Бу ерда бор-йўғи уч кун бўлмадим, холос, — деди у.

— Зиёфатда кечки овқатдан кейин одатда карта ўйнашади. Мен тобим қочганини баҳона қилиб, уйга кетаман деб туриб олдим. Поездга зўрга етиб келдим — Лиможнинг ярим аҳлини босиб-янчиб кетишимга сал қолди.

Жил ўзини мутлақо баҳтиёр ҳис қилган ҳолда хаёлига биронта ҳам фикр келтирмасдан уни ўпди. Унинг бошқа айтадиган гапи қолмаган эди. Лекин у Наталига асраб қўйган энг улуф янгилигини — уни севишини айтиши кераклигини унугтаний ўқ эди. Уни чиндан севишини ниҳоят унинг ўзи англаб етди. Лекин гапнинг рости — бу кашфиёт унга ҳозир Париждагидек муҳим, лол қолдирувчи янгилик бўлиб туюлмай қолди. Шунга қарамай, Парижда ийиб кетиб, ўзига ўзи қойил қолган ва шу ҳолатда бошдан-оёқ бир кунни ўтказган Жилга нисбатан садоқат белгиси сифатида у ўзини ўзи мажбурлаб, тантанавор овозда деди:

— Биласанми?.. Биласанми, Натали, мен сени севаман.

Лекин бу гапи ўзига кулгили кўринди. Натали ҳам буни эшишиб кулиб юборди:

— Шуни айтгин-а, — деди у заррача ҳам таажжуб белгиларини зоҳир этмай. — Бир камим — энди мени яхши кўрмаслигинг қолувди.

Жил ҳам кулди. Наталининг гапи тўғри, у — фирт аҳмоқ. Шунаقا ўз-ўзидан аён нарсалар борки, уларни сўз билан ифодалашга ҳеч қандай ҳожат ўқ. Биринчи кун у Жилни яхши кўришини айтди, кейин бамайлихотир у ҳам қачон Наталини яхши кўриб қолишини кутди. Гап ўқ, Натали кучли аёл, аниқроғи, у аёл сифатида заифликларга эга, лекин биладики, бу заифликларга қарши турмоқнинг имкони ўқ. Ҳа, у жуда таъсирчан бир тарзда муҳаббат изҳор қилмоқчи эди, лекин ишни расво қилиб қўйди, расво қилиб қўйгани учун яна ўзидан қаттиқ ўпкалади.

— Нега ҳеч нарса деб гапирмаяпсан? — сўради Натали.

— Галирадиган гапим ўқ, — жавоб берди у. — Ўзим сопна-соғман, ишларим жойида. Йўл давомида вагоннинг деразасидан табиатни томоша қилиб келдим.

— Ҳикоянг унча бой эмас-ку...

— Мени ўпиг қўй, — деди Жил. — Эртага сенга ҳаммасини айтиб бераман. Дарё бўйига борамиз. Мен билан тушлик қиласанми?

— Ҳа. Бугун энди қайтишим керак. Франсуа уйга келиб бўлгандир. Сени кутгани келишим керак эмас эди, энди сендан ажралиш азоби ўртайди.

Улар Лимож кўчалари бўйлаб кетиб боришарди; Натали машинани секин ҳайдаб борар ва деразадан оқшом салқини уриб турарди. Жил Наталининг қўлидан ушлаб кетар экан, ҳеч нарса тўғрида ўйлаётгани ўқ ва мана шу миёсида биронта ҳам фикрнинг ўққалигининг ўзи чинакам баҳт эканини гирашира сезиб борарди. Кейин у Наталининг машинасидан тушиб, таксига ўтириди ва ўша сархуш ҳолатида яна ўттиз чақирим йўл босиб, ниҳоят, опасининг

таниш эски уйига етиб борди. Уйга кириб, Одилия билан Флоранни ётган жойларидан турғизиб, тўсатдан ўзининг карахтлигини бир силкиниб улоқтириб ташлагандек бўлди ва ўзининг сафари тўғрисида ҳикоя қила кетди. Лекин ҳали уйқусираб турган эру хотин ҳеч нарсага тушунмади. Лекин шундоқ бўлсада, Жил йўлда келаётуб вагонда Натали ҳақида ўйлаб ўтириб, унга айтишга аҳд қилган гапларининг ҳаммасини уларга чалкаштириб, узундан-узоқ қилиб гапириб берди.

Жил соҳилда, шундоққина сувнинг бўйида Наталининг ёнида ётилти. Кун иссиқ, икковлари ҳам оғиб қолган қуёш нурларига чидаёлмай кўзларини қисиб олишган. Натали Жил билан бирга бу ерда қуёшда тобланяпмиз деб ҳисоблайди, Жил бўлса унинг бу гапига кулади, фақат Ўрта Ер денгизидагина қуёшда чинакам тобланиш мумкин деб ҳисоблайди, бу ерда эса ёзингнг охирларигача ҳар куни қуёшга тоблансалар-да, нари борганда баданлари сарғаяди, холос деб баҳслашади. Аммо куйлаклари ёқавайрон ҳолатда бетларини ям-яшил майсага босиб ётишнинг ўзи роҳат эди. Авваллари Жил ана шу бешафқат қуёшни ҳам, чўғдай қизиб кетган пляжларни ҳам, осонгина қўйнингга кириши мумкин бўлган яланғоч танларни ҳам жонидан ортиқ яхши кўрарди. Энди бўлса буларнинг бари уни жиркантироқда. Эндиликда Жилга фақат мана шу латиф манзара-ю, мана шу мураккаб аёлгина бўлса бас эди. Натали бўлса Жилдан хафа. Жил буни сезяпти. Унинг Парижда қилган ишлари ҳақидаги ҳикояси Наталида фақат иккита туйғу уйғотди, холос: Элоизанинг қисматига жуда қаттиқ ачинди ва тўсатдан Граньега қизиқиб қолди. Айни чоқда у Жилнинг ўзининг кечинмаларига бутунлай лоқайд қолди. Аслида-ку Жилнинг назарида Натали Элоиза билан ўтказган туни учун ҳар қанча рашк қиласа, ҳаққи бор эди. Натали мутлақо рашк қилмади, Фермонга нисбатан унинг ошиб-тошган ғазабларини ҳам пинагини бузмай тинглади. Буларнинг барини эшишиб бўлиб, “чакки бўлипти-ку” дейишдан нари ўтмади. Жил ҳамма гапни оқизмай-томизмай аниқ айтиб бериб, Наталини чиндан-да хафа қилиб қўяман деб ўйлаган эди, лекин шундоқ бўлса ҳам, у мени қораламайди, менга таскин беради деб кутган эди. Ҳолбуки, Натали уни қоралади, заифлиги учун қоралади.

— Менга қара, — деди Жил энсаси қотиб ва айни чоқда эрингансимон (ахир улар кун бўйи Жилнинг хонасини тарк этишгани йўқ эди), менга айт-чи, Натали, сенингча, мен нима қилмоғим керак эди? Элоиза билан қолаймиди? Газетадан кетаймиди?

— Билмадим. Мен бунаقا чигал вазиятларни ёқтиромайман. Менда шунаقا бир тасаввур ҳосил бўляптики, турган-битганинг жанжалу фавфорга ўҳшайди. Салкам алдов. Билмадим, ҳақмисан, ноҳақмисан. Ўзингни жиндай гуноҳкор деб тан оласан-да, шу тан олишингдан ўзинг мароқланасан...

— Буткул ириб-чириб кетганман, шунақами? — кулиб хитоб қилди Жил.

— Бўлиши мумкин.

Натали ҳазиллашаётгани йўқ эди. У қорнига ўтирилиб ётди-да, уни қучоқлади. Наталидан қуёшда илиган майса ҳиди келарди, у Жилдан кўзларини узмай, ҳайрон бўлиб, тикилиб турарди. Бироқ Жил унинг кўзларидаги ифодани кўраётгани йўқ, балки унинг кўзлари тагидаги севги ишрати оқибатида пайдо бўлган кўкиш ҳалқаларни кўрятти, холос. У жилмайди, бу ҳалқаларни ўпди-да. Кулиб юборди:

— Ириб-чириб кетган одам бўлса, сен уни яхши кўриб қола олармидинг?

— Ёмон одамларни ҳам яхши кўришади-ку!

— Қизиқ-а, туппа-тузук ўқимишли аёлсан-у, шунаقا бемаза гапларни гапиришга уялмайсанми?

— Нега энди, уяламан, — секин жавоб берди Натали. — Лекин бунаقا гаплар кўпинча рост бўлади.

Жил унга қаради. Унинг чиндан ҳам кўрққани сезилиб турарди. Бир лаҳзага унинг ўзи ҳам кўрқиб кетди. Бирга турмуш куришса, аҳволлари қандай кечар-

кин? Вақти-соати келиб, Натали ундан жиркана бошласа нима бўлади? У чиндан ҳам жирканишга лойиқ чиқиб қолса нима бўлади? Тўсатдан Натали уни ортиқ яхши кўрмай қўйса-чи? Жил бошини майсалар орасига тиқди-да, чуқур хўрсинди — на дам олалади, на унга тинчлик бор. Мана у шу аёлни яхши кўради, буни тўғридан-тўғри унинг юзига айтди, у бўлса Жилдан ҳадиксираб ўтирипти.

— Агар қўрқаётган бўлсанг, мендан кеча қол, — деб шивирлади Жил. Шу заҳоти Наталининг бети, лаблари бўйнига текканини ҳис қилди.

— Кечолмайман-да, — деди Натали. — Мабодо кеча олганимда ҳам бундай қилмас эдим.

— Нега?

— Менинг ҳаётим жуда осойишта ўтган. Мени ардоқлашган, эҳтиёт қилишган. Лекин мен жуда зерикиб яшаганман, — деди у хотиржам оҳангда. — Афтидан, сенга ўхшаган бирорта одамни учратмоғим шарт эди, щекилли?

— Бу учрашув сенга омаддай туюладими ёхуд ҳалокатми?

— Ҳозир — омад, — жавоб берди у.

Улар майса устида ҳаракатсиз ётишарди. Натали унга суйкалиб ёнбошладида, бошини унинг орқасига қўйиб олди, ингичка, узунчоқ бир майса унинг пешонасини қитиқлади; унинг вужудини карахтликка ўхшаш бир осойишталик чулгади. Ўз овозини эшитиб, ўзи ажабланди:

— Франсуани нима қиласиз?

Натали ундан нари сурилиб, ерга қараб ётиб олди. Жил бошини буриб қаради. Энди у Наталининг бошини ён томондан кўрди — Натали бамайлихотир осмонга тикилиб ётарди.

— Билмадим, — деди у. — Уни тарк этмоғинг керак.

Жил сесканиб кетди. Франсуа йўқдай гап эди, уларга ҳалақит қилаётгани йўқ, файришурий тарзда Жил бу одамнинг мавжудлигига кўнишиб ултурган эди. Натали билан эрининг орасида яқинлик йўқлигидан Жилнинг хабари бор, бу тўғрида Наталининг ўзи айтган эди. Жил Наталининг ҳаддан зиёд даражада ростгўйлигини билади, шунинг учун унга ишонади. Аммо бу ростгўйликнинг оқибатида аллақанча можаролар келиб чиқарди.

— Хўш, нима қилмоқчи бўляпсан энди?

Натали унга қараб жилмайди.

— Балки сен билан бирга жўнаб кетарман. Жонингга теккунимча, ёнингда бўларман. У ёғига яна кўраверамиз...

Натали ҳақ. Натали мутлақо ҳақ, улар бир-бирларини яхши кўришади. Шундоқ бўлгандан кейин бирга бўлмоқлари керак. Унинг топиши ёмон эмас, битта хотинни боқишига бемалол етиб ортади. Аллақандай мужмал эркинлигу ёлғизлика ёпишиб олмоққа не ҳожат? Қирилиб кетмайдими ўша эркинлиги ҳам, ёлғизлиги ҳам. Ахир, айни ана шу серташвиш, сергалва дардисарлар сабабли у руҳий тушкунлик дардига чалинди-ку!.. Шундоқ бўлса ҳам, одам қўрқади. Натали қўлинни узатиб, унинг соchlарига тегинди.

— Ташвиш қилма, Жил. Ёзгача мен ундан кетмайман. Ёзнинг охиригача! Сен билан ҳам бирга кетмайман. Ўзинг буни мендан илтимос қилмагунингча.

Бирдан Жилнинг жаҳли чиқди ва Наталига ўқрайиб қаради. Жаҳлининг чиққанига сабаб — Натали унинг фикрларини уқиб олгани эди, Наталида ҳам худди униқидай фикрлар уйғонгани эди.

— Ташвишланишни хаёлимга ҳам келтирганим йўқ. Сен билан бирга бўлсан, дейман, холос. Мен билан бирга кетишингни истайман. Биз дарҳол жўнаб кетсак, дейман. Бугун кечқуруноқ сен эринг билан орани очди қиласан, эртага жўнаб кетаверамиз.

“Қаёққа борамиз? — деган ўй келди хаёлига дафъатан. — Қаёққа? Чўнтағимда атиги уч франк пулим бор. Эртага, албатта, катта жанжал кўпади. Жанжалдан кейин бу ерда қолишнинг сира иложи йўқ. Сентябргача бошимизни қайси тешикка урамиз?”

Лекин Натали жилмайиб турарди. Шу табассум уни бутунлай жунбушга келтирди.

— Мен билан бирга кетишингни истайман.

Унинг бақириб юборишига сал қолди.

— Хўп, майли, кетаман, — деди у хотиржамлик билан. — Фақат, сенинг амри-фармонинг билан эмас, илтимосинг билан кетаман. Нега бақирасан, қара, қизариблар кетдинг. Нима, бу ерда аҳволимиз ёмонми? Каёққа кетмоқчи бўляпсан?

— Сохта вазиятларни ёқтирмайман, — деб гап бошлади Жил мутакаббирлик билан.

Лекин Натали унга бир ўқрайган эди, Жилнинг дами ичига тушиб кетди. Аммо Натали шу заҳотиёқ хохолаб кулиб юборди, унга қўшилиб Жил ҳам кулди, яна унинг устига энгашди-да, ўзиники билан унинг соchlарини аралаш-куралаш қориштириб, унинг юзи, қўзи, бетлари, лабларидан бўсалар ола бошлади.

— Оҳ, Натали, — деб шивирларди у. — Натали, қаёқдан мени шунчалик яхши биласан-а!.. Оҳ, сени яхши кўраман. Жуда яхши кўраман, Натали!

Натали унинг қучоқларида тўлғониб, қиқир-қиқир кулар, кўзлари ёниб, ўзини тўхтатолмай мириқиб-мириқиб куларди.

(Давоми бор)



ДОНОЛАР БИСОТИДАН

* Кўп билган эмас, балки билими фойда келтирган донодир.

Эсхил

* Билимсизлик — фалокатдан кутилишнинг энг ёмон воситасидир.

Сенека

* Кўп нарсани билиб олиш билангина ақл ўсмайди.

Хераклий

* Шон-шараф умри қаҳрамон умридан ҳам узоқдир.

Еврепид

* Эҳтиёткорлик ҳеч қачон ортиқчалик қилмайди.

Хораций

* Ҳаёт — асал билан заҳарнинг омухтасидир.

Апулей

* Ҳар бир кишининг тангриси — унинг виждонидир.

Менандр

* Пок виждон — зийнатлар зийнатидир.

Плавт

Ивонна КЁЛС

Инжиқ Давиднинг онаси

Роман¹

Герри ва Том билан муносабатларимиз мутлақо ёмонлашиб кетди. Ўелинг ишлари қанақалигини билиш учун Геррига телефон қилганимда у алам билан:

— Наҳотки бу сени қизиқтираса? — деб сўради.

— Ҳа, бўлмаса-чи, акс ҳолда қўнғироқ қилмаган бўлардим.

— Менга қара, Лен, унинг ишлари қандайлигини сенга икки оғиз қилиб айтиб кўя қолай. Тўғрисин, бу сенга нима учун кераклигидан бошим қотиб турибди. Лекин бундан кейин сен билан на телефонда гаплашишни истайман, на ўзингни кўришни. Барча фалокатларнинг сабабчиси Давид эканини мен ҳечам унутолмайман. Агар Давид мушуклари билан Беннининг олдига келмаганида, унинг тузалиб кетишига ишонса бўларди ва у ҳозир эҳтимол...

— Герри, — қичқирдим мен ўзимни йўқотгандек бўлиб, — бунинг фирт бемаънилигини ўзинг биласан-ку!

— Бўлиши мумкин, лекин мен ўзимдан ўтганини айтаяпман сенга.

— Бирорнинг наркоман бўлишига бошқа бирор гуноҳкор эмаслигини тушунарсан, деб ўйлагандим. Бунда биз ота-оналарнинг ҳам гуноҳимиз йўқ, мен ўзимни гуноҳкор санаганимда сен ўзинг тинимсиз шу гапларни айтар эдинг-ку. “Лен, ахир сен унга, ма болам, мана бу гиёҳвандлик моддасини истеъмол қил, деб айтмагансан-ку” деган ким эди? Ҳар доим шу гапни тақрорлаганинг эсингдами?

— Жим бўл, — деди у, — акёлли гаплар менинг миямга сифмайди. Ҳозир мен ўзимдан ўтганини айтаяпман, холос.

Лекин мен жим бўлмадим. Мен ночор аҳволга тушиб қолганимда Герри миямга қўйган гапларни тақрорлайвердим:

— Давид билан Бенни гиёҳвандларга ўzlари бориб қўшилишган. Булардан ёмонроқ аҳволда яшашса ҳам минглаб унга ўхшаганлар бу номаъқулчиликни қилишмаган-ку. Улар ўzlари бошлишди ва ўzlари ташлаши керак, ҳаммаси бараварига эмас, битта-битта ташласин.

— Менга ақлингни пеш қиласаверма! Жонимни бўғзимга келтириб юбординг! — деб қичқирди у ва гўшакни итқитиб юборди.

Мен бир соат пойлаб турдим-да, яна қўнғироқ қилдим:

— Энди галир, Беннининг аҳволи қалай?

— Ёмон, албатта. Бир ҳафтадан бери Кризис марказида, уни руҳий касалликлар шифохонасига юборишяпти, Блумендалга бўлса керак. Охирги марта ошириб юборганиданми ё йиллар давомида тўпланиб қолганиданми, у жазавага тушиб қолибди. Маниакаль жазаваси деб айтишаркан буни, оҳ, худойим, кошки бу нарсаларга ақлим етса! Уззуқун каравотда ётиб нималарнидир ёзга-

¹ Охири. Боши ўтган сонларда.

ни-ёзган. Бутун-бутун дафтарларни тўлдириб ташлайди. Ўз ҳаёти ҳақила, нимани ўйлаб, нимани ҳис қилса, шуларни ёзади. У ёзувдан бош кўтартмайди, у билан гаплашишнинг сира иложи йўқ. Хайриятки, ўзини текширишига ва даволатишга рози бўлди. Ҳар ҳолда Блумендалда шуни бошлашса керак. Бундан бошқа ҳеч нарса билмайман. Том бутунлай чўкиб кетди. Мен ҳам. Бизлар Беннининг олдига бир неча марта бориб келдик, лекин у бизни кўришни истамайди. Биз яна уйга кетяпмиз. Ўтирамиз-да, нукул ўйлаймиз. Оҳ, Лен, мен сени бошқача кўришни истайман...

— Кўриб турибсан, — деди Симон, — у бу ерда, уйда яшаса ҳам, бошқа бирон жойда турса ҳам, барибир гиёхвандлигини қўймаяпти. Шунинг учун ҳам мен уни ҳайдаб чиқарайман. Бўлди. Сабр косам тўлиб кетди. Эртага у кетади. Бизда ҳозирча унга аталган уй бор, у ерда каравот ҳам бор, қолган ташвишларни эса ўзи бир ёқлик қиласин. Энди унга ҳеч нарса олиб бермаслик керак, у яна кетишидан олдин ҳаммасини сотади ё ташлаб юборади. Сабр косам тўлиб кетди! — такрорлади у.

— У қачон кетиши керак, эртагами?

— Ишдан келаман-да, ҳайдаб чиқараман, фақат сен аралашмайсан.

— Унда сал эртароқ келишинг керак, чунки у бешга яқин ҳар доим кетиб қолади...

— Тўгрисини айтавер: гиёхвандлик моддалари билан савдо қилгани кетади, дегин. Бешга яқин бу ярамаснинг кайфи тарқаб бўлади, кейин лаънати оғуни сотиб оладиган жойларга қараб йўлга тушади.

— Йўқ, Симон, у бундай қилмайди. У гиёхвандлик қиласа қиласики, лекин у билан олди-сотди қилмайди.

— У олди-сотди қиласи, у жирканч чакана олибсotар, ахир Беннидаги бир боғлам қорадори мисолида ўз кўзинг билан кўрдинг-ку буни. Ўзининг гиёхвандлик моддаларидан ўзи тўйиб ичиб-чекиб олиш учун ҳам шу ишни қиласи.

Симон одатдагидан бир оз барвақт ишдан қайтиб келди. Давидни уйдан ҳайдаб чиқариш учунгина. Афтидан, бу Давиднинг парвосига ҳам келмади. У қандайдир буюмларини йиғди-да, қисқагина қилиб сўради:

— Хўш, мен кетишим керакми?

— Ҳа, кет, — деди Симон. — Мана, янги уйингнинг калиди. Ижара ҳақини биз тўйаймиз. Ҳафтада бир марта биздан овқат пули олиб туришинг мумкин, шанба куни кундузи, мен уйда бўлганимда. Бу пайтда кайфинг тарақ бўлиб келмаслигини сўрайман, акс ҳолда мен сени уйга қўймайман. Янги уйингга сени кўргани эса биз бормаймиз.

Давид эшикни ёпди ва кўздан фойиб бўлди. Титраб-қақшаганча мен унинг орқасидан қараб қолдим.

— Худо ҳаққи, Симон, — дедим мен, — яхши иш қилаяпмизмикин?

— Билмадим, мен фақат бир нарсани биламан: уни бу ерда ортиқ ушлаб туриш ҳам яхши эмас. Қара, Жюльєтга нима бўляпти: боёқиши қарийб уйда бутунлай ётмай қўйди...

Бир неча марта Давид уйга шанба кунлари кундузи келди, бироқ кайфи тарақ бўлганидан уни уйга қўйишмади. Бу мени бепичноқ сўйди. Симоннинг унга пул беришини ва ҳайдаб юборишини кўриш мен учун ўлимдан оғир эди. Яна бир нарса менга тинчлик бермасди. Бизнинг паспортларимиз йўқолганди. Паспорtlар ҳар доим менинг столим фаладонида туради, энди бўлса бирданига фойиб бўлганди. Мен ҳозирча Симонга бу ҳақда оғиз очганимча йўқ эди. Давиднинг олдига бориб, ундан сўраб кўрай дердим-у, аммо бунга сира журъат қилолмасдим. У ерда нималарни кўришим мумкинлигидан қўрқардим. Лекин бир куни эрталаб фалати бир ҳиссият билан уйғондим: мен Давидни кўришим керак, мен унинг олдига боришим керак, унга нимадир бўлган, мен унга керакман, мен Симонга лом-лим демайман, ҳа, мен ўғлимнинг олдига бораман. Мен кундузи соат уч бўлишини кутдим, чунки бундан олдин боришдан маъно йўқ эди. Мен Симон буюртма билан ясаттирган иккинчи калидни олдим-да, термосга қаҳва қўйдим ва Давиднинг олдига йўл олдим.

Давиднинг кўчаси губорли бўлиб, нафас олиш оғир эди. Гараж, унинг олдида машинанинг қуруқ гавдалари, картон қутилари қалашиб ётар, ахлат уюмлари, этасиз уйлар кўзга ташланарди, уларда жон асари кўринмас, бу ерларда одам зоти яшашига киши ишонгиси келмасди. Кўчада зоф учмасди. Биронта ўйнаб юрган бола-бақра ҳам кўринмайди. Бадбўй ҳид димоқни тешаман дейди. Уйнинг таги қуруқ ер. Суфуриб ташланган тахталар гарам бўлиб ётибди. Мен зинадан юқорига кўтарилидим. Иккинчи қаватнинг йўллагида эски газета боғламлари ётарди. Девор ёнида ўраб кўйилган гилам қаққайиб турибди. Шифтдан лампочкали қора сим осилиб ётибди. Мен учинчи қаватга чиқдим. Бадбўй ҳид тобора кучаймоқда эди, бирдан бу аҳволда биронни учратиш имри маҳоллигини англадим. Бу уйда ўзи ҳеч одам боласи яшаганимкан? Тепага кўтарилигач, қанақадир пардага дуч келдим. Уни озгина бир томонга сурган эдим, меҳробга ўхшаган бир нарсага кўзим тущди, у ерда шундоқ ернинг ўзига ахлат тўкиб ташланганди. Могор босган нон, бўшаган сут халтачалар, жигарранг банаң пўстлоқлари, йиртиқ шиппак, чой қадоқлари — хуллас, одатда ахлат чеганини тўлдирадиган жамики нарсалар бор эди. Бир ойлик ахлатлар ачиб-бижиб кетганди... Мен эшик дастагидан тутиб, Давиднинг хонаси олдида тўхтадим. Давиднинг шу ердалигини кўнглим сезиб турарди. Бироқ журъат қилолмаётгандим. Журъатим етмаётганди. Аста дастакни бурадим. Эшик йигирма сантиметрлар чамаси очилди. Хонанинг бир қисми кўринди. Хона тахта полли эди. Полда латта-путта эканини ҳам, кийим-кечак эканини ҳам билиб бўлмайдиган эскилар ётарди. Мен эшикни каттароқ очдим. Ҳамма жойда бўш шишелар сочилиб ётибди. На стулдан, на столдан, на печкадан, на гул ё ўсимликдан дарап бор. Аччиқ рутубат мияга уради. Мени даҳшат чулғади. Ерда, фанер қоқиб кўйилган каттакон синиқ деразанинг тўппа-тўғрисида Давид ўтирибди. Менга орқа ўгириб олган. Елкасига адёл ташлаган, чор атрофида иблиснинг боши чизилган сувратлар.

— Давид! — қичқириб юбордим мен.

У эшитмади.

Мен аста унинг ёнига бордим.

— Давид, бу мен! Мен келдим олдингга.

У аста ўгирилиб қаради. Адёл остидан унинг қип-яланғоч бадани кўриниб турарди. Башараси ҳам. Юзлари кирлаб, озиб-тўзиб, кўзларининг таги қорайиб кетганди. Маъносиз афти сира ўзига ўхшамасди. Бироқ бирданига мана шу афти асил ҳолатига қайта бошлади. У бамисоли чақалоқдай суюниб кетди, қувғинлик ва бадбахтиклида кечган мана шу бир неча ойдан кейин у менга қараб қўлини чўзди ва қичқириб деди:

— Ойижон, вақтида келдингиз! Жуда вақтида келдингиз, биласизми, ойижон!

У ҳам йигларди, мен ҳам йиглардим. Мен адёлни унинг устидан олиб ташладим ва термосни олдим.

— Қаҳвадан ич, аввал қаҳвадан ич... одатдаги нарсалар, биласанми, болажоним, ҳар кунги нарсалар, шулар сенинг жонингга ора кириши мумкин, — мингирлардим мен. Давид ҳам тушунгандай бош иргарди. У иккала қўли билан кружкани тутамлаб олди ва қаҳва ича бошлади.

У мутлақо “тоза” эди, бироқ ёлғизлик ва қашшоқлик гирдобига гарқ бўлиб, атрофида қалашиб ётган иблис сувратлари орасида телбанамо бўлиб қолганди. Яна бир кун шу алпозда қолса борми, бутунлай жинни бўлиб қолиши тайин эди, буни ўзига очиқ айтдим.

— Тур ўрнингдан, болажоним, мен билан юр. Сен бу ердан кетишинг керак; кўчага, офтобга чиқишинг керак. Аввал иккаламиз уйга борамиз, чўмилиб оласан, овқатланиб, ухлайсан, эртага эса кейинчалик нима қилиш кераклигини ўйлаб кўрамиз...

Эртасига Симон билан Давид кийим-кечак олгани шаҳарга кетишиди. Улар бош-оёқ янги кийимлар сотиб олишди. Пайпқ, ботинка, ички кийимлар, кўйлаклар, шим, свитер ва куртка. Харажатлар тўғрисида мен ўйламай қўйган-

дим: агар пулдан сиқилиб қолгудек бўлсак яна гаров пулини оширамиз. Давидга деб олган кийимларни Симон дўконларда қолдирибди — акс ҳолда Давид уларни ахлат кутисига улоқтириши ҳеч гап эмасди, — улар уйга қайтиб келишганда, кўзимга ишонмадим: боягина адёлга қип-ялангоч бўлиб ўраниб ўтирган бола қаёқда! Давид хушрўй бўлиб кетганди, у куларди ва ҳатто бизга миннатдорчилик билдириди:

— Жуда хурсандман. Бунақа кийимда мен энди ўзимни сирам “тизим”га қарашли деб билмайман.

Бу гапи билан у яна қўнглимда умид чироқларини ёқиб юборди, ҳа, у энди гиёхвандликни ташлайди, чунки “тизим” дегани айни ўша гиёхвандлар қандиди урадиган муҳитнинг ўзи эди. Биз яна у билан жонга ором баҳш этувчи сұхбатга киришиб кетдик. Яна мактабга, Эркин академияга боришни истайсанми ёки бўлмаса ишлашга ҳаракат қилиб кўрасанми, деб сўрадик. Ахир, бекордан худо безор, деганлар...

— Ўқищдан ишлаганим маъқулроқ, аммо қаерда ишлайман?

Биз газеталардан эълонларни қирқиб олдик, бироқ биронта ҳам иш тўғри келмади.

“Йўқ, газета тарқатишга сира тоб-тоқатим йўқ... Маҳсулотларни фақат токчаларга териб қўядиган бунақа супермаркетда мен нима ҳам қилишим мумкин. Мадюрадандаги сураткашга ёрдамчи бўлишни ўла қолсам ёқтирмайман, у ерда итдай санқийсан, холос”, дея инжиқлик қиларди у.

Ниҳоят Рюднинг акаси яхши таклиф билан мурожаат қилди:

— Мен омбордаги ишга одам қидириб юргандим. Хоҳласанг, душанбадан ишга тушишинг мумкин.

— Бўпти, — деди Давид, — уриниб кўраман.

Модомики у ишга чиқмоқчи экан, ҳамма нарсани ораста қилиб қўймаса бўлмайди.

— Бу уйнинг ўзига яраша қоидалари бор, — деди Симон, — ҳаммамиз унга риоя қилишимиз керак, шу жумладан сен ҳам. Айниқса, ишлайдиган бўлганингдан кейин. Биз ўз вақтида ётиб ухлаймиз, сен ҳам шундай қиласан. Биз ўз вақтида ўтириб овқатланамиз, сен ҳам шундай қиласан. Агар бу сенга тўғри келмаса, марҳамат, тўрт томонинг катта йўл.

Ҳа, Давид буварнинг ҳаммасини тушуниб турарди.

— Мен яна бир нарсани билмоқчиман: қанча қарзларинг бор? Уларни ўзингнинг маошингдан тўлашингга тўғри келади.

Дарҳол қофоз-қалам келтирилди ва биз бошимизни эгиб, қарзларни ҳисоблашга тушиб кетдик. Соддалигимизга бориб биз барча қарзлар нари борса бир неча юз гульден бўлар деб ўйлагандик.

— Нима ҳам дердим, — деди Давид, — қулоғимдан қарзга ботганман. Лекин булар ичиди мен ростданам жуда тез тўлашим керак бўлганлари ҳам бор, йўқса, менга жуда ёмон бўлади. Амстердамлик бир болага мен беш юз гульден беришм керак, у аяб ўтирумайди, кейин яна биттасидан етти юз гульден қарzman, у ҳам... э-э... умуман, иложи борича тезроқ беришим керак, кейин яна...

Биз бутун якшанбани Давиднинг қарзларини ҳисоблаш билан ўтказдик ва натижада қарзларнинг умумий миқдори тахминан олти минг гульденга бориб қолди.

— Кўрдингми, — деди Симон, — мен шартта юзига, қарзларингни ўзинг тўла, дейишим мумкин, лекин бунда биз уни яна ўша “тизим”га қайтиб боришга мажбур қилган бўламиз. Мен унга яна бир марта ёрдам бераман. Агар у банкдан қарз кўтарса, ҳомийлик қилишимга тўғри келади, бу эса ақлга сифмайдиган иш бўлар эди. Ундан кўра пулни ўзимдан олгани маъқул. Лекин у қарз мажбуриятига имзо чексин. Қарзни менга тўлай бошлайди. Ҳар ҳафталик маошидан юз гульден ушлаб қолинса, бу унча қийин бўлмайди, чунки у бу ерда бемалол яшайверади. Агар бугундан бошлаб ҳеч қандай қарз олмай турса, ўн беш ойда bemalol узиши мумкин.

— Аммо бу олти минг гульденни қаердан топамиз?

— Худодан сўраймиз, яна ўша гаров пули-да...

Беш иш кунидан кейин Давид ўзининг дастлабки маошини олди, икки юз гульдендан сал ошиқ, шу ҳам маош бўлди-ю, деб ўзича менсимади.

— Менга ҳеч нарса қолмайди-ку, — деди у, — ҳали бундан сизларга ҳам беришим керак.

— Сенда юз гульденга яқини қолади.

— Тўгри, лекин ундан мен ҳали қарзларимни тўлашим керак.

— Қанақасига? Ҳали барча қарзларинг хатта тушмаганмиди?

— Умуман олганда тушмаган, лекин баъзилари эсимдан чиққан экан. Амстердамдаги ошнамга икки юз гульден, бу ердаги ошнамга эса икки юз эллик гульден беришим керак.

— Амстердамдаги ошнам? Ахир уни хатта киритган эдик-ку?

— Йўқ, буниси бутунлай бошқа, буни эсимдан чиқарибман, агар бу ҳафта унга маошимдан тўлаб қутулсан, сизларга ҳозирча бермай турсам, деб ўйлагандим. Агар бу ҳафта харажат пулини сизлардан олиб турсам...

— Бўпти, бизга пул беришдан олдин, ўзингнинг қарзларингни тўла. — Бирдан паспортларимиз эсимга тушди. — Паспортларимиз-чи? Сен уларни ўғирлаб чиқиб, сотиб юбормаганмисан?

— Паспортларингиз? Нима деяпсиз ўзи? Энди ўғирламаганим сизларнинг паспортларингиз қолувди! — У шунақангি хафа бўлиб гапирдики, шубҳа қилганидан ўзим уялиб кетдим. Ҳа-да, агар мен эски ярани очадиган бўлсан, бу болакай яна ўша йўлга тойиб кетади-да, биз чапак чалиб қолаверамиш...

Орадан бир ой ўтди. Давид ўша-ўша бизга бир чақа ҳам тўлашининг уддасидан чиқолгани йўқ. Унинг қарзи кунма-кун, соатма-соат “болалар”, гоҳ унисини, гоҳ бунисини ҳозир тўламасам бўлмайди, йўқса, бошим балога қолиши тайин, деб бизни алдаб кўрқитар, қотмаган бошимизни баттар қотирарди. Бундан ташқари у бизнинг ҳалиги “қоидалар”имизни сариқ чақага олмасди. Уйга кечроқ қайтиш учун у “кредитор” билан учрашишни ўйлаб топар (“Қарзни бергани Амстердамга боргандим, охирги поездга етолмадим, шунинг учун такси тутишга мажбур бўлдим”), гўёки яна ишга кечика бошлаганига ҳам фақат ўша сабаб бўлмоқда эди. Тушликка ҳам сира вақтида келмас эди, борди-ю, тасодифан уйда бўлиб қолганда ҳам унга ҳеч нарса ёқмас ва дастурхондан туриб кетиб, ошхонага бораради-да, ўзига бўтқа пишира бошлар эди. Яна ўша таниш ҳолат пишиб етилмоқда эди, битта фарқи шундаки, бу ҳалиги бизнинг кўркувимиз илгаригига қараганда анча кучли эди. Чунки унинг узок-узоқ телефондаги сұхбатларидан тахмин қиласардикки, Давид қадам-бақадам қандайдир қора ишларга кириб бормоқда эди. Бундан ташқари, адёлга ўтаниб ўтиргани устидан чиқиб қолганимда қандай аҳволда экани миямизга маҳкам ўрнашиб қолганди.

— Ҳеч бўлмаса гиёҳвандлик қилмаяпти-ку, — тасалли берадим ўзимга, — чунки менинг назаримда у энди-энди бунга кўнига бошлагандек туюлмоқда эди, бўлмаса-чи, тирноқча бўлса ҳам мен унда яхшилик аломатини кўришга уринардим-да.

— Вақти-вақти билан у қўлбola папирос чекиб турибди, — жавоб берди Симон, — умуман олганда эса, менимча, шу ўтган вақт давомида у “тоза” юрди.

— Қирқига чидадик, кел, қирқ бирига ҳам чидаб берайлик, нима дейсан?

Бироқ бу насиб қилмаган экан. Роса бир ой ишлагач, Давид бир соатнинг ичидәқ ишдан ҳайдалган эди, чунки у ўз хўжайинининг... паспортини ўғирлатганда жиноят устида қўлга тушиб қолганди. Кейин яхшилаб сўраб-сuriштириб кўрилса, яна олти одамнинг паспорти ўғирланганлиги маълум бўлиби. Фазабдан тутақканча Рюд бизникига келди. Қандай тўнғизни биз унга рўпара қилибмиз-а! Акасига Давидни у тавсия қилган эди-да, чунки у бизга ёрдам қилмоқчи бўлганди; Давид эса... Пировардида у биздан астойдил хафа бўлганини ошкора айтди. Давид энди ўзи ўзига бошпана қидиришга тушди. Олти минг гульденлик қарз тўғрисида энди гап-сўз бўлиши мумкин эмасди. Уйга бир мартағина келиб кетди. Шунда ҳам уй топганини, биз ўша миқдорда уй ҳақи тўлаб туришимиз мумкинлигини хабар қилгани келди. Шундан кейин у ўзининг барча янги энгил-бошларини кўтариб жўнаб қолди.

— Келаси ойдан бошлаб мен сизлардан пул олмайман, мен мутлақо мустақил бўлишни хоҳдайман, фақат нафақа бериб турасизлар, холос, чунки ҳамма дўстларим ҳам ота-онасидан нафақа олади, — деди сурбетларча.

— Хўп, тойчогим, — деди Симон, — шунинг учун ҳам еганимиз олдимизда, емаганимиз кетимизда. Ҳар гал бизни аҳмоқ қиласвериб, жонимиздан тўйдириб юбординг.

Уй ҳақи тўланадиган идорадан биз янги адресни билиб олдик, бироқ у ерга боришдан бормасликни ўзимга маъқул топдим. Бундан ташқари уйда янги муаммо пайдо бўлганди. Жюльет, дугонамницида яшай бошлайман, деб туриб олганди.

— Унинг ота-онаси ҳам шундай қилганинг яхши, дейишаяпти, ахир улар менинг уйимизда яшашим мумкин эмаслигини тушунишади-да. Улар шунақсанги яхши одамларки, улар билан гаплашганда мен шунақсанги маза қиласманки...

— Лекин, қизалогим, Жюльет... Давид кетди-ку. Энди ростданам ҳаммаси бошқача бўлади...

— Давид неча марта келиб, неча марта кетади? Яна қайтиб келади-да, ҳамма нарсани дабдала қилиб ташлайди. Умуман, сизларга нима фарқи бор — мен борманми ё йўқманми бу уйда...

— Жюльет, сенсиз мен бир дақиқа ҳам яшолмайман. Сен ҳар доим ҳамма нарсани яхши тушунасан, сен ҳар доим ҳар бир сўзни топиб, ўз вақтида гапирасан, эй худо, шунинг учун ҳам мен сени ҳали ёш бола эканингни унутиб қўйган эдим.

Сизлар мени бутунлай эсдан чиқариб юборгансизлар. Сиз бўлсангиз уйдаги машмашалар қанчалик жонимга текканини мутлақо билмайсиз. Сиз нишаларни гапиришим, ҳаммасини тушунишими ҳақидагина ўйлайсиз. Лекин сизларнинг қанақанги бўлмагур нарсалар билан шуғулланингизни озгина кузатган ҳар қандай одам ҳам бетингизга шу гапни шартта айтади. Давиддинг синглиси бўлиш жудаям кўнгилли деб ўйлайсизми? Мактабда менга Гиёхванд қиз деб от қўйиб олишган, бундан ортиқ шармандалик бўладими ахир! Ҳеч ким бизниги келишни истамайди, мен ҳам бирорни уйга таклиф қиласман; агар тасодифан уйда Давид бўлиб қолса, уятдан ерга кириб кетаман, бўлмаса сизларнинг кўзларингиз қип-қизариб турган бўладими-е... Лекин менга алам қиласиган томони шундаки, сиз фақат Давид тўғрисида гаплашасизлар, мен тўғримда эса чурқ этмайсизлар. Брамметье билан Йосин бўлса апил-тапил овқатланишади-да, тезгина кўрпа остига кириб кетишади, бу ҳам уларга ёқмайди. Наҳотки, бу ерда, шу уйда сенга эътибор қилишлари учун, албатта, тўполон қилиб ўзингни кўрсатишинг керак?

Гиёхванд қиз, эй худо, ўзинг асра... Наҳотки, тўполон қилишинг керак.. Наҳотки, эътибор қозонишинг учун ўзингни томдан ташлашинг керак? — бу гаплар миямга яшиндай урилди. Акам баҳтсиз ҳодисага учраганда мен ойимга ана шундай қичқириб гапиргандим. Наҳотки, ўзингни томдан ташлашинг керак...

— Жюльет, — ялиндим мен, — имтимос, бир гал кечир. Биздан жуда кўп хатолик ўтди. Биттагина хатони биз албатта тўғрилаймиз. Илтимос, бизни ташлаб кетма. Мен даданг билан гаплашиб кўраман, сен ҳам гаплашиб кўр. Ишон, энди мен Давиддинг орқасидан чопишни бас қиласман. Чин сўзим, бундай қиласман. Энди у ўзи учун ўзи ҳаракат қилсин. Унинг дастидан сен уйдан чиқиб кетсанг, бунга мен чидолмайман.

— Нега унинг дастидан бўларкан? — деди у. — Сизларнинг дастингиздан кетялман! Наркоман аканг бўлса уяласан, албатта, лекин наркоман ўғлини тўғри йўлга сололмаган ота-онанг борлигидан баттар ерга кириб кетасан...

Эр-хотин икковимизнинг капалагимиз учуб кетганди. Биз қўлимиздан келганча ҳаракат қилдик ва ўша заҳоти энг сўнгги чорани кўришга жазм этдик, чунки Жюльетдан айрилиб қолмаслик учун кўзимизга пул ҳам, дунё ҳам кўринмасди. Симон қизимизга яхтани баҳона қилиб тўхтатиб қолишга уринди:

— Айтмоқчи, ўзинг билан дугонангни ҳам олишинг мумкин.

— Ҳаммамиз бирга борсак бир нима бўлиб қоладими? — сўрадим мен. — Агар сув бўйида бирон жойда насияга “карвон” олсан, яхтада унга сузуб борардик-да, дам олиш кунини қойилмақом қилиб ўтказардик...

Хотамтоликда ойим биздан ҳам ўтиб тушди:

— Биласанми, сизларга мана шу “карвон”ни мен сотиб олиб берсам-чи? Банқдаги пулим бекоргаям ис босиб ётиби, барибир бир кунмас-бир кун ўша пул сизларга қолади-ку. Бу пулдан ҳозир фойдаланиб қолган яхши...

Нақ сув ёқасига келтириб қўйилган “карвон” шу тариқа сотиб ҳам олинди. Шу тариқа оиласизга яна қанақадир севинч кириб келгандай бўлди. Лекин бу табиий эмас, сунъий севинч эди. Биз Симон иккаламиз оиласизни бамисоли ҳавода муаллақ тутиб турардик, чунки Давид ҳақида ортиқ биронта сўз айтишни истамасдик. Симон ўғлидан узил-кесил ҳафсаласи пир бўлгандан бўлса, мен фақатгина гулдай қизим Жюльєтдан айрилиб қолишни истамасдим.

Бироқ юрагимнинг аллақаерида фашлик бор эди. Энди унга нима бўлади? Унинг идроки охир-оқибатда не аҳволга тушади? Қанча вақтгача бардош бера олади? Хуллас, бирмунча муддатдан кейин ўзимни тўхтатиб турга олмадим. Менда унинг адреси бор эди, мен яна йўлга тушдим. Қўлимда егуликларга лиқ тўла сумка. Янги свитер ҳам бор. Янги шим билан. Олти жуфт ички кийим ҳам олволганман. Ўғридай тунда уйдан чиқдим, чунки энди буни Жюльєтдан ҳам сир тутиш керак эди-да.

Давиднинг шу ерда, шу уйда туриш-турмаслиги ҳақида заррача тасаввурга эга бўлмаган бир қиз эшикни очди.

— Ҳа, юқорида, назаримда, бир киши туради. Бориб ўзингиз қарай қолинг.

Турли эшикларни черта-черта тахминан уч зина кўтарилидим-ов. Бир эшикдан менга Давиднинг хонасини кўрсатишиди. Ичкарига кирдим-у, унинг полда, шарти кетиб, парти қолган курсига суюниб ўтирганига кўзим тушди. Тиззасида пишириқлар солинган қофоз кути бор эди. Иккинчи пишириқ қўлида бўлиб, телевизорда болалар учун кўрсатувни томоша қилганча тановул этарди. Телевизор? — миямдан лип этиб ўтди ногаҳон. Қаердан ола қолди экан?

Мен бориб аста ёнига чўқдим, тавба, у гўё мен нариги хонага чиққанман-у, қайтиб жойимга келиб ўтиргандай бир қараб қўйди, холос.

— Нима олиб келдингиз? — сўради Давид мендан.

— У-бу нарсалар.

Мен атрофга кўз югуртирдим.

— Ҳа, бир саришта қилиб олишим керак, — деди ўғлим. — Ҳали ҳеч нарсага қўй урганимча йўқ.

Мен лол бўлиб қолгандим. Наҳотки бу Давид бўлса? Наҳотки, “саришта” сўзини тилга олган у бўлса? Мен яна унга яхшилаб разм солиб қарадим. Йўқ, ҳарқалай гиёҳвандлик қилмабди... Йўқ, хайриятки гиёҳвандлик қилмабди.

— Мен мушугимни олиб келмоқчиман, йўқ демайсизми, ойи!

— Мушукни? Майли, хоҳласанг олиб кела қол. Аммо куни билан ўзинг қаерда бўласан?

— Мен ишлайпман... — У чапиллатиб иккинчи пишириқни кавшай бошлиди. — Бир кекса аёлникида, унинг эри ўлган, итлари бор, отлари бор, мен уларни айлантираман. У ерда менга велосипед ҳам беришиди. Ана шу ҳайвонларни сув ҳайдаш минораси ёнида айлантириб юраман. Менга телевизор ҳам беришиди. Антеннаси уйники, шунинг учун тасвири тиниқ эмас. Лекин телевизор ўзи михдай. Бундан ташқари: у ерда ҳар хил ишларни бажараман, уйдаги, боғдаги синган нарсаларни тузаман. Хуллас, устачилик қиласман. У ерга эрталаб соат ўнда бораман, итларни деб, улар кутиб туролмайди. Аввал улар билан сайр қиласман, кейин сочиқ билан панжаларини артаман. Битта итнинг кўзи касал, кунда уч марта дори суртиш керак, бу ҳам менинг вазифам. Юнгларини ҳам тарайман. Улар бирон жойни ифлос қиласа, тозалайман. Қундуз соат учда яна уларни айлантиргани олиб чиқаман. Бу жониворлар билан гаплашиш шунаقا-ям гаштили, қўяверасиз, дунёда менга бундан маза нарса йўқдай. Бека ҳам мен билан жуда хушмуомала. Хуллас, ҳар куни, шанба ҳам, якшанба ҳам аҳвол шу — бу иш кўнглимга ёқади, бу жониворлар билан сира зерикмайман.

Ўўлим чап-чуп қилиб бармоқларини ялади. Эрталаб соат ўнда Давид иш жойига бориши керакми? Унинг уйқуси нима бўлаётганийкин? Давид, шу бизнинг Давид ниманидир ҳис қилаётгандими? Ё тавба, бошқалар билан диллашмоқчи бўлаяптими? Наҳотки, Давид сўкиб сўзлаш ўрнига осойишта сұхбатлашяпти?

Мен ўзимга ўзим тасалли бердим:

— Ха, сен албатта мушугингни олиб келасан. — (Шўрлик қорамош, бу ким-сасиз “кошона”га келиб ҳоли не кечишини билармикан?) Уни ўзим олиб келиб бера қолай? Қачон олиб келай?

— Тахминан шундай вақтда, кечқурун, мен овқатланаётганимда...

Мен пишириқ қутисига қарадим. Кошки, ҳар оқшом шундай, лекин тилимни тийдим.

— Қандай қилиб... э-э, бу ишга қандай кириб олдинг?

— Кееснинг тавсияси билан, мен уни яқинда учратиб қолдим, шунақа, у ана шу холани танир экан.

Жинси кийимдаги, ўзининг волесипедига эга руҳий касалликлар врачи Кеес унга ёрдам берганди. Бу сафар, худога шукур, яхши ниятлар билан пайдо бўлганди у.

— Мушукнинг қутисини эсингиздан чиқармайсизми? Келинг, яххиси, унинг ўзини келтира қолинг, чунки уйга қайтиб боришимга арзимайди, шунда дуруст бўлади... — Бирданига у қалт-қалт титраб, безовталана бошлади. — Гиёҳвандликни ташламоқчиман, ҳа, ўзим қилмоқчиман буни, ҳеч қанақа гувоҳнинг кегари йўқ. Кетинг бу ердан сиз ҳам!

— Давид!

— Кетинг деяпман сизга! Мени тинч қўйинг бу ерда! Уйга боргудек бўлсанм ҳам ичкарига қўйманг мени! Мен ўзим чидайман, бу аҳволимга, шу ерда.

— Мен мушукни келтириб бераман...

— Э, йўқолинг дедим-ку сизга!

Мен сал бўлмаса ағдарилиб тушаёздим ва базур ўрнимдан туриб, тирсагим шилингланча эшикка йўналадим.

— Эртага келаман, Давид! — қичқирдим мен. — Худди шу пайтда. Ўзингни қўлга олишга ҳаракат қил...

Эшик ёпар-ёпмасимдан унга қандайдир қаттиқ нарса қарсиллаб келиб урилди. Ҳа-а, ўйладим мен, она ҳам кўзига балодай кўриниб қолса-я, тавба...

Мен мушукни, мушук ётадиган қутини ва бир ойлик емишини олиб келдим. Бироқ Давид мени ичкарига қўймади.

— Яхши, энди йўлингиздан қолманг, — деди у ва қўлимдан нарсаларни олиб, сурбетлик билан мени эшикдан итариб чиқарди. Кўнглим ранжиб, ҳафсалам пир бўлди, бироқ ўзимни қўлга олдим, у қорамошини суйиб-эркаламоқчи бўлган бу ерда мен бутунлай ортиқчалик қилганман, деб қўйдим.

Мен Давид ҳақида гапирмасдан туролмасдим, ижобий томонинг силжиш бўлаётганини ўзимча ичимга сифодиролмаётгандим. Симон эса ўз галида туриб олганди, бунга зирича ишонмаётганди, менга тузган шартномамиз ҳақида эслатиб ҳам қўйди. Жюльєт бўлса... йўқ, энди бундай ишни такрорламаслик керак. Мен ўзимни мутлақо ёлғиз ҳис этаётгандим, бунинг устига яна ғалати телефон қўнгироқлари бошланганидан юрагим фаш тортаётганди. Илгари ҳеч ким Давидга қўнгироқ қилмасди, энди бўлса бир ҳафта ичида роса тўрт марта сўрашса борми? Икки марта қўнгироқ қилган кимса ўзини танитмади, икки марта эса Майк деган йигит қўнгироқ қилди ва Давиднинг қаерда туришини суриштириди.

— Билмайман, — ёлғонладим мен, — Давид нега керак бўлиб қолди-а?

— У мендан пул қарз олган, анчагина, қайтарсинг, иложи борича, тезроқ. Борди-ю, агар сиз тўлашга рози бўлсангиз, мен унга тегмайман.

— Қанча? — сўрадим мен.

— Бир минг икки юз гульден.

— Бир минг икки юз гульден?

Менинг капалагим учуб кетди, бироқ сир бой бермадим.

— Давид сендан кўра менга кўпроқ керак, — дедим мен, — унга пул қарз бериб бўлмаслигини мен жуда яхши билиб олдим. Сенга ҳам бундай қилмасликни маслаҳат бераман.

— Ҳе, йўқ, мендан осонликча қутуламан деб ўйламанг, — деди у.

Иккинчи сухбатда у менга ошкора дўқ қилишга ўтди.

— Агар пулни тўлаб қўймасангиз, болаларингизга ёмон бўлади...

Кун бўйи ўзим билан ўзим олишиб юрдим. Бу ҳақда Симонга айтайми ё йўқми? Оиласиз эндингина ором ола бошлаган эди-я. Мен сукут сақлардим, аммо ҳар телефон жиринглаганда сакраб тушардим. Лекин “бу” телефон қўнфироқлари фақат кундуз куни жирингларди, “уларга мен керакман, чунки кундузи уйда фақат мен бўламан-да, Симон билан гаплашишга улар журъат қилишмайди, бинобарин, бундан чўчимасам ҳам бўлади”, деб ўйлардим.

Бироқ охири чидолмадим. Ички норозилик ва силтаб ташламасмикин деган қўрқув туйғусини бир амаллаб босдим-да, Кеесга қўнфироқ қилдим. Мен унинг гапиришига бир дақиқа ҳам имкон бермай, бошимга тушган мусибатни бир йўла тўкиб солдим. Одамзот кириб бўлмайдиган ҳавоси ачиб-бижиб кетган хона борми, Симоннинг қулоғидан қарзга ботгани борми, паспортнинг ўғирлангани, мушуклар, иблис бошларининг сувратлари, ўғлим ўраниб ўтирган адёл, гиёҳванд қиз, биз Давидсиз яшашга азму қарор қилганимиз, унинг олдига яширинча бориб-келиб турганим ва ниҳоят, телефон қўнфироқлари — ҳамма-ҳаммаси ҳақида оқизмай-томизмай, миридан-сиригача гапирдим.

— Ё қудратингдан! — деди Кеес. — Жуда тўғри қилибсиз. Табриклийман, сингилжон, мен сиз билан ишлашим мумкин экан.

Мен унинг нима демоқчи эканини тушунмадим.

— Нимани назарда тутаяпсиз?

— Гапларингиздан кўриниб турибдики, сизлар Давидни ўз ҳолига қўйиб қўймоқчисизлар, бу ажойиб нарса-ку. Ахир сизлар энди Давидсиз яшаяпсизлар, шундай эмасми?

— Шундай-у, аммо мана бу телефон қўнфироқлари...

— Агар улар яна қўнфироқ қилишса, шартта узиб қўйинг. Сўраб-суриштириб ўтируманг, ахир бу сизнинг ишининг эмас-ку. Шунчаки, мен унинг қаерда туришини билмайман, денг-қўйинг.

— Давид гиёҳвандликни ташлагани ҳақиқатми? Бу унинг қўлидан келармикан?

— Агар қўлидан келмаса, ўзи ёрдам сўрайди, ана шунда ёрдам бериш керак бўлади. Лекин сизлар эмас, сизлар унга ўта раҳмдиллик билан қарайсизлар. Сизлар уни бутунлай ўз ҳолига қўйиб қўйганингиздан кейин, у бошқа одамдан ёрдам сўрайди. Демак, уни қаёққа борсант боравер деб бутунлай қўйиб юбориш керак, ҳеч қандай кўрсатманинг, ҳеч қандай эслатманинг кераги йўқ, энг асосийси, унга таъсир кўрсатишга уринмаслик керак. Сиз таъсир кўрсатишингиз мумкин бўлган биргина жон бор — у ҳам бўлса ўзингизнинг жонингиз. Агар сиз мана шуни тўлалигича англашсангиз — энди-энди англай бошлабсиз ҳам — ҳеч шубҳа йўқки, Давид ҳам йўлини топиб олади.

Мен “уҳ” тортдим.

— Қўйиб юбор дейсиз, агар у тўғри уйга кириб келса-чи? Биласизми, у менга нима деди? Агар уйга келгудек бўлсанм, мени ичкарига киритманг, дейди. Мен ўзим эплайман бу ишни, дейди.

— Тўғри, бардоши етмаслигидан қўрқади у, кейин тўғри уйга боради. Агар уни уйга қўйсанглар, ҳаммаси чиппакка чиқади. Бундай бўлмаслиги учун уни уйга киритмаслик керак.

— Шошманг! — қичқирдим мен унинг сухбатига хотима ясаётганини сезиб. — Мана бу телефондаги дўқ-пўписалар тўсатдан қаёқдан пайдо бўла қолди экан?

— Менимча, Давид ҳар доим бориб турадиган жойларига боришни тўхтатган. У энди гиёҳвандлик моддалари сотиб олмаяпти, улар эса бундан зарар кўришаояпти. Бунақа майдада-чуйда, жонга тегадиган икир-чикир гапларга тупуришдан бошқа давоси йўқ.

Кеес билан сухбатлашганимдан менга сал жон киргандай бўлди ва ўзимнинг ёлғизоёқ йўлимдан кетаверишга аҳд қилдим. “Сиз таъсир қилишингиз мумкин бўлган биргина жон бор, у ҳам бўлса ўз жонингиз”, юрагимдан садо берарди

бир овоз. Бўлмаса-чи, Давидни бу хатарли йўлдан қайтариш учун биз нималар қилмадик! Кўрмаган чорамиз қолмаган бўлса ҳам ажаб эмас. Оптоқ ички кийимлар, овқат тўла сумкалар, янги кийим-кечаклар, “отхона”ларини тозалашлар, қарзларини тўлашлар, у билан қайта-қайта суҳбат ўтказишлар — нима қилиб бўлса ҳам уни ҳар гал қийин аҳволдан олиб чиқиб қўяр эдик-ку. У қилиши керак бўлган нарсаларни биз қилар эдик, тўғрироғи, унинг гиёҳвандликни давом этдириши учун биз ота-оналар ўлиб-тирилиб, жонимизни жабборга бериб келяпмиз. Лекин натижада биз ўйлаган нарсанинг тескарисига эга бўлмоқда эдик. Биз фақат унинг гиёҳвандлик қилиши учун шароит яратиш билан банд бўлиб, бу дунёда ўзимиз ҳам яшшимиз кераклигини, ўзимизнинг ҳам жонимиз ўнта эмас, битта эканини унтиб қўймоқда эдик. Мен ҳар қанча сочимни юлсам ҳам кам эди. Бирданига ҳамма нарса менга аён бўлди. Бу қанақаси? Бу ҳақиқатни англаб етиш учун шунча вақтимни сарфлаш менга нима зарур эди? Икки йил — бу умримнинг нақ қаймоғидан катта бир бўллаги-ку! Энди бўлса ҳаммасини кўз очиб-юмгунча ўзгартироқчи бўлајапман. Бу, ўз-ўзидан маълумки, ҳеч қандай натижага бермасди. Кеес айтгандай, мен тўғри йўлдан борајапман, бироқ ўғлимга ёрдам беришга яроқли бўлишим учун мен ҳали яна биринки марта дўзах азобидан ўтишим керак. Бу Кеес деганини эса, ўйладим ўзимча, ниҳоят, энди-энди тушуна бошладим. У мендан эмас, балки мен унга таърифлаган ва у аввало ўзининг воситаларини унда қўллаб қўриши керак бўлган қурбондан нафрлатланар экан.

Полициядан, Давидни калтаклаб кетишганини ва у “тез ёрдам”да касалхонага элтиб қўйилганини хабар қилишди. Ўғлимни “ўз ҳолига қўйиб қўйиш” борасидаги менинг эзгу ниятларим ҳам шу билан барҳам топди-қўиди.

— Ё худойим, — дедим мен, — нима бўлибди унга? Қайси касалхонага? Аҳволи оғирми? Ким калтаклабди?

— Ҳар ҳолда ҳаммаси жойига тушиб кетади, хоним. У боши билан деворга урилиб йиқилган ва кўп қон йўқотган. “Тез ёрдам” шунинг учун керак бўлган. Сиз Қизил Xоч касалхонасидан ахборот олишингиз мумкин.

— Калтаклаганлар кимлар?

— Номаълум.

— Майк, бу Майкнинг иши! — дедим-да, телефон қўнғироқлари ҳақида ба-тағсил сўзлаб бердим. Бироқ ёруғ оламда Майк дегани минглаб топилади, бунинг устига унинг башарасини ҳам қанақалигини билмайман. Полиция учун бунинг ҳеч бир қизифи йўқ. Мен касалхонага қўнғироқ қилдим, қайта-қайта улашди, охирида эса ўзимиз қўнғироқ қиласмиз, дейишди. Мен кута бошладим. Ўзимга-ўзим, тўғри касалхонага бораверсаммикан, деб савол берардим. Йўқ, агар бирон жиддийроқ иш бўлганида улар мени огохлантирган бўлишарди. Симонга қўнғироқ қиласмикан! Йўқ, яхшиси, сабр қиласай, балки ҳаммаси аста-секин изга тушиб кетар. Оҳ, худо, мен уларга ўғлим гиёҳвандлик қилишини айтишни унтибман-ку. Бундан бехабар улар тагин унга наркоз беришса борми! Мен тағин касалхонага қўнғироқ қилдим. Бу гал ҳам тушишим жуда қийин бўлди.

— Ҳа, хоним, ўғлингиз гиёҳвандлик қиласди. Илтимос, бир оз сабр қилсангиз. Ҳа, хоним, бу ҳақда ўғлингизнинг ўзи айтди.

Бу ҳақда ўғлимнинг ўзи уларга айтиби. Бу ҳақда аллақачон айтиб... Менинг ўзимдан қаттиқ жаҳлим чиқди. Нега ўғлимнинг қўлидан бирон-бир иш келиши мумкинлигини ҳеч ҳисобга олмайман-а? Бўлмаса-чи, у бу ҳақда ўзи сўзлаб берган, у аҳмоқ эмас-ку! Герри, ҳа-я, нега Геррига телефон қилмаяпман ўзи? Ҳалиги аҳмоқона жанжалдан кейин биз бир-биримиз билан мутлақо борди-кељди қилмай қўйган эдик. Лекин ич-ичимдан ҳеч кимга қўнғироқ қиласлигим кераклигини англаб турардим. Мен касалхонадан қандай хабар келишини пойлашм ва ўз ишларим билан машғул бўлиб туришим керак эди. Телефон жиринглаб қолди.

— Ўғлингизнинг жароҳати тикилди. Бу ерда узоқ тутиб туришга ҳожат йўқ. Мияси чайқалмаган. Бир неча кун тинч ҳолатга риоя қилса, кифоя. Энди уйига қайтиши мумкин.

Уйига? Қайси уйига? Мен сўраб ўтирмадим, лекин Давид хойнаҳой ўзимизнинг олдимизга келишини билиб турардим. Хўш, мен уни ҳайдаб чиқаришим

керакми? Бу ёғини ўзинг биласан, болам, сени калтаклашган бўлишса, бу сенинг ишиңг, менинг эмас...

“Мен Давиднинг уйга яқинлашиб келаётганини ва эшик томон юурганини кўрдим. Унинг кўриниши даҳшатли эди. Лаби ёрилган, ёрилган жойи тикилган, бурни устида елим малҳам, кўйлаги қип-қизил қон. Унга бирров нигоҳим тушди-ю, ҳаммаси ўз ўрнига келди-кўйди. Пўртахол шарбати. Тоза кийимлар. Мушугингни олиб келайми? Сени келмайди деб ҳалиги хотинга қўнғироқ қилайми? Ётиб жиндай дам оларсан? Мен унинг атрофида гириттон бўлиб, Давид энди ётишга ҳозирланаётганда бирдан миямга бир нарса урилгандай бўлди: ҳой, нима қилаяпман ўзи? Уни уйга жўнатишибди, демак, унга ҳеч нарса қилмаган. Уни уйга қўйиш учун мен ўзим баҳона қидирмоқда эдим.”

— Давид, — дедим мен, — мени кечир, лекин ҳамма ишим нотўғри. Сенга ҳеч нарса қилмаган, мен буни энди билдим. Яххиси, сен ишингга қайтиб бор, истаган вақтингда ўз хонангга келаверишинг мумкин. Қани, қўзичофим, тура қол ўрнингдан. Нимасини айтай, икковимиз ҳам жиннимиз, она-бала жинилар...

Давид нима қилишини билмай, туриб ўтириди.

— Ана холос, тентакликни йиғишиштир, — дедим мен, — бир оз турдинг, энди бутунлай тур-чи.

У оёғини тушириб, ўрнидан турди.

— Зўр, — дедим мен, — энди эшикка қараб “қани олға!” Ташқарига! Бугун нимани режалаштирган бўлсақ, шуни бажар. Мен сенга айтсам, менинг ҳам ишим бошимдан ошиб-тошиб ётибди. Ҳа, болажоним, икки қўлим бутунлай боғлиқ — дунёнинг иши қараб турибди менга.

Йўлакда Давид тўхтаб қолди.

— Нима бўлганини кўра-била туриб мени уйдан ҳайдаяпсиз, шундайми? Улар мени калтаклашди, эрта-индин яна келиб калтаклашади, мени шунақа калтак-лайверишинми? Сиз шуни хоҳдайсизми? — Кейин бирданига ёлворишга тушди: — Ойижон, илтимос, беш юз гульденгина пулингиз бўлса бериб туринг. Қайтиб бераман. Ахир, мен ҳозир ишлайпман-ку. Ишонинг, мен пулингизни қайтараман. Ўзингиз биласиз-ку, гиёҳвандларга энди қўшилмаяпман. Лекин улар мени таъқиб қилишяпти, мен буни кўтаролмайман. Илтимос, беш юз гульденгина бериб туринг. Мен қарзимни узиш имконим керак.

Унинг алмойи-алжойи гаплари жонимни суфуриб олгудек бўлмоқда эди. Ана, у гиёҳвандлардан воз кечаяпти эмиш, ана, унга шу пулни бермасам, уни яна калтаклашар эмиш... Бериб бўпман, у пулни олади-да, тўғри гиёҳвандлик моддалари сотадиганнинг олдига жўнайди...

Давид кўнглимдан нималар кечаятганини билиб турарди ва буни қандай ўз фойдасига ҳал қилишни яхши биларди: ташвишланиб турганимдан ютиб қолиши керак. У оғриқ азоб берәётгандек кўзини қисиб қўйди ва қўли билан манглайнини ушлади. Кўйлаги манжетидаги тугмача қадалмаганди ва енги бирданига сирғалиб тушиб кетди. Шундагина кўриб қолдим мен. Уколлар. Елкасига яқин жойларда укол излари бор эди. Менинг кўриб қолганимни Давид сезди. Енгини кўтариб, тугмачани қадаб олди. Мен карахт бўлгандек тош қотиб қолдим. Шу пайтгача Давид укол қилдирмасди. У ҳаммасини қилиб кўрган эди-ю, аммо сира укол қилдирмаганди.

— Ҳа, буми, касалхонада бўлувди, — деди у, — қоқшолга, яна бир балога деб бир жуфт нина тиқишишганди. Демак, менга пул бергингиз келмаялти, майли, нима ҳам дердим.

У мени туртиб юборди-да, худди илгари бўлганидек, эшикни тарақлатиб ёпиб чиқиб кетди.

Мен на қўлимни, на оёғимни ҳаракатга келтиришга мажолим етмай, йўлакда туриб қолдим. У ўзига укол қилаяпти, миямга урди ногоҳ, мана, шерикларидан воз кечаятганининг сабаби қаерда экан.

Мен Симонга ҳеч нарса демасликка аҳд қилдим. Бу сирни юрагимда сақлаб турар эканман, назаримда у бўлмаган гапдек туюлмоқда эди. Мен яна Кеесга телефон қилган эдим, у ўзини қаттиқ таажжулангандек қилиб кўрсатди.

— Наҳотки билмаган эдингиз? — сўради у. — У яқиндан бери ўзига укол қилади, ҳар ҳолда тез қайтиб кетиши мумкин. Бунинг устига Мираникода у жуда яхши яшалти.

— Яна қанақа Мираникода?

— Итлари бор хотинникида. У врач, антропософия усуллари бўйича ишлайди. Ўғлингиз билан оралари жудаям зўр. Сиз қила олишингиз мумкин бўлган ягона иш — бу зинҳор-базинҳор аралашмаслик. Уни уйга қўйманг, шунда яхши бўлади. Пул берманг, раҳмингиз келмасин, эркаламанг, у бориши мумкин бўлган ягона хонадон Миранинг уйи бўлиши керак, вассалом.

Симонга ётиғи билан гапирдим:

— Давидни кеча калтаклашганга ўхшайди, касалхонада жароҳатини тикишибди.

— Қаердан билдинг?

— Ўзи келиб айтиб кетди.

— Ишқилиб, уни уйга киритмадингми?

Мен туғақиб кетдим. Унинг бегам овозига қачонгача тоқат қиласман? Гапларимни лоқайд эшитганини кўриб фифоним фалакка чиқди. Мен шанғиллаб бердим:

— Менга деса, ўша ўқишинг билан қўшмозор бўл! Илгари бизни йўқ деб билардинг, энди бўлса ўғлингни йўқ деб билаяпсан. Агар эртага унинг ўлгани тўғрисида эшитсанг, ишқилиб, тобутини уйга киритмадингми, дейишдан ҳам тоймайсан сен тошбагир! Мен энди бошқача иш тутмасам бўлмас экан, чунки бундай нарсалар биринчи галда менга дахл қиласди. Сен уччига чиқсан худбинсан, сен бутунлай ўзингнинг яхтанг билан бўлиб қолгансан, кейин сени сира ташвишга солмайдиган анови болаларни биласан, ё бўлмаса ўзингнинг ишингни пеш қилиб, бекиниб оласан. Менинг ғам-ташвишим билан сенинг тариқча ҳам ишинг йўқ!

Симон пинагини бузмай турарди.

— Биз келишиб олган эдик-ку, — деди у, — ҳаётимизни барбод этишимиз керак эмас, дегандик-ку. Унинг гиёҳвандлик қилишини сен ҳам хоҳламайсан, мен ҳам. Борди-ю, у ўзини балога гирифтор қилмоқчи экан, бу унинг шахсий иши. Мен ўлишни истамайман, мен тирик қолишини истайман.

Уни ўз ҳолига қўйиш учун ўлиб-тирилиб ётибман, қичқирдим мен лекин сенга ўхшаб ҳаётимдан кимнидир юлиб олиб, итқитиб юборолмайман, ахир бу жаллодлик-ку! Бу одам боласининг эмас, йиртқич ҳайвоннинг иши-ку!

— Афтидан, сен ҳали ҳам ён беришга тайёр кўринасан... Мен эса — зинҳор. Энди ортиқ чидаб бўлмаслигини мен англаб етдим: ўлик бўлиб, ўликмассан, тирик бўлиб, тирикмассан. Ё ўлиш керак, ё қолиш керак, агар сен ён берсанг, ҳалок бўлишинг аниқ.

— Қаёққа? — унинг эшик томон йўналганини кўриб чинқирдим мен.

— Яхтада сувгани. Об-ҳавонинг ажойиблигини қара. Дам олиш кунларимни бой беришга кўзим қиймайди — Давидга ҳам, ён берадиган сенга ҳам.

— Болалар-чи?

— Ҳозир қидириб топаман-да, ҳаммасини ўзим билан олиб кетаман.

Мен газабдан ўкирардим. Назаримда ҳаммаси куни кеча бўлган-у, юрагимда қайтадан жунбишга келгандек туюлмоқда эди. Мен чақалофим Давид, дўмбоним Давид билан яна ўзимни танҳо сеза бошладим, бу пайтда Симон муттасил ўзининг навбатдаги имтиҳонига тайёрланмоқда эди. У ўзига халақит беришларига йўл қўймасди эди. Ўнгиде ҳам йўл қўймасди, ҳозир ҳам йўл қўймаётганди. Албатта, Симоннинг ҳозирги хатти-ҳаракатлари мутлақо тўғрилигига ақлим етиб турарди. Бироқ менинг қалбим учун булар барчаси номақбул эди. Шу боис ўша узоқ ўтмиш йиллардан бери юрагимда йиғилиб қолган газабга ҳозир тўла эрк бермоқда эдим.

Ўша куни кечқурун Симон уйга қайтиб келмади, болалар билан “карвон”да тунаб қолди. Менга Давид қўнғироқ қилди.

— Менга қаранг, э-э... мушук учун уйда бирон нарсангиз борми? — дадил сўради у. — Гўштми ё шунга ўшаган бир нарсами, сотиб олиш эсимдан чиқибди.

— Бор, — дедим мен ўзимни вазмин тутиб, унинг дадил овози менда заррача ишонч уйғотолмади.

— Яхши. Малол келмаса, олиб келиб беролмайсизми?

Мен иккиланиб қолдим. Ҳа, нега олиб бориб беролмас эканман, нега энди бечора мушук жабр тортиши керак экан?

— Бўпти, олиб бораман, — дедим мен.

Фақатгина мушук учун, ўзимга-ўзим дер эдим. Бироқ музхонадан қолган наси-горек¹ни ҳам олиб олдим.

— Олиб бораман-у, беш дақиқадан ортиқ турмайман, — дедим мен.

У мени худди ўшандай фалати жонланиш билан кутиб олди.

— Буни қаранг-а, бутунлай эсимдан чиқиб кетибди, бунинг устига шанба куни ҳамма дўконлар эрта ёпилади. Мана бу башарам билан кўчага қандай чиқолардим ҳам...

Мен унинг Мираникига бормаганини англадим-у, аммо ҳеч нарса демадим.

— Бу мушукка. — Мен унга қофоз халтачани тутдим. — Буниси эса сенга, очқасанг ерсан.

— О, мазали нарса-ку, — деди у ўша заҳоти овқатни тушириш учун шартта ўтириб.

— Иситса бўлармиди, музхонадан олиб келаяпман.

— Йўқ, кераги йўқ, — деди Давид ва овқатни ейишга киришди.

— Давид, болажоним! Кўл билан эмас, қошиқда есанг-чи.

У ўрнидан турди ва атрофга аланглади. Ниманидир бир жойдан олиб бошқа жойга қўйди, ниманидир оёғи билан бир тепди ва охири полда ётган пичоқчага кўзи тушди.

— Мана-е, нимадир топилди-ку, — деди у. Кострюлка устига энгашганча қошиқ ўрнига овқатни личноқчада олиб ея бошлади. Шундоқ ҳам у овқатнинг чангини чиқариб юбораётганди.

Мен ўтириб, томоша қилас әдим.

— Ростдан ҳам қошифинг йўқми? — сўрадим мен ва сўнгги йилларда унга деб сотиб олиб берганимиз барча идиш-товоғу ошхона анжомларини кўз олдимдан ўтказа бошладим.

— Йўқ, нима фарқи бор? Шундоқ ҳам кетаялти-ку.

У кострюлдан бош кўтарди-да, менга қараб жилмайишга ҳаракат қилди. Бироқ уддасидан чиқолмади. Жилмайиш ўрнига юзи фалати буришиб кетди — балки, бурни устидаги елим малҳам туфайлидир? Мен қўрқиб кетдим.

— Йўқ, ҳозирча кулги чиқмаяпти, — деди у ва бирданига йиғлаб юборди.

Шунда менинг ҳам юрагим оқиб кетди. Буни қай кўз билан кўриб, чидаб тура олай? Бу болапақир ўғлим бўлади-я... Уни қандай қилиб бу ерда ёлғиз ташлаб кета оламан? Мен уни қўлидан тутдим-да, худди бирор эшитиб қолишидан қўрққандек, шивирлаб дедим:

— Бугун уйда ҳеч ким йўқ, Давид. Кетдик, мен билан юр, бугун ўзингнинг каравотингда ухлайсан...

У йиғлашдан тўхтади.

— Қаёққа кетди барি?

— Яхтада сайр қилгани кетишиди, улар “карвон”да туриб қолишади. Кетдик, ҳеч ким билмайди.

У имилларди, лекин кейин “йўқ” дегандек бошини чайқади.

— Мен... э-э... мен ҳали бу ерни тартибга солишим керак...

— Бугунча кўя тур, — дедим мен.

— Йўқ, ахир... йўқ, мана бу аҳволда кўчага чиқолмайман-ку... — Тўсатдан у қўлини юлқиб олди-да, менга қараб бақира кетди: — Мен кўчада умуман кўрин-маслигим керак, наҳотки шуни тушунмасангиз? Мен умуман Гаагадан бош олиб кетишим керак, чунки улар мени яна тутиб олишади.

¹ Нидерландияда расм бўлган гуруч, гўшт, сабзавот ва тухумдан қилинган индонезия таоми.

— Гиёхвандликни ташлашга ёрдам берадиган марказга бор, ёки шаҳар ташқарисигами. У ерда хавфсизроқ турасан.

— Йўқ! — қичирди у. — Буни ўзим ҳал қиласман, сиз эмас! У ёқса изимни босмайман, ўзим тўғрилайман. Менга беш юз гульден берсангиз бўлди, қарзимни тўлашим керак.

— Давид, — дедим мен, — мен сенга бошқа пул бермайман. Бермайман, чунки сен унга гиёхванд моддалар сотиб оласан.

— Бекор гап, қарзим бор дедим-ку, қарзим, мен уни тўлашим керак.

— Менинг сенга берадиган пулим йўқ. Ўзимда бори тамом бўлди. Энди отангдан сўрашга тўғри келади, у эса бермайди.

У кастрюлни қўлига олди-да, деворга қараб улоқтириди.

Мен ўрнимдан турдим ва эшик томон йўналдим.

— Ҳеч иложим йўқ. Давид, менда пул йўқ.

У ердан бир нима олиш учун эгилиди ва мен эшикни ёпар-ёпмас унга нимадир келиб урилди.

Ётиб ухлай дейман-у, асабларим ҳаддан ортиқ таранглариб кетганди. Кеес-га ортиқ қўнфироқ қилгани юрагим қолмаганди. Агар Давиднинг олдига борганимни билиб қолса, мен билан бир оғиз ҳам гаплашмаса керак. Нечук бундай қилдим-а? Бундан фақат ёмон бўлишини билар эдим-ку? Нима учун уни ўз ҳолига қўёлмайман? Яна Симондан жаҳлим чиқа бошлади. У “карвон”да болалари билан маза қилиб ўтирипти. Лекин мен ҳам у ерда бўлишим мумкин эди-ку... Ҳа, лекин боланг бу ёқда мана бунаقا аҳволда турган бўлса, юрагингга яхтада сайр қилиш сигармиди...

Мен бутунлай калаванинг учини йўқотгандим.

Бир машина келди-да, ундан иккита эркак одам тушди ва бизнекига кирди. Мен қўрқиб кетдим: шундай бемаҳалда ким келиши мумкин? Кейин мен Давидни танидим-у, сал ўзимга келдим. Худога шукур, анови Майкми ё шунга ўхшаган биронтаси эмас экан. Мен чироқни ўчириб қўйгандим, эшикда янги қулф осиғлиқ, Давид киролмасди. Мен тез юқорига чиқиб кетдим. У қўнфироқни босса, балкондан, кет деб бақирмоқчи эдим.

У қўнфироқни босди ва мен панжарадан энгашдим. Мен оғзимни очишга ултурмасимданоқ у қичқириб деди:

— Ойи, тез эшикни очинг, остонаядан беш юз гульденни чўзиб қўйинг менга. Мен уйга кирмайман. Агар пулни бермасангиз, ўзим биламан нима қилишни...

Мен иккинчи болага қарадим, бироқ у эшикка жуда яқин турганидан башарасини яхши кўролмадим.

“Сўраб-суринтириб ўтируманг, шартта йўқ денг”, Кееснинг маслаҳатлари хаёлимдан лип этиб ўтди, бироқ барибири сўрашга жазм қилдим:

— Ёнингдаги ким? Қарз берганми?

— Ҳа, қарзим бор, сизга айтгандим-ку, у энди бир кунга ҳам муҳлат бермаялти.

Мен фикрларим чарх урганча сукут сақламоқда эдим. Пул олиб чиқай деб полиция чақирсаммикан? Гўё полиция келадигандай. Бундан ташқари, келганда ҳам Давидни буровга олади. Уйда пул йўқ десаммикан? Унда улар эшикни бузиб киришади-да, уйни афдар-тўнтар қилишади... Йўқ, балки Симон уйга қайтиб келган, деб ёлғонласаммикан?..

— Бориб отангдан сўрай-чи, — қичқирдим мен ва балкондаги эшик томон бурилдим.

— Дадам яхтада, унинг машинаси йўқ. Пулни чўзиб қўйинг, менга пул керак...

— Менда сариқ чақа ҳам йўқ.

— Бориб бувимдан олиб келинг, биз шу ерда кутиб турамиз.

Бирдан юрагим ёрилгудек қўрқиб кетдим. Модомики, Давид шунаقا қаттиқ туриб сўраяптими, демак, ростдан ҳам унинг жони хавф остида қолган кўрина-ди. Уйда пул бор эди — рўзгор пули ва келаси ҳафтада бўладиган туғилган кунлар учун тежалган пул: Давидники — 3 июлда, Жюльєтники — 8 июлда... Ҳамма-

си бўлиб роппа-роса беш юз гульден. Эй худойим, Давиднинг ҳаёти хавф остида...

— Анави бола эшик тагида турса, мен пастга тушмайман, — дедим мен. — Айт, у машинасига борсин.

Бола боф йўлакдан аста юриб кетди ва қўлларини чўнтакка тиққанча мендан кўзини узмай машина ёнига бориб турди.

— Давид, — дедим мен шивирлаб, — нима қилишимни ўзим биламан деганда нимани назарда тутган эдинг?

Унинг тоқати тоқ бўлаётганди.

— Сизда пул бор, чўзинг бу ёққа. Нега ўзингизни овсарликка соласиз? Истасам, эшик дарчасини бузиб кираман!

Мен балкон эшигини ёпдим-да, пулни олиб, конвертга жойладим. Зинадан тушаётиб, бирдан “яхшиси конвертни пастга итқита қолай”, деб ўйладим.

— Давид, — қичқирдим мен, — агар шу пулни берсанг, у сендан нари кетишига ишонасанми?

Унинг кўзи қўлимдаги конвертга тушди.

— Ҳа. Ташласангиз-чи. Беш юз гульденми унда?

Мен конвертни итқитдим ва у бир оғиз ҳам сўз айтмасдан ҳалиги бола билан бирга машинада гумдон бўлди.

Кейинги кечган бир неча соатдаги воқеалардан менга шу нарса яқзол аён бўлдики, мен яна ўзимни дўқ-пўписаларга нишон қилиб қўйибман. Мен яна боплаб чув тушган эдим. Бу бола Давидларнинг қарзларни индамай тўлаётганини энди пайқаб қолганди. Шу билан баробарига Давиднинг “қарз кўтариш одати” тобора авж олмоқда ва кейинги қарзни ундириш учун ҳам унча кўп вақт талаб қилинмаётган эди. Қарзни тўлаб, мен ўғлимни баттар қийин ахволга солиб қўяётган, ўзим ҳам кўпроқ даҳшат исканжасига тушиб қолаётгандим. Мен бутунлай ўзимни йўқотиб қўйгандим. Бу исканжадан бир ўзим кутулиб чиқа олмаслигим англадим. Ҳар гал уни “ўз ҳолига қўйиш”га ҳаракат қилганимда мени даҳшатга солувчи нимадир содир бўлар эди-да, мен яна нима қилишимни билмай қолар эдим. Давид мени топа олмаслиги ва шу тариқа яна дўқ-пўписалар қила олмаслиги учун мен ҳатто бирон ёққа “гумдон” бўлишни ҳам ўйлаб қолардим. Бироқ қаёққа ҳам борардим? Бу қанақа тескари дунё: ўзига “игна ураётган” Давидни деб уйдан мен бош олиб чиқиб кетишим керак бўлса! Унда болаларимга ким қарайди? Таътил кунлари бўлганидан мен болалар билан бир ойга аллақаёққа кетишим мумкин эди, албатта. Лекин бисотимизда пул йўқ эди, ҳатто кейинги ойнинг рўзгор харажатларига ҳам деярли бир гульден ҳам қолдирмай қарзга тўлаб юборгандик. Кейин, барча мусибатлар йиғилиб, бошимда бало-қазодек осилиб турса ҳам мен бу ҳақда Симонга чурқ этиб оғиз очолганим йўқ. Мен ўзимни-ўзим қоронги бурчакка ҳайдаб кирган эдим, бу ерда яккаш чир айланар ва телбалардай ўзим билан ўзим гаплашар эдим, холос. Ишқилиб, бориб-бориб ростакамига жинни бўлиб қолмасам гўрга эди. Ишқилиб, миям айниб қолмаса бўлгани. Ишқилиб, анави ёқдан келиб мени чинқиртириб, дод-войлатиб жиннилар кўйлагини кийдирганча олиб кетмасалар яхши эди.

Телефон жиринглади. Давид! — миямга келган биринчи нарса шу бўлди. Барибир уни калтаклашган ва бу гал...

— Мен яқинда ўглингиз билан машинада борган йигитман.

— Давид ўлди, — дедим мен, — уни сенлар ўлдирдиларинг.

— Йўқ, хоним, — унинг товуши мулойим эшитиларди.

— Унда нима экан? Нега унда телефон қиласан? Бу пул етарли эмасми ҳали? Тагин керакми? Бошқа пулим йўқ?

— Йўқ, хоним.

— Нима бўлмаса? Қоқ ярим тун бўлса, нима бало, бутунлай ақлдан озиб қолдиларингми?

Мен йиглаб юбордим, ўзимни қўлга олишга ҳаракат қилдим, бола эса менинг яна бирон нарса дея олишимни пойлаб, кутиб турарди.

— Мени ўз ҳолимга қўясизларми, йўқми? — қичқирдим мен. — Ортиқ чи-
долмайман!

— Мен сизни ҳечам безовта қилмоқчи эмас эдим, лекин мен ўғлингиздан
қарздорман.

Мен ҳеч нарса тушунмадим. Бу йигит қарздор эканми?

— Сен қарздормисан? — такрорладим мен. — Йўқ, Давид сендан қарздор,
беш юз гульден...

— Йўқ, хоним, мен ундан қарздорман, икки юз гульден, лекин мен қарзим-
ни тўлаёлмадим. Давидга эса, ўзи айтганидай, пул керак бўлиб қолган экан.
Шунинг учун у менга, мен билан борасан, бир томоша кўрсатамиз, мен ойим-
дан пул оламан-да, сендан икки юз гульденни бер, деб ортиқ тиқилинч қил-
майман, деди.

Йигитчанинг гаплари маъносини тагигача тушуниб етгунча унинг барча айт-
ганини бошқатдан такрорлатишими тўғри келди, йигитча эса нукул:

— Ҳа, хоним, — дерди, холос.

— Унда нега менга қўнгироқ қилиб, бу гапларни айтаяпсан? Ахир, унда ўзинг
иштирок этган эдинг-ку, — қичқирдим мен.

— Мен қаттиқ пушаймонман. Мен буни фирт разиллик деб биламан, Давид
ҳаргиз бундай қилмаслиги керак эди. Мен ҳам буни истамагандим, лекин у
мени мажбур қилди: ё қарзни тўла, ё мен билан мана бу ўйинда иштирок эт,
деди...

Менинг гўшак тутган қўлим беҳол пастга тушди. Йигитчанинг гўшакка ҳамон
қичқириб гапираётганини эшишиб турадид:

— Пушаймонман, хоним. У менни мажбур қилди. Мен буни разиллик деб
биламан.

Лекин иш шу билан тамом бўлмади. Бутун тун мен гоҳ йиғлар, гоҳ товуш
чиқариб ўзим билан ўзим гаплашар эдим, айниқса, тез-тез қадаҳга ружу қилас
эдим. Мени алдаб Давид қанчалик жирканч ва разолатга йўл қўйди-я! Пул
ўмариш мақсадида менинг қўркувларимдан фойдаланди-я, деган ўйлар миям-
да аридек ғўнғиллаб айланар эди. Бироқ соат сайин юратимни ўртаётган дард
хурожи сусайиб, энди fazabimni эримга соча бошладим. Симон мени мусибат
қўйнида ёлгиз ташлаб кетди. Давид дардманд эди, у нимани қилган бўлса,
барчаси ўша дарднинг оқибати эди, мен ҳатто уни жавобгар қилишга ҳам журъ-
ат қилолмасдим. Лекин мана бу Симон кўра-била туриб ўзини четга олиб қоч-
ди ва ҳаммасини менинг елкамга ағдариб кетди. Менинг бир ўзимни мана шу
ҳайҳотдай уйда ташлаб кетиб, зўр ноинсофлик қилди, ахир Давид ҳар дақиқада
келиб менга дўқ-пўписалар қилиши мумкинлигини билар эди-ку. Ишқилиб,
уни уйга киритмалингми, деган гаплар билан ҳаммасидан қўл силкиб кетаве-
риш виждондан эмас-ку! Симон, Симон, Симон... мен уни ёмон кўриб қолган-
дим, у билан муносабатимни узишга бу гал узил-кесил қарор қилгандим. Ажра-
шаман. Бирон-бир бошқа жойда, усиз ҳаётимни янгитдан бошлайман. Мен
алоқ-чалоқ тушлар кўрас эдим, вужудимда қандайдир англаб бўлмас оғриқ ҳис
қилардим. Тушимда Давид тунов куни олиб борганим гуручли овқатни еган
пичноқчани кўрибман. Пичноқчани унинг қўлидан тортиб олиш учун мен жон-
жаҳдим билан олишаётбман, пичноқ чиқиб кетди-да, тўғри қорнимга келиб
санчилди. Пичок кесгандаги қаттиқ оғриқни ҳис этиб, қичқириб уйғониб кет-
дим ва баданимдаги жароҳатни қидира бошладим. Булар барни туш эканини
билигач, мен ўзимни яна ёстиққа ташладим. Оғриқ. Баданим қақшарди. Кўнглим
айнирди. Асаблар, ўйладим мен. Биттаси ақддан озаяпти, иккинчисида дард
хурож қилаяпти. Психосоматика. Тинчланишим, ўзимга келиб олишим керак,
мен оғришни истамасдим, менга оғриш мумкин эмасди, Давид дардманд, у
менсиз туролмайди. Модомики, Симон ундан воз кечдими, унинг ўрнида ким-
дир бўлиши керак. Мен бўлишим керак. Ўша “кимдир” мен бўлишим керак.
Бироқ оғриқ кетмаётганди. Қусиб юбордим. Бир амаллаб телефонгача бориб
ололсайдим... Докторга қўнгироқ қилиш керак.

Мен зинадан эмаклаб тушишга ҳаракат қила бошладим. Доктор келганида
эшикни очиш учун мен пастда бўлишим керак.

Мени текшириб кўришди.

— Кучли кўричак дарди. Сизни қанчалик тез касалхонага олиб борилса, шунча яхши.

Мен йиғлаб юбордим.

— Касалхонага боролмайман! — Шундан сўнг мен Давид ҳақида сўзлаб бердим. — Зинҳор касалхонага боришим мумкин эмас, тушунсангиз-чи...

Бу навбатчи доктор эди ва ҳақиқатан ҳам кетишга унчалик шошилмаётганди.

— Балки бу сизга ногаҳоний халоскорлик баҳш этар, — деди у. — Сиз ўғлингизни ўз ҳолига қўёлмаган бўлсангиз, энди эса бу ишни ихтиёрсиз равиша қиласиз. Балки у сизга энди ортиқ дўй-пўписа қилмаса ҳам керак.

— Лекин сиз гапимни тушунмаяпсиз-да! У дардманд, дарди ҳар қачонгидан ҳам қаттиқ, ҳалиги мен берган пулга бу қилган ишни соғлом одам ҳам қилмайди...

— Сиз дардмандсиз, у дардман, сиз иккалангиз бир-бирингизни касал қилиб қўйибсиз-ку. Қачон бўлмасин, бу чиркин доира чок-чокидан сўклиши керак. Ҳозир сизнинг жисмингизга эътибор қилмаса бўлмайди. Унга эътиборингизни жалб этинг-да, касалхонага жўнанг, ўғлингизни миянгиздан чиқариб ташланг.

Бироқ мен таслим бўлмадим. Такси келишини кўзимда ёш билан кута бошладим. Яхши, борганим бўлсин, бироқ дарҳол уйга қайтаман, чунки мен Давидга керакман. Симон эса унга ёрдам бермайди. Мен Симонни ёмон қўриб қолгандим, ҳа, ёмон қўриб қолгандим, чунки у Давидни ўз ҳолига ташлаб қўйганди.

Душанба куни эрталаб мени операция қилишди. Соат тўртларда наркоздан ўзимга келдим. Мен қичқирап ва Давидни чақирап эдим. Симонни қарғардим. Ўзимни ҳар томонга уарканман, кимдир мени маҳкам ушлаб туарди. Симонни ташқарига чиқариб юборишганини сездим. Ажаб бўлти. Кетса, ундан нарига. Менинг ҳаётимга энди аралашмасин. Менинг ҳаётим — Давид билан ўзимдан иборат.

Ўзимга келдим демагунча йўлакда кезинишга тушдим. Доктор келгач, мен ўғлим Давид учунгина уйга боришим кераклигини айтдим.

— Тузалганингиздан кейин биз сизни уйга жўнатиб юборамиз.

Мен оёқ тираб туриб олдим, бироқ у гапларимга унамади-унамади. Жароҳат тезда тузалмаётганди, чунки мен бир дақиқа ҳам тинч ётмас эдим. Дам-бадам ҳайфсан олар, ўқраб йиғлар эдим, мени овутишарди, хуллас, охир-оқибат ҳали жароҳат тузалмасидан уйга жўнатиб юборишида.

Мен билан изма-из уйга машинада Симон етиб келди, у ўзини фоят эҳтиёткорона тутар, бироқ бу баттар жиғибийронимни чиқарар эди.

— Идорангга бор, — дедим мен, — менга бошқа ҳеч нима, ҳеч ким керак эмас.

Лекин бунинг асосий сабаби бошқа томонда эди, мен Давидга “Пайшанба куни кундузи уйга кел. Сен билан гаплашадиган гаплар бор”, деб хат ёзгандим.

Уйда мени янги зарба кутарди: у ерда ойим бор эди. Ойим уйни йигишиштирап, овқат тайёрлар, кир ювар, хуллас, ҳамма ишни қилар экан, мен эса ундан миннатдор бўлишим керак эди. Лекин бунинг ўрнига мен унга, иложим борича тезроқ кетинг, чунки ҳаммангиз мени жинни қилиб қўйдингиз! — дедим рўйиност.

Ойим Симон билан шивирлашиб олди ва кетмади.

— Бугун ҳали жуда кўп юмушларни қилишим керак, — деди у.

Симон кетгач, мен уйда ойим билан ёлғиз қолдим, уни уйдан ҳайдаб чиқаришга эса менда мажол қолмаганди.

Мен Давиднинг келишига ишонардим. У келди ҳам. Нега келганини ҳалиханузгача билолмайди. Илгари мендан ҳеч қачон хат ё шунга ўхшаган бирон нарса олиб ўрганмагани учунми? Ё менинг бирданига касал бўлиб қолганимга

ачинганиданми? Ойим эшикни очгани кетди, мен эса ортидан эшиккача югуриб бордим. Давид менга яқин келди-да, юзимга разм сола бошлади.

— Нима бўлди? — сўради у, қарасам, ўғлим ростдан ҳам ташвишланган. — Нима бўлди сизга? Нега рангингиз бунақа?

Орамизда қандайдир беғубор ва шаффоғ туйғу пайдо бўлгандек эди, бироқ ойим ўша заҳоти ҳаммасини йўққа чиқарди.

— Ойинг ҳозиргина касалхонадан келди. У жуда ҳам беҳол, Давид, сен у билан мулойим муомалада бўл, унга бақириш мумкин эмас...

Ҳаммаси сувга урди-кетди. Бир лаҳзалик соғ туйғудан ном-нишон қолмади. Унинг ўрнида ғалати бир нарса пайдо бўлди. Мен унга қарап, у менга қаради ва шу заҳоти унга беҳол она керак эмаслигини англадим. Мен ўйинни ютқазган эдим. Қаттиқ изтиробга тушган кўйи яна бир бор синашга уриниб кўрдим. Менинг ҳолим қанчалик ёмонлигини кўриб кўйишини истардим. Бироқ ўйлаганимдай бўлиб чиқмади. Унга ҳар бир ишнинг уддасидан чиқадиган она керак эди, менга ўҳшаган заифу беҳол онани у бошита урмасди.

— Жин урсин! — деди у, — бундоқ ўзингизга қарасангиз бўлмайдими? Нахотки, одам ўзини шу ҳолга етгунча қараб турса! Ё бизга қасдан шундай кўрсатаяпсизми ўзингизни? Онангнинг аҳволини кўриб кўй демоқчи бўлдингизми?

Менинг хунобим ошди:

— Мен қаттиқ касал эдим, ҳа, бунга сен айбордсан. Сен гиёҳванликни ташлашинг керак. Сен ўзингни нобуд қиласяпсан, мени ҳам ўша чоҳга тортиб кетаётиссан.

Тўсатдан у мени тепиб юборди. Унинг ботинкаси тўғри жарроҳ тифлаган ярамга келиб тегди. — Вой! — деб ёғриқдан икки букилиб қолдим.

— Ойинг ҳозир касалхонадан келди, сен бўлсанг уни тепасанми, нобакор! — қичқирди ойим.

Юрагимда ойимга нисбатан нафрат қўзиди. Шу билан бир вақтда ўғлимга нисбатан ғазаб ҳам тошиб кела бошлади. Бу галги ғазаб чинакам ғазаб эди. Симонга қаратилган ғазаб эмасди, у ғазаб бошқа туйғулар билан боғлиқ эди. Йўқ, буниси Давидга қаратилган ғазаб эди. Ҳа, ҳа, ҳақиқий ғазаб! Унга нисбатан юрагимда пайдо бўлган илк туйғудек соғ ғазаб. Чунки у нақ ярамни мўлжаллаб тепди-да! Чунки у мендан воз кечган эди-да! Шунда мен дафъатан англадимки, уни ўз ҳолига қўйишининг вақт-соати ниҳоят, етиб келди. Шу лаҳзадан бошлаб мен энди ўзим учун курашаман. Бу ғазаб уни ўз ҳолига қўйишм учун менга асқотгандек эди.

IV боб

1977 йилнинг бутун июль ойи давомида мен муолажада бўлдим. Болаларнинг таътили бошланиб, Симон улар билан “карвон”га кетган эди. Жюльєт дугонаси билан Испанияга жўнади. Мен уйда ёлғиз эдим ва ҳаётимда иккинчи марта аламимни “кундалик икир-чикирлар”дан олишга ҳаракат қилмоқда эдим. Ҳар қандай ёрдамини мен рад этмоқда эдим.

— Йўқ, йўқ, йўқ, ҳеч қанақа руҳий касалликлар врачи, ҳеч қанақа хапдори, ҳеч қанақа даволаш гурӯҳининг кераги йўқ. Ўзимдан ўтаётганини ўзим билан, бундан кейин ҳаётимни қандай давом этдиришни ва нима қилишни ўзимга қўйиб қўйинглар.

Янги ҳаётимни тўшакда ётишдан бошладим. Мени хафа қилиш мумкин эмасди, чунки мен фикрлаш қобилиятидан маҳрум бўлгандим. Мен девордаги гулқоғозни томоша қилардим, қаттиқ чарчаганимни ҳис этардим ва дам-бадам тушларсиз қаттиқ уйқуга кетардим. Ўзимча бир нарсани тушуниб турардим: майли, нима бўлса бўлар, менинг ҳар бир қаршилигим ўзимнинг бундан кейинги ҳаётимга қасдма-қасд бўлади. Афтидан, мен каравотда нақ йигирма тўрт соат ётган бўлсан керак, чунки нур билан зулмат бир-бери билан алмашганини элас-элас эслайман. Охирги марта уйқудан кўз очганимда фикрлай бошлаганимни англадим. Очлик... Ташналик... Ҳожатхонага боришим керак... Бироқ мен турмадим. Бирмунча вақт ўз нафас олишимни эшитиб ётдим. Бунинг учун

ҳеч нарса қилмаслигим керак, деб ўйлардим мен, қорним ўзидан-ўзи кўтарила-ди, бунинг учун мен ҳеч қандай куч сафрламайман, мен шунчаки ҳаво сипқо-раяпман... Мен кўлимни қорнимга қўйдим, қорним қўлим билан бир кўтари-либ, бир тушарди. Мен ҳаво оляяпман, оляяпман, бунинг учун мен ҳеч нарса қилмаслигим керак.

Энди эса мен туришим керак.

Хожатхонага боришим керак.

Демак, мен туришим керак.

Хожатхонага боришим керак.

Ура, баданим ишляяпти! Буни ўзимдан ташқари қовуғим ҳам сеза бошла-ганди, пешобдан енгиллашаётганимни севинч билан ҳис қилиб турардим.

Чанқоқлик. Умивальникни маҳкам ушлаб туриб, икки стакан сувни сипқор-дим.

Очлик. Демак, пастига тушишим керак. Мен музхонага сукілмадим, нон идиши-ни очмадим, балки тўппа-тўғри уй орқасидаги боғчага йўл олдим, у ерда бир бурчакда кўкатлар ўсиб ётарди. Кашиб дейсизми, укроп дейсизми, жамбулу ялпиз дейсизми — ҳаммасидан бор. Мен уларнинг ёқимли ҳидидан тўйиб-тўйиб ҳидладим, тахир новдаларини чайнадим. Мен ўзимни офтобга тутдим. Кўзла-римни чирт юмид ўтиарканман, оёғим остидаги ерни ҳис этдим. Қорним бир кўтарилиб, бир тушарди. Яна англадим: мен нафас оляяпман, бунинг учун мен ҳеч нарса қилмаслигим керак...

Ниҳоят, ўрнимдан турдим. Бошим айланиб кетди, иккала қўлим билан эшик-дан ушлаб қолдим. Шу дақиқадан бошлаб кундалик юмушларда таянч қиди-раман.

Тўртингчи кун дегандагина мен чўмилиш зарурлигини ҳис қилдим. Шундан кейин биринчи марта ойнага қарадим. Ўзимни таниб олиш учун талай вақт керак бўлди. Табассум пайдо бўлиши мумкин бўлган чехра ташқаридан кела-диган ҳар қандай товуш учун бефарқ. Фақат бир неча кундан кейингина ме-нинг шууримга телефон қўнгироғи ёриб кирадиган бўлди. Учинчи, тўртингчи... ие, ниманидир эшитаяпманни... бешинчи, олтинчи... телефонми? Лекин мен қимир этмадим, мен фақат тинглар ва эслар эдим — сўнгги кунлар мобайнида бу товушни бир неча бор эшитгандим. Қаёқдадир узоқда. Унинг менга ҳеч қандай дахли йўқдек эди. Менгача ҳали етиб келомасди. Бирмунча вақтдан кейин эса гўшакни кўтардим. Овоз. Овоз? Ё тавба, бу кимнинг овози бўлди? Кўрқиб гўшакни жойига қўйдим. Телефон яна жиринглади ва шундан кейин мен ҳеч бир қўрқмасдан гўшакка исимимни айтдим. Нафас олиш, қовуқ, очлик ва ташналиқ, таниб бўлмас чехра ва ниҳоят, исмим.

— Лен, бу мен, Симонман, ишларинг қандайлигини билмоқчи эдим.

Жумла фоят узун эди ва мен унинг сўнгги қисмини такрорладим:

— ... билмоқчи эдим.

— Ҳа, ишларинг қалай? Ўзинг чиқиб кела оласанми? Мен борайми ё йўқми?

— Йўқ, — дедим мен, — яххиси ўзим...

— Кўзинг етадими? Овқат емаяпсанни деб қўрқаяпман-да. Мен ҳеч нарса демайман, ҳеч нарса сўрамайман, мен фақат сенга ёрдам бермоқчиман, Лен.

— Яххиси, ўзим...

Мен гўшакни кўйдим. Қўлим титрарди, юрагим ўйнарди, вужудим қилдай бўлиб бораарди ва бу узундан-узоқ зерикарли телефон сухбати сабабли, пешо-нам терлаб кетганини ҳис этдим.

Ҳар куни оз-оздан юрадиган йўлимни узайтириб бораардим. Кийимларим кирлаб кетганини, уйдаги гуллар қуриб қолганини пайқадим. Уй олдидан поч-тальон ўтиб кетаётганини кўрдим ва почта қутисини текширгани бордим. Боғ-чада энди мен ерда ўтирасдим, курсича олиб олган эдим. Бирдан кўнглим узум тусаб қолди ва узум сотиб олишга аҳд қилдим. Дўконда бўлди ҳангома, бўлди ҳангома, чунки мен пул олишни унугандим. Яна совуқ тер чиқди:

— Менинг номимга ёзиб қўя олмайсизми?

— Албатта ёзib қўямиз, хоним.

Дўкондан яйраб-яшнаб чиқдим: удаладим! Яна ҳамма нарса қўлимдан келади! Телефонда Симон билан қилган сұхбатим бир оз сұхбатга ўшади.

— Ҳа, бугун уйдан чиққан эдим. — Кейин кутилмаганда ўзимдан бошқаларга нисбатан қизиқиш пайдо бўлиб қолса! — Сизлар нима қилдиларинг?

Симон иложи борича қисқа жумлаларда гапиришга ўрганганди:

— Яхтада сайр қилдик. Бозорга бордик. Брамметье билан бадминтон ўйнадик.

Уч ҳафта ўтгандан кейин эса мен рози бўламан:

— Хўп, майли, кела қол мени кўргани, мен бир синааб кўришим керак.

Мен “биринчи марта” қилган ҳар бир нарса мени бутунлай ёзib ташламоқда эди. Машинада бир соатлик юриш, чор-атрофда нақлиётлар жимжимаси, болалар, яхтада сайр, бир дақиқага кирган кўшни аёл. Тушдан кейин мен учун ҳамма йўқ бўлар эди, мен оромкурсига ўзимни ташладим-да, ухлаб қолдим. Кейин уйга қайтиб кетаман, бир ҳафтадан кейин яна синааб кўраман. Энди мен “тайёрланмоқда” эдим. Болаларга ул-бул нарсалар харид қилдим. Йосинга бикинлар, Симон билан Брамметьега журнал ва кулгили расмлар сотиб олдим. Мен улар билан икки кун бирга бўлиш ва Симоннинг қанчалик ғамхўрлигини кўриш ҳолатида эдим. Унинг уйларни қандай саранжом-саришта қилаётганини, болалар билан қанчалик мулојим муомалада бўлаётганини, доим менинг кўнглимни олишга зидан тиришаётганини кўриб турардим ва булар барчаси, юрагимга аллақандай илиқлиқ бахш этмоқда эди. Демак, ниҳоят балофат ёшига етибди. Узун юнг галстукли талабадан ном-нишон йўқ эди. Болалар ухлаб бўлишгач, сўради:

— Лен, Генриеттани ҳали ҳам эслайсанми?

Холавачам Генриетта...

— Ҳа, бўлмаса-чи. Нимайди?

— У Нидерландияда.

Мен у билан алоқа ўрнатишдан қўрқибми, сира унга хат ёзмаган эдим. Унга хат ёзишм ёки ундан хат олишим менинг муваффақиятсиз никоҳим ҳақида эслатиб туришга хизмат қилиши мумкинлиги учунми? Ҳамма нарсани ўзим қилишим шунчалик зарур эканлиги учунми? “Мен ўзим уддасидан чиқмоқчим” — мен шундоқ деганимидим? Симон хотиржам тусда давом этди:

— У анчадан бери шу ерда, мен у ҳақда ойингдан билдим ва уни қидириб топдим. Албатта, Давид ҳақида, ўзимизнинг ҳозирги аҳволимиз ҳақида сўзладдим. У билан сен ҳам гаплашсанг ёмон бўлмас деб ўйлайман. У яна бир-икки ҳафта шу ерда бўлади, менимча, сенинг вақтинг бўлар.

Мен яна роса бир ҳафта уйда танҳо бўлдим ва шундагина Симон нима тўғрида гапиргани идрокимга етиб борди. Генриетта. Тинглашни яхши кўрадиган аёл. Аста-секин менда кимгадир юрагимни очиш эҳтиёжи пайдо бўлмоқда эди. Генриетта. Мен уни яна кўришим керак. Биз учрашув ҳақида келишиб олдик ва “tinglash” бошланди. Мен у билан пляж ва қум тепаликлари бўйлаб сайр қиласардим. У билан боғда соатлаб ўтирадик. Симон болалар билан қайтиб келганда мен у билан “карвон”да яна икки кунни ўтказдим. Мен гапиравердим, гапиравердим. У кетгандан кейин бошимиздан нималар ўтган бўлса ҳаммасини сўзлаб бердим. Худди ташқи кузатувчи сингари кўз олдимдан бутун ҳаётим сузиб ўтди. Мен ҳатто воқеаларни бир-бирига улаш ва хуносалар чиқариш қобилиятига ҳам эга бўлгандим.

Кейин эса Генриетта таклиф киритди:

— Кетдик мен билан. Бир неча ой туриб келасан. Мен сени “Номсиз оиласар” билан боғлаб қўяман.

— “Номсиз оиласар?” Ё тавба, бу нимаси бўлди энди?

— Бу болалари наркоман бўлган ота-оналар ташкилоти. Ота-оналар ҳар ҳафтада учрашиб туришади ва тажриба алмашишади. Сен айтиб берган гаплар — булар барибир ўзи куйиб-ёниб юрган аёлнинг гаплари. Америкада Давиддай болалари бўлган ота-оналар ёлғиз қолишимайди. Улар учрашиб туришади, бир-бирларига бошларига тушган мусибатларни сўзлашади, ҳис-туйгулари, мағлубиятлари ва кичик-кичик муваффақиятларини ошкора ўртоқлашади. Гап мут-

лақо уларнинг маслаҳат сўраб ё қоралаб “мутахассислар”га боришлирида эмас, йўқ, улар ўзлари маслаҳат беришади, ўзлари қоралашади, ўзларига ўзлари “мутахассис”. Бола нима учун гиёҳванд бўлганлигини ҳеч ким улардан яхши билмайди.

Мен лол бўлиб қолгандим. Тўсатдан ўзимни ганч билан сувалган уйли, ўзимнинг жўмракли челагимда сугорадиган гулзорли кўчада кўрдим. “Тўхта, — деди Герри, — сен ҳаммамизни кулгига қўясан-ку!”

“Ҳамма деганинг ким?”

“Болалари гиёҳванд бўлган барча ота-оналар-да”.

“Барча ота-оналар? Қани улар?”

“Билмайман, улар яширинадилар, уятдан, аслида эса сен дучор бўлган балодан бир-бирларини кутқариш учун бир ёқадан бош чиқаришлари керак эди?”

— Демак у ёқда, Америкада, улар бир ёқадан бош чиқаришибди-да? — дедим мен.

— Ҳа, — деди Генриетта, — улар ҳар ўн-ўн бештаси битта гуруҳ бўлиб олиб, ишлашаяпти. Улар бир нарсани яхши билиб олишган, нафақат уларнинг болалари касал, балки уларнинг ўзлари ҳам касал, қачонки ўзлари даволаниб етишса, шунда болаларига ёрдам бера олишади.

— Генриетта, — дедим мен, — мен қаттиқ касалман, қанчалик касаллигими ни энди тушунаяпман, мен бундан кейин ҳам яшашни истайман, мен қандайдир чора кўришим керак. Мени ўзинг билан ола кет, мени ўша одамлар олдига олиб бор, мен улардан сабоқ олмоқчиман. Мен ўзимни қандай даволашим кераклиги тўғрисида улар менга сабоқ беришсин...

Генриетта чўзиб ўтирганидай. Ўша куни кечкурун у “Номсиз оиласлар” — унинг ўзи айтганидай, НО даги дугонасига қўнғироқ қиласди. У бисотидаги барча адабиёт, китобчалар, брошиюралар ҳамда газеталарда НО ҳақида нимаики чоп этилган бўлса, ҳаммасини юборишни сўради. Бир ҳафтадан кейин менинг почта қутимга бир боғлам газета, катта-кичик китобчалар ташлаб кетилди. Бу пайтга келиб менинг аҳволи-руҳиям шундай эдик, мен буларнинг барчасини ўқий олар ва у ердаги одамлар дучор бўлган вазият ҳақида тасаввур ҳосил қила олар эдим. Тўғрироғи, менинг вазиятим ҳақида — буни мен кўп ўтмай англаб олдим. Худди мендайин, уларнинг ҳам ўғли ёки қизи бўлган, ҳамманинг кўз олдиди, ота-оналарининг кўзи олдида улар аста-секин издан чиқа бошлаганлар, ота-оналарининг назарида улардаги шахсият ўзгариб, тажовузкорликлари орта борган. Худди мендайин, уларнинг ота-оналари ҳам болалари тобора бир хил бўлиб боришаётганини кўриб туришган. Бироқ шу билан бирга ота-оналарнинг ўзлари ҳам тобора бир хил бўлиб бораверишган, яъни дўстлари ёки бошқа оила аъзолари билан олдинги яхши муносабатларига птур ета бошлаган — бир-бирларидан ўзларини олиб қоча бошлашган. Тўғри-да, ким ҳам бирорвонинг эпақага келтириб бўлмайдиган ҳаётига аралашишни хоҳлади? Чунки эртага ўзи унинг аҳволига тушиб қолиши ҳеч гап эмас-да. Наркоман ўғил — бунақаси ўз-ӯзидан бўлмайди, ҳойнаҳой бирон сабаби бўлиши керак. Айбор ота-оналар. Худди мендайин, улар ҳам айбордорлик ҳиссидан изтироб чека-чека тунлари мижжа қоқмаганлар. Булар барчаси қачондан бошланган ўзи? Ўшанда мендан қандай хатолик ўтди экан? Бу саволларга қандай жавоб беришни мен энди билардим. Ҳаммаси унинг тоқатимни тоқ қилиб юборадиган йигиларидан бошланганди. Бизнинг ёш никоҳимиздан ва бунга ота-оналаримизнинг аралашувидан бошланганди. Бу болани ўзим учун “жазо” деб тушунган дақиқадан бошланганди. Айб менда, айб менда... Үқидим: ҳалиги ота-оналар ҳам аста-секин соғлиқларини йўқота бошлашган ва натижада куни бўйи “олди-қочди ўйинлар” билан машғул бўлишган: болаларини қидириб шаҳарда кирмаган кўчалари қолмаган, резина боғичлар ва укол қиласиган ниналар кўринишидаги жиноий далил-исботлар қидириб, уларнинг хоналарини товуқдай титишган. Бундай нарсалар топилиб қолгудек бўлса, ўзларини йўқотиб қўйишган, бақира бошлашган, дўқ қила бошлашган, бу қилиқларингни ташланглар, деб болаларига ялиниб-ёлворишган. Лекин болалар қулоқ солишмаган. Улар ваъда бе-

ришган, аммо ўша заҳоти ваъдаларини бузишган. Чунки улар аллақачон касалланиб бўлишган, касал эса эртага отдай бўлиб кетаман, деб ҳеч қачон ваъда беролмайди. Шунда ҳалиги ота-оналар ҳам фазабга мингандар, чунки болалари сўзларининг устидан чиқишишмаган ва “буни” улар учун деб қилишишмаган, чунки ота-оналарнинг ўзлари болаларидан қўлларини ювиб, қўлтиқларига уришган, уларнинг эртанги хулқ-атворлари қанақа бўлишини ўйлаб, қўрқиб кетишган. Улар ҳам азбаройи фазабдан болаларини уйдан ҳайдаб чиқаришган, кейин эса орқага қайтариш учун оёқларига йиқилишган, чунки ота-оналилек меҳри устун келган. Болалар ҳам ота-оналарининг елкасига миниб олишганини пайқаб қолишишган. Улар ҳам дўқ-пўписа йўлига ўтишган, талон-торож қилишишган, ўзимни ўлдираман деб қўрқитишишган, гапни айлантиришишган ва алдашган, оиласадаги барча қадру қимматни бир чақага олмай қўйишишган ва ниҳоят, ўзларидаги ёмон хулқ-атворни бўйниларидан соқит қилиб юборишишган, бошқа ишлашни хоҳлашмаган, лўттибозликка кириб кетишишган, уйларга ўт қўйиш билан машғул бўлишишган ёки ўғирликлар қилишишган. Ота-оналар ҳам ваҳимага тушиб қолишишган. Ўз болаларининг хулқ-атворлари оқибатидан уларни эҳтиёт қилиш учун улар қўлларидан келган ҳамма ишни қилишишган. Вазиятни юмшатиш ўйлини қидиришишган ва болаларининг қилмишларини оқлашган. Хуллас, уларнинг болалари қилиши лозим бўлган ҳамма нарсани қилишишган, болалар ҳам ота-оналарининг улар учун керак бўлса осмондаги ойни узиб беришга ҳар доим тайёр туришларига кўнишиб қолишишган. Шундай қилиб, ўзлари ҳам билмаган ҳолда ота-оналар болаларининг гиёҳвандлик қилишларини қўллаб-кувватлашган... Ё тавба, менда қандай бўлган бўлса, бу ота-оналарда ҳам худди шундай бўлиби...

Мен паспортларимиз ўғирлангани ҳақида маълум қилишига ва янгисини бериш тўғрисида ариза ёзишига мажбур бўлдим. Мен виза очдиргани бордим ва кийимларимни тартибга келтирдим. Симон менинг Америкага бориш режамини жон-дили билан қўллаб-кувватлади. У ҳам НО ҳақидаги нарсаларни ўқиб чиқди ва жавоб олмоқчи бўлган саволлар рўйхатини тузди. Яна ўртамизда ҳам жиҳатлик юзага келди.

— Ҳа, у ерда одамлар бир-бирлари билан қандай ишлашларини батафсил айтиб бераман.

— Ҳа, болаларга бирон нарса бўлиб қолгудек бўлса, мен албатта сенга қўнғироқ қиласман, ишонавер.

Мана, чипта қўлимда. Жўнаш куни аниқ — 30 август. Бироқ эртага йўлга чиқаман деган куни ҳангоманинг зўри чиқиб қолди-ку.

— Эй худойим, ахир Давидни кўрмасдан кетолмайман-ку.

— Сен уни кўролмайсан, унинг қаердалигини билмаймиз, ахир.

— У нега келмаяпти ўзи? Тағин ўлиб қолган бўлса-чи? Бу қандай гап! Менга нима бўлган-а? Нега туриб-туриб уни энди эсладим-а?

Асабларим жунбишга келганди. Симон қўнглидаги ҳамма гапни ташқарига чиқаришга мажбур бўлди.

— Ҳа, бўпти, гапирсан гапира қолай. У Миронжидан кетган, шерикларидан айри яшашга чидолмади. У яна олдимга “карвон”га келди. Пул сўради, бермадим. Шунда у яхтага борди-да, ўша ерда ётиб олди, кайфи баланд эди, албатта. Кечкурун яна пул сўраб келди. Начора, озгина беришга мажбур бўлдим.

— Ҳеч нарса емадими? Уни оч-наҳор жўнатиб юборавердингми?

— Эҳ, Лен, бас қиласанми, йўқми, худо хайрингни бергур! Нима, мен энди бир гужум бананини ёки сен ҳар гал сиқиб берадиган анови лаънати пўртаҳолни унинг оғзига зўрлаб тиқишим керакмиди? Худо ҳаққи, Лен, ўғлимиз — фирт наркоман, унинг фикру зикрида фақат гиёҳвандлар, бу бор нарса. Ҳозир гап биз унинг учун нима қила олишимизда эмас, биз ўзимизни қандай кутқариб қолишимизда. Давидни миянгдан чиқариб ташла, сен қиласман деган ишингни қилишинг керак, анови одамлар ёрдамида ҳаётдаги янги ўрнингни топишинг керак. Илтимос, Лен, энди шу йўлингдан бир қадам ортга чекинма.

Томогимда бир нарса тиқилганча, хўп, дегандек бош иргадим. Бошқа айтадиган гапим қолмаганди. Фақат бир маромда бошимни сарак-сарак қиласдим, холос.

Америкада қарийб тўрт ой қолиб кетдим. Дастребаки икки ойни Генриеттанында ўтказдим, у мени НО даги бир Айрин деган дугонаси билан таништириди. У раҳбарлик қиладиган гуруҳ бор-йўғи тўққиз одамдан иборат эди: Айриннинг ўзи, иккита эр-хотин — Сенди билан Боб, Энни билан Майк; иккита эри билан ажрашган хотин — Вера билан Шарли, яна Белла билан Эрна — бу хотинларнинг эрлари ишларинг фирмада аҳмоқона деб улар билан бирга турмай қўйишган. Улар ҳафтада бир марта учрашиб туришар ва жуда зарур бўлганда гина телефонда “уланишар”ди. Биринчи оқшом улар ўз бошларидан ўтганини қисқача гапириб беришиди. Айрин — ёлғиз она эди: “Мен ҳаётда йўқ одамман, чунки ўғлим ўладиган даражада ўзига нина уради”, — дейди у. Сэнди билан Боб — 16 яшар қизлари бўлиб, ёш фоҳиша, геройн истеъмол қилас экан. “Энди уни хитойликлар қўлидан чиқариб олиб бўпсан”. Энни билан Майк — иккита ўғиллари бор — улар ҳам героин истеъмол қилишаркан: “Шу иккаласи ўлди деган гапни эшитар кунимиз бўлармикин деймиз”. Вера — наркоман ўғли қорадорифуруш бўлиб кетган: “Мен милтиқ сотиб олдим, уни учратгудек бўлсам, обоймадаги ҳамма қўрғошинни миясига жойлаб қўя қоламан”. Шерли — қизи жиннихонада экан: “Унинг учун ёруғ дунёдаги ҳаёт тугаган, ўзини ўлдиришга ўттиз марта уринган, мен уни қаҷон ўзини ўлдиаркин деб пойлаб юрибман, ана шундан кейин одамдай яшасам керак”. Белла — геройнхўр қизи бор: “Бунинг устига боласи ҳам бор, шўрлик чақалоқ онаси ўлгудай чекиб, кайфи тароқ бўлиб ётганда дунёга келган”. Эрна — уч ўғли бор: “Учаласи ҳам турли даражадаги геройнхўр”.

Миямга келган биринчи фикр шу бўлди: эй худойим, мен бу ерда нима қилиб юрибман? Давид ҳақида лом-мим деб оғиз очмаганим маъқул. Лекин Симонга қуйидагидек хат ёздим: “Ақл бовар қилмайдиган ишлар-а! Аммо биласанми, шу ҳолларига бу одамлар тагин кулишни ҳам билишади. Улар бир-бирларига болалари қилган барча номаъқулчиликлар ҳақида завқ билан гапириб беришади. Ўзларининг бунга қандай қарашлари тўғрисида гапириб беришади, ҳар доим ораларидан кимдир пиқ этиб кулади-да, “Ҳа, шундай бўлмаса бўлмасди ҳам-да!” деб қичқиради, кетидан ҳаммалари қаҳ-қаҳ уриб кула бошлашади...

Бир неча оқшом мен хода ютгандай тек қотиб ўтиридим, кейин эса ўзим ҳам сал бўлмаса ҳаммадан қаттикроқ хоҳолаб куладиган бўлиб қолдим.

Мана, Эрна ўғли унинг беш юз долларини қандай алдаб-авраб ўмаридек кетганини гапирайти:

— Шундай қилиб, у ташлайман деб ваъда берди. У шунақанги қуйид-пизишиб гапирдики... Фақат яна биттагина қорадорифурушдан қарзи бор экан, ана шуни тўлаб қутулганидан кейин тамоман ташлайман, деди.

Шу ерга келганда Майк хихилаб кула бошлади. Эрна ўзини-ўзи оқълаб, унга томон қараб деди:

— Ахир, қаҷон бўлса ҳам унга ишониш керак-ку.

Бошқа томондан энди Белла билан Бобнинг хихилаб кулгани эшитилди. Эрна жаҳл билан уларга қараб қўяркан, деди:

— Ҳа, лекин шундай бўлди ҳам-да, у айтганида турди, қаторасига бир неча оқшом уйда бўлди... Ана шунақа, шунда мен ўйладимки... шунда мен, демак...

Хар томондан хоҳолашлар эшитилди. Кимдир деярли қичқириб деди:

— Сен банкка бординг!. Таътил пулларингни унга бердинг!

Гарчи ўзим усти-устига Эрна нима қилган бўлса ўшани қилсам-да, мен бошқалардан қолишимасдим. Ўзининг овсарликлари устидан кулиш — шу ҳам халоскорлик бўлди-ю! Кейин эса хижолатдан нуқул: “Эй худо, бу шундай қийин-

ки, ўрнимда сиз бўлганингизда нима қилар эдингиз?” дея такрорловчи Эрнага шодон қичқириш...

— Нима қилардик, ҳеч нарса бермасди! Эҳ шўрпешона, сенда бунақа гўрсўхтадардан бир эмас, учта-я! Ахир бошингдан нақ иккитасини ўтказдинг!

Беш дақиқалардан кейин Эрнанинг ўзи ҳаммадан баландроқ хоҳолай бошлиди. У Энни билан Майкнинг ҳикояларидан кулмоқда эди.

— Нима дейди денг: агар менга урувчи қурилма олиб берсаларинг ўлай агар, ҳаммаси ўзгариб кетади, эмиш. Мени қанақадир гуруҳга таклиф қилишиди. Бу балки яхшиликка бўлса керак, деб ўйладик, ахир у мана шунақа гуруҳда бир неча йил ўйнаган эди-да.

Айрин: Лекин у айни шу гуруҳда ўзига нина уришни бошлаган эди-ку.

— Ҳа, тўғри, лекин у кун бўйи саланглаб юрарди-да.

Айрин: Унинг аввалги урувчи қурилмаси қай гўрга йўқолди?

— У уни сотиб юборганди, буни биз аниқ биламиз.

Ҳамма хоҳолаб кулиб юборди ва Эрна баланд овозда деди:

— Қойил! Сизлар унга янги қурилма олиб бердиларинг... у эса унга бир марта қўл ҳам ургани йўқ, ўша заҳоти мана шу оғуни деб уни пуллаб юборди!

— Ҳа, лекин менга қаранглар, — деди Майк, — ўшанда биз ўйлаймизки...

Бироқ у гапини тутатмайди, атрофга аланг-жаланг қарайди-да, бошқаларга қўшилиб кула бошлайди.

“Симон, — деб ёздим мен, — мана, олти ҳафтадан бери мен бу ердаман, олти кечада иштирок этдим. Кунлардан эса ҳар бир киши билан алоҳида суҳбат қилишда ҳамда мутолаа қилишда, тўғрироғи НОга таалуқли китобларни қайта-қайта ўқишида фойдаланаман. Ҳатто оқшомлари ҳам албатта китоб ўқийман, дастурни ташкил этган ўн икки босқичдан биттасини ўзлаштиromoқдаман. Хоҳ ишон, хоҳ ишонма, фақат кечакарун биринчи босқични росманасига тушуниб етдим. Ўзинг биласан, бу босқич қуидагилардан иборат эди: “Бизлар комил ишонч билан шундай деган эдик: биз жавобгарликни хис қилувчи одамлар каби боламизга соғлом ва муносиб инсоннинг ҳаёт тарзини баҳшида этиш учун қўлимиздан келган ҳамма ишни қилишга мажбурмиз. Биз лоақал биргина саволга жавоб олишни истаймиз: биз боламизни қандай қилиб ўзгартиришимиз ва тасаввуримида мавжуд ҳаёт тарзига мувофиқ равишда қандай шакллантиришимиз керак? Бу ишни амалга ошириш учун бизлар нималар қилмадик. Биз жиддий сухбатлар ўтказишга, насиҳатлар қилишга, нолишга, кесатишга, дўй қилишга, чеклашга, пул бершишга, пул бермаслилка, жисмоний зўравонлик қўрсатишга мажбур бўлдик, хуллас, унга самаралироқ таъсир қўрсатиш учун ҳамма нарсани қилдик. Бироқ охир-оқибатда оиласда парокандалик, муштлашувлар, кўз ёши тўкишлар, айбни отага, онага, ака-уқага, опа-сингилларга, мактабга, полицияга ва давлатга тўнкашлар келиб чиқди. Бизлар нимаики қўллаб кўрган бўлсак, афтидан барчаси кўпроқ адоват ва саркашлик авж олишига олиб келди. Фикру ўйимиз “қийин бола”ни қўлга олиш билан банд бўлгани боис, бизлар ўз ишларимизни ташлаб қўйдик. Бироқ унга ёрдам қўрсатишдаги бизнинг уринишларимиз ҳақида, мағлубиятларимиз ҳақида эслаб турган ҳозирги пайтда НО бошқа аъзоларининг бизнинг ўз тажрибаларимизга ҳайрон қоларли дараҷада ўхшаб кетувчи тажриба ҳақида хабар топамиз, биз бирдан-бир далолатга иккор бўлишимиз мумкин, биз бошқалар ҳаётини ўзгартиришга мутлақо ожизмиз, ўз ҳаётимизни эса бутунлай қўлдан чиқариб юборганимиз. Ҳаммамизнинг бошимиздан ўтмаган иш қолмади, фақат биргина нарсани қиломадик, холос, у ҳам бўлса болаларимиздан чалғиб, эътиборимизни ўзимизга қаратиш эди”.

Давиднинг мени тепганидан ва мэндан юз ўтирганидан фазабланишга тўлиқ ҳаққим бор эди, уни ўз ҳолига қўйишим учун шундай қилишим зарур эди. Бироқ ўзимнинг мутлақо ожизлигимни англаш шуни билдирап эдик, бу — ўз ҳаётимдаги ўзгаришнинг бошланишидир”.

Иккинчи босқич ҳам бор эди, учинчиси ҳам бор, мен қадам-бақадам ўзлаштириб бораётган ўн икки босқич бор эди. “Мен касалман!” деб бот-бот фарёд

урмасдим. Бироқ бундай ҳолда айнан мен даволанишим кераклиги лоақал бир марта ҳам миямга келмаганди. Йўқ, Давид даволаниши керак эди, шунда мендаги ҳамма нарса ўз-ўзидан изга тушиб кетаверарди. Ўзимни даволатишм кераклигини англатишини мен тушуниб етдим. Бу шуни англатардики, мен бутун диққат-эътиборимни ўзимга, ўзимнинг ишларимга, кучдан қолиш борасидаги ўз услубимга бутунлай жам қилишим керак. Мен режаларни қандайдир бошқа одам учун тузишм керак эмас, бироқ мени маймун қилиб ўйнатишиларига, айблашларига, кўркитишиларига, чизган чизиқларидан юргазишларига имкон бермаслигим керак. Давидни эмас, мен ўзимни тартибга солиб олишим керак. Келажак билан юзма-юз бўлганда мен нимамни кўз-кўз қила оламан? Мана, менинг хатоларим қаерда экан! Мана, мен қаерда бой берганман. Бундай хато ва камчиликларга йўл кўйганимни бўйнимга оламан, лекин бунда жиноят изи йўқ, мен ҳам бошқалар қатори бир оддий одамман. Шунинг учун куриб кетмайдими мендаги айбдорлик туйгуси! Бутунлай жазавага тушиб қолган ва ўзини ўзи еяётган Шерлига ҳам мен шу гапларни айтдим.

— Бундай бўлишига ёлғиз мен айборман. Агар ўшанда эримни ташлаб кетмаганимда, агар ўнаш ортдирмаганимда, қизим тўқис оиласда вояга етган бўлар эди, унинг гиёхванд бўлиб қолишига асло ҳожат қолмаган бўлар эди...

— Ер ютсин шу айб менда деган гапни, ер ютсин! Сен айбдор эмассан, сен бир оддий одамсан, Шерли...

Симонга шундай ёзгандим: “Энг асосийси — гуруҳ ичиди доим ҳис этиб турадиганинг илиқлик бор, шу илиқлик шарофати билан ўзингни сира ёлғиз ҳис этмайсан. Ҳаммамизнинг юрагимизда юз тахлит баён этиш мумкин бўлган битта дард ётипти, унинг маъноси ҳар доим битта ва ўша-ўша. Ўша-ўша кураш, ўша-ўша алам, содир бўлган воқеадан ўша-ўша таъсирланиш. Юракларимиздаги дард битта бўлгани билан бизлар ҳаммамиз мутлақо ҳар турли одамлармиз, жамиятнинг турли қатламлариданмиз. Боб — тиш врачи, Майк эса — докер, порт ишчиси. Шерли — ўқитувчи, Вера эса — официантка. Бир хиллари хотинларини яхши кўриб уйланишган бўлса, бир хиллари — бундай эмас. Мен барчаси учун умумий бўлган бир қонуниятни қидириб топишга ҳаракат қилдим, бироқ, афсуски, айтишга тил бормайди: мана шундай бир оиласда наркоман болалар пайдо бўлади. Менинг гуруҳимда бир-бирига сира ўхшамайдиган саккизта оила бор. Мен бу ерда, албатта, ташқарининг одамиман, мен фақат ўз “ўтмишм”ни таҳдил қиласман, Давид мендан шунча узоқда бўла туриб ўзимни амалда синаб кўра олмаслигим аниқ. Ҳолбуки, “бугун” содир бўлиб турувчи воқеаларга қараб фикр юритишимга тўғри келади, гарчи ўзим тўлиқ ҳолда шу воқеалар гирдобида яшाइтган бўлсам-да, уларни ўзимники деб айттолмайман. Уйга қайтиб боришим биланок ҳудди мана шундай гуруҳ ташкил этаман — балки сен билан бирга ташкил этармиз? — чунки менинг бир нарсага имоним мутлақо комил бўлди: бола — наркоман, ўз ота-оналари учун тасаввур этадиган оғирдан-оғир муаммоларга қарамай, озми-кўпми барибир одамга ўхшаб яшаса бўлар экан. Мен бу ерда бўлган шу қисқа вақт давомида мутлақо бошқа нарсани кўрдим! Героинхўр қизи ва невараси бор Белла эсингдами? Гуруҳ билан биргаликда у ўз устида шунақанги файрат билан ишладики, қизининг ҳаётини йўлга солиш учун энди вақти ҳам бўлмас эди. Шунда охирида қизи ўзи учун ўзи жавоб беришга мажбур бўлганди. У пировардида гиёхвандликни ташлаш учун ўзи бир қарорга келиш имкониятига эга бўлганди. Тўғри, бунинг оқибати қандай бўлиши тўғрисида ҳозирдан бир нарса дейиш қийин, лекин Белла ва унинг қизи учун илгарига қадам ташлаш имконияти тўлиқ пайдо бўлганди, уларнинг ўзаро муносабатлари яхшиланиши ҳақида ҳам дангал гапираверса бўлади”.

“Белла воқеаси” шарофати билан мен бошқа ота-оналар гуруҳлари билан ҳам алоқа ўрната бошладим. У ерда ҳам “нариги томон”нинг ижобий натижалари мавжудми, йўқлиги мени қизиқтириб қолганди. Ҳаммаси бўлиб мен кўшни

шахарлардаги ўн тўртта гурухни бориб кўрдим. Мен учрашган одамлар менга истаганча вақт ажратишар ва ўз оқшомларига бажонидил таклиф этишар эди. Мен ахборотлар йигар эдим ва олти ҳафтадан кейин ёзиб олинган ахборотларни Симонга жўнатиб юборгач, жиддий хуоса чиқаришга муваффақ бўлдим.

Дарвоқе, мен факат Симонга эмас, Геррига ҳам хат ёзиб турар эдим, чунки мен ўз таассуротларим ҳақида унга ҳам ёза бошлаган эдим-да. Менинг дастлабки хатларимга у қатъий равишда салбий муносабат билдири. “Тўғри, у ёқда, Америкада, ўзларини калаванинг учини йўқотиб қўйишга имкон бермасликларини билганимдан фоят хурсандман. Бироқ ўзим учун бундай гуруҳда иштирок этиш имкониятими кўрмаяпман. Нега? Нега мен ўзимни ўзим қутқаришим керак? Бунга не зарурат бор? Беннининг ишлари шунақангичатоқни, мен ўзимни ўзим қутқариш учун бирон-бир чора кўришдан маъно тополмаяпман. Мен уни бориб кўриб турибман, бўлди, шу билан ҳаммаси тамом. Мен дангал айтишим мумкинки, унинг касали яхши бўлишига ҳеч қандай умид қолмаган. У касалхонадан чиқиш учун зигирча эҳтиёж сезмаяпти. У ерда ўз устидан ўрнатилган ҳимоя остида у ўзини ажойиб ҳис қиласяпти. Дорилар сероб, тинмай текшириб туришади, оилангизда руҳий касалликлар билан аҳвол қандай, деб мендан ҳам сўрашганди. Нима дердим, отам ҳам шунақа оғир руҳий касаликка дучор бўлганди, у ўзини ўзи ўлдири. Мен шуни айтиб берган эдим, улар бошларини чайқашди ва худо билсин, ўзларича нималарни бичиб-тўқишишмагандир. Лекин гиёҳвандлик моддалари бўлмагандана, Бенни икки дунёда ҳам бунақа бўлмасди. Шу гиёҳвандлик туфайли унинг ичидаги шундай нарсалар ташқарига чиқиб кетдики, акс ҳолда уларни ҳеч ким билмасди ҳам, кўрмасди ҳам. Сизларнинг гуруҳингиздаги одамлар ҳақида ўқиганимда, ўйлаб қоламан: ҳа, уларда юрак бор экан-да, деб. Менда юрак қолган дейсанми? Шунинг учун мени бу дунёда йўқ деб билавер”.

Ўз хуосаларимни Симон билан Геррига қўйидаги тарзда баён қилдим:

“НО билан болалар гиёҳвандликни ташлайдиган шифохоналардаги ота-оналар гуруҳлари ҳаммаси бўлиб ўн тўртта. 142 нафар жонни ўз ичига олган. Бизнинг гуруҳимизни қўшганда 152 та. Шулардан 30 жуфти эр-хотин ва 92 таси ёлғиз ота-оналар (6 та эркак ва 86 та аёл). Шу ҳисобдан олиб қараганда 122 тўлиқ ёки тўлиқ бўлмаган оила ҳақида сўз юритилмоқда. Ота-оналар феълатворида содир бўлган ўзгаришлар шарофати билан 12 ҳолатда “соғломлаштириш жараёни” бошланган. Мазкур 12 ҳолатни қўйидаги воқеалар билан изоҳлашади:

“Мен белгиланган шартларга тўлиқ риоя қиласам, менинг энди заррача ён бермаслигимни ўғлим билади. Менинг ўзимнинг ҳаётий қоидаларим бор, у ҳам ўз қоидаларини ишлаб чиқишига киришшайпти”.

“Мен энди боламни бошқа ҳимоя қилмайман. Борди-ю, у бирон нарса қилиб қўйса, азобини ўзи тортади. Бу, ниҳоят уни асил ҳолатга тўғри қарашга мажбур этади”.

“Мен энди унинг муаммоларини ҳал этмайман, мен энди у ҳақда “қайфурмайман”, натижада у ўзи учун ўзи ўйлашга мажбур бўлади”.

“Мен энди ундан ҳеч қанака ўпка-гина қилиб ўтирайман, чунки унинг гиёҳвандлигига энди бир касалликдай қарайман. Мен энди унга, мени не аҳволга солиб қўйдинг, ахир сенга ҳамма нарсани бериб турардим-ку, деб гапирмайман ҳам, бундай ўйларни миямга келтирмайман ҳам. Шунинг учун у энди ўзини камроқ айбдор деб ҳис қиласяпти. Айни шу айбдорлик ҳисси гиёҳвандликнинг авж олиб кетишига сабаб бўлади.

122 тадан 12 та оила одамлари айтишадики, болаларида яхшилик томон ўзгариш шундоқ кўриниб турибди. Бу эса 10 фойизни ташкил этади! Агар бунга оила суробига кела бошлаган 30 ойлани ҳам (бу эса 25 фойизни ташкил этади) кўшса борми, мен ҳеч бир иккиланмасдан дангал айта оламанки, шу гуруҳлар изидан борсак, биз тўғри йўлни танлаган бўлар эканмиз”.

Икки ойни Генриеттаникода ўтказдим, олти ҳафта мамлакат бўйлаб айландим. 23 декабрда уйга қайтиб келдим. Бунгача мен Шерлининг ўз машинаси томида янги йил арчасини қандай олиб келганини завқ билан томоша қилишга ҳам улгурдим. У ойнани тушириб, менга қараб қичқирди:

— Жўнашингдан олдин кириб ўтгин, хўпми? Мана, арча сотиб олдим... шунча йиллардан сўнг биринчи марта! У билан танҳо ўтириб янги йилни кутаман, устимдан кулиб юрма тағин!

Шерли жонига қасд қилган қизи билан янги йил кутади... Гуруҳнинг оқшомлари унга янги куч бағишилаб юборганди, уни танҳолик исканжасидан қутқариб қолган. Шерлининг уйида бутун гуруҳ билан хайрлашяпман. Наҳотки бу ўша фазаблари сўнгги нуқтага етиб, бир-бирлари билан топишган ўн нафар одамлар бўлса? Ҳар бири наригисининг заиф жойини билувчи, бир-бирига мутлақо савимий бўлган ўн нафар одам.

Майк деди:

— Болалар, мен сизга сўнгти кашфиётимни айтай: мен ўғилларимнинг хулқатворига таъсир қилишга шунчалик ҳаракат қилдимки, ҳатто она сутим оғзимга келиб кетди, йигитлар гапимга қулоқ солишини исташмагандан мен илтижо қилишга тушдим: “Эй тангри таоло, ўтинаман сендан, уларни ўзларига игна санчишдан тийилтиргил...” Ўз иродамни бўйсундиришга мен ана шундай берилиб кетган эдим.

Биз ҳам Майк устидан мириқиб кулдик. Ҳа-ҳа, бизлар шунақа эдик, аммо биз шу қадар баҳтли эдикки, ҳатто энди бир-бирилизнинг устимидан кула олардик.

Сэнди қўлимга бир китоб тутқазди.

— Ма, самолётда ўқиб чиқ, мен ўзим ундан жуда қўп нарса ўргандим.

Китобнинг номи “Пайғамбар” эди ва Сэнди худди шу номдаги шеърни ўқиб берди:

Чақалогини кўксига маҳкам босганча аёл илтимос қилди: Бизга болалар хақида гапир. Ва у шундай жавоб қилди: Болаларингиз — сизларники эмас. Улар ҳаёни ўзидан ўзи тўлдириб қўйган ҳоҳишнинг ўғиллари ва қизларидир. Улар сизнинг воситангизда туғиладилар, холос, зинҳор уларни сизлар туғмагансизлар. Гарчи улар доим қошингизда бўлишса-да, сизлар уларга ҳукмингизни ўтказолмайсиз.

Сизлар уларни қайноқ меҳр билан севишингиз мумкин, аммо уларга тафаккурингизни баҳш этолмайсиз.

Зеро, уларнинг ўз тафаккурлари ўзлари биландир. Сизлар уларнинг жонларига эмас, жисмларигагина паноҳ беришингиз мумкин.

Зеро, уларнинг жони келажак кошонасидадир, сизларга эса ҳатто яхши кунларда ҳам улар томон боришга йўл ҳозирлаб қўйилган. Сизлар уларга ўхшаган бўлишга чиранишингиз мумкин, аммо уларни ўзингизга ўхшаган бўлишга зинҳор уринманг.

Зеро, ҳаёт ҳеч қачон орқага қайтмайди ва кечаги қунга маҳкам ёпишиб олмайди.

Сизлар — камонбозсиз, холос, сизларнинг болаларингиз эса улардан отилган жонли пайконларди.

Камонбоз нишонни чексизликда кўради.

Пайконлари узокларга енгил ва тез учиб кетиши учун у сизни тобора қаттироқ эга бошлади.

Пайкон эриши остидаги сизнинг эгилишингиз сизга хуррамлик олиб келсин.

Зеро, у ҳавода визиллаб учиб кетаётган пайконни ва ўзининг мустаҳкам камонини севгувчидир.

Ливан шоири Халил Жиброн¹нинг “Пайғамбар” шеъри. Мен шу шеърни қайта-қайта ўқийман ва ҳар гал ўзимга-ўзим ўша оқшом чоғи Шерлига берилган саволни бераман: “Барибир ҳам модомики Камонбоз нишонни чексизликда кўрар экан, унда гиёҳвандликдан ўлиш ҳақида гапиришнинг бу ерда нима ҳожати бор?” Бу саволга ҳеч қанақа жавоб йўқ эди. Бизлар кўзимизни ерга тиккан кўйи сукут сақлаб ўтирадик. Героиндан меъеридан ортиқ еб қўйиб ёш жони жувонмарг бўлган ўғилнинг онаси Айрин эса жўнгина такрорлаб қўя қолди:

¹ Халил Жиброн (1883–1931) — араб ёзувчisi, шоир ва рассом, кўп йиллар АҚШда муҳориликда яшаган.

— Улар сизнинг воситангизда тугиладилар, холос, зинҳор уларни сизлар туғмагансизлар. Гарчи улар доим қошингизда бўлишса-да, сизлар уларга ҳукмнингизни ўтказолмайсиз...

24 декабр куни менинг самолётим Схинхол тайёрагоҳига кўнди. Симон, Жюльет, Йосин ва Брамметье мени кутиб олгани чиқишганди. Тўрт ой — ҳазилакам муддат эмас. Тўсатдан Брамметьевинг Давидга ўхшаб қолганини кўрдим. Ўша кулранг кўзлар, ўша дўмбоқ юзлар.

— Дўмбогим менинг, — дедим мен фақат уни эмас, гўё ўшу билан бирга Давидни ҳам бағримга босиб.

Ойим эшик тагида ивирисир эди.

— Юрган дарё, ўтирган бўйра! Сен у ёқдалигингда йўғингни ҳечам билдириганимиз йўқ.

Болалар қуршовида ойимнинг яна қулфи дили очилиб кетганди ва шартта шартта буюарди: — Жюльет, чой қўй, музхонада олма торти бор — олиб кел.

— Кейин қўшиб қўйди: — Давидга бир бўлак қолдир.

Мен Симонга қарадим ва қайта сўрадим:

— Давидга?

— Бу тўғрида ҳали гаплашамиз.

— Бу қанақаси, — дедим мен. — Давид шу ердами? Унда мен билишим керак...

Симон мулоимлик билан гапимни бўлди:

— Шу пайтда бошқаларнинг дилини хуфтон қилмай тур.

Кундузи айлангани чиқдик. Ҳар доим борадиган жойимиз ўша қумтепаларга қараб кетдик, ҳар кимнинг кайфияти ҳар хил эди.

— Энди очигини айт, — дедим мен.

Мен Симоннинг гапиришга қийналаётганини кўриб турардим.

— Сентябрда, — деб гап бошлади у, — у яна уйга танда қўйиб қолди. Аввалига ҳафтасига бир неча мартараб келиб турди, кейин эса... биласан-ку ойингнинг одатини... Ойинг унга овқат ва янги кийимлар берибди, натижада икки ҳафтадан кейин у яна бизникида яшади. Ўша ўзининг яхши қўрган усулида: тўшак-кўрпода кўпчиб ётади-да, ҳуши келган пайтда туриб овқатланади. Жуда жонга тегиб кетди унинг бу қилиги. Шунда мен ойингни иккала кичкина билан уйига жўнатиб юбордим, Жюльет эса дугонасиникига кетди. Бизлар яккамаякка қолгач, мен у билан гаплашишга уриниб кўрдим. Шуниси қизиқки, биз ростданам одамлардай суҳбатлашдик. Бундан кейин ҳаёти бундай давом этиши мумкин эмаслигини, ёлғизликда шерикларидан ажралолмаслигини у яхши биларди. У Зейстда қандайдир шифохона борлиги ҳақида эшитиб қолибди ва ўша ерга бормоқчи бўлди. Биз биргаликда бу жойни билгани кетдик, бир ҳафтадан кейин эса суҳбатдан ўтиш учун у ўша ерга борди. Лекин у ёқдан юраги ёрилгудек бўлиб қайтиб келди. У ерда камидা бир йил бўлиши керак экан. У “ҳеч қачон бажара олмайдиган” дастур ҳақида чайналиб гапириди. Кейинги кунларда эса у тобора иккиланиб, нима қилишини билмай қолди. Баъзан кундузлари ишхонамга борарди, Рюд ҳам у билан гаплашди ва кейин менга шундай деди: “Назаримда сен уни қаровсиз қолдирмаслигинг керак, у жазавага тушаяпти, ўзини-ўзи бир нима қилиб қўйиши ҳеч гап эмас. Шунақа гаплар, кейин менинг ҳам ўтакам ёрила ёзди. Кеесга қўнғироқ қилдим, у эса пинагини ҳам бузмай шундай деди: “Ҳа, албатта, у ўзини-ўзи бир нима қилиб қўйиши ҳеч гап эмас, бундай болалар кўпинча шунақа қилишади, уларнинг хаёлида доим бир хил фикр айланиб юради — ҳаммасига бир йўла чек қўйиш керак, тамом. Ўз-ўзидан маълумки, унинг Зейстга жўнашидан яхшиси йўқ. Лекин бу масалани сен эмас, унинг ўзи ҳал қилиши керак, акс ҳолда ҳеч қандай фойдаси бўлмайди. Гиёҳвандлик билан ортиқ яшаб бўлмаслигини ва умуман яашаш жонига текканини ўзи тушунгандан кейингина у шундай қарорга кела олади”.

У эса ҳамон олдимда уймалашгани-уймалашган, бир қарорга келолмай хуноб эди. Охири бир куни: “Бўпти, эртага ўша ёққа борганим бўлсин”, — деди ва ҳатто нарсаларини ўфишиштиргани кетди ҳам. Эртасига эса яна эски ҳаммом,

эски тос: “Йўқ, бормайман”. Яна кўчама-кўча саланглашга тушди, ярим тунда уйга қайтар эди. Мен ҳам охири тоб ташлаб юбордим, унга ўхшаб нима қила-римни билмайдиган бўлиб қолдим. Бугун ўзимга-ўзим шундай дедим: бу қанақа аҳмоқгарчилик, уни кўчага ҳайдаб соламан, ана шунда нима қилиши кераклигини тушуниб етади. Эртасига эса мен бутунлай бошқача галирардим: йўқ, бундай қилиб бўлмайди, болапакир роса каловланиб қолган, нимадир ўйлаб топиш керак, дердим. Кеесга мурожаат қилишнинг сира маъноси қолмаганди, уй доктори бўлса — унинг нима деб-нима қўйиши ўзингга маълум-ку... Давидга эса ҳамма нарса бефарқ бўлиб қолганди. Мен ишдан келганимда, у одатдагидек, уйда йўқ эди. Мен каллаварам бўлмасам унинг хонасига бирров қараш учун тепага кўтариларамидим...

Симон жим бўлиб қолди. Мен унинг нега жим бўлиб қолганини билардим ва ҳеч бир қизишмай-нетмай унинг ҳикоясини давом эттирдим:

— Бир куни ишдан қайтиб келиб тепага кўтариларансан ва каравотда Давидни кўргансан...

У ҳайрат ичидаги менга боқди.

— Ҳа. Худо билсин, у нимани ютиб олган. Касалхонада айтишганди, бола ҳаддан ўтказиб юборган, яна бир озгина бўлса, у... Улар Давидни бир неча кун ушлаб туришди ва у билан шуғулланувчи руҳий касалликлар врачи унга Йеллинек шифохонасини маслаҳат берганди, Давид ўша ёқقا йўл олди...

Биз жимгина ёнма-ён одимлаб бораардик. Симон ҳикоя қилган нарсаларни оз-оздан тушуниб бормоқда эдим. Мен Америкада назарияни ўрганар эканман, айни пайтда уйимизда аччик амалиёт давом этмоқда эди, мен ота-оналар гурухини ташкил этишга тараффуд кўриб турганимда бир фикрдан сал бўлмаса караҳт бўлиб қолаётдим: ахир гап менинг Давидим устида кетаяпти-ку! Отаналарни-ку бир четга қўйиб туринг-а, гап мен тўғримда ҳам, Симон тўғрисида ҳам кетмаётганди... Мутглақо гангиб, хушимни йўқота бошладим. Симон мени қучоқлаб олганини ҳис қилдим.

— Биласанми, хатларинг бўлмагандага мен чидаёлмасдим, — деди у. — Биз биргаликда шундай гуруҳ ташкил этамиз. Лен. Сен айни куч-куватга тўлган пайтинг. Эй худо, сен нималарни ўйлаяпсан ўзи?

— Ҳеч нарсани ўйлаётганим йўқ, зинҳор ҳеч нарсани...

Уч ҳафтадан кейин Давид Йеллинек шифохонасидан қочиб кетди. Қочиб кетиши унинг учун ҳамирдан қил суурганчалик ҳам қийинчилик түғдирмаганди, чунки у ерда ихтиёрий равища турганди. Бундай ўсмирни шифохонада зўрлаб тутиб туришнинг ҳамон аввалгидек иложи йўқ эди. Ноябрнинг ўрталаригача у Амстердамдаги “дўстлари”никида яшади, улар билан кун бўйи “голлар ураг”¹ эди — кундалик героинга пулни улар биргаликда ўғирлаб топишарди. Амстердамда ҳаддан ташқари “қайноқ” бўлиб кетгач эса, у Гронинаенга суреб кетди, у ерда ҳам унинг бир “ўртоқжони” турарди. Уйда у қайтишимдан бир ҳафта олдин пайдо бўла бошлаган экан. Жюльєт уни кўриб қолиб, аямасдан ҳайдаб юборган экан. “Бувим болалардан ортмаятилар. Агар сенга бирон нарса керак бўлса, бор дадамнинг идораларига”. У ёқقا Давид бормаган, кечга яқин Симон уйдалик пайтида эса яна қайтиб келган, бувим эса, афсуски, болалардан ортмаган ҳам. Бу ёгини менга Жюльєт ҳикоя қилиб берди:

— Давид жудаям сурбет бўлиб кетганди, аҳволига маймуналар йиғларди. У нуқул пул беринг деб туриб оларди, лекин дадам, энди сариқ чақа ҳам бермайман, ана, бор, ўзинг нафақа сўраб олавер, деди. Лекин бувимнинг олдидаги у яна ўзини фариб аҳволга солиб кўрсата бошларди. Ейишга овқат сўрарди ва ўлгудай совқотдим, чунки курткамни ўғирлатиб қўйдим, қаерда тунашимни билмайман, деб бувимнинг бошини қотирарди. Бувимни ўзингиз биласиз-ку, дарров кўз ёши қила бошлайди, дадам эса бақириб берди, яна Давидни эшикка ҳайдаб солди, биз бўлсак бутун оқшом давомида бувимни овутиш билан овора бўлдик. Лекин Давид бувимнинг олдига қайтсан бўлар экан, деган хаёлга келганди.

¹ Ўзига гиёҳвандлик нинаси урмоқ (*тарж.*).

Бувим ҳеч қайсимизга қарамай ҳар куни унга овқат олиб қўяди, бу ишни у яшириқча қилмасди, йўқ, очиқ-ойдин қиласарди, дадамнинг гапларига эса парво ҳам қилмасди. Бувим уйдалик пайтда Давид ҳар куни келарди. Биз дадам билан бу тўғрида гаплашиб олдик-да, шундай қарорга келдик: ҳеч нарса қилмаймиз, яна бир оз сабр қиласиз, яна бир неча кундан кейин сиз келасиз-да, бувимни уйига жўнатиб юборамиз. Шунда бизникида кўп деганда учта одам бўлади. Сиз эса бу гурӯҳда шунчалик кўп нарсаларни ўрганибсизки, дадам сиз ёзган хатларнинг ҳаммасини ўқигани менга берарди. Энди биз унинг гиёҳандлиги орқасидан ўлиб кетишни хоҳламаслигимизни Давидга тушунтириб қўйишга албатта муваффақ бўламиз.

Жюльет мени яна бўшлиқдан судраб олиб чиқиб қўйди, Давид билан биринчи учрашувимиз эса менга дадиллик бағишилаганди. Рождествоонинг иккинчи куни соат тўртларда у айвонда турарди. Мен иккиланардим.

— Агар ақли-хуши жойида бўлса, ичкарига кирит уни, Симон. Мен уни қачондан бери кўрганим йўқ.

Унинг “акли-хуши жойида” эди, бу ақли-хуши жойидалик то биз дастурхонга ўтиргунча давом этди, холос. Бир вақт у узоқ вақт ҳожатхонада қолиб кетди, шунда унинг “ҳиддәётгани” кулогимга чалинди. Мен Симонни олиб келдим-да, иккаламиз бирга ҳожатхона эшиги олдида туриб олдик.

— У ҳиддәяпти, — дедим мен, — героин кукунидан.

Мен муштумим билан эшикни урдим.

— Давид, чиқ, сўзингда турмаяпсан!

Хонада болалар ўтиришарди. Мен байрам дастурхони тузадим. Давид ҳаммасини бир пул қилди, ҳатто овқатни охиригача еб олишимизгача ҳам сабр қиломлади.

— Чиқ, Давид, — деди Симон, — бўлмаса эшикни бузиб очаман!

Яна кўнглимизга таниш фулгулалар тушди. Ахир Рождество кунида бундай қилиш керакмас-да, ҳарқалай... балки ҳеч нима бўлмагандай дастурхон атрофифа ўтириб олсак... балки болалар ҳеч нимани сезишимас... Бироқ шу лаҳзада у мени тепганда ҳис қилганим газаб ва нафрат ўз-ўзидан қайта алнга олди.

— Симон, — дедим мен, — нега қараб турибсан, отверткани олиб кел-да, даф қил уни бу ердан.

Эшик очилди ва Давид бизларга қарамасдан илғич томон йўналди. У ерга бориб олдин ръйти билан ойна олдида таққан галстугини бўйнидан юлиб отди. Шундан сўнг у катта эшикни шунақанги қарсиллатиб ёпдики, Брамметье кўрққанидан йўлакка отилиб чиқди.

— Нима бўлди? — сўради у. — Яна Давиднинг ишими?

Боёқиши болакайнинг кўзлари жавдирар, юзида қон қолмаганди. Ҳамма нарса бирданига чапараста бўлиб кетишига у доим шай турарди. Давид уйга кириб келган дамдан Брамметье бизнинг ҳар бир сўзимизни, ҳар бир ишорамизни илғаб олмоқда эди. Мен уни хонага етаклаб кирдим. Сал ўзимизга келгандек бўлдик. Йигирма беш фоиз оила ҳаётини изга солиш имкониятига эга бўлди. Ўн фоиз оила болалар хулқ-атворида ижобий силжишлар ясашга муваффақ бўлди. Брамметьевинг қўлчасини кафтимда қисганча мен ҳеч бўлмагандан дастлабки йигирма беш фоиз сирасига кириш ҳаракатини қиласман, деб кўнглимга туғиб қўйдим.

Симон, Герри ва мен — учаловимизнинг ишни бошлашимиз учун бир ой керак бўлди. Герри менга шундай ёзади: “Бу одамларда жасорат бор экан. Менда эса бундай жасоратдан ном-нишон қолмаган, шу боис мени ҳисобдан чиқариб ташлайвер”. Бироқ Симон уни менинг хатларим мазмунини чуқурроқ ўйлаб кўришга ҳамон даъват этгани-этган эди, мен уни кўргани борганимда эса ҳаммасини ўзимнинг оғзимдан эшитишни хоҳлаб қолди. Бенинда ҳеч қандай ўзгариш бўлмабди, Геррининг ўзи ўзгарибди. Ундаги қаҳр ғойиб бўлганди, у ўз аҳволини жонли далил деб иқрор бўлган ва “юракда дард” билан бундан кейин ҳам яшащ имкониятини кўрган итоаткор бир аёлга айланганди. Том ҳақида у шундай деди:

— Йўқ, Том қатнашмайди... шўрлик Том, унинг учун ҳамма нарса тугаган. Агар биз сизлар билан мана шундай гуруҳ тузсак, у мени этагимдан ушламайди, лекин бунда ўзи иштирок этмайди ҳам, йўқ... Бундан ташқари, у бизни кучимизни нотўғри сарфлашяпти деб ўйлади. Биз бир-биримизга ёрдам беришмиз керак эмас, деди у яқинда, бу отни арававинг орқасига қўшган билан баравар экан. Гиёҳвандлик моддалари савдоси билан кураш олиб бориш учун биз хукуматга тазийк ўтказишимиз, талаб қилишимиз керак экан. Нега сен шу ҳаракатни бошламайсан, деб сўрадим мен. Лекин у барibir ҳаракат қилмади. Ҳаракат қилолмайди ҳам. Бенни уни бутунлай букиб, адо қилганди.

Эрталаблари биз Герри билан ишга шўнғиб кетардик. Китобларни таржима қилас ва кўпайтирас эдик. Бу босқичдан ўтиб олгач, биз Кеес билан боғландик, у бизни гуруҳ тузиш ҳақидаги режамиз билан табриклади ва бизга отаоналарни юборишга ваъда берди. Биз Бенни ва Давидни кузатиб борган руҳий касалликлар врачи билан ҳам гаплашдик, улар ҳам эзгу ишимизни астойдил қўллаб-кувватлашди. Нафсилаамрини айтганда, худди шу сониядан ишлар ўз-ўзидан жўнашиб кетди. Бизга жонидан тўйиб кетган ота-оналар қўнғирок қилас эди — кўпинча оналар — бизлар дарди бир хилдаги беҳисоб ҳикояларни тинглар эдик, уларга китоблар тарқатардик, кейин эса жавоблар олар эдик. Лекин жавобларнинг аксарияти мана бундай бўлар эди: “Мен бу китобни ўқийдиган аҳволда эмасман, илтимос, гуруҳдаги машғулотларни бошланглар!” Биз яна Кеесни ишга солдик, у бизга хона топиб берди ва биз у ерда ҳафтада бир марта ийғилишиб турадиган бўлдик.

Шундай қилиб, ўн саккиз кишини ўз ичига олган гуруҳ билан ишни бошлаб юбордик. Оқшом жуда шовқинли ва тартибсиз ўтди, бақириб-чақиришлар кўп бўлди, чунки ҳар ким ўз бошидан ўтказганинни тиқиширилар эди, Симон, Герри ва мен учаламиз эса булар барчасини керакли ўзанга солищдан ожиз эдик. Иккинчи оқшомда энди ўн икки нафар киши қатнашди. Олти киши келмади, шундан учтаси узрсиз бўлиб, учтаси қўнғироқ қилиб, “Менга жуда оғирлик қилаяпти, балки кечроқ бориб қоларман”... дея хабар беришди. Бир ой машғулот ўтказганимиздан кейин гуруҳ барқарорлашгандай бўлди, ҳеч ким келиб қўшилмади ҳам, ҳеч ким келмай қўймади ҳам. Кейинги ой давомида эса ишимизда ҳам бир муайян тизим вужудга кела бошлади. Учов бўлиб биз оқшомни “зўр диққат-эътибор билан” тутиб турардик. Ҳеч қанақанги ортиқча тафсилотларга йўл қўймай, ҳар кимга дилидагини айтиб олиш учун имкон берардик. Оқшом аввалида жуда қийин аҳволга тушиб қолганлар юрагидаги дардини бўшатиб олар эди. Биз дарди оғирларни алоҳида ажратиб кўрсатардик: “Менимча, бугун ҳаммадан ҳам Эллага қийин, келинг, аввал Элла гапирсын”. Гоҳо шундай бўларди, биз бутун оқшомни аҳволи чидаб бўлмас даражада қийинлашиб кетган бирон кишига бағишлардик. Ҳамма ишларининг сарагини саракка, пучагини пучакка ажратиб, тезкор чора кўрилиши талаб этиларди. Ўша одам бир ўзи буни қилиши амри маҳол эди, албатта, гуруҳ эса унинг ўз аҳволи қандайлигини тўғри англаб олишида ёрдам берарди.

Апрель, май... гуруҳдаги ишлар “аъло” даражада кетмоқда, биз бир-биримизни ёддан билардик.

Ичимиизда мудом ўғлининг ҳаётини изга солишга чираниб юрувчи Тини деган аёл бор эди.

— Мен ўшанда ўғлимга айтгандим, — деди у, — энди бундоқ кўзингга қараб юр, болам, уйдан вақтида чиқиб кетсанг бўлмайдими, ахир уйга ҳаддан ташқари кеч қайтиб келаяпсан.

Гуруҳ: Нима учун сен бундай дединг?

Тини: Чунки жудаям ачинар эдим-да, унинг иши шунақанги яхшики. Ишқилиб, ишидан ажраб қолмасайди, деб қўрқар эдим.

Гуруҳ: Сен унга ёпишиб олгансан, аслида бундай қилиш керак эмас, у йигирма тўртга кирган, у ўзи ҳаммасини англаб этиши керак.

Тини: Нега ачинмай? Унда қолган ягона суюнчиқ шу бўлса-чи?

Гуруҳ: Сен шунаقا деб ўйлайсан, у эса, ўз-ўзидан маълум, бошқача ўйлайди. Яхшиси, ўзинг ишга бор, ўзинг уйдан вақтида чиқ.

Тини: Ҳа, агар ишга борсам, ҳаммаси барбод бўлади.

Гурӯҳ: Қаердан биласан? Ҳали қилиб кўрганингча йўқ-ку.

Тини: У кейин бутунлай турмай қўяди, чунки уни уйғотадиган ҳеч ким бўлмайди, соат қўнғирофини эса у эшитмайди.

Гурӯҳ: Унга эшитиш нега керак — қулоқ ўзингники-ку.

Тинининг ташвишларини ҳали ҳолва деса бўларди. Унинг ўғли ўзига игна урмас, фақат қорадори чекар эди, вақти-вақти билан хандори ютиб турарди ва деярли жамоатчиликка аралашмасди. Бироқ борди-ю, Тини ўзининг оналик мавқеини ўзгартирмаса, ҳамма нарса телба-тескари бўлиб кетиши аниқлигини гуруҳ тушуниб турарди.

Гурӯҳ: Қизик, нега у ҳалигача сеникida яшаяпти?

Тини: Мен уни қандай қилиб ҳайдаб чиқараман? Ахир у сира ёмонлик қилмайди-ку.

Гурӯҳ: Ўзига ёмонлик қилмайди-да, бўйинингда бўйинтуруқдай осилиб юраверади. Тини, барибир таваккал қилиб, қалампирни чайнамасанг бўлмайди.

Тини: Хўш, мен унга нима ҳам дейман?

Гурӯҳ: Унинг ёнингда бўлиши сенга хуш ёқадими?

Тини: Йўқ, у фирт жинни-ку... Қачон қарамай, менинг хонамда ивирсийди, мен бўлсан бир четда ўтириб, бугун чекканмикан, чекмаганмикан, деб фол очаман, холос.

Гурӯҳ: Яна уни “фирт жинни” деб атаяпсан, кўнглингга нима келса унга барини очиқ-ошкор айт: афтидан сен ўғлингсиз тиниб ўтиришга сира имконинг йўқлигидан заррача ташвишга тушмаяпсан, чофи.

Ниҳоят, Тини ўғлига кўнглидагини айтиб солди, бунда у ўғлининг хулқатвори ё иззат-нафсига тегадиган қалтис гап айтишдан ўзини тийди, албатта. Йигитча ўзига уй қидириб кетди, бироқ ҳадеганда иши юришиб кетавермади.

Тини: Ҳеч нарса тополмаяпман, дейди. Нима қилишим керак энди?

Гурӯҳ: Уйингда ивирсиб юриши сенга ёқадими?

Тини: Йўқ, чидаб бўлмайди бунга, у жиннилигини қўймайди, бу ёқда ўзим жинни бўлаётиман секин-секин.

Гурӯҳ: Ўзингни қутқариш учун сен унинг олдига шарт қўйсанг бўларди. Унга бир ой муҳлат бер-да, мунтазам шуни такрорлайвер. Ўзинг учун курашэтганингни унга кўрсатиб қўй, лекин унинг “жиннилигини” сира юзига сола кўрма.

Ниҳоят, иш сал олдинга босди. Йигитча бошқа жойга кўчиб ўтди, лекин нарсаларининг ярмидан кўпроғини Тининикида қолдирди. У арзимаган баҳона билан уйига кириб келаверар эди: гоҳ свитер деб, гоҳ қанақадир китобча деб. Шамоллаб қолганида эса ўзининг эски хонасида ойижониси Тинига “менга қарамасангиз бўлмайди” деб эркатойликни жуда ўрнига қўйиб қўйди. Уч ҳафтагача чўзиб юрган томоқ оғриғи шарофати билан охири у яна киндик қони тўкилган уйига кириб олди.

Гурӯҳ: аямай уришарди:

— Тини, қандай хатога йўл қўйганингни биласанми?

Тини: Ҳа, лекин... унинг томоғи оғриб қолди-да... Касал болани уйдан ҳайдаб бўлар эканми?

Гурӯҳ: Лекин у икки тарафлама касал. Биринчидан, жисмоний жиҳатдан касал — демак, сен унга яхшилаб қарашинг керак, бироқ фақат унинг уйида. Иккинчидан, у руҳий жиҳатдан ҳам касал, шунинг учун у ўз хонасида қолиши ҳамма нарсадан муҳим.

Тини: У руҳий жиҳатдан касал эмас, сизлар бу гапни қаёқдан олдиларинг?

Гурӯҳ: Бунинг ёшидаги ҳар бир ўсмир ота-она қарамогидан озод бўлишни, мустақил яшашни истайди. Кўплар ҳатто жуда эрта ота-она уйини тарк этади. Шунинг учун ўғлингнинг феъл-авторини ҳечам яхши деб айтиш мумкин эмас. Бунинг учун сен ундан домангир бўлмаслигинг керак, агар фурсат тўғри келиб қолса, ўзинг у билан бир гаплашиб кўр.

Бундай фурсат жуда тез тўғри келиб қолди. Йигитча ойисини совгалар билан сийлашни астойдил дилига тугиб қўйган экан, шу боис уни изига қайтариб юбориш осон бўлмади. Тини тобора асабийлашар, ўғил эса буни яққол кўриб-билиб турарди.

Гуруҳда Тини шундай ҳикоя қилди:

— Уша куни менга деб яна бир китобчани кўтариб кириб келди ва мен унга қараб дедим: “Сен энди бундай қилмаслигинг керак, менимча, бу нарса одамни сотиб олишга киради. У бундан қаттиқ хафа бўлди ва жавобан деди: “Олти йил бурун мен сизга бирон нарса олиб келсан, бошингиз кўкка етарди”. Шунда бирданияга она-бала ўртамизда қизғин суҳбат бошланиб кетди. Мен ундан сўрадим: “Хўш, сен ҳамма нарса олти йил аввалгидек бўлишини хоҳлайсанми?” Бунга у “ҳа” деб жавоб берди. “Лекин бу энди мумкин эмас, — дедим мен, ҳеч ким ўтганни орқага қайтаролмайди, сен энди кап-катта одам бўлиб қолдинг, ёш бола эмассан, сен ўз аравангни ўзинг тортишинг керак”. Шунда у очиқ-ойдин сўзлай кетди, у ўзини қандай ҳис қилаётганини, илгари ҳеч қачон бундай бўлмаганини айтди, шунинг учун мен ҳам ошкора тан олишга мажбур бўлдим, ўзимни қандай ҳис қилаётганимни айтишга журъат этдим, хуллас, бизлар бир-биrimizни биринчи марта тушуниб турган эдик. У шикоят қилмас, мен ҳам ундан ҳеч нарсадан домангир бўлмаётган эдим. Фақат туйгуларимиз... кечкурун у яна ўз хонасига кўчиб келди-ю, орамизда ахиллик қарор топди.

Гуруҳдагилар ҳиринглаб кула бошлишди. Ана холос, Тини муросага борибди...

— Энди охирига етказиб қўйсаларинг яхши бўларди. — Бу гапни Герри айтди.

Тини: Охирига етказиб қўйсаларинг дейсанми? Сен нимани назарда тувајпсан?

Герри: Нимани бўларди... ҳозирча сен унинг хонасини сақлаб турибсан, ундан ашқол-дашқоллари билан...

Тини: Вақти-вақти билан у ўзининг уйига келиб турса, бунинг нимаси ёмон экан?

Герри: Яхши, албатта... бироқ уни меҳмонлар учун мўлжалланган хонага ётқиз. Фақат хилватда бўлсин, бу чинданам меҳмонларга аталган хона бўлсин, у фақат тунагани келганини ҳис қилиб турсин.

Орамизда яна Бетти билан Ник дегани ҳам бўлар эди, улар гиёҳвандлардан ўзини тортган ўғиларининг аҳволини сира тушунишмас эди. Сирасини айтганда, гурух уларга ёрдам беролмайтганди, чунки ичимиздан биронтамиз бундай ҳолда нима қилиш кераклигини билмас эдик. Мен Кеесга телефон қилдим ва ундан келиб шу тўғрида гапириб бера олмайсизми деб илтимос қилдим.

У ҳаммасини иложи борича жўнгина қилиб тушунтиришга ҳаракат қилди.

— Миямизда шундай бир жой бор, — деди у, — уни “сезги маркази” деса бўлади, шунинг шарофати билан биз ўзимизни “кувноқ” ҳис этамиз, бунга жўяли сабаб бўлса, албатта. Агар биз таътилни яхши ўтказсан, бирон чиройли буюм сотиб оламиз, қандайдир ажойиб нарсадан, дейлик, бадий сувратдан завқданамиз, ёки бўлмаса бирор бизни эркаласа, ёки елкамиздан дўстона қоқиб қўйса, ёки илиқ гаплар айтса яйраб кетамиз, бундай муомалалар “сезги маркази”мизни бамисоли қитиқлагандай бўлади. Шунда руҳимиз кўтарилиб, вужудимизни ёқимли туйгулар эгаллайди. Гиёҳванд одам эса ҳеч қанақанги сабаб бўлмаса ҳам ўзини ана шундай қувноқ ҳис қиласди. Унга таътил ҳам керак эмас, чиройли буюм ҳам керак эмас, бадий суврат ҳам керак эмас, уни эркалаш ҳам шарт эмас, чунки гиёҳвандлик моддалари миядаги мана шу “сезги маркази”га қон орқали бевосита таъсир ўтказади. Бу таъсирни энди оддий қитиқлашга қиёс қилиб бўлмайди, таъбир жоиз бўлса, мен буни тирнаш деб атаган бўлардим. Наркоман ўзига игна тиққанда эса, таъсир яна ҳам кўполлашади, гўё мана шу “сезги маркази”га болға билан ураётгандек бўлаверади. Натижада вақти-соати билан бу марказ гиёҳвандлик моддалар таъсиридан ҳалок бўлади ва “одатдаги” чиройли буюмларни ҳис этиш ёки англашга мутлақо яроқсиз бўлиб қолади. Одам гиёҳвандлик моддаларидан безиб, уларни истеъмол қилмай қўйгач, унинг сезги марказига болға зарби тушишдан тўхтайди, бироқ марказ бошқа ҳеч қанақанги таъсирни ҳам сезмайдиган бўлиб қолади, чунки энди у “одатдаги” чиройли буюмлар билан иш тутмай қўяди. Бу эса йиллар давом этиши мумкин. Мана шунча вақт давомида инсон бахтга нисбатан караҳт бир ҳолда

ўтираверади, бу жинсий лаззатдан мутлақо бебаҳра одам аҳволига ўхшаган бир гап, демакки у лаззатланиш туйғусидан умрбод маҳрум бўлган. Унга янги уй бериш мумкин, янги иш бериш мумкин, бир-биридан чиройли буюмлар инъом қилиш мумкин, одатдаги одам бундан озмунча хурсанд бўлмасди дейсизми, лекин гиёҳвандга булар ҳаммаси сариқ чақага арзимайди. Уни яхши кўринг, эркаланг, лекин у пинагини ҳам бузмайди. У нима деб жавоб қилишни ҳам билмайди, ҳис-туйғуларининг “қитифи” ўлмаган атрофидаги одамлар эса буни тушунмайди. Гиёҳвандликдан безган одамни яна бошқа кўнгилсизликлар кутиб туради. У бошидан ўтган азоб-уқубатларни ҳис эта бошлайди. У ёки бу даражада, масалан, ота-онасининг адойи тамом бўлганини англайди. Ўтмишга ташланган нигоҳ безган наркоманин жунбишга sola бошлайди. Кейин зое кетган йиллар азоб беради. Гиёҳвандлик моддалари истеъмол қилиб ўтказилган йиллар шамолга совурилган бўлади. Мактабни чала ташлаб кетгани борми, ҳаётидаги турли ёмон ўзгаришлар борми, калавасини йўқотганлари борми... Героин билан ўзига нина санчишдан безганларнинг ҳоли булардан ҳам бешбаттар, у ўзининг мутлақо кераксиз бўлиб қолганини бирданига англайди. Чунки героин билан игна санчиш деярли ҳаёт-мамот иши, унга бутун-бутун кунлар сарф бўлади. Бир кеча-кундуз ҳисобидан ўн икки соатлаб “гол уради” — ажабтовор иш куни деяверинг. Бундай болаларнинг бирданига тоб ташлаб юборишлари боиси шунда, уларни минг ҳимояга олманг, фойдасиз. Агар уларнинг ёнларида анчайин бундай нарсаларнинг тагига етолмайдиган мушфиқ ота-оналари бўлса борми, худо урди деяверинг. Лекин сиздаги муаммо ҳал бўлган ҳисоб, чунки сиз энди тушуниб қолгансиз-да...

— Аммо ўғлимиз гиёҳвандликни ташлашга роса саккиз марта ҳаракат қилиди, — деди Ник, — ҳар сафар унга биз ёрдам берардик. Ҳозир ҳам унга ёрдам беришимиз керакми? Биз билмаймизки...

— Энг асосийси — қандай ёрдам беришни билмоқ керак. Сен уни на фақат асраринг керак, сен қатор қоидаларга риоя ҳам қилишинг лозим. Ўзингга чегара қўйиб ол: шундан ортиғига чидолмайман, йўқса тамом бўламан, де. Наркоманлар ҳам кўп шартлар қўйсам бўлаверади, деб ўйлашади. Ҳа, гиёҳвандликни ташламоқчиман, лекин дард чекиши, ўзимни ёмон ҳис қилишни истамайман, дейди... Сирасини айтганда, ҳамонки томошани ўзим бажараман деб ўйлар экан, наркоманларнинг яқинига йўлашнинг асло ҳожати йўқ. Томошани гиёҳвандлар кўрсатишади. Шунинг учун ота-она сифатида сизлар биринчи навбатда чегара қўйиш фамини кўришларинг керак бўлади, болаларингизга ёрдам беришнинг энг яхши йўли шунда.

— Лекин бизнинг боламиз ростдан ҳам гиёҳвандликни ташламоқчими? — деб сўради Бетти. — Саккиз марта уриниб кўрди, ҳатто қамоқхонада ҳам, у ерда у роса бир йил ўтириди, роса бир йил “тоза” юрди... бироқ чиққанидан кейин уч ҳафта ўтар-ўтмас ҳаммаси янгидан бошланди...

— Қамоқхонада ўз ихтиёри билан ташламаган, дарвоқе ҳалокатли эҳтироснинг ўзидан қутулишни ҳеч ким истамайди. Қўшимча ҳодисалардан қутулмоқчи бўлишади. Бу худди чекиши ташламоқчи бўлгандай бир гап. Биз саратон касаллигидан, йўталдан, барча юрак ва томир касалликларидан қутулишни истаймиз, аммо чекишдан қутулишни хаёлимиизга ҳам келтирмаймиз, чунки уни биз ёқимли нарса деб тушунамиз.

— Менинг болам-чи? — деб сўради Хани, — бу даҳшатли эмасми?

Атрофдагиларнинг бирданига кўтарган шовқини унинг овозини босиб кетди, Кеес эса унинг гапни давом этдиришини кутиб турди.

— Менинг яккаю ягона фарзандим бор. У гиёҳвандликка берилишидан аввал ҳаммаси яхши эди. Нимасини айтай! Мана, тўрт йилдирки, дўзах азобидамиз, мен ўзим шунинг дастидан шифохонага тушдим. Мен қанча врачларга учрашмадим, бироқ уларга бошимдан нелар кечганини галириб берганимда, менга шундай дейишиди: “Хоним, болани уйдан ҳайдаб чиқаринг, наҳотки унинг сизга дўқ-пўписалар қилаётганини кўрмайсиз?..” Лекин уни ўзингиз бир кўрсангиз эди, эт бориб устихонга ёпишган, ҳеч нарса емайди, билган емиши бир

героин, холос. У тўрт марта шу билан жонига қасд ҳам қилди, охирги мартасида доктор болангизнинг жони қил устида турибди, деди. Бундай аҳволда болани мен қандай қилиб кўчага ҳайдаб чиқарай? Врачларга осон, чунки улар ота-она эмас-да. Мен, масалан, бундай қилолмайман, ўрай агар, ортиқ тоқатим ҳам қолмади. Мен мана шу гуруҳга келишимдан олдин асабларим шунақсанги ишдан чиқсан эдики, куни билан кўз ёши тўкар эдим, холос. Бир оғиз гаплашишга ҳам қурбим етмасди. Ўзи ким билан ҳам гаплашардим, ҳамма мендан юз ўғирганди. Энди гуруҳ билан сал енгил тортдим, лекин яшашни истамайдиган болани мен нима қилишим керак?

— Бунга мен бир нарса деёлмайман, — деди Кеес, — ахир ўзингиз айтдингиз-ку, врачларга осон, чунки улар ота-она эмас-да, деб. Лекин мен бир нарсанни айтишим мумкин сизга, нега бундай болаларнинг аксарияти ўз жонига қасд қилишади? Айтами? Эшитасизми?

Ханни йиғлаб юборди ва Кеесга “ҳа” дегандай бош иргади.

— Одамлар доим бошқалар эътиборига эҳтиёж сезади, — деб гап бошлади Кеес, — ҳаммалари бирдек шунақа. Яхши инсоний муносабат бор жойда биз ҳар доим бундай эҳтиёжни қондиришга муваффақ бўламиз. Бу болаларнинг хулқ-автори жойида эмас, бунинг устига улар оддий йўл билан эътибор қозонишни унтиб юборишган. Уларнинг ҳамма иши пачава, хатарли: жирканч ҳаракатлар содир этишади, ўз жонларига сүйқасд қилишади. Кўпчилик учун бу ростданам эътиборни тортиш усулидек туюлиши мумкин. Лекин ҳамма учун эмас. Баъзилар ҳаётнинг маъносини йўқотиб қўяди ва шунда ўлимни афзал билади, мана, сиз ҳам ўзингизча бир йўлни танлашингиз мумкин — врачлар бу ҳақда сизга айтишган бўлса ҳам керак — сиз ўз шахсий ҳаётингизни танлашингиз мумкин.

Ҳамма тарқалганда мен ҳамон Кеес билан яккама-якка гаплашиб ўтирадим.

— Яшашни истамаган болани нима қилиш керак, хўш? — сўрадим мен. — Келаси ҳафтада Ханни мана шу саволи билан мурожаат қиласди.

— Ўшанда у керакли жойга боради, чунки сизларнинг ўзингизда худди шунақа ўғиллар бор. Сизнинг ҳам ўғлингиз шунақа-ку, тўғрими? Ханнига ўхшаган аёллар йиллаб врачларга учрашади, уларнинг ҳар биридан бир хил жавобни эшитади, бироқ ўз ҳаётларида ҳеч нарсани ўзгартиролмайди. У врачлардан жигибийрон бўла бошлайди, чунки у врачлар ўғлимга, иложи бўлса менинг ўзимга ёрдам беришга мажбур деб тушунади. У ташқаридан мўъжиза рўй беришини талаб қиласди. Ҳеч бир меҳнатсиз қўлгә киритиладиган мўъжизани кутади. Аммо мўъжиза содир бўлмайди.

— Бошда мен шунга ўхшар эдим, тўғрими?

— Бошда ҳамма Ханнига ўхшаган бўлади. Лекин бу ҳол тўрт йилгacha давом этиши мумкини? Ўзи учун ҳаракат қилиш пайти келганини бир кунмас-бир кун тушунтириб қўйиш албатта шартмикин?

— Унинг саволини нима қиласмиш бўлмаса? Ўшанда у керакли жойга боради деб айтаяпсан-ку?

— Ҳозирча унинг бутун фикри-зикри ўғлида, ўзи эса хаёлига ҳам келмайди, унинг саволига жавоб бериш мумкин эмас. Аввал унинг ўзи эсини йиғишириб олиши керак, гап ўғли ўз жонига қасд қилаётгани ҳақида эмас, ўзи тўғрисида кетаётганини англаши керак. Англашнинг бу жараёни эса сизларда; гуруҳда бошланиши мумкин. Сизларга мутлақо бошқача савол бериши кераклигини у охири ўшанда тушуниб етади: “Ўзим адойи тамом бўлмаслигим учун мен нима қилишим мумкин?” дейиши керак. Лекин у сизларга шундай саволни бера оладиган бўлганда, бу савол кераксиз бўлиб қолади, чунки ҳаммаси жой-жойига тушган бўлади.

Ўринда ётар эканман, мен Кеес ҳақида ўйлардим. Нима учун бошда мен билан сал бўлмаса ёвларча муомала қилганини энди-энди тушуна бошладим. Мен ўғлимнинг наркоманлик одатларига бутунлай ва бутун вужудим билан ўрлашиб қолган эканман. Қўлимдан барибири ҳеч нарса келмас экан. Англаш жараёни ҳали менда бошланмаган экан. Бунинг учун гуруҳ менга туртки беролмаган, чунки ўшанда гуруҳнинг ўзи йўқ эди-да. Кеес бунга ўзининг усули билан

эришишга ҳаракат қилган — мени гижгижлаган. Мен эса ҳаммасини тескари тушунганман. Бизнинг бир қадар юқори ижтимоий мақомимиз учун Кеес ўч олаяпти, дер эдим мен. Аслида мен ундан ўч ола бошлаган эдим, уни ўз уйда Давиднинг “бўкиб ичиб-чекиши”га йўл қўйиб берган “велосипедли насроний кекса хиппар” деб калака қилган эдим. Ўша оқшом мен ниҳоят унга ўзимнинг ўшандаги шубҳаларим ҳақида сўзлаб бердим. У бош ирғаб қўйди.

— Дилингиздаги гапларни билардим, — деди у, — лекин сиз менинг гапларимга кулоқ соладиган аҳволда эмасдингиз.

— Ҳозир-чи, ҳозир қай аҳволдаман?

У яна бош чайқади.

— Давид меникига ЛСД билан келди. Бунгача у буни неча мартараб тотиб кўрганди. Капалаклар ва нафис бўёқлар акс этган фаройиб манзаралар. Кейин эса бирданига мана шу “ёмон трип” — унинг ўзи айтишича — ўлиб қолган пайти. У капалак ва нафис бўёқларни ўзига қайтармоқчи бўлди. ЛСДни шунинг учун сотиб олганди, лекин бир ўзи қўллашдан кўрқдан эди. У меникига келди, мен унинг гапларини узоқ эшитдим. Шунча даҳшатга тушганига қарамай, у барибири шу ишни қилишга амин бўлмагунимча эшитавердим. Шунда бу нарса менинг назоратимда содир бўлишини таклиф этдим. Акс ҳолда у ўзи бунга қаттиқ киришиб кетар эди, у шундай бир ҳолда эдики, мен бундай таваккалга йўл қўйиб беришим мумкин эмасди.

Бизда яна Жойс деган бир аёл ҳам бор эди.

— Менинг бу ерга келиб туришимни эрим билмаслиги керак, у жуда қўрқади, ҳеч ким ҳеч нарса билмаслиги керак!

У кроссовкада келарди, унинг сумкаси ичиди эса спорт костюми бўларди. Ўйда, бадминтон клубига қатнаяпман, деб айтар экан. Соат ўн яримда уйга қайтаётганимизда у ойна олдида туриб олиб, сочини тўзгитарди.

— Нега бундай қиласяпсан? — сўрадик биз. — Гуруҳга қатнаяпман деб тўғрисини айтиб қўя қолсанг бўлмайдими?

Лекин у бошини куч билан чайқар эди.

— Йўқ-йўқ, сизлар эримнинг қанақалигини билмайсизлар, агар бу унинг кулогига етгудек бўлсами, уйда қирғинбарон бўлиб кетади.

Биз унинг эрини билмасак-да, лекин қанақалигини яхши тасаввур эта олардик. У ташқи ишлар вазирлигига катта амалдор бўлиб ишларди. “Нек — катта одам”, дер эдик биз. У ўғлининг наркоман бўлиб чиқишига асло чидай олмас эди. Бундан адойи тамом бўлган ва расмий қабуллар чоғида йифидан кўзлари қизарган ҳолда кўриниб қолувчи хотини бўлишига ҳам бардош этолмасди. Ўғил уйдан ҳайдаб чиқарилган ва мисоли ўлиб кетгандек, исменин ҳеч ким тилга олиб атамас ҳам эди. Ҳатто она бўла туриб Жойс ҳам ўғли ҳақида чурқ этиб оғиз очолмасди. Бир вақт меҳмонлардан бири қизиқсиниб сўраб қолганди: “Ўғлингиз қалай? Бугун уйда йўқмиди?” — Жек жилмайиб туриб шундай жавоб берганди: “Чет элда ўқиш имконияти туғилиб қолувди. Ажойиб ютуқларга эришяпти деса бўлади, у қарийб номзодлик дараражасига етиб қолди”.

“Сиздай отаси бўлгандан кейин бундан бошқача бўлиши ҳам мумкин эмасда, — булбулдай сайраб кетди меҳмон. — Мен ҳар доим айтаман: ҳамма нарса тарбияга боғлиқ, деб”.

Жойс хонадан чиқиб кетганда учинчи қаватдаги ошхонада у қайт қилиб юборди, шунда у узил-кесил, “Энди бу гуруҳни елкамнинг чукури кўрсин”, деб аҳд қилди. У бизнинг хузуримизга ўз кроссовкасида келди, ўзини таништириди ва тез-тез келмай қолишим мумкин, деб олдиндан огоҳлантириди. Орадан икки ой ўтгач, у ғазаб ичиди кроссовкасини ечди-да, хонанинг у чеккасидан туриб бошимиз оша деворга қараб улоқтириди.

— Уйга пайпоқда кетишига тўғри келади, — деди Ник.

Герри ўрнидан турди ва бориб Жойсни ўпди.

— Мана бу бошқа гап, қизалогим, — деди у, — мана шунаقا, ҳаммамизни навбат билан таъзиримизни беришяпти.

Геррининг бағрига босганини ҳис қилғандан кейин Жойс охири бир амаллаб ўзини қўлга олди ва йиғлаб юборди, унинг елкалари титрар, тез-тез бурни ни тортар ва енги билан упа-эликларини юзига чаплар эди.

— Ана, холос, — деди Ник, — бу сизларга зиёфатлардаги кўз ёши эмас, чироқларим. Бунга бир пиёладан қаҳва улашсак, ҳақимиз кетмайди.

Ник қаҳвали чойнак билан ҳамманинг олдидан бир-бир ўтиб бўлгунча биз Жойсга яқинроқ сурилиб бордик. Шундагина у тўлиб турган юрагини бизга бемалол очиб ташлади.

— Унинг уйда яшамаслиги унчалик даҳшатли гап эмас, чунки шундай бўлиши керак, ахир сизларнинг болаларингиз ҳам шундай-ку, ахир наркоман билан битта уйда яшаб бўлмайди-ку... Лекин бизникида у ўлган билан баробар. Мен унинг тўғрисида сўзлашим ўзи нотўғри, у ўлган, у энди йўқ. Бу ҳам етмагандай, уни қандайдир талаба билан атайлаб алмаштириб кўрсатишшапти, ахир биз бутун умр унинг ўқишини орзу қилиб яшашимиз... Майли, наркоман бўлса бўлар, лекин мен учун ўзи йўқ талаба ўғилдан ўзи бор наркоман ўғил афзаллигини Жекка қандай тушунтирса бўлади? Қандай қилиб тушунтираман? Нима дейман?..

— Қойил, Жойс, — деди Ник, — сен аллақачон кўп нарсага эришибсан, бошлаган ишингни давом эттиравер.

Жойс чукур хўрсинди ва кўзини Никка қадади.

— Гап шундаки, — деди у, — аслида мен кўнглимдан нелар кечгани ҳақида унга бир оғиз ҳам гапирмас эдим. Сирасини айтганда, энди бундай яшай олмаслигимни мен анчадан бери билар эдим, аммо шу пайтгача бизнинг ҳаётимизда ҳеч қанақа туб бурилиш бўлмаганди. Мен ҳали ҳам чидаб юраверишим мумкин эди. Лекин энди пичоқ бориб суюкка қадалди! Энди бундай давом этиши зинҳор мумкин эмас. Мен ўғлимнинг наркоманлигига ўз билгимча қараб иш тутишга ўзимни ҳақли деб биламан. Бундан бўён уни ўлган деб айтишга зинҳор йўл кўймайман!

— Кроссовкаларингни қайтариб берайликми? — деб сўради Ник ва уларни олгани кетди.

Жойс кўлини чўзди ва аста-аста кулишга бошлади.

— Ҳа, беринг бу ёққа, — деди у, — уни яна бир карра кияй, кейин эса уни уйдаги шундай бир жойга қўйиб қўяманки, менга бугунги оқшомни доим эслатиб турсин.

Жойснинг уйида не савдолар кечётганини ичимииздан биронтамиз билмас эдик. Кейинги ҳафтада келганида эса (бу гал.у этикда эди) гапни чўзиб ўтирамади.

— Қийин эди, аммо бу ўз-ўзидан содир бўлди. Мен гурухга бораётганимни айтдим, бу ерда ҳамма нарса яширинча дедим. Кейин яна, ўғлим тирик бўла туриб, ўлганга чиқаришни истамайман, дедим. Жек ўзининг айтганида туриб олди, мен ҳам ўзимнинг айтганимда қолдим...

Кейинги сафар бундан кўра бир оз кўпроқ нарсаларни гапириб берди:

— Мен ўғлимни бориб кўрдим, бу мен учун чинакамига зарба бўлди. Тўғри, унинг ўзини ўзи гўрга тиқаётганини билардим, лекин бу ерда бирон яхши ўзгариш бўлиб қолар деб умид қиласан-да одам... Лекин у баттар тубанлашиб кетди. Уйга қайтиб келиб Жекка ҳаммасини сўзлаб берди. У ўзини эшитмаганга солди. Шунда мен унга бу галларни айтмасам бўлмайди, нафақат сизларга, унинг ўзига ҳам айтишим керак, дедим. Лекин у қылт этмади. Кейин эса, кўрпада, бирдан сайраб кетди-ку. У мендан катта, бир йилдан кейин олтмишга киради... Қирқ тўртинчи йилда, у йигирма учга кирганида, ўлимга маҳкум қилинганлар камерасида бир йил ўтириб чиққан экан. Ўлимга маҳкум этилиб, ўлимни бир йил кутибди. Ҳис-туйғу деган нарсалар унда ўшанда таг-туғи билан қуриб кетган экан. У ҳеч нарсани ҳис этишга қодир эмасди. Ўша куни тунда у менга сабр қилишимни ўтиндики... — Кейин аста қўшиб қўйди: — Ниҳоят, буни айтиб берганидан мен суюниб кетдим... Менимча, энди ҳамма нарса кескин ўзгарса керак...

Жойс жуда оқилона иш тутмоқда эди. Гуруҳда у ўғли билан ҳафта ора борди-келдиларини, ўзининг юксалиш ва таназзулларини, севинч ва қайгуларини

муҳокама қиласади. Уйда эса нимани гапириб бўлади-ю, нимани йўқ — ҳамон эҳтиёткорлик қилишига тўғри келарди. Аммо нима бўлганда ҳам яранинг кўзи очилганди. Дилдаги гап тилга чиққанди.

— Кўнглим сал ёришгандай бўлди, — деди Жойс, — лекин Жек сабр қиласади жонимни ҳалкумимга келтириб юборди. Гоҳо: “Ўғлимиз наркоман!” деб қичқиргим келиб кетади. Лекин дарров шайтонга ҳай бераман. “Ўзингни бос, Жойс, аввал ўғлинг ўлимга маҳкум этилганлар камерасидан бутунлай чиқиб олсин...”

Ёки бўлмаса мана бу Нусни олайлик, у ҳам гуруҳга қатнайди. Эри бир йил олдин ўлиб кетган, ўғли эса бунинг учун ўзини айбларди. У олти йил давомида “игнада ўтириди”, отаси эса олти йил давомида уни бу ўлим жаридан олиб чиқишига ҳаракат қилди. Эрининг тобора жонини жабборга бериб уринганини кўриб турар экан, фақат шу йўл билангина улар ҳалокатдан сақланишлари мумкинлигини Нус англаб етганди. Ўзи ёлғиз-ку “халоскорлик” томон кетиб борар эди-я, аммо ёнида эри ҳам бор эди, унга бу савдолар тобора кўпроқ ёмон таъсир этмоқда эди. Нафақат руҳан — у ҳар нарсадан шубҳаланувчи ва жizzаки бўлиб қолганди — балки жисман ҳам тамом бўлаётганди, қон босими кўтарилиб кетганди, кейин инфаркт бўлди ва ниҳоят юраги қаттиқ хуруж қилиб оламдан кўз юмди. Отаси ўлимидан кейинги дастлабки пайтларда ўғил ўзига яна ҳам кўпроқ игна ура бошлади. Лекин кунларнинг бирида Нус унинг наркоманиядан даволаниш марказига кетганини эшишиб қолди. Ўзини олти ой “тоза” тутиб юргач, у онасини кўргани келди ва шу кундан Нус билан ўғли ўртасида мунтазам алоқа қарор топди.

— У келганида мен ўзимда йўқ суюнаман, — деди Нус. — Наркотиксиз у ҳаддан ташқари дилкаш йигит, сингилчалари деб эси кетади, улар ҳам акалари деб эслари кетади. Лекин мен у билан ёлғиз қолиб, суҳбатлашдик демагуни мизча у мутлақо бошқача бўлади-қолади. У отаси ҳақида ҳамма нарсани, унинг сўнгги йилларда қандай яшаганини билгиси келарди. Шунда мен унга дейман: бас, бўлар иш бўлди, сен ҳозир михдайсан. Агар охиригача сабр қилиб, чираб тура олсанг ва яна соғлом ҳолда ҳаётга қайта олсанг, шунинг ўзи отанг учун зўр мукофот бўлади. Бироқ у йиғлашга тушади, орқасидан, ҳа, ҳаммаси тўғри, аммо у мен туфайли ўлди-да, дейди. Мен эса ҳеч нима деёлмайман, чунки аслида ҳам шундай эди-да. Лекин мен буни, албатта, овоз чиқариб айтмайман, ҳаммаси остин-устин бўлиб кетиши мумкин, у сўзсиз яна ўзига игна ура бошлайди. Бироқ бошқа томондан менга ҳам осон тутиб бўлмасди, ахир қачонгача ҳеч нарса бўлмагандай юравераман. Шунинг учун нафасим ичимда, бу эса ҳечам яхшилика олиб бормайди. У эса оғзимдан қаҷон гап чиқишини пойлаб ўтиргани-ўтирган. У тавба-тазарруга ўшаган бирон гап айтишимни кутаяпти, кошки мен бундай гапни айтолсан.

— Тўғрисини айт, — деди Симон, — сен ўғлингни чиндан ҳам падаркушлик учун дунёга келган деб ўйлайсанми?

Нус. Эҳ, ўшандан бери бу бошимдан нелар кечмади. Бирининг кетидан бири, бирининг кетидан бири. Агар мен, бунга сен ўзинг айбдорсан, десам, унда ҳойнаҳой, унинг наркоман бўлишига ўзимиз айбдор бўлиб чиқардик. Қўлингдан нима келарди, шундай эмасми, яхшиси жим юриш. Агар у ўзини тутиб олганда-ку, олам гулистон эди-я. Унинг келиб турганидан ҳозир ҳам ўзими ни баҳтиёр ҳис қиласан. Фақат анавиндақа қиликлари билан жонимиздан тўйдирмаса-ку...

Симон. Лекин у қилифини ташламайди. Ҳозир сен иккита ишни қилишинг мумкин: аввало, ўзинг янги ҳаётни бошлашингта ҳожат йўқ деб айтишинг керак, бироқ унда бунинг учун мен айбдорман деган фикр пайдо бўлади. Ёки бўлмаса, бу нарсанинг бошидан то охиригача иккаламиз бирга юриб ўтамиш дейишишинг керак. Лекин унга заррача таъна қилмайсан, албатта, буни ўзинг ҳам яхши тушунасан, сен унинг юрагига кириб олишишинг керак.

Нус узоқ жим қолди ва охири бу жимликни Тинининг овози бузди:

— Ёки иккинчи йўлдан боришга журъат қилолмайсанми? Ахир бу ўз-ўзидан равшанки, сен ҳам унга юрагингда борини тўкиб солишинг керак бўлади.

— Тўкиб солишига-ку тўкиб солдим юрагимни, — деди Нус, — кўп гаплар ўтди, кўп ёмон нарсалар бўлди, лекин барibir ҳам... мен бундан ёмон бўлганим йўқ. Аксинча. Чиройли сўзлар, ҳар қалай “бойроқ” қиласи одамни, нима бўлганда ҳам менда худди шунаقا бўлди. Мен энди бундан етти йил аввалги аёл эмасман, мен бошқача бўлиб кетдим, ўсдим, худди шу бошимга тушган кўргуликлар туфайли шундай бўлдим. Хулласи калом, менда яширадиган нарсанинг ўзи қолмаган.

— Лекин сен айтган гаплар ўғлингга катта фойда келтириши мумкин эди-ку, Нус! — деди Симон. — Ҳатто ҳаётдаги қийинчиликлар ҳам одамга ижобий таъсир кўрсатиши мумкинлигини у билиб олган бўларди. Айниқса, юрагидаги-ни сен билан бирга баҳам кўриши мумкинлигини англаб етарди. Айбордлик ҳиссини ҳам яширмаган бўларди.

Икки ҳафтадан кейин Нус шундай ҳикоя қилди:

— Ҳамма иш чаппасига айланиб кетди, уни суҳбатга чорлаш учун “кулай фурсат”ни пойладим. Лекин бундай “кулай фурсат” келавермади. Бугун эса бу ерга келишимдан атиги ўн дақиқа аввал тўсатдан у олдимга кириб келди. Мен унга, “афсус, лекин у ёққа бормасам бўлмайди”, дедим, кейин гуруҳ тўғрисида, бу ерда нималар қилишимиз тўғрисида гапириб бердим, шунда у бутунлай бошқача бўлиб кетди. “Демак, шунинг учун сира ён бермай келаяпсиз экан-да, — деди у. — Сиз нималардир қилаётган экансиз-да! Бунда ўз ҳаётингизни сақлаб қолишида фойдаланаётган экансиз-да!” Ана шундан кейин кўринг томошани. Сочимни тараб бўлгунча ва ошхонадаги юмушларни тиндиргунимча изимдан қолмади, мана шу ўн дақиқа ичида мен ҳам бор гапни айтиб ташладим, ўша ўтган сафар гаплашган гапларни-да. Ўсганим ҳам қолмади, ҳеч бир тазииксиз бойиб кетганим ҳам қолмади. Кейин, биласизми, дам-бадам соатга қараб оёғими-ни кийиб, пальтони елкамга илар эканман, у: “Демак, ота ўлими учун айборд бўлиш мумкинлигига сиз ишонмайсизми?” деди. Мен, ўлай агар, юрагимни тошдай қилиб унга шундай деб жавоб бердим: “Кел, келишиб олайлик, сен менинг ўлимим учун ҳеч қаҷон айборд бўлмайсан. Ахир, сенинг ҳамма қилиқ-ларингга қўнишиб қолдим-да. Ўзинг айтасан-ку, бундан ўз ҳаётингизни сақлаб қолиш учун фойдаланасиз, деб”. Кейин эшиқдан отилиб чиқдим, чунки кеч қолаётган эдим-да. У эса орқамдан: “Идишларни ювиб қўяман!” деб қичқирганича қолаверди. Овози шунақанги гумбурлаб чиқдик, ё тавба, худди тоғдан кўчки ағдарилгандай...

Июнь келди. Давид ҳақида ҳеч қандай янгилик эшитмадик. Қарийб ярим йил ўтди. Вақти-вақти билан у Кеесникига келиб турарди, бу ҳақда унинг ўзи телефондан, ортиқча гап-сўзларсиз, хабар қиларди. Кеесдан эса Давиднинг нафақа олишини, гиёҳвандлик туфайли бунга базур тўрт кунгина кун кўриши мумкинлигини билиб олдик. Қолган йигирма олти кунда у ўртоқлари билан ўғирлик қиларкан, лекин ҳозирча қўлга тушмабди. Энди биз Симон иккаламиз Давид ҳақида бемалол гаплашар эдик. Биз ҳеч нарсага умид боғламай қўйган-дик, кўркувга тушиб, бекорга бошимизни қотирмас ҳам эдик. Бори шу бўлгандан кейин, начора! Ўзимиз — наркоман. Биз ўзимиз устимизда ишлашимиз керак. Агар Давид қайтиб келса, кўрсин, ота-онасига жин ҳам урмаган.

Июннинг ўрталари. Мен ташвишлана бошладим. Ҳолбуки, бунга ҳеч қандай тайинли сабабнинг ўзи йўқ эди. Яна ўша қадимги ҳиссиёт: мен ўғлимнинг олдига боришим керак... унга нимадир бўлган. Шу пайтгача эришган ҳамма нарсанни остин-устин қилиб ташловчи бемаъни ҳиссиёт. Мен бу ҳақда гуруҳга сўзлаб бердим:

— Гоҳо туйгу сени ҳушёр қилиб туради. Бунақаси менда илгари ҳам бўларди. Ўшанда мен ҳам унинг олдига боришим керак бўларди ва айни пайтида бориб қолардим.

Бу гапим Эллининг жиғибийронини чиқариб юборди.

— Сени тушунаман, мен куни билан шунақа бўлиб юраман, гўё ана-мана бир даҳшатли нарса содир бўладигандек.

У неча ойдан бери бир нарсани биздан сўрагани-сўраган эди: “Хўп, уни уйдан ҳайдаб юбордим ҳам дейлик, лекин миямдан қандай ҳайдаб чиқарай? Кечасию кундузи у фақат бир нарса ҳақида ўйларди: ўғлининг қўлидан нима иш келаркин? Унинг ўзи эса ортиқ ҳеч нарса қилмасди. Гуруҳ: “Сенинг ўз ҳаётинг бор, унинг ўз ҳаёти бор. Сен ўзинг билан ўзинг бўл”, деб қулоғига куйгани-куйган эди. Шунда вужудимда хушёрликка чорловчи туйғу жўш уриб кетди-ю, шайтоннинг калла сувратлари, адёлга ўраниб олган қипяланғоч Да-вид ҳақида ҳикоя қилиб бердим.

— У сал бўлмаса ақлдан озаёзган экан, мен ўшандада вақтида борган эканман.

Нус менга фижиниброқ жавоб айтди:

— Ҳали ҳам пайтида бориб қоламан деб хомтама бўлаётибсанми? Ҳали ҳам кўнглингнинг бир чеккасида унинг халоскори бўламан деб ўйлаб юрибсанми? Ахир бунинг иложи йўқлигини, ўзингнинг кимлигингни яхши биласан-ку. Ё тавба...

— Ҳаммаси тўғри, — деди Ханни, — лекин инсон билган нарсаси билан эмас, ҳиссиёти билан яшайди-ку. Ўғлингнинг олдига бормоқчи бўлаётибсанми, Лен? Ўзинг ҳам билмайсан. Нима, Симондан қўрқасанми?

Мен эримга қарадим. У қўлини столга қўйди. Қўзимга тик боқди. Гапир, Лен, биз ҳеч нарсани яширмаслигимиз керак... Ҳа, бормоқчиман, чунки нимадир бўлганини юрагим сезиб турибди. Эҳтимол, яна ўша эски хатоларга йўл қўярман, лекин мен ўғлимнинг олдига бормоқчиман... Лекин мен буни сенга айттолмайман, чунки сен оёғингни маҳкам тираб оласан, мен эса ҳозир сенга қараб қўяялман, чунки жудаям тегма нозиксан...

Орага чўккан сукунатни тўсатдан янграган телефон овози бузди. Биз тек қотиб қолдик, Симон эса ўрнидан турди.

— Ҳа, — деди у хотиржам тусда, — ҳа... ҳа... ҳа... — ҳар бир “ҳа”нинг орасида узоқ жимлик ҳукм сурарди.

Симон ҳамон “ҳа” деб тураркан, Элли столдан тутганча аста ўрнидан турди. Кейин стол ортидан чиқиб, Симон тарафга одимлади-да, бирдан оғзини унсиз қичқириқ билан катта очганча унга қапишиб олди. Симон уни ўзидан четла-тишга ҳаракат қилди. Ник келди-да, Эллини елкасидан маҳкам ушлади. Эллидан ҳамон ун чиқмас, ўша-ӯша оғзини очганча тахта бўлиб қолганди.

— Ҳа... ҳа... ҳа... — деярди Симон, — яхши... ҳа, яхши...

У гўшакни қўйди ва бурилиб менга ялинганим оқариб. Элли юлқиниб чиқди-да, ниҳоят, қичқириб юборди. У Симонга ташланди-да, муштумлари билан кўкрагига ура бошлади, ўзини у томондан бу томонга ташлар, юрагидаги даҳшатни бор овозда қичқириб сўзлар эди:

— Йўқ, йўқ, йўқ, у ўлмаган, бундай бўлиши мумкин эмас, бундай бўлиши керак эмас, бу разиллик, мен уни яхши кўрардим, шўрлик болажонимни яхши кўрардим, гавҳаримни яхши кўрардим...

Эллидан ўзини ажратмаган кўйи Симон ранги девордай оқариб, нуқул бошини чайқарди. Бенни, Ник ва Жойс бир бўлиб, охири Эллини қўлга олишиди. Ник уни бўйнидан қучоқлаб ўпар, Элли эса ҳамон бир гапни айтиб қичқириди:

— Йўқ, йўқ, йўқ, мен болажонимни яхши кўрардим...

Симон гангиган ҳолда жойидан қимирламаётганди. У менга қаради, мен дарҳол тушундим: бу Давид. Мана керак бўлса! Мен боришим керак эди. Мен айни пайтида етиб борган бўлардим.

— Бу Давид, — дедим мен, лекин Симон “йўқ” дегандай бош чайқади.

— Бу Бенни, — деди Герри ва хотиржам тусда ўрнидан турди, — бу Бенни, биламан...

Симон бош иргади-да, маъюс ҳолда унга эргашди. Эшикка етгач, Герри унга қўлини чўзди.

Нус келиб, мени ўзига тортди. У сочимдан сийпаётганини сездим ва ҳамон ўзини уриб қичқираётган Эллига ич-ичимдан ачиниб қараб қолдим:

— Йўқ, йўқ, йўқ, ўлмаган, бундай бўлиши мумкин эмас, бундай бўлиши керак эмас, мен боламни яхши кўтардим...

Гуруҳ тарқаб кетди, қайта йигилгани мажолимиз қолмаган эди. Беннининг ўлими ўн даҳшатимизга яна бир даҳшат кўшганди. Энди ўзимиз билан эмас, болаларимиз билан шугулланишга киришиб кетгандик. Яна бир уриниб кўришга журъат қилган ягона одамлар Вим билан Марейн бўлди. Тўрт йил бурун улар ўғилларидан жудо бўлишганди, учала қизларидан ўртсанчалари ҳам наркоман эди.

— Айниқса ҳозир биз бир ёқадан бош чиқаришимиз керак, — деди Вим, — келинглар, илгаригидек учрашиб турайлик, бўлмаса яна эски хатоларга йўл қўя бошлаймиз.

У ҳаммамизга бир-бир кўнгироқ қилиб чиқди, бироқ ҳеч ким келмади.

Июль бошланди. Учинчи июлда Давиднинг туғилган куни бўлиши лозим эди. Бу кунни биз энди нима қилишимиз керак?

— Нега бирон жойга бориб, бирга овқатланиб келмайсизлар? — сўради Жюльет.

— Овқатланиб? Нега? Нима сабабдан?

— Нега бўларди, акамиз туғилган кунни эслаш керакми, йўқми? Эсламагандан эслаган яхши-да, минг қилса ҳам. Сизлар эса Давид ҳақида у гиёҳвандликни бошлаган пайтдан бўён ўйладиган бўлиб қолгансизлар.

Бироқ мен бошимни чайқадим. Бир ҳисобдан қизим ҳақ эди, лекин мен бунинг уддасидан чиқолмасдим.

— Ўзингиз биласиз, — деди Жюльет, — ўз ёғингизга қоврилиб юраверинг... ёки, биласизми, яххиси таътилга нарсаларимни тайёрлашга қарашиб юборинг.

Қўлим нарсаларни тахлаш билан овора-ю, хаёлим узоқ-узоқларда, нигоҳимни эса дераза ортидан узолмайман. Бирдан кун қиёмга етганда бир ўспирин йигит уйимиз томон бурилди.

— Жюльет, — дедим мен, — қара, бу Давид бўлса керак... лекин ёнида қанақадир бир қиз бор...

Жюльет дераза олдига борди.

— Ҳа, Давид, — тасдиқлади у. — Ё тавба, шунчалик ўзгариб кетибдики...

Давиднинг ёноқлари чиқиб, юзига ажинлар тушган, афт-ангори ҳам фалати тус олганди. Наҳотки ўн тўққиз яшар ўспирин йигитнинг юзи шунаقا бўлса? Кўриб... ўттизга кирган дейсиз. Мен уни табриклидим, у маъюс жилмайиб кўйди ва қизни танишитирди: Марлейн экан исми. Қиз ортиқча бир сўз айтмай юмушга берилиб кетди. “Карвон” ҳақида сўради. Давид қўлларини чўнтакка тиққанча бир четга қаради, афтидан гапга аралашгиси йўқ эди.

— “Карвон?” — қайта сўрадим мен.

Қиз тушунтириб берди. У йигирма тўрт ёшда экан, ўзи бирмунча вақтгача гиёҳвандлик билан шугулланибди, лекин уни вақтида ушлаб қолишибди. Бир йил давомида даволанибди ва шундан кейин Ижтимоий академияни тутатибди.

— Унинг нималардан ўтиши кераклигини биламан. Буни бир ўзи эплолмаслигини ҳам биламан. Мен унга ёрдам бермоқчиман... врач билан бирга, албатта. Лекин у турган жирканч жойда ҳеч нарса қилиб бўлмайди. Сизларда “карвон” бор экан, ўша ерда бир-икки ой туришимизга рухсат берсангизлар. Мен ҳозирча ишлаб турибман, агар унинг ёнида бўлсан, ҳарқалай бир нарсага умид қилса бўлади.

— Бунинг иложи йўқ, — дедим мен, — бир ҳафтадан кейин биз ўзимиз икки бола билан ўша ёққа кетаяпмиз.

Давид тоқатсизлик билан эшик томон йўналди.

— Кўрдингми, — деди у. — Мен сенга нима деган эдим? Кетдик, вақтни бехуда ўтказишдан фойда йўқ.

Лекин қиз турган жойидан қилт этмади, у пинагини ҳам бузмай аввал Да-видга, кейин эса менга қаради.

— Ҳаммасини яхшилаб ўйлаб кўринглар, муҳокама қилинглар. Агар имкон топсам мен эртага кечкурун яна кираман, бир ўзим...

У менга қўлини узатди, Жюльетга бош иргаб қўйди ва Давиднинг орқасидан кетди. Эшик гуп этиб ёпилди. Ташқарида Давиднинг йирик-йирик одимлаб олдинда кетаётганини кўрдим. Қиз эса унга этиб олиш учун заррача ҳаракат қилмаётганди.

— Бекорларни айтиби, — деди Жюльет, — сизлар “карвон”га борамиз деб юрибсизлар-ку. Агар Давид гиёхвандликни ташлашга қарор қиласкан экан, нима, шуни деб сизлар таътилдан воз кечишларингиз керакми? Ташлашни истаганида ҳам бу, эҳтимол, анови қаттиқкўл ойимқизнинг гапи биландир-да.

Биз-ку бусиз ҳам иккиланиб турган эдик, Жюльет эса шубҳамизни баттар кучайтириб юборди.

— Жюльет, — деди Симон, — бошланиши учун мана шу Марлейн билан эртага гаплашиб кўрамиз. Ойиси билан ҳам. Ҳа, сен бизни тушунишинг кепак... Беннидан кейин биз кўрқиб қолдик...

— Беннигача, Беннидан кейин — худди эрамизгача, эрамиздан кейин. Күриб кетсин, эндинга изга тушаётган эди ҳаммаси! Эй худо, қанақа ота-оналар битган-а пешонамизга...

Ҳа, қанақа ота-она бўлдик биз? Йил бўйи ҳаммаси яхши кетаётган эди, энди бўлса ваҳима бизларни тағин нари олиб бориб, бери олиб келаётир. Бунинг устига ўн олти яшар қизалоқнинг аҳволимизни тушунишидан умидвор ҳам бўлиб ўтирибмиз.

— Афтидан Брамметье билан Йосин бутунлай эсларингиздан чиқиб кетган кўринади, — давом этди Жюльет. — Унга нима демоқчи бўляяпсизлар: бу йил уйдан чиқмаймизми биз? Дабдаласини чиқариш учун “карвон”ни Давидга бе-риб кўймоқчимисизлар?

— Дабдаласини чиқаришга? — бараварига қайта сўрадик таажжуб билан эрхотин иккаламиз.

Жюльет хандон ташлаб кулиб юборди.

— Ана холос, — деди у, — сизларга қараб одамнинг кулгиси қистайди, бе-чора пушти паноҳларим! Наҳотки, нималар бўлиши мумкинлигини сизларга гапириб беришим шарт бўлса? Деразалар чил-чил бўлади, эшик синдирилади, чунки калид бир кун ўтмасданоқ гум бўлади, “карвон” чўчқаҳонага айланади, ҳамма ёғини ахлат босиб кетади, чунки улар қўлларини совук сувга уришмайди, Давид гиёхвандлигини ўла қолса ташламайди, бунинг ўрнига қиз ҳам унга қўшилиб, ўзига нина санчишга тушади... Ана ундан кейин ҳамма нарса остин-устин қилинади ёки ўт қўйиб юборилади. Бу ҳам фақаттина “Беннидан кейин”ги даврда яшаётганимиз “шарофати” билан, холос...

Мен сувга тушган нондай бўшашиб курсида ўтирганча Жюльетга мунгли қараб турардим. У “сизлардан ҳафсалам пир бўлди” дегандек бошини чайқаб қўйди, холос ва бир оз сукут сақлаб, деди:

— Майли, гаплашиб кўринглар-чи у билан...

Марлейн бир даста гул қўтариб келди. У чойни ҳам, қаҳвани ҳам, сигаретани ҳам инкор этди: буларнинг барчасини у гиёхвандлик билан баравар ташлаш экан. Дарҳол мақсадга кўчди:

— Хўш, нима бўлди? Нима қарорга келдиларингиз? Бизда сизларнинг “карвон”ингиздан бошқа чора йўқ. Сиз унда яшай оласизми? Борди-ю, йўқ дегудек бўлсангиз, ўғлингиздаги имкониятни бой берасизлар.

Бу яна ўзоқ йиллардан бери Давид кўллаб келаётган пўписанинг ўзи эди. Лекин биз ҳар гал тузоқقا илинار эдик. Бунинг имконият эканлигига ишонса бўладими? Давидни ундан маҳрум қилишга ҳаққимиз борми? Бу қиз

Давиддан анча-мунча ёш катта ва боз устига касб жиҳатидан иштимоий ёрдам ходими эди... ўлибдими, нима қилаётган бўлса у билиб қилаётгандир, ахир?

Жуда яхши биламан, деди у. Давидни севар ҳам экан. Йигирма тўрт яшар муштдеккинаmallasoch қиз, Давидни кўлга олиш учун бир дунё режа тузиб олган муштдеккина муштумзўр қиз.

Киз кетгач, тўсатдан Симон шундай деб қолди:

- Тағин нима бўлаяпти ўзи? Бирорнинг ундови билан гиёҳвандликни ташлаб бўларканми? Бу фирт бемаънилик-ку!
- Бирорнинг ундови билан дейсанми? — қайта сўрадим мен.
- Ҳа, бирорнинг ундови билан. Режани ўша қиз тузган, Давид эмас. Ҳамма ишни қиз дўндиради-да, ўғлимиз қандини уради...
- Ўзинг ҳам ғалатисан-да, Симон, модомики унга ишонмаётган экансан, нега бўлмаса хўп дединг?

— Нимага ишонишимни ҳам билмай қолганман. Илгари Давид қизлар билан юрмасди ҳам... биласанми, нимагадир бу қиз менга жуда кучлидай бўлиб кўринди. У йўқ-бу йўқ, қизгинанинг омади чопиб турган экан. Сен нима дейсан бу гапга?

Мен бир нарса дейишга мутлақо ожиз эдим. Жюльєт ҳақ эканлигини билиб туардим-да. Биз қаттиқ туриб “йўқ” дейишимиз ва у ерда болаларимиз билан ўзимиз дам олишимиз керак эди. Лекин мен чурқ этиб оғиз очолмас эдим, чунки бу “Беннидан кейин”ги гаплар эди.

Ўша қароримиз қарор эди — биз уйда қолдик, Давид эса ўзининг Марлейни билан “карвон”га жойлашиб олди. Брамметье билан Йосин ҳеч нарсани тушунишмаётганди. Улар кўчада мунгли сандироқлаб юришарди — уларнинг дўстлари ҳар томонга жўнаб кетишганди — вақти-вақти билан уйга янги таклифлар билан кириб келишарди:

— Бизлар ҳам Испанияга жўнаворсак нима қилади? Наҳотки шунга ҳам қурбимиз етмаса?

- Йўқ, қурбимиз етмайди, бизда чодир йўқ.
- Самолётда учиб бориб, Испанияда уй ижарага олсак-чи?
- Йўқ, бунинг ҳам иложи йўқ, ҳамма самолётлар тўлиб кетган, уйни эса олдиндан ижарага олиш керак.

Об-ҳаво ҳам уйда ўтириб бўладиган эмасди; бир ҳафта ўтар-ўтмас мен чида-ёлмадим.

— Симон, — дедим мен, — улар иккаласи нима қилаётганини бир бориб билмоқчиман, борди-ю жинимга ёқмаса иккаласининг ҳам думини тугиб қўяман.

— Борди-ю, жинингга ёқса-чи?

— Унда улар билан гаплашаман, чунки бундай ҳолда гаплашса бўлади. Ундан кейин туёқларини шиқиллатиб қолишин. Бизда ҳам Жюльєтнинг чодири билан сайдёнлик анжомлари бор. Хоҳлашса шуларни олишсин-да, “карвон”ни бўшатиб қўйишин, мен турман у ерда.

— Ҳеч бурдинг қолмабди-да.

— Бўлмаса-чи, лекин кимни аҳмоқ қилсанг, шуни билиб қўйки, ўша аҳмоқнинг бир кун келиб кўзи очилади. Худди шундайин, мени аҳмоқ қилишганди, мана энди кўзим очилди. Худога шукур. Бу дегани, улар қорасини ўчиришади, мен эса бориб жойимни эгаллайман. Ҳозироқ машинага ўтираман-да, уларга шуни маълум қилгани етиб бораман.

— Ҳозирнинг ўзида дейсанми? — сўради Симон. — Ҳозир соат тўққиз! Сен у ерга соат ўнда етиб борасан; бу иккала арзанда эса ҳали кўрпада кўпчиб ётган бўлади. Сенинг ўрнингда бўлганимда сал кечроқ борган бўлардим.

— Йўқ, ҳозир бораман, жонимни бўғзимга келтириб юборди булар!

Симондан ҳадеганда гап чиқавермади.

— Унда мен ҳам сен билан борганим бўлсин.

Машинада мен юрагимдагини тўкиб солища давом этдим:

— Сени аҳмоқ қилишганда энг ёмон томони шундаки, бошда ҳеч нарсани пайқамайсан. Агар мендан: “Сизларнинг “карвон” ингизда турсак бўладими?” деб сўрашганида, мен: “Йўқ, у бизнинг ўзимизга керак”, деб жавоб қилган бўлардим. Лекин бундай жавоб қизни қониқтирмасди, шунинг учун у менинг туйгуларимга таъсир этишига қарор қилди: Давид гиёхвандликни ташлаши кепрак, Давид шундай имкониятга эга бўлади, эҳтимол, ўзининг сўнгги имкониятига... Ё тавба, мен шу қадар кўрқиб кетган эдимки, у қандай хоҳлаган бўлса, ўшандай жавоб қилибман, ҳа-ҳа-ҳа, тезроқ “карвон”га бориб жойлаша қолинглар, дебман. Гўё Давиднинг барча муаммоларини “карвон” бир ёқлик қиласидек. Биз қанақа ота-она бўлдик? Пешонамизга шунақа ота-она битган бўлса нима қиласилик, деди Жюльєт... Симон, ўрай агар, бундан кейин мени лақилатиб кетишларига зинҳор йўл қўймайман!

— Жуда зўр, — деди Симон, — лекин аввал бориб кўрайлик-чи, у ёқда нима гаплар бўлаётган экан.

У ёқда эса Жюльєт башорат қилганидек, ҳамма нарса дабдала қилиб ташланган эди. Дераза чил-чил синган, шиша парчалари уюми ичидаги ташлаб қўйилган бутилка ётиби. Эшик ошиқ-мошиқларда осилиб турарди. Бадбўй ҳид ва ахлатдан кўз очиб бўлмайди. Тайёр чўчқаҳона! Ундаги бир жуфт жонни тепсанг ҳам тебранмайди.

Мен хотиржам бўлишга ўзимни мажбур этдим. Худди сийқаси чиққан пластиинкадай қизнинг исмини такрорлар эдим, ниҳоят у ихраб-сихраб, нима бўлаётганини англамаган бир алпозда бошини тиззалари орасига олганча туриб ўтириди. Кейин менга қаради, яна ихради, бошини қўллари билан чангллади ва минғирлаб деди:

— Ҳеч бўлмаса келишингизни айтсангиз бўларди.

— Кийин, — дедим мен, — ташқарига чиқайлик.

Ўн дақиқалардан кейин у қип-яланғоч баданига шалдироқ ёмғирпўшини илганча оstonода пайдо бўлди.

— Хўш, нима гап? — Қиз Симон қўйган учта курсидан биттасига шилқ этиб ўтириди. Бу беўхшов жасадга қараганча биз ҳам ўтиридик.

— Марлейн, — деди Симон, — илтимос, тезда түёқларингни шиқиллатиб қолинглар бу ердан. Жуда қойил қилиб даволаяпсан ўғлимизни, фойдасини ҳам кўриб турибмиз.

— Жин урсин, — деди Марлейн уялмасдан ферузаранг ёмғирпўшига разм согланча, — бу ёқдан ой кўришим ҳам бошланибди...

Симон ўрнидан турди-да, машина томон кетди. Бу қизалоқ билан нима тўғрисида гаплашиш мумкинлиги ўз-ўзидан аён эди.

— Марлейн, — дедим мен, — бор, ювин-да, кийиниб ол. Биз бир соатдан кейин қайтиб келамиз — унгача бу ерда қорангларни кўрмайлик.

— Менингми? Ё Давиднинг ҳамми? Биз ажрашмаймиз.

— Иккалангиз ҳам гумдон бўлинглар, бир соатдан сўнг...

Мен машина томон кетар эканман, у орқамдан маъносиз қараб турарди.

— Ана шунақа, — деди Симон.

— Мен уларга бир соат муҳлат бердим.

— Бу бир соатда биз нима қиласи?

— Бирон жойда қаҳва ичиб оламиз.

Ишончлироқ бўлсин деб биз икки соат кутдик. Қайтиб келганимизда ювинашиб ва кийиниб олган Марлейн бир китобчани ўқиб ўтиради.

— Э, келинглар, ўтиринглар, — деди у, — мен сира Давидни уйғотолмадим.

— Ўзинг уйғонисан, шунга ҳам раҳмат, — жавобан дедим мен, — биз баъзи нарсалар хусусида келишиб олишимиз керак. Демак, бу ердан даф бўласизлар. Машинада чодир билан сайёхлик анжомлари бор, хоҳласанглар ўшаларни олишларинг мумкин. Борди-ю, олмаган тақдирларингда ҳам, барибир бу ердан кетишларинг керак...

Қиз узоқ ерга қараб ўтириди-да, кейин бирдан бошини чайқаб, йиғлаб юборди.

— Бирданига ҳайдашингиз яхши эмас, — пиқ-пиқ қилганча деди у, — қаёққа борамиз?

— Чодирга, — деди Симон. — Ҳозир ёз... кейин бирон жойдан бошпана топиб оларсанлар... ёки Давиднинг хонасига қайтиб борарсанлар.

Марлейн ўтирилди-да, очик эшикдан ичкарига мўралади: Давид ҳамон ўша алпозда ётарди. Сўнг тезгина биз томон эгилди ва шивирлаб деди:

— Мен уни уйғотолмайман... бунинг устига пулимиш ҳам йўқ. У менга бир йўлини қилиб пул топишинг керак дейди, унинг нафақа дафтарчаси эса шаҳардаги хонасида қолибди, у дафтарчага қўл кўйиб, жўнатиши лозим эди. Лекин у ҳеч нарса қilmайди...

— Марлейн, — деди Симон, — сени у билан қолишга ҳеч ким қистаётгани йўқ. Модомики сен у билан қолибсанми, бизга мурожаат қилишингга асло ҳожат йўқ. Демак, шикоят қилишингга ҳам ўрин қолмайди. — Бир оз сукут сақлаб, Симон бутунлай бошқача оҳангда давом этди: — Пулимиш қолмади дейсанми?

Киз бош иргади.

— Унда мен озроқ пул бераман, уч-тўрт кунга етгулик, овқатга... лекин сен бу пулни бу ердан тезроқ гумдон бўлишингга сарфлассанг, мен хурсанд бўлардим.

Марлейн пулни олди-да, шимининг чўнтағига тиқди. Кейин ўрнидан турди.

— Қани ўша чодир? — сўради у.

— Машинада.

— Бўпти, беринг уни менга, қаерга тикса бўлади, қараб кўрай-чи...

Эртасига “карвон” бўшатиб қўйилганди. Марлейн бизга бир хат ёзиб қолдирибди: “Берган ёрдамингиз учун яна бир карра раҳмат”. Мен хатни қўлимда ушлаб туарканман, бирданига ўзимни жуда ёмон ҳис қилдим!

— Бу қизча энди нима бўлар экан-а? — дедим мен. — У бутунлай Давидга суюниб қолган. Худди менга ўшшаб у ҳам ўзига қаттиқ ишонади, Давидни қутқариб қола оламан деб ўйлади.

— Барибир бу масалани унинг ўзи ҳал этиши керак, — деб жавоб берди Симон, — худди сен билан мендек.

Мен атрофга кўз югуртиридим. Ана исқиртлигу мана исқиртлик!

— Симон, қачонгача Давиднинг кетини тозалаб умримиз ўтади?..

— Кўп ҳиқилламагин-да, ишга кириш, — деди у.

Биз “карвон”да уч ҳафта турдик. “Бирон кор-ҳол” бўлмадимикин деган ўйда у ҳафтада икки мартадан уйга бориб-келиб турди. Тўғрироғи, “Давид уйга бостириб кирмадимикин, ойимнинг икки оёғини бир этикка тиқмадимикин” деган андишада эди у, лекин биз бир-биримизни аяшга ўрганиб қолгандик. Бир куни шундай бориб-келишларининг бирида Симон одатдагидан анча кеч қайтди. Ҳаммаси ўз-ўзидан равшан эди: бирон кор-ҳол рўй берганди.

— Ойинг Давиддан хат олибди, — деди Симон, — мен борсам у хатни эндинга ўқиб бўлган экан.

— Эй худойим, — дедим мен муздай бўлиб, — ойим роса жиғибийрон бўлгандир?

— Нима деган экан, умуман, шундай, албатта. Яхшиямки, вақтида бориб қолибман, йўқса, худо билсин, нималар бўлмасди.

Симон хатни менга берди ва мен уни овоз чиқариб ўқий бошладим:

— “Азиз бувижоним! Соғлиқларингиз қалай? Мен сизни анчадан бери кўрганим йўқ, аммо умид қиламанки, ҳамма ишларингиз жойида. Сизга ушбу хатни ёзишдан мақсадим шуки, менинг бир қиз дўстим бор, Марлейн деган, мен сизни у билан таништироқчиман. Ҳозирча биз менинг уйимда турибмиз, бироқ янаги ойда биз у ердан чиқиб кетишимиш ва ўзимизга бошпана қидиришимиз керак. Яхши бир мавзеда бир дўстимнинг биринчи қаватдаги уйидан ижрага хона олиш имкони пайдо бўлиб турибди, бироқ ундаги жиҳозлардан фойдаланганимиз учун уч ярим минг тўлашимиз керак бўлади. Аксига олиб, бизда бунча пул йўқ, демакки имкониятни қўлдан чиқаришимиз ҳеч гап эмас, ўзингиз биласиз, бу жуда ачинарли ҳол, чунки Марлейн менга жуда ҳам кўп яхши-

ликлар қиласяпти. Марлейн яқинда ишга кириши ҳам ҳеч гап эмас, у ариза берди, лекин ҳозирча аниқ бир нарса деб бўлмайди. Борди-ю, ҳаммаси кўнгилдагидек бўлса, биринчи маошданоқ биз қарзнинг бир қисмини тўлаб қутуламиз. Менинг ҳамма ишларим жойида. Мен ҳам яқинда ишга бориб қолсан ажаб эмас, ҳар ҳолда тиззаларим сал яхши бўлгандан кейин. Эсингиздадир, футбол ўйнаганимда қанақа қийналардим, ўша-да, ҳозир эса яна эски дард қўзиб, жонимни сууриб олаяпти, агар ишга борадиган бўлсанм, роса қийналиб қоламан. Бунинг устига тишим қаттиқ азоб бераяпти. Биламан, сизга гапларим жуда фалати туюляпти, чунки сизнинг тишларингиз соппа-соғ-да, шу ёшга кириб ҳали битта ҳам тишим дарз кетгани йўқ деб фаҳрланардингиз. Лекин, начора, тиш доктори айтадики, кемтик тишлар менга наслдан ўтган эмиш ва тезда чорасини кўрмаса бўлмас эмиш. Унинг гапига қараганда, ҳамма тишларимни даволаш учун тўрт минг керак экан, бу эса мени жуда қийин аҳволга солиб қўяди, чунки мен биттасини танлашим керак: ё тишларимни даволатишм керак, ё уйнингижара пулни тўлашим керак. Лекин сиздан етти ярим минг гульден пул сўрашга асло виждоним чидамайди, чунки мени деб сизнинг қийин аҳволга тушишингизни ҳечам истамайман. Биламан, эндиғина ҳаётга қадам қўйган ёш одамлар қўпинча қалавасини йўқотиб қўяди. Азиз бувижоним, агар бизга, неварангиизга ва унинг бўлажак хотинига ёрдам бериш имконингиз бўлса, пулни менинг ҳисобимга ўтказа оласизми? Агар имконингиз бўлса, бу иш ўн кундан ортиқ чўзилмасин, чунки бу ажойиб имконият қўлдан чиқиб кетмасин дейман. Неварангиз Давид...”

Мен хатни букладим ва шундагина Симоннинг кулавериб қотиб қолганини пайқадим.

— Ижара ҳақига уч ярим минг гульден эмиш, — тақрорлади у. — Азиз бувижоним, соғлиқларингиз қалай, сиз ҳар доим тишларингиз билан фаҳрланар эдингиз, эмиш... Шундай буюк ўғлимиз бор экан-ку, билмай юрган эканмиз-а! Етти ярим минг гульден сўрашга виждони чидамаётганмиш, бувисини қийин аҳволга солиб қўйишини истамаётган эмиш... Иложи бўлса ўн кундан ортиқ чўзилмасин эмиш... Оҳ, хотин, шундай доно ўғлимиз бор экан-ку!

Симон шунақанги завқ билан кулардик, охири мен ҳам унга қўшилиб кула бошладим. Мен хатни қайта очдим ва биргаликда Давид гапларининг қизиқ жойларидан топиб, бошқатдан кулишга тушдик.

— Шошма, — дедим мен, — мана буни эшиш: “Агар иш кўнгилдагидек бўлса, биринчи маошданоқ қарзнинг бир қисмини тўлаб қутуламиз...” Ҳали бунча пулни бизга ким қарзга беради, деб ўйламайди-да, ҳамма иш хамирдан қил сугургандек осон битади, деялти.

— Ҳа, кейин анови-чи, — кулгидан ёрилиш даражасига етиб деди Симон, — тиззалари...

— Ҳа, — дедим мен, — тиззалари жонини сууриб олаётганмиш... бу унинг... ишга боришига... ҳалақит бертаётганмиш...

— Наслдан ўтган кемтик тишлари... наслдан ўтганмиш...

Биз яна қотиб-қотиб кула бошладик. Қўзларимиздан ёш чиқиб кетди ва охири мени қаттиқ йўтал тутди.

— Оҳ, Симон, — дедим мен, — ўғлимиз устидан кулиб бир хумордан чиқиб олдикми, а?

Ойимга пул жўнатмаслик кераклигини англашиб учун Симон озмунча сўзомллик кўрсатишига тўғри келмади.

— Чунки бу пул на тиши врачига бориб тегади, на ижара ҳақига.

— Яхши, лекин наҳотки Давид мени шунчалар алдашга журъат қилса?.. Гапларининг ҳаммаси ёлғон эмасдир, ҳарқалай?

— Хоҳ рост бўлсин, хоҳ ёлғон, аммо пул ҳисобига бориб тушган заҳоти бутунлай бошқа нарсага ишлатади. Давидга ёрдам бермоқчи бўлсангиз, ҳайҳот, бунинг биргина йўли бор, холос: бурнига бир чертинг-да, аравангни ўзинг торт дeng, вассалом.

— Яхши, лекин у кўп ўтмай ўзига янги жаф қўйдиришга мажбур бўлади!

— Борди-ю, у шунақа қимматбаҳо муолажага муҳтоҷ экан — бунақа гиёҳ-вандлиқдан кейин ҳар нарса бўлиши ҳеч гап эмас — мен уни ёлғизлатиб қўймай-

ман. Мен тўғри врачнинг ўзига бориб пул тўлайман, аммо Давид қўлимиздан сариқ чақа ҳам олмайди.

— Бўпти, унга худди шундай деб ёзаман, — деди ойим, — қандай даҳшат, гулдай йигит — ҳалитдан ясама жағ қўйдириб ўтирса... Нима бало, унга кальцийдан етарли бермаганмидинглар?

Айнан Герри яна янги гуруҳ йифди. У ҳар биримизга қўнғироқ қилиб, жўнгина шундай деди:

— Биз бир-биримизга керакмиз. Бу бор нарса, чунки гуруҳ бўлмагандан мен Беннининг ўлимини кўтаролмаган бўлардим.

Бир Эллигина келиш нияти йўқлигини ошкор айтди. Унинг ўзи иқрор бўлиб дедики, қаттиқ жазавага тушганидан ҳалигача ер ёрилсаю ерга кириб кетгулик ҳолда юрибди.

Герри дастлабки оқшомда биз гуруҳдагиларга қуидаги сўзлар билан мурожаат қилди:

— Биз Эллини ўзига келиб олишига қўйиб беришимиз керак, у келади, мен у билан алоқани узмайман, Беннига нима бўлганини мен Симон билан Ленга сўзлаб бердим. Сизлар буни улардан билиб олган бўлишингиз мумкин, лекин мен ўз оғзим билан сизларга ҳикоя қилиб бермоқчиман. Ҳаш-паш дегунча, мана, икки ойча вақт ўтибди... Бенни мутлақо кўра-била туриб ўлимни танлади. У яшашни хоҳламай қўйганди — тамом. Сўнгги бир ярим йил ичидаги шунчалик кўп жонига беҳуда қасд қилди, ҳатто мен ўзимдан ўзим сўрар эдим: қизиқ, улар нима қилишашапти ўзи? Мен уни қўргани келган вақтларимда у бу тўғрида мутлақо хотиржам тусда гапириб берарди. У яна мендан, менга ёрдам беролмайсизми, деб сўрарди... чунки шифохонадан қўнгли унчалик тўқ эмасди-да. Агар у шанба ва якшанба кунлари уйига келиб турганида эди... Ушанда мен унга, сенга бу жиҳатдан ёрдам беролмайман, акс ҳолда сенга шерик бўлиб қоламан, деб айтдим. Шифохонада вақти-вақти билан бир собиқ бемор Беннини кўргани келиб турарди ва Беннидан, бирров бориб менинг қандай яшаётганимни кўриб келсанг-чи, деб илтимос қиласарди. У бу илтимосини тақрорлашини қўймас, аммо ҳар гал рад жавобини беришарди. Охири бир тиббий ёрдамчи йигит шундай деди: “Бўпти, менинг навбатчилигим тугасин, биз бирга бориб келамиз, билай-чи, шундай қилсак бўладими, йўқми”. Ким унга “ҳа” дегани менга қоронги, аммо улар ёрдамчи йигитнинг машинасида жўнаб кетишибди. Собиқ бемор ҳам уйига қайтиб келмаган экан, алламаҳалгача улар машинада кутишибди. Бироқ ярим соатлардан кейин Бенни, балки яхши қарамагандирмиз, бориб яна кўриб келай-чи, дебди. Шунгача улар бемалол, тинчгина гап сотишиб ўтирган экан, ҳатто Бенни “у ёқдан” чиққандан кейин нима бўлиши тўғрисида ҳам сўзлашибди, шунинг учун ёрдамчи йигитнинг хаёлига бошқа ҳеч нарса келмаган ҳам экан. У Беннини қўйиб юборибди. Қўйиб юборибди-ю, бир оздан кейин юрагига фулгула туша бошлабди. У машинадан отилиб чиқибди-да, лифтда баландга кўтарилимоқчи бўлибди. Лекин бунинг иложи бўлмабди. Сабаби кейинроқ аниқланибди. Сўнгги қаватда Бенни эшиги ёпилмасин деб пальтосини бўсафага ташлаб қўйган ва лифтни тутиб турган экан. Шунда ёрдамчи йигит барча умумий балконларни қараб-қараб, зинадан югуриб кетибди. Сўнгги қаватга кўтарилиганда... ҳа... у пастидаги автобекатда ниманингdir устига энгашиб турган халойиқни кўрибди. У қичқирибди, одамлар тепага қарабди, шунда унинг кўзи ерда ётган Беннига тушибди... У ўша заҳоти тил тортмай ўлибди... ўн иккинчи қават... Бенни ниятига етганди... Бунга унинг кўзи билан қарап ҳаддан ташқари оғир. Лекин унинг ҳаёти шундай эди ва шу йўлни танлаган эди. У касал бўлиб яшашни истамасди, бу ёғи тобора баттар бўлишини биларди. Бу ҳар қанча даҳшатли бўлмасин, тақдирга тан беришга мажбур бўлдим...

Биз узоқ ушланиб қолдик, кейин Симон деди:

— Бугунги оқшомга Том ҳам келар деб ўйлагандим...

Бироқ Герри бошини чайқади:

— Йўқ, у кўникољмаяпти. Бундан қўрқишим керакми, йўқми, билмайман ҳам... Ҳа... гоҳо... у ростдан ҳам мени қўрқитиб юборади. Биласанми, Том қандайдир ғалати нарсалар қиласди. У қанақадир жамиятни қидириб топибди, учинчи оламда туғилган болаларни асраб олиш билан шугулланар экан... ҳозир у Бенни номидан болаларни асраб олаяпти... Билмадим... у маълумотларни оладида, қўлида фотосуратларни ушлаб ўтиради... билмадим... гоҳо мен бундан қаттиқ қўрқиб кетаман...

Лекин мен Герри қўрқадиган яна бир нарсани билардим. Барча мусибатларни Том энг аввало Давиддан кўтарди. Беннини гиёҳвандликка Давид ўргатган дерди.

— Энди то бирон яхши баҳона топилмагунча, — деди менга Герри, — у ўзига олиб келадиган барча йўлларни тўсиб тураверарди, гуруҳдаги сухбатлар учун кўнглидаги гапларни ҳеч қачон очиб солмайди. Унинг эски арақҳўр шеригидан ва болаларни асраб олишдан нажот қидираётгани боиси шунда...

Декабрь келди. Ойимнинг жавоб хатидан кейин Давид жимиб кетди. Бизга ҳисоб рақами келмаётганидан шу нарса аён эдики, у тишларини даволатмоқчи ҳам эмас. Мана шу ойлар давомида Давид тўғрисида ҳеч нарса эшитмадик. Кейин кўккисдан, Рождество олди ютур-югуллари орасида “Бейенкорф” универмагида Давид билан юзма-юз тўқнаш келиб қолдик. Мен унинг қўлидан тутдим-да, кўзига қарадим. У заиф жилмайиб қўйди-ю, лекин қўлини тортиб олмади.

- Давид, — дедим ва жим туравердим.
- Ишларингиз жойидами ишқилиб?
- Менингми? Ҳа, менинг ишларим жойида.
- Дадамнинг ҳам ишлари жойида, сизлар гуруҳга қатнайсизлар!
- Қаердан биласан?

У кулди.

- Шундай... бир шеригимдан, унинг ҳам онаси гуруҳга қатнар экан...
- Ким экан? — сўрадим мен. — Жойсми? Тиними? Ханними? Нусми?
- Ҳа, Нус. Э, нима фарқи бор... менимча, сиз зўрсиз, ҳеч бўлмаганда нимадир қилаяпсиз-ку... — У сумкасига ишора қилди. — Нима олдингиз? Рождество совғаларими?

Мен унинг қўлини қўйиб юбордим.

— Ҳа, болаларга у-бу нарсалар...

У “ҳм” деб қўйди.

- Ана, кўрдингизми! Сизнинг ҳамма ишингиз жойида...
- Бу ерда нима қилиб юрибсан? — сўрадим мен.
- Шундай, айланиб юрибман, Марлейн юқорида.
- Бу жинқарча ҳали ҳам сен билан биргами?

У яна кулди.

— Биз охири менинг хонамдан чиқиб кетдик. У бир жойдан ижарага хона топди. Сал кенгроқ, унга шунақаси керак, ўзи шундай дейди, ҳозир эса ҳов анави ерда, тепада янги хонага деб нарсалар олаяпти. У ҳозир ишляяпти. Умуман... менимча, ҳаммаси зўр.

Мен тилимни тишлаб қолдим. Жим, аралашма. Барibir тил ўлгур сұксизда: зўр бўлмай бўларканми. У ишласа, сенга уй топиб берса, ош-овқатдан насибангни бутун қилса, эрталаб уйғотса, кирингни ювса, эскиси ярамай қолганда янгисини олиб берса, жандани қачонгача илиб юрасиз деб қўғирчоқдай қилиб қўйса — худди илгариги менинг ўзимдек! У менинг олдинги вазифамни ўзига олибди. Бас, шундай бўлгач, ҳаммаси зўр дейсан-да. Зўр, аммо зинҳор сен учун эмас...

— Давид, — дедим мен, — мен боришим керак, вақтим зик. Ҳаммаси сен учун шунчалик яхши бўлаётганининг ўзи зўр. Марлейнга салом деб қўй.

Мен уни ўпдим ва бундан ҳайрон бўлганини пайқадим. Кейин одамлар орасига кириб қўздан фойиб бўлдим. Лекин барibir ўзимни тутиб туролмадим, унга яна бир марта қараб қўйдим. У ҳамон ўша жойда турарди, мен у томонга

ўгирилганимда қўлини кўтариб қўйди. Кичкина қора сумкачали қўлини. Унинг бор бисоти солиб қўйилган ўша сумкача. Буни мен ўзим учун далил сифатида дилимга тугиб қўйдим. Икки сониядан сўнг худди шундай яна бир далилнинг устидан чиқдим: бироқ у ерда ҳозир бўлгунимча ёмғир бошланиб қолди.

Арафа куни Марлейн уйимиз остонасида пайдо бўлди. У ичкарига киришни хоҳламай, фақат мендан икки оғиз гаплашиб олишим мумкинми, йўқми, шуни сўради. Шундай дея у қўлимга бир конверт тутқазди.

— Давиддан, — деди у, — узугингизни у ўғирлаган.

— Узугим...

Мен конвертни очдим ва ўшандада бармоғимдан олиб қўйганим узукка кўзим тушди. Олмос кўзли узук.

— Нима, у сотиб юбормаган эканми?

— Йўқ, банкка гаровга топшириб, устидан қарз олган экан...

Биз бир-биримизга қарадик. Бизга бир оғиз сўз ортиқчалик қиласар эди. Менинг айнан шу буюмимни ўмарид кетгани Давидга тинчлик бермаган. Сотиш бир дунё фалва иш, банкдан пул қарз олиш — бундан қулайи бор эканми.

— Давид шундан роса қийналиб юрарди, сизни шаҳарда учратиб қолишиндан олдин... Мен пул тўлаб, узукни қайтариб олдим...

— Пул-чи? — сўрадим мен. — Бу сенга жуда қимматга тушгандир?

У жилмайди.

— Мен ишлайпман-ку! Битта узукнинг пулини тўлашга бемалол етади...

— Марлейн... — деб энди бошламоқчи бўлган эдимки, қиз гапимни бўлди:

— Ҳа, у ҳали ҳам ўзига игна ураяпти! Ҳар замон-ҳар замонда гийлади-ю, лекин яна бошлаб юборади. Баъзан чидолмайман. Тўғрисини айтсам, шундай пайтлар бўладики, билганингни қил, агар умрингни хазон қилмоқчи экансан, мен бунга аралашмайман, деб юбораман. Лекин жуда яхши кечган пайтларимиз ҳам бўлади. Ҳаммаси оғирлик маркази қаерда жойлашишига боғлик. Иш-қилиб, мен ҳам унга илашиб кетмасам бўлгани... Йўқ, мен буни истамайман...

У мени бўйнимдан кучоқлади ва ўпди. Муштдеккина, озғин бир вужуд, ноzikкина елкачалари туртиб чиққан. Давид билан кечирган олти ой ундаги сўнгги жирларни ҳам ситиб чиқарган эди.

Мен уни бағримга тортдим.

— Аллақачон илакишганман деявер... — дедим мен.

У хиёл таажжубланди.

— Йўқ, ўлай агар, илакишганим йўқ.

— Бўлмаса-чи, узукнинг пулини тўлабсан... Давид бундан роса азобланди деяпсан... Ахир, узукни Давид ўзи пул тўлаб олиши кераклиги шундоқ равшанку. У нафақа олаётгандир?

У хаёлга толганча ерга қараб қолди.

— Ҳа, — деди у ниҳоят, — сиз, бир ҳисобдан ҳақсиз... лекин шунаقا бўлаяпти-да... Давид фақат оғизда айтади, амалда ҳеч нарса қилмайди, шундан кейин мен бораман-да, унинг учун ҳаммасини ўзим қиласман... Куриб кетсин, бу мутлақо нотўғри-ку!

— На фақат нотўғри, — дедим мен, — жуда ачинарли ҳам. Ахир Давидда энди-энди олдинга силжиш бошланганди. Узукни деб шунча азоб чекибди, агар сен аралашмаганингда, балки унинг ўзи бир иложини қилган бўлармиди.

У бош ирғади ва увоққина юзини бирданига ҳаддан ташқари ҳорғинлик эгаллади.

— Биласизми, — деди у, — ёнида менга ўхшаган биронта одам бўлмаса Давид ҳеч қандай иш қиласади. Рост-да, ҳаммасини мен қилиб тургандан кейин унга жонини койитиб зарур кептими? Кейин, менинг ҳеч қаёқча кетмаслигимни билади, ёлғиз қолишим мумкин-да, мен эса ёлғизликка чидолмайман. Ёлғизликдан кўрқаман. Ўшандада нима бўлганини эсласам, ҳали ҳам жинни бўлиб қолай дейман. Сирасини айтганда, худди сиз билан эрингиз қилганидек, мен аллақачон Давиддан воз кечишим керак эди.

— Биз уни ўз ҳолига қўйган эдик, воз кечганимиз йўқ, Марлейн, бунинг учун бизга йиллар керак бўлди.

— Ўз ҳолига қўйган бўлсаларинг, нур устига аъло нур, бунинг учун у сизларни хурмат қила бошлайти. Сўнгги пайтларда у сизлар тўғрингизда бутунлай бошқача гапириёттанини пайқаяпман. Лекин ҳозир мен билан... ҳаммаси илгаригидай кетаяпти, фақат иккита издан.

— Марлейн, мен сенга ёрдам беролмайман. Сен нима қилишинг мумкин-у нима йўқ — буни ўзинг белгилаб олишинг керак. “Бўлди, энди мен бир ўзим яшаганим афзал”, деб айта олишингга қадар сен ҳали кўп аччиқ-чучукларни тотишинг керакка ўхшаяпти.

Марлейн бош иргаб, эшкни очди.

— Раҳмат, — деди ва кўчадан кириб келган совуқдан титраб кетди. — Сиз билан гаплашиб анча енгил тортдим.

Шундай дея у юргурганча кўздан йўқолди. Мен жойимда турганча унинг орқасидан қараб қолдим, лекин қизгина тезда қоронгилик қўйнига сингиб кетди.

Бизнинг ўзимизга энди гуруҳнинг кераги йўқ эди. Симон, Герри ва мен буни яхши англардик. Биз ҳамон ўша бир хилдаги ҳикояларимиз билан бошқаларни, жумладан, Эллини деб, янгиларни деб у ёққа боришни канда қилганимизча йўқ эди. У энди бемалол бундай демоқда эди:

— Гоҳо ўзимни яна ҳаётдан қандайдир завқланаётгандек ҳис қиласяпман. Миям энди уззукун ўғлим ҳақидаги хаёллар билан банд бўлмаяпти, у қўнғироқ қилганда, ё олдимга келгандагина уни ўйлаётган.

Ўғлининг хонасини меҳмонлар учун маҳсус хонага айлантирган Тини деб келар эдик. Гуруҳ ёрдами билан у роса бир йил сабр қилди. Ҳар гал ўша ношлишларини такрорлагани-такрорлаган эди:

— Ҳа, лекин у қасал-ку... — Ёки: — У ўзига сира овқат қилмай қўйди, энди мен бунга тек қараб туролмайман...

Ва ҳар сафар гуруҳ бир хилда жавоб қайтарарди:

“Ўзингни тут! Ортиқ бардош қилолмаслигингни кўрсат, шунда унинг ўзи сени қутқариш пайига тушиб қолади.

Бу ҳол то Тини қўйидаги хабарни етказмагунча давом этди:

— Ҳеч нарсага ақлим етмай қолди, бутун ҳафта давомида у қорасини ҳам кўрсатгани йўқ.

Гуруҳ. Унинг олдига борма, Тини, керак бўлса у сенинг олдингга ўзи келади.

Бола ўз имкониятини қўлдан бой бермаганини англаши учун Тинига роса бир йил керак бўлди.

Яна бир мижозимиз Ханни эди. У эндиғина йўлнинг ярмига етган бўлиб, гоҳо бевосита Геррига қараб шундай савол билан мурожаат қиласди: “Яшашни хоҳламаган боламни нима қилишим керак?”

— Аввал ўзингдан сўра, ўзинг яшашни хоҳлайсанми, — деб жавоб берарди Герри, — мен худди ана шундай йўл тутдим. Мен учун ҳаётнинг қадри ҳали жуда баланд.

Ханни бош иргарди.

— Ҳа-ҳа, — дерди у, — ҳозир менинг ҳам ишим бошимдан ошиб-тошиб ётибди, лекин барибир... Модомики боланг яшашни хоҳламас экан... — Йўқ, Ханни ҳали йўлнинг ярмида эди.

Кейингилари Жойс билан унинг ўлим исканжасидан чиқиб келган эри Жек эди. Энди Жек ҳам гуруҳга қатнай бошлаганди ва ўғли билан “ҳеч қандай алоқаси йўқ” гояси остида эҳтиёткорлик ила замин ҳозирлаётганди. У тўғрида марҳумдай оғзига толқон солиб юриш эмас, балки қанақадир бетараф оралиқ ясаш, шу асосда мутлақо бошқача муносабатлар тиклаш ғамида эди. Бу ишда унга Жойс ёрдам бермоқда эди.

— Мен ўғлимга “мен ҳам уйдан бош олиб чиқиб кетаман”, дедим. Шунда, эҳтимол, сал нарига бориб, гиёҳвандликдан хийла фориг бўламиш-да, бир-бirimiz билан бошқача муносабатлар ўрнатамиз.

Нус ҳам бор эди. Гиёхванд бўлишига қарамай, ўғли билан яхши муносабатлар ўрнатишга муваффақ бўлганди. У, жумладан, бизнинг гуруҳимиз борасида ўғли билан кўп мартараб сұҳбат қилганди. Ўғли Давиднинг дўсти эди, улар ўз оналари тўғрисида ошқора фахр билан мулоҳаза юритишарди. Ота-оналари тўғрисида катта ёшдаги болалар мактабига боргандада ёш болалар бамисоли ана шундай фахрланишади. Болакай гиёхвандликни бир ташлаб, яна бошлаб юборар, бир ташлаб, яна бошлаб юборарди. Шунга қарамай Нус жонидан ўтиб кетган шундай паллада ҳозир ўғлига тўла ишонч билан муносабатда бўлишига эришолганди.

— Мен унга сира халақит бермайман, — деди у, — у ўзига игна урганми. йўқми, энди иш тутмайман ҳам, кутмайман ҳам. Қилса у қилибди, мен эмас. Борди-ю, чидай олмаса, қўлидан келмаса, нима қипти, яна бошлайверади-да.

Бироқ ҳар гал ўғли чидай олмай, гиёхвандликни бошлаб юборганида унга гуруҳнинг қўллаб-қувватлаши жуда-жуда асқотарди.

Биз Вама ҳамда қизини ўз ҳолига қўймайдиган Марлейнни деб гуруҳга қатнашда давом этар эдик.

— Биз ўғлимизни ўз ҳолига ташлаб қўйдик, аммо бундан ҳеч бир иш чиқмади. Биз гуноҳкор эмаслигимизни-ку энди биламиз, лекин барибир қўрқамиз: тағин бирданига ўшандай бўлиб қолса-чи?

— Лекин ҳеч кимни ўз имкониятидан маҳрум қилиш керак эмас, — деди Герри. — Нима, сен ўзингнинг ҳар бир боланг билан алоҳида-алоҳида муомала қўлмайсанми? Қизингга акасининг соясига қарагандек қарашибинг адолатдан эмас.

— Ҳа, бу айтишга осон, — эътиroz билдириди Марлейн, — лекин бор гап шу: у бизниги келиб туради, унинг кўланкадан фарқи йўқ, акаси ҳам бир тук ундан ўзгамас. У пул сўрайди, агар биз пул бермасак, у яна фоҳишибозликка киришиб кетади.

— Шундоқ ҳам у бу ишини қиласеради, — деди Вим, — биз пул берамизми, йўқми — бунинг ҳеч қандай аҳамияти йўқ, у энди шундай ҳаётга ўрганиб қолган.

— Ҳа, у шундай дейди, лекин мен деёлмайман, кучим етмайди қизимнинг қоқсуяқ гавдасию симчироқдай қўлларини кўришга тоқатим йўқ.

— Бўлмаса-чи, у келганида бу қизининг олдида ўтириб олади-да, шангиллагани-шангиллаган. Қиз боёқиши кўп ўтмай бутунлай келмай қўйса ҳам керак!

— Сен уни қўйиб юбормаслигинги, тинчлик бермаслигинги биламан, — деди Нус, — ҳозирча бундай қилмайсан. Лекин жилла курмаса инграмасликка, унинг ёнида ўтириб олмасликка ҳаракат қила оласан-ку. Нуқул ўзингни, мана, сени деб қанчалик азоб чекаяпман, деб кўрсатишга устасан. Бунақа қилиқларингга соғ одам чидамайди-ку, у эса баттар гиёхвандликка, фоҳишибозликка берилиб кетиши турган гап.

Марлейн ҳам бош иргаб турарди, у ҳар сафар биздан мана шундай даккидашномлар эшлишига мажбур бўларди.

Бетти билан Ник эса келмай қўйишганди.

— Биз яна оёққа туриб олдик, янги воқеалар билан доимий тўқнашувлар бизга зарардан бошқа нарса бермайди.

Ўзларининг ўн икки ва ўн тўрт яшарлик кичик болаларини улар бутунлай одоб-ахлоққа ўргатиб олишганди.

— Гиёхвандлик ҳақида нима билсак биз ҳаммасини яширмасдан сўзлаб берардик. Қўшиб-чатиш йўқ эди, бўлмаса улар бизнинг: “Героиндан узоқроқ юрганинг яхши” деган гапларимизга кейинчалик ҳам ишонмай қўйишарди.

Бу гап юрагимга маҳкам ўрнашиб қолди, мен гиёхвандлик ҳақидаги китобчани сотиб олдим ва уни Брамметье билан Йосинга ўқиб бера бошладим.

Бир куни кечқурун (бу — мартнинг охирлари эди) бизга Марлейн қўнғироқ қилди.

— Сиз билан гаплашсам бўладими?

— Албатта, — деди Симон, — фақат қачонлигини айтсанг бўлгани.

— Ҳозир, — деди у, — чунки кейинга қолдириб бўлмайдиган бир иш чиқиб қолди.

— У бир ўзи келарканми? — сўрадим мен.

Марлейн бир ўзи келди. Одатдагидек, ичидаги гапни у осто надаёт тўкиб солди.

— Кета олишимга яна бир оз пул бериб тура оласизларми?

— Аввал ўтирижам тусда деди Симон.

У сигарета чиқарди-да, шу заҳоти ўзини оқлаб кетди:

— Ҳа, мен яна чекаяпман, қўл боласини ҳам... мана, қай даражага бориб қолдим, Давиднинг кетидан илакишидим, ишни ҳам ташладим. Йижтимоий соҳада ишлаш — чакки эмас. Еганинг олдингда, емаганинг кетингда. Кўз ёши тўкиш ва гиёхвандлик моддасини озгинадан истеъмол қилишнинг кўрқинчли жойи йўқ деб айюҳаннос солиш — бу итнинг ҳаётига ҳам арзимайди. Бунақа клубдан кўра стюардесаликка ишга кирганим минг марта афзал. Клубда нима — бошимдан кечирганларни айтиб, болаларни йўлдан уришми?.. Ё товба, нимадан бошласам экан-а?

— Менимча, охиридан бошлаганинг яхши, — деди Симон. — Энди мажолинг қолмаган, сен кетмоқчисан. Қолаверса бизга кетишинг сабабини айтиб ўтиришингга ҳожат ҳам йўқ. Агар истасанг, биз шунчаки сенга ёрдам берамиз.

У бир нуқтага тикилганча узоқ жим қолди.

— Балки айтиб ўтиришимнинг ҳожати ҳам йўқдир, — деди у ниҳоят, — лекин буни мен ўзим айтиб бергим келаяпти. Шартта олиб, жўнаворишига курбим етмаса керак деб ўйлайман. Сизлар мени билмайсизлар... Сизлар менинг гиёхвандлик ва яна бир нималар қилишимни... кейин маҳсус марказда бўлганимнигина биласизлар, холос... лекин сизлар мени билмайсизлар.

Қиз бирдан қув оқариб кетди ва мен бориб унинг ёнига ўтиридим.

— Марлейн, — дедим мен, — сен ўзинг ҳақингда нима демоқчисан?

У ютиниб қўйди-да, сўзлай бошлади:

— Тўрт йил олдин мени операция қилишганди. Пушт шамоллаши... албатта, операцияга мен шундоқ борганим йўқ... Аввалига мени уйда дорилар билан қийнашди, лекин бу ёрдам бермади, шунинг учун кесишига тўғри келди. Бутунлай эмас, буйракнинг биттасини кесишиди, иккинчисидан нимадир қолдиришибди. Шундан кейин бола масаласи мен учун ҳал бўлган, деган қарорга келдим. Тўғри, қандайдир эҳтимоллик ҳам ҳали йўқ эмасди, лекин буни мен шундай ўйлар эдим. Аслини олганда эса, менинг бутун вужудим... мен мана бунақа озғинман, мана бунақнги кичкинаман... Кейин, касалхонадан кейин мен ҳалиги марказга ўтдим, мени даволаган доктор шундай қилди, бир йилдан кейин эса ўқишини тугатиш учун мактабга қайтдим. Хуллас, мендан ҳеч нарса қолмаганди, Давидни учратганимда эса, ўйладим: балки биз биргаликда... тузук йигитлар менга қарашни ҳам исташмайди. Қисқаси, ўзимни ўтга-чўққа ураддим-у, уринишларим бари нотўғри бўларди, буни мен узук ҳангомасидан кейин англай бошладим. Мен орқага қайтармоқчи бўлдим, бироқ ҳеч нарса чиқмади, шунда агар у билан қоладиган бўлсан, ўлишим аниқлигини тушундим, ўзи бундан кейин бундай давом этиши ҳам мумкин эмасди-да. — У жим бўлиб қолди ва бизга илтижонамо нигоҳ билан қараб қўйди. — Хуллас, бўлиши мумкин бўлмаган нарса, ҳар ҳолда мен шундай ўйлар эдим... яъни, шу маънодаки... мен барibir ҳам ҳомиладор бўлиб қолдим.

Хомилмадор бўлиб қолибди... бу иккаласи... жўждадеккина жисм... чақалоқ...

У қўлини тиззасига қўйди-да, паст товушда деди:

— Кўрқишиш керак эмас, менимча, бу жуда зўр иш. Мен буни билганимга икки ҳафта бўлди, бола бўлиши мен учун жуда яхши нарса... лекин сизлар тушунасизлар-ку, Давид билан буни сира эпақага келтириб бўлмайди.

— Биз тушунамизми, йўқми, нима фарқи бор, — деди Симон. — Биз умуман бирон нарса тушунишимиз шарт эмас. Ҳатто мана бу чақалоқ, невара-миз — бу сизларнинг шахсий ишингиз.

— Менинг ишим, — деди Марлейн қатъий оҳангда ва қўлини тиззамдан олди.

— Сен бу тўғрида Давид билан гаплашдингми?

Унинг юзи учиб-учиб тушди.

— Ундей бўлса, қачон у гаплашишга қобил бўлса, менга айтарсизлар. Йўқ, мен ўзим бир қарорга келганман, бундан кутулмоқчи эмасман... аммо нарко-ман ота ҳам менга керак эмас.

— Ахир у қачонлардан бери наркоман-ку, — деди Симон.

— Ҳа, лекин ҳали ҳомиладор бўлмаган пайтларимда, менга фарқи йўқ эди, чунки мен ҳам шундан ўлиб кетишим мумкин эди. Лекин энди, мана бу бола билан... йўқ, мен ундан кетаман.

Биз жим эдик. Мен ҳомиладорлигимни ўзим айтиб беришим керак бўлган ўша олис оқшомни эсладим. Аввал Симоннинг ота-онасига айтишим керак эди — чунки ўқишимга улар пул бериб туришганди, балки яна шунинг учун бўлса керакки, ойимнинг жаврашларидан мен айниқса кўпроқ қўрқардим. Мен бир ўзим у ёқقا боришим мумкин эмасди, йўқ. Симон эса оғзига қатиқ ивитганча ёнимда бошини солинтириб ўтиради. Ҳа, мен ҳомиладорман, лекин кетишимга озгина пул беринглар, чунки мана бу лапашангга турмушга чиқиши хоҳламайман, деб айтиш учун менга жасоратнинг кераги йўқ эди. Мен Симонга қарадим ва унинг юзидан у ҳам шу нарсаларни ўйлаётганини англадим. У менга им қоқиб қўйган эди, мен хандон ташлаб кулиб юбордим.

— Узр, Марлейн, — дедим мен айборларча, — лекин биз эрим иккализ... бизлар бир нарсани баравар эслаб... биласан, Давид ҳам дунёга бир қадар фалати тарзда келиб қолганди. Тўғри, у пайтлар бошқача эди, лекин мен сенга айтмоқчиманки... Ҳамма нарса ўзгариб туради, одамларнинг ёши улгаяди. Аммо бир нарсани билмайсан: бу бола Давидга бошқача таъсир қилиши мумкин.

— Давид қачон балогат ёшига етаркин деб қараб ўтираманми? Балки бу бир ҳисобдан жуда ажойиб нарсадир, лекин мен бу ўйиндан чиқиб кетганиман.

— Бўпти, — деди Симон, — демак, ишлар шунаقا де. Хўш, мен сен учун нима қилишим керак?

У қаддини ростлади, чуқур нафас олди ва шу аснода миясига зўр бир нарса келгандек оғзини очганча қотиб қолди.

— Бўлмаса-чи, мен кетишим керак эмас! — ҳаяжон билан деди у. — Афтидан, бутунлай эсимни еб қўйибман! Бу менинг хонам-ку! Уни мен ижарага олгандим, ижара ҳақини мен тўляяпман, ундаги ҳамма нарсалар эса менинг ўзимга қарашли. Уларнинг ҳаммасини битта-биттадан, тежаб-тергаб ўзим сотиб олганман, чунки Давиднинг пули доим гиёҳвандликка кетар эди. Унга тегишли бўлган ягона нарса — бу унинг матраси. Бўлмаса-чи, мен кетишим керак эмас, у кетсин. Кўрдингизми, қанақа бўляяпти, ҳамма нарса мендан чиқишига ўрганиб қолган эканман, қўлини қовуштириб ўтиришга асли мен ўзим йўл қўйиб берганман... Йўқ, бўлди, у кетсин, мен қоламан...

У шахт билан ўрнидан турди.

— Сизларникига келганимдан хурсандман. Менга ёрдам бермоқчи бўлганларингиз учун катта раҳмат, лекин мен энди сизларнинг ёрдамингизга муҳтоҷ эмасман, ана шунаقا.

Симон Марлейнни кузатгани кетди, мен эса қандайдир хатоликка йўл қўйганимизни сезиб, хонада у ёқдан-бу ёқقا зир югурадим. Эрим қайтиб келгач, мен унга ташландим.

— Давид нима қилади? Наҳотки у уйдан ҳайдаб чиқарилишига индамай қараб тураверса?

— Мен қаёқдан билай? — деди Симон, — бу Марлейннинг қай йўсинда иш кўришига боғлиқ.

— Бўпти, мен айтиб бераман сенга унинг қай йўсинда иш кўришини. У уйга боради-да, Давиднинг нарсаларини сумкага тиқади ва “ҳани, туёғингни шиқиллатиб қол!” дейди. Иймоним комилки, ҳар нарсага осонликча кўнавермайдиган ўжар Давид эса ҳамма нарсани остин-устун қилиб ташлайди, камига уни дўппослайди ҳам. Биз бунга йўл қўйишимиз мумкин эмас! Қизгина ҳомиладор!

Симон узоқ сукут сақлади-да, сўнг деди:

— Шунча йиллар давомида сен нималарни ўргандинг ўзи? Нима учун гуруҳда, биз ҳеч қачон олдиндан фол очмаслигимиз, ҳали етиб келмаган вазиятни олабўжи қилиб кўрсатмаслигимиз керак, деб вайсайсан? Ҳозир — мана, гап ниманинг устида кетаяпти. Биз эса ҲОЗИР ҳаёт тизгинини ўз қўлига олмоқчи бўлаётган катта ўшдаги хотин билан муомала қилаяпмиз. Гарчи жуда ҳам узоқни кўзлаб иш тутолмаётган бўлса-да, аммо ЎЗ ЙЎЛИДАН ЮРИШГА ИМКОН

ЯРАТИБ БЕРИШ керак! Ишонмасанг Геррига қўнғироқ қилиб сўраб кўр, у ҳам сенга худди шу гапни айтади.

Менинг тарс этиб ёрилишимга ўзи шу Герри етмай турувди.

— Герри, — дедим мен, — у ҳаммасини шунақанг яхши биладики! Лекин у дам-бадам қийин ҳолатларга тушавермайди-ку. Унинг ўғли ўлиб кетди: энди унинг бошига нима тушиши мумкин? — Мен қўрқиб, тилимни тишладим. Ҳали мен Герри тўғрисида шундай фикрда эканман-да. — Эй худо, нималар деяпман ўзи, Симон! Мен уни шундай ҳурмат қиласманки...

Симон қошини кўтариб қўя қолди. У менга нима деб ҳам жавоб бера оларди?

— Симон... — журъатсизгина гап бошладим мен.

— Биласанми, нима... — сўзимни бўлди у, бироқ ҳисларини барибир сўзлар билан ифода эта олмай бошини чайқаб қўйди-да, эшик томон йўналиб деди: — Мен ётиб ухлайман.

Танҳо ўзим қолгач, миямда фикрлар ғужғон ўйнай бошлади. Наҳотки, мен Геррини ёмон кўрсам? Мен героин истеъмол қиласиган икки бирдай ўғли бўлган Энни билан Майкни эсладим: “Гоҳо биз шу иккалови ўлиб кетса ҳам рози эдик деб ўйлаймиз...” Агар улар менинг миямда яшириниб ётган фикрларни изҳор этишган бўлса нима қипти? Йўқ, бу ҳаддан ташқари жирканч ҳол. Ҳозир соат неча бўлдийкин? Марлейн уйига этиб олган бўлса керак, ҳар ҳолда. Ҳозир у ерда қандай савдолар бўлаётганини хаёлан тасаввур эта бошладим. Давид эши-тиб туриди: мана, марҳамат қилиб кийимларингни ол, бор-йўқ нарсанг шу, холос, чунки қолган ҳаммаси менга қарашли. Энди сен билан туришимнинг ҳеч қандай маъноси қолмаган... Давид-чи... аввалига гумдон бўлгани чиқиб кета бошлайди, кейин зинапояда тўхтайди-да, изига қайтади. Сенга тагин нима керак, мен айтдим-ку, сен билан яшашни хоҳламайман, деб... Менга матрасим керак... Э-ҳа, матрасми? Худо ҳақи, ҳов ана, дераза очиқ туриди. Ана, кўчада ётиби матоҳинг. Шўрлик қизгина! Эй худо, унинг зарбасидан қиз хонанинг нариги бошига учеб кетади. Яримта пуштли, жўжадеккина жуссали бу қиз боёқиши ҳомиладор-ку! Бунақалар қандай ҳомиладор бўларкин-а? Лекин у Давиднинг зарбасидан хонанинг нариги чеккасига учеб кетади, Давид эса худди Кинг-Конгдай, ҳамма нарсанинг дабдаласини чиқаради, ерга улоқтиради ва охири эшикни қарсиллатиб ёпали-да, зинадан пастга гумдон бўлади. “Шунча йиллар давомида нималарни ўргандинг ўзи? Нима учун гуруҳда, биз ҳеч қачон олдиндан фол очмаслигимиз, ҳали этиб келмаган қийин вазиятларни олабўжи қилиб кўрсатмаслигимиз керак, деб вайсайсан?” Ҳа, сенга гапириш осон, бошингни адёлга буркаб, иссиққина кўрпада маза қилиб ётибсан... Давид эса кўчама-кўча дайдиб юриди, мана бу шайтонга дарс берадиган қиз уни уйидан ҳайдаб чиқарган. Агар у қайтиб келиб, қизни яна ургудек бўлса, унда қизнинг ўзи айборд бўлади...

Агар у қайтиб келса... мана шу фикр миямдан сира нари кетмай қолди. Агар у қайтиб келиб, яна қизни ургудек бўлса... Эй қодир эгам, бунга йўл қўйиб бўлмайди! Мен у ёққа бормасам бўлмайди... Йўқ, мен аралашмайман, лекин мен у ёққа бормасам бўлмайди, бирон кор-ҳол бўлгудек бўлса, ёрдам бергани у ерда кимдир бўлиши керак.

Мен йўлакка ситилиб чиқдим-да, пальтомни кийдим. Секин, фақат секин, Симон ҳеч нарсани билмаслиги керак. Эшикни ҳам жуда эҳтиёткорлик билан очиб, эҳтиёткорлик билан ёпиш керак. Бофкўча эшиги гичирламаслиги керак, шунинг учун девордан ошиб тушаман. Хайриятки, машина бурчак ортида экан, мен жўнаб кетганимни Симон эшитмайди. Мен бошқа томонга кетиб борардим. Тунги соат бирда Схевенингеннинг қоқ марказига қандай бориб қолганимни ҳам билмайман. Мен ҳар доим ҳаракати бир томонлама кўчага тушиб қоламан. Ниҳоят, бир кўча фонари тагида тўхтадим-да, харитага кўз югуртира бошладим. Таниш номларни қидириб топиш учун харита устидан бармоғимни юргиза бошладим. Мана, Бадхейавег, бу ерда бизнинг тиш докторимиз яшайди. Дарвоқе, эсадан чиқмасин: Давиднинг тишлари, уни даволатиш керак. Мана бу ерда... улар шу ерда туришади...

Илгари мен машинани Кеесларнинг кўчасида худди шундай қолдирар эдим, кўзга ташланмасин деб анча нарига, бошқа автомобиллар орасига кўярдим. Лекин бу гал зинада ётган Давиднинг матрасини тез пайқаш ниятида машинани анча яқинроқ жойга кўйдим. Юрагим симиллаб кетди. Демак, барибир... агар шу нарса содир бўлган бўлса, қолганлари ҳам ўз-ўзидан маълумми? Бу мараз қиз барибир ўғлимни ҳайдаб чиқарибди-да. Давид эса уни дўппослаган.

Мен кута бошладим. Тепада чироқ йўқ эди. Марлейн ўша ердамикан? Ёки кетганмикан? Давид яна қайтиб келармикан? Йўқ, мен бу ердан бир қадам ҳам жилмаслигим керак, мен шу ерда бўлишим керак.

Ойна жарангидан мен чўчиб уйғониб кетдим.

— Бузуқ! — қулоғимга қичқириқ чалинди. — Бузуқ! Ҳароми!

Аввал мен юқорига, иккита синиқ деразали Марлейннинг қаватига қарадим. У ерда чироқни ёқишиди-ю, дарров учирашиди. Қўшни уйларда ҳам чироқлар ёнди. Мен дарча ойнасини тушириб, кўчага кўз солдим. Кўчада зоф учмасди. Бир оздан сўнг бутун қолган ягона дераза олдида Марлейнни кўрдим, у деразани очди-да, пастга осилди.

— Давид... — Унинг овозида ялиниш оҳанги бор эди. — Давид... кет...

Кўшни хона деразаси ҳам ланг очилди.

— Мен полицияга қўнғироқ қилдим, эшитаяпсизми, хоним?..

Марлейн фижинганча қўшнига қараб кўйди ва ҳеч нарса деб жавоб бермай, ўша заҳоти нигоҳини кўчанинг қарши томонига тикди. Мен ҳам ўша томонга қарадим. Иккала дўкон ўртасидаги кавакка ўхшаш жойда, афтидан, Давид яшириниб олганди.

— Хоним, мен полицияга хабар қилдим...

Марлейн “ишингни қўлсанг-чи” дегандек яна газабли қараш қилиб кўйди, кейин шиддат билан деразани шарақлатиб ёпди.

“ Шу заҳоти яна синган шиша жарангни эштилди, бу гал кўчанинг нариги томонидан келди овоз. Чироқлари порлаб турган витрина олдида бирдан қандайдир одам гавдаси пайдо бўлди. Унинг бир қўлида курсича бўлиб, оёқчалари жанговарона олдинга чиқиб турарди. Бир лаҳза... мен Давидни танишим учун шу бир лаҳзагина вақт кифоя эди. У бир лаҳза тепага қараб турди-да, кейин тескари ўтирилди ва тўғри келган машина ва яқин орадаги уйларнинг деразаларини биттама-битта қийратса кетди. Қўлини чап томонга қараб қуличкашлайди — ойна жангирлаб синади, ўнг томонга қараб қуличкашлайди — автомобил томига зарба тушади. Гумбурлаган ва жангирлаган овозлардан одамлар уйлардан ютуриб чиқишиди, улар қичқиришарди, бироқ хавфсизроқ масофада бир-бириларига қисишиб туришарди. Тепадаги ойна олдида яна Марлейн пайдо бўлди. Тўсатдан унинг: “Дави-и-и-д!” деб қичқиргани қулоғимга чалинди, бу оддий қичқириқ бўлмай, кўпроқ ёрдам сўраб қилган қичқириқ ўшшарди, бироқ Давид тўхташни хаёлига ҳам келтирмаётганди. Ҳалойиқ аста у томонга силжиб борди, ҳамма қулоғини динг қилганча пастга тушиб келган қўшнининг гапларини тингларди. Модомики Марлейн унинг такаллуф билан кўрсатган ёрдамидан юз ўғирдими... ҳаётда ҳар доим рақиб қўшни шай туради.

— Бу жувон бирга яшайдиган йигит бор-ку, иккаласи қачон қараманг жик-қамушт. Эрталаб қорасини ҳам кўрмайсан, тунлари эса гумбур-гумбур. Бу ча-ласаводларнинг бўлган-тургани шу, ўзгармайди, нафақага кун кўради, ўз-ўзидан маълумки, ҳеч қанақа иш қилишмайди... Ярим йилдан кейин эса ҳаётга бутунлай яроқсиз бўлиб қолишади. Кечаси чекишиади, ўзларига игна уришиади, кундузи уяларида қилт этмай ётишиади... Бу иккаласи жонимни кекирдагимга келтириб юборди...

— Лекин мен ҳар куни қизнинг уйдан чиқиб кетаётганини кўраман.

— Ҳа, бошда шунаقا эди, кейин эса бусиз ҳам куни ўтиши мумкинлигини у тушуниб қолди.

Марлейннинг ичкаридан қандай қараб турганига кўзим тушди. У пастдаги оломонга ғазаб билан қараб кўйди-да, кейин ҳадиксирабгина интизор нигоҳини Давид томонига тикди. Марлейн яна деразани очди.

— Давид...

Пастда киноя билан унинг гапини илиб кетишиди:

— Давид! Уйга бор! Кўрпа мунтазир...

Бироқ Давид кўчани кесиб ўтиб, подъездга яқинлашгач, одамлар қўрқиб нариги томонга кўчиб ўтишиди. Мен яна Марлейннинг одамларга нафрат ва истеҳзо билан қараб турганини кўрдим.

— Полиция! — қичқириқ янгради. — Хайрият-е!

Машина тротуарга кириб келди-да, Давидни деворга сиқиб қўйди, ундан полициячилар тушиб, Давидни қўлга олишга ҳаракат қила бошлиши. Давид курсичани ҳар томонга сермаб, ўзини олиб қочарди. Яна бир машина келди, яна тўртта полициячи тушди. Улардан бирига курсича зарбаси келиб тушди, мен унинг бошини чанглалаганича машина ичига кириб кетганини кўриб турардим. Полициячилар Давиднинг устига ёпирилишиди, Давид ерга йиқилиб тушса-да, оёқ ва қўлларини баравар типиричилатиб, ўзини боғлашларига йўл кўймасди.

Машинамнинг шундок ёнгинасидан мен яна Марлейннинг: “Дави-и-ид!” деб қичқирганини эшитдим. У Давид томон югуриб борарди, бироқ учинчи машинадан тушган тўрттала полициячи уни ҳам тутиб олди. У йиғламасди ҳам, ўзини ҳар томонга урмасди ҳам, уни бемалол бир четга олиб ўтишиди, Марлейн унинг иккала қўлидан тутиб турган икки полициячи ўртасида тик турарди. Бу тўртлик ичидан иккитаси жароҳатланган ҳамкасларига ёрдамга шошилди. Марлейн уларнинг Давидни қандай қўлга олишаётганига қараб турарди. Ниҳоят улар Давидни машинага тиқиши-да, ўша заҳоти ўзлари ҳам машинага сакраб чиқиб олишиди ва ўзларини унинг устига ташлашиди — бу безорини итоатда тутиб турининг ягона имконияти эди. Қаттиқ гувиллаган машина шиддат билан ўрнидан қўзгалди. Жароҳатланган полициячи бошқа машинага ўтириди. Кимдир қўшимча куч чақирди ва бир неча дақиқа ўтар-ўтмас кўчани сиренали-ри янграган полиция машиналари тутиб кетди. Барча уларнинг чироги ёнган, барча деразалардан одамлар осилиб олган. Халойиқ ичida кулги янгарди. Ҳа, кулишар, етказилган зарарни кўздан кечиришар, Марлейннинг уйини бармоқлари билан кўрсатишарди, қўшни киши эса бўлган воқеаларни зўр бериб ҳикоя қиларди. Иккала полициячи Марлейнни уйига олиб борди, Марлейн уларнинг ичкарига киришига рухсат берди.

— Бу бунақа қизларнинг жойи эмас, — қулоғимга чалинди. Бу гапни менинг машинамга суюниб турган қандайдир эркак айтарди. — Ким ўзи у? Эълонларда ёзилган фоҳишами?

Атрофдан ҳиринг-ҳиринг кулги эшитилди. Қизиқчи кулгили гапни илиб кетди-да, ифодали оҳангда дона-дона қилиб “Эълон” ўқий кетди:

— “Анита... ёшгина... оғатижон ва дўмбоққина”, “Қайноқ баданли ўйноқи қорамош беҳад лаззат баҳш эткуси...”, “Барча хоҳишиларингизни қониқтираман, зарурат туғилса фаранглар услубида ҳам...”

Қаҳ-қаҳ кулги янграйди, ана буни шов-шув деса бўлади, бунақаси ҳар минг кечада бир учрайди...

— Тўғри-да, у пул тўлашдан бош тортган, чунки қиз кўнгилдагидай ҳаракат қилмаган, шунда у йигитни матраси билан кўчага ҳайдаб солган... Ҳов ана... қаранглар... матраси ётити.

Улар менинг машинадан узилишиди-да, матрасни кўргани кетишиди. Қаҳ-қаҳ кулги кўтарилиди. Полиция агенти халойиқнинг масхараомуз шовқини остида жўнаб кетди.

— Қочинглар, йигитлар! Четга ўтинглар!

То ўринини бир полициячи келиб эгалламагунча қўшни киши шу тариқа ҳаракатни бошқариб турди. Марлейннидан ҳалиги икки полициячи чиқиб келганида гулдурос қарсаллар янгради.

— Қалай? Қанақа экан? Ширингинамикан қиз?

Яна қаҳ-қаҳ кулги. Полициячилар курсичани ўзлари билан олиб келишган-ди. Одамларга уй-уяларига тарқалиш таклиф этилганига қарамай, ҳеч кимнинг бу завқли томошани ташлаб кетишига кўзи қиймаётганди. Мана, деразаларга дастлабки фанер варақлари қоқиб чиқилди. Яхши қўшничиликдан яхшиси бор эканми дунёда!

— Жон, маҳкамроқ ушла, михни қоқаяпман.

Машиналар соғ-омон турган-турмаганини кўздан кечиришиди.

— Омадим бор экан, биродар, менинг машинам томида ўзи олдиндан пачофи бор эди.

Кимдир супурги билан чиқиб келди-да, шиша парчаларини супура бошлади. Қандайдир бир аёл қўлида синган кактусни туттанча полициячининг изидан йўргаларди.

— Тарқалинглар! Хоним, худо ҳақи, уйингизга боринг!

— Биласизми ўзи, бу қанча туради? Бунақа кактус роса бир неча юз гульден туради-я! Агар эртага келсан, мен ҳойнаҳой товон пули ололмасам керак.

Дастлабки полиция машиналари жўнаб кетди.

— Кимга фанер керак? Менда яна битта қолди.

— Ҳаммага айтиб қўй, эртага кечкурун мавзе бўйича шошилинч йиғилиш бўлади, ўзинг биласан-ку, мана бу манжалақи бу ердан қорасини ўчириши керак...

— Эшитдингми, йигит наркоман экан, ахир буни қўшниси айтди-я.

— Ҳе, йўқ, шунчаки кайфи бор, курсича, эҳтимол, барники бўлса керак.

— Ҳаммасини газли камерага жўнатиш керак, тамом!

— Болаларининг шу даражага етишига сабабчи бўлган ота-оналарини ҳам кўшиб жўнатиш керак!

— Ҳукуматни ҳам!

— Тўғри, ҳукуматни ҳам!

— Битта қўймай газли камерага тиқиши керак!

— Тезлик остонаси¹ қилиб берамиз-қилиб берамиз дейишиди-ю, барибир, қилиб беришмади.

— Йўқ-е, биз мавзени пиёдалар зонасига айлантирилишини сўрагандик!

— Менимча, бу қора тан суринамлик бўлса керак.

— Мавземизга суринамлик қадамини босиб кўрсин-чи, чирпирак қилиб улоқтиармиз.

— Қаёқда суринамлик, кўриниб турибди-ку, оддий наркоман.

— Жонга тегди бу суринамлигиям, наркоманиям!

— Шунга айтаяпман-да, ҳаммасини газли камерага олиб бориб тиқиши керак, деб.

— Ҳа-ҳа, газли камерага тиқиши керак, анови фоҳишани ҳам!

Мен тош қотганча машинада ўтирадим. Ҳеч ким мени пайқагани йўқ. Атрофимда бўлаётган гап-сўзларни эшишиб турган бўлсан-да, уларнинг маънолари миямга бориб етмаётганди. Аҳён-аҳёнда тепага, Марлейннинг деразасига қараб қўяр эдим. Жўждек жуссали ва ярим пуштли миттигина жасур бузуқи жувоннинг деразасига. Мен унсиз, кўз ёшсиз йиглар эдим. Жўждек жуссали ва ярим пуштли миттигина жасур бузуқи жувоннинг ҳолига йиглардим. Жўждек жуссали ва ярим пуштли жувон. Мана шу кўчасини бир чақага олмайдиган миттигина жасур бузуқи жувоннинг, бутун кўча аҳли “мана шулар барчаси” билан кўшиб газли камерага жўнатмоқчи бўлган Марлейннинг ҳолига йиглардим.

Соат тунги тўрт. Деразаларга фанерлар қоқиб бўлинди. Уйларнинг чироқлари ўчди. Кўчанинг иккала муюлишида полициячиларнинг машиналари турарди. Икки агент Марлейннинг уйини диққат билан кузатмоқда эди. Мен сигарета тутатдим-да, жойимдан қўзғолдим. Агентлар мен томон ўгирилиши, лекин қўйиб юборишиди. Кўркқанидан кетолмай туриб қолган деб ўйлашган бўлса, эҳтимол...

Мен машинани муюлиш ортидаги эски жойига қўйдим, бироқ ундан чиқишига сира ҳол-мадорим етмаётганди. Нималар бўлди ўзи? Нега мен ҳеч нарсани сезмаяпман? Бориб, ҳеч нарса бўлмагандек каравотга, Симоннинг ёнига ётиб олаверайми? Кейин эрталабдан, эҳ, бугун тунда ундоқ бўлди, бундоқ бўлди, деб сайраб берайми? Давид ҳали балоғат ёшига етмаган, полициядан бизга қўнфироқ қилишмасмикан? Нега мен Марлейннинг олдига кирмадим?

¹ Нидерландиянинг турар-жой бинолари жойлашган кўчаларда машиналар тезлигини оширмаслиги учун транспорт юрадиган қисми юзасини тўлқин-тўлқин қилиб қўйилади.

Сигареталар тугамагунча чекиб ўтиравердим, шундан кейингина машинадан тушдим. Эшикни қулфладим. Пальтомни илғичга илдим. Зинадан юқорига кўтарилидим. Ётоқхонамизга кирдим. Ўз-ўзидан маълум, Симон уйқуни ураяпти. Агар унга чурқ этиб оғиз очмай, тўғри ёнига бориб ётсан, демакки хеч вақо бўлмаган ҳисоб.

Мен кийимларимни ечмасдан ётдим, ётдим-у ўзимга келишимни, ўзи нималар бўлганини англаб етишимни кута бошладим.

Кейин яна ўрнимдан турдим. Ухлаётган Симонга тикилганча узоқ туриб қолдим. Йўқ, Симонга эмас... Мен унинг хонасидаги телефонга қараб кетдим. Герри ҳа, унга... мен фақат унгагина барини оқизмай-томизмай айта оламан. Мен рақамларни тердим, у дарҳол гўшакни олди.

— Герри, бу Лен...

У томонда аввал узоқ жимлик ҳукм сурди, кейин Геррининг овози эши-тилди:

— Каердасан? Уйдами?

— Ха, уйда... ўзинг биласан, Герри, шунаقا ишлар...

— Яхши, — деди у, — ҳозир бораман.

Мен ҳамма гапни миридан-сиригача хотиржам сўзлаб бердим. Симон билан Жюльет ҳам пастга тушиб келишди. Улар бор-йўғи бир мартагина сўзимни бўлишиди.

— Э ўлиб кетмайдими, — деди Симон, — ўша ёққа бор деб ким сени мажбур қилувди?

Бироқ Герри билан Жюльет бараварига уни жим бўлишга ундали.

— Тсс, майли, гапираверсин, аввал гапириб юрагини бўшатиб олиши керак.

Мен гапимни тугатгандан кейин Герри деди:

— Келинглар, энди ҳамма нарсани унутайлик, фақат бир нарсага эътибор қиласайлик: сенинг гуноҳни ҳис этиш туйгунгга.

Мен ҳайрон бўлиб унга қарадим.

— Марлейн олдидаги сенинг гуноҳкорлик ҳиссингга эътибор қиласайлик. Сен нуқул: “Унинг олдига киришим керак эди...” деб тақрорлайсан. Лекин ҳозиргина сўзлаган нарсаларингга қараганда, унга сенинг мутлақо керагинг йўқ экан-ку.

— Ундан кейин, — деди Симон, — бу ерда яна бир нарса бор... агар сен боланинг орқасидан аввалгидек яна тинмай югураверадиган бўлсанг, бизнинг ҳаракатимиздан нима фойда?..

— Бу гапни ҳозирча қўя турдим, — деди Герри, — ҳаммамиизда ҳам қайталашиб бўлади. Биз, яна, эмаклаб бўлса ҳам олға силжияпмиз, неча ойдан бери ишимиз юришиб турибди, деб ўйлаймиз-да, кейин бирданига бир нарса содир бўлади ва — тамом! — яна қалаванинг учини йўқотиб қўямыз. Гарчи сен энди гуруҳнинг кераги йўқ деб ўйласанг ҳам, гуруҳда биз худди шу қайталанишлар билан шуғулланамиз. Ҳозир сенинг фақат гуноҳкорлик туйғунг ҳақида ўйла-япмиз...

Менинг гуноҳкорлик туйғум. Ҳа, мен Марлейннинг олдига киришим керак эди. Уни ёлғиз ташлаб келмаслигим керак эди.

— Жюльет, — деди Герри, — фараз қилки, сен Марлейнсан. Полициячилар сени уйга олиб бориб қўйишди, кейин кетишди, сен ёлғиз қолдинг, кўчада деразанг тагида эса халойик бақириб-чақириб турибди. Худди шу пайтда агар олдингга ойинг келиб қолганда қанақа бўлар эдинг? Лекин бу ойинг эмаслиги ни эсингдан чиқарма...

Жюльет Геррига жиддий кўз ташлаб қўйди.

— Емон, — жавоб берди у, — илтимос, у энди келмасин. Мен Давидни ўзим йўлга солиб оламан. Ўзимни ўзим эплаганимдан фаҳранаман ҳам. Мен бу полициячилардан ҳам қўрқмайман...

Герри уйига, Жюльет мактабга, Симон эса ишига кетди, мен эса душда чўмилиб, оппоқ кийимлар кийиб, кундалик юмушларга шўнғидим. Агар қўнғироқ қилиб қолишса, ўзимни оқсоқ деб айтаман дея аҳд қилиб қўйдим: “Хоним, С. нинг хонадони. Ўғли Давидми? Яхши, жаноб, мен ҳаммасини хонимга етка-

заман”. Вақтдан ютиш керак. Улардан узоқроқ бўлиши керак. Содир бўлаётган ишлардан бошим айланаб қолганда саросимага тушиб қолишимга йўл қўймаслигим керак.

Уйимиз олдига такси келиб тўхтади, ундан Марлейн тушиб келаётганини кўрдим. Зич қилиб тўлдирилган пластик сумкани кўтарганча у нотекис одимлар билан эшигимиз томон кела бошлади. Эшикни очган эдим, у мени дарҳол уй ичига қараб туртди.

— Мен уйга кирмайман, — деди у, — такси кутиб турибди. Менинг сизга айтадиган икки оғиз гапим бор, холос. Давид, уни полиция олиб кетди, хуллас, бўлар иш бўлди... Лекин мен сизга бошқа гап айтмоқчиман: у “метадон лойиҳаси”¹ бўйича даволанаяпти, соат ўн иккida у томчилама уколини олиши керак. Лекин агар уни полицияда ушлаб қолишса, у бу уколни ололмайди. Кимдир у ёқقا бориб, уни чиқариб олиши керак, шундагина Давид уколни олиши мумкин.

Ҳар гал Марлейн ҳаммасини устма-уст қалаштириб ташлашни яхши кўради. Ҳозир ҳам қаёқдаги гаплар: мусибат, полиция, метадон лойиҳаси, томчилама укол. Лекин мен сир бой бермадим.

— Таксини жўнатиб юборолмайсанми? Ўн беш дақиқалардан кейин бошқасини чақиравсан.

Шахтидан тушиб, у кўчага йўналди ва таксичи билан ҳисоб-китоб қилиб, қайтиб келди.

— Яхши, балки бўлган гапни бир бошдан сўзлаб берганим дурусттир.

Ўз кўзим билан кўрганларим ҳақида чурқ өтиб оғиз очмадим — майли, сўзлаб бера қолсин.

— Шундай қилиб, кеча кечқурун уйга келдим, мен ҳомиладорлигимни айтиш ниятида эмасдим, лекин ишлар тескарисига олиб кетди, Давид ҳали йўқ эди, у мендан кейин роса бир соат ўтганда келди, келди-ю, томдан тараша тушгандай, “нега бунча жингиртоб бўлиб кетаяпсан?” деб сўраб қолди. Орадан икки дақиқа ўтар-ўтмас иккаламиз қаттиқ ғижиллашиб қолдик. Бир-биримизга таъналар ёғдира кетдик, ғазабимга чидолмай бақирдим, ҳомиладорман дедим. Шунда жуда қизиқ иш бўлди — бирданига сув қуйгандек жимлик чўқди. Давид миқ этмай қолди, ҳа, миқ этмай қолди. Шунда мен ётиғи билан ўзимнинг аҳволимни ва болани ташлашимни тушунтиридим унга. Наркоманлар орасида наркоман бўлиб юришга сен ўзингни қанчалик ҳақли деб ўйласанг, мен ҳам шу йўлни танлашга шунчалик ҳақлиман, дедим. Шунда у: “Келиб-келиб бу гапни айни ҳозир... мен мана бу метадонни бошлаганимда айтасанми”, деди.

“Сенинг метадонинг билан нима ишим бор? — дедим мен. — Мен ундан ҳомиладор бўлганим йўқ-ку. Метадонингни давом этдирасанми, йўқми, бу ёғини ўзинг ҳал қил, менинг ҳомиладорлигимнинг бунга қилча алоқаси йўқ, ўзимнинг бу янги ҳолатимда сен билан қолишим керакми ёки йўқ — мен мана шуни ҳал қилишим керак... гап шу: мен сен билан қолмайман”. “Ҳаммаси равшан, — деди Давид, — демак, бу менинг болам эмас”. Мен шунақанги хўрланиб кетдимки... шунақанги довдираб қолдимки... мен... мен ҳеч нима дёёлмай қолдим. “Сен қип-қизил фоҳишасан, — давом этди у, — бу бола Фрэнкдан бўлган! Бўлмаса-чи, шундай бўлгач, ростданам кетишинг керак-да, чунки қора танли чақалоқни сендан бўлган деб қандай айта олардинг ҳам”. У-ку ўзини бир оз сипо тутиб гапираётганди, лекин мен чидағ туролмадим. Фрэнк — бу суринамлик йигит бўлиб, суринамлик наркоманлар билан бирга ишларди. Ўзи жуда ажойиб бола, мен кўпинча у билан Давид тўғрисида гаплашаман, ҳар замонда бизнигiga келиб ҳам турарди. Фрэнк... бу қанақа разолат, мен тентак бўлиб қолаётдим. Давид эса одамни ерга уришни жонидан яхши кўради. Бир оғиз ҳам сўз айтмай зинадан “дуп-дуп-дуп” тушиб кетишлар, эшикни қарсилатиб ёпишлар ва бирон жойга бориб ўзига укол қилишлар, унга фарқи йўқ, метадонми у, сетадонми... Айнан Давид шундай ишни қилди-да. Фақат уни кўришар экан

¹ “Метадон лойиҳаси” — наркоманияга мубтало бўлган беморларга ёрдам кўрсатиш дастури. 70-йилларда Фарбий Европа ва Шимолий Америка мамлакатларида қабул қилинган. Кейинчалик бу дастур самарасиз деб топилган.

ўша ерда. Менинг шунақсанги ғазабим қайнаб кетдики, изидан ўқдай отилдим, эшик лўқидонини суриб қўйдим ва тепага учеб чиқдим, миямда биргина ўй: бўлди, Давидга қарашли ҳамма нарсани деразадан улоқтираман. Унинг асли нимаси ҳам бор эди дейсиз, биргина матрас... Кейин эса... афтидан, ичиб олганди, лекин укол олмаганди, чунки укол олганида бунақа жиннилик қилмасди. У қайтиб келди, деразани синдириди... полиция келди-да, тутиб олиб кетди.

Марлейн у одамларнинг шу кечаси қанақсанги адоватли гаплар қилгани тўғрисида лом-мим демади. Унинг ўғлимнинг отини айтиб, “Дави-и-ид!” деб қичқирганида мен ҳис қилган ундаги ташвиш ҳақида ҳам чурқ этмади. Ўғлимни ҳам қўлларидан, ҳам оёқларидан ушлаб машинага тиқишиганда қанчали ёлғизлиқ қилганига ақли етиб тургани ҳақида ҳам бир сўз айтмади. У сукут сақларди, бу орада мен ҳаммасини бошқатдан пухта ўйлаб олдим. Давиднинг метадон қабул қила бошлагани унинг гиёхвандликка қайта ружу қилишга уринаётганидан дарак эди. Бироқ янгича усулда ўзига игна уриш учун Давид шу пайтгача доим узрли сабаблар қидириб келаётганди. Бугунги тун айнан ана шундай узрга сабаб бўлган эса-да, шунга қарамасдан у ўзига игна урмаганди...

— У кечаси гиёхвандлик қилмай келди дедингми?

— Ҳа! — Марлейннинг овози деярли кувноқ жаранглаб чиқди. — Шунинг учун кимдир у ёққа бормаса бўлмайди. У ўзининг метадонини олишга мутлақо ҳақли. Кимдир бунга жон кўйдирмаса бўлмайди.

Мен ундан, нима учун ўзинг ўша “кимдир” бўлишни хоҳламаяпсан, деб сўраб ўтирамадим. У бир қарорга келиб бўлганди. Давид билан унинг янги учрашуви фақатгина аҳволни ёмонлаштиради, холос. Қўлидаги сумкачаси айни пайтда ўзи кетишга қарор қилганидан яққол гувоҳлик бериб турарди.

— Қаёққа кетаяпсан? — сўрадим мен.

У елка қисиб қўйди.

— Ҳўш, қаёққа кетаяпсан ахир? — такрор сўрадим мен.

— Фрэнкнинг олдига... бошқа қаерга ҳам борарадим? Сизнигiga келмайман-ку, тўғрими?

— Ҳоҳласанг, бир оз муддатга “карвон”да яшашинг мумкин.

— Мен-а? “Карвон”дами? Бир ўзим-а? Э йўқ, раҳмат, мен ёлғиз туролмайман, мен одамлар билан бирга бўлишим керак.

Мен хўрсиндим, у менга қараб жилмайиб қўйди.

— Ана шунда ҳамма учун яхши бўлади, — деди у, — аввал Фрэнкнигida тура тураман, унинг эса танишлари тиқилиб ётиби, бирон жойга бориб жойлашарман, кейин эса нарсаларимни оливоламан, чунки мана бу сумкача билан... — у сумкачани хийла кўтариб қўйди, — бир оз ваҳимада қочиб қолдим. Керак нарсани мен, табиийки, эсимдан чиқаргандим...

— Сенга нима керак эди ўзи?

— Уҳ... ювиниш буюмлари, сочиқ, ички кийимлар, яна баъзи кийим-кечаклар... ҳаммадан алам қиласидан жойи шундаки, мен чек дафтарчасини қолдирбман, бўлмаса-ку эсимдан чиқмасин деб атайдан алоҳида жойга қўйиб қўйгандим-а.

— Унда сен қайтиб боришинг керак... ҳар дақиқада Давид келиб қолиши мумкин бўлганда ҳам. Унда калид борми?

— Ҳа, лекин уни ҳали-вери қўйиб юборишмайди.

— Бунақа содда ўйлама, Марлейн. Агар полиция ҳар кимни узоқ ушлаб тураверса... У ҳеч кимни ўлдирмаган, у ойнани синдириган, машинани пачоқлаган, балки битта-яримтани жароҳатлагандир, лекин шу пайтгача полиция уни бирон марта ушлаб турмаган. У ўша ерда ухлаб чиқади, уни сўроқ қилишади, кейин шартли хукм билан қаёққа борсанг боравер деб қўйиб юборишади. Балки метадонини қабул қилиш учун айни вақтида келиб қолар ҳам.

— Сиз қаердан биласиз? — ҳайрон бўлиб сўради Марлейн.

— Мен Давидга ўҳшаганларнинг ота-оналари қатнайдиган гуруҳга бориб тураман.

Қиз ўйчан бош иргади.

— Ҳа, Давид айтар эди-я... — Кейин бирданига асабийлашди. — Унда, демак, мен... лекин бугун мен бу кўчага изимни босмайман. Илтимос, менинг ўрнимга сиз бора қолинг бўлмаса?

- Таксида у нимани қаердан топиш кераклигини тушунтириб берди.
- Чек дафтарчасини эса мен ё даҳлизда, ё ошхонада қолдирганман.
 - Марлейн, охирги марта сўраяпман: сен мен билан кетмайсанми?
 - Йўқ-йўқ, илтимос, мени Фрэнкнигига элтиб қўйинг.

У кўчадан, ёки тўғрироғи, Давиддандир? — шунаёнгиги юрак олдириб қўйган эдики, мен уни ортиқ қисталанг қилишга журъат этмадим. Мен уни Фрэнкнигига олиб кирдим ва ҳайдовчидан мени муюлишда кутиб туришини илтимос қилдим. Орадаги масофа унчалик узоқ эмасди ва мен уй томон йўл олдим, ҳарқалай ҳамма нарсани яхшилаб кўриб олишимга имконият бор эди. Деразаларнинг кўпчилигига аллақачон кўз ўрнатиб қўйилганди, унда-бунда ҳали ҳам ойна синиқлари ётарди, лекин жиддий зарар етган машиналар кўзимга ташланмади. Иккита хотин уйларининг очиқ эшиклари олдида гап сотиб турибди. Ёнларидан ўтаётганимда улар жим бўлиб қолишибди, лекин бунда ҳеч қанақа газаб ё нафратдан асар сезганим йўқ. Мен эшикни очиб, ичкарига қадам қўйдим. Жавон тўрдаги хонада, деганди Марлейн. Ҳаммаси курси устига осиб қўйилган. Йўқ, аввал чек дафтарчасини топишим керак. Мен ошхонани қидириб кўрдим, бироқ у ерда йўқ эди. Балки, даҳлиздадир. Аввал уриб синдирилган деразалар олдига бордим. Марлейн шиша синиқларини йиғиштириб ултурганди. Совуқ бўлишига қарамай исиб кетдим. Марлейн бу уйга қанчалик меҳрини бериб яшамабди-я! Деворларга эстампалар, фотосуратлар ва расмлар осиб қўйилганди. Мен унинг расм чизиш қўлидан келишини билмас эканман. Ёки бу ишларнинг барчаси Давидникимикан? Йўқ, Давид бундан кўра яхшироқ чизади... Жавончалар мовий рангга, тахта пол эса оқ рангга бўялган. Полда бинафшаранг ёстиқлар ва ўсимликлар, ҳар томонда кўплаб майда ўт-ўланлар кўзга ташланади. Столда эса бир уюм китоб. Мелли Эйлдерт¹, “Астрология”, “Уй гомеопатия доктори”, “Эвритмия”, соғлом ҳаёт тарзини тарғиб этувчи кичик-кичик жаридачалар ва “Сонлар ҳокимиияти”... Каминда ишлов берилмаган тошлар йифноғи. Мен тошларни биттами-битта қўлимга оламан. Бу қизалоқ ажаб қизалоқ кўринади, ёлғиз яшашдан қўрқади-ю, шу билан бирга ўзи учун кошона яратишга чечангина...

Чек дафтарчасини мен Бах ноталари очиқ ҳолда ётган скрипка пюпитри устидан топиб олдим. Бу аҳволда кулишингни ҳам, куйишишингни ҳам билмайсан, одам. Мен чек дафтарчасини сумкага солдим, топиб олган ноталарни эса битта қилиб тахлаб қўйдим. Скрипканинг шундоқ ёнгинасига. Марлейн бундай қилишимни сўрамаганди, бироқ азбаройи менинг олдимда шунчалик дардини очиб солганидан унинг учун нимадир қилиб қўйишм кераклигини ҳис этдим. Тўрдаги хонада унинг бу ерга кириб-чиққанидан бирон-бир нишон пайқамадим. У ерда улар ухлашган, умуман эса Давиднинг хонаси бўлиб қолаверган. Давиднинг матраси ташқарига улоқтириб ташланганди, курсиларда, полда — ҳамма жойда кийимлар сочилиб ётарди, ҳали у ердан, ҳали бу ердан майда майкачаларни суғуриб олар эдим. Мен очган биринчи жавонда бир уюм ахлат ётарди, ундан бирон нарса қидириб топишга ҳеч кимнинг кўзи етмасди. Иккинчи жавон Марлейнга қарашли эди. Юқори токчада қўғирчоқлар, эшакча ва жигарранг коала сичқончаси териб қўйилган. Кейингисида ўкув қўлланмалари ва орқа деворга қоқиб қўйилган иккита фоторасм бор эди. Фоторасмдан Марлейннинг ўзига ўхшайдиган бир эрқак ва бир аёл қараб турарди. Унинг отонаси. Улар ҳақида Марлейн ҳеч қачон гапирмаганди. Пастдаги токчада бир гарам бўлиб, шимлар, майкалар ва свитерлар ётиби. Мен улар ичидан айрим нарсаларни ажратиб олдим-да, ўзим билан ола келган сумкага жойладим. Шундан кейин даҳлиздаги электр печкани ёқиб қўйдим, дераза раҳидан бир қанча ўсимликларни, ваннадаги унинг пардоз-андоз анжомларини олдим, газ колонкасини ўчириб қўйдим ва ниҳоят бир қўлимда сумка, бир қўлимда скрипка билан зинадан тушдим-да, кўчага чиқдим.

Марлейн нимадан қўрққанини мен шундан кейингина англадим.

Карши томондаги тротуарда дераза-эшиксиз деворга суюнганича Давид қимир этмай турарди. Менинг эшик олдида тош қотиб қолганимни у кўрди. Биз бир-

¹ Соғлиқ ҳақидаги оммабоп китоблар муаллифи.

биirimizga чурқ этиб оғиз очмадик. Менинг кўзим унда, унинг кўзи менда. Иккаламиздан биронтамиз кўчани кесиб ўтишимиз керак эди, бироқ бунинг иложи йўқ эди, биз узоқдан нигоҳимиз билан бир-биirimizни маҳкам тутиб турардик. Сас-садосиз иттифоқ. Мен унинг онаси эдим. У менинг ўғлим эди. Ҳалиги чортокда бир-биirimizнинг сувратимизни чизганимизда ана шундай тикилашардик.

“Ойи, мен рассомманми?”

“Сен рассомсан, Давид”.

“Мендан рассом чиқармikan?”

Мен унга қараб турардим. У менга қараб турарди. Болам вояга етиб қолганидан ойисига энди унақа саволлар бермасди.

“Бундай ҳаётда фақат бир марта бўлади, Давид, инсоннинг кўзи ҳаётда фақат бир марта гина очилади ва у ўзига бошқа йўлни танлаш имконига эга бўлади”.

“Менда истеъод борми, ойижон?”

“Ойи, бу ерда баландда биз бутунлай бошқачамиз-а? Пастдагига ҳечам ўхшамаймиз, шундайми?”

Мен кўча оша унга жилмайиб қўйдим ва у ҳам менга жилмайиб қўйди. Нигоҳимиз эса ўша-ўша синовчанлиги ва қатъийлигича қолаверди. Шундай бўлсада, у ҳамма нарсани: дўстликни, ишончни, ҳамжиҳатликни, меҳрни, дардни ва изтироби бемалол ўз қаърига жойлай олган эди. Бироқ амалда қўллашга ултурмаёқ бу нозик туйфу ташқаридан беиз супуриб ташланганди. Ҳаммаси бекорга, хатога чиқарилганди. Унинг ўрнини ҳароратлар хилма-хиллиги эгаллаганди. Марлейн скрипкаси тори узилиб кетди, мана у, скрипка, менинг қўлимда турибди, очиқ-ошкора, чунки мен унинг филофини тополмагандим. Қўлимдаги скрипка билан мен Марлейн тарафида туриб олгандим, сотқинликнинг энг разил шакли юзага қалқиб чиққан бир онда шу ҳол содир бўлди.

У девордан ўзини олиб кўчани кесиб ўтди-да, мени қўриб туриб кўрмагандек тўғри келиб эшикни очди. Эшик қарсилаб ёпилди, қўлимдаги скрипка эса азбаройи зарбанинг зўридан қаттиқ силтаниб, ғалати овозда инграб юборди.

— Хўш, қўнгироқ қилишдими? — деб сўради Симон идорадан қайтиб келгач. Мен йўқ дегандек бош чайқадим.

— Кўнгироқ қиласликлари ҳам мумкин, — деди у, — бўлмаса-чи, гоҳо улар шундай қилишади, лекин ўн саккиз ёшдан кейин киши жиноий жавобгарликка тортилади. Бироқ, афсуски, фуқаролик жавобгарлигига эмас... Бугун баъзи бир маълумотларни чамалаб чиқдим ўзимча: агар кўрилган зарар бўйнимизга ёзилгудек бўлса, худо кўрсатмасин, охири баҳайр бўлмайди. — Тўсатдан Симон телефонга ёпишди. — Биласанми, буни ким билиши мумкин? Том...

— Ҳа, ўша билиши мумкин, — жавоб бердим мен. — Ўғли ўлган, алкоголизм ва учинчи дунёдан асраб олган болалари бўлган ўша Том билади... Томни ўз ҳолига қўйсанг-чи... кел, аввал овқатланиб олайлик.

Нима қилишини билмай гангиган Симон дастурхонга ўтириди, бироқ овқатланиб бўлар-бўлмас яна телефонга ташланди. У ҳаммага бирма-бир сим қоқар ва ҳар биридан бир янги маслаҳат олар эди.

— Симон, — ялиниб дедим мен, — бир карра гапимга кир, бу чўпчакларингдан шунақанги тўйиб кетдимки... кейин шу ишингни шу ерда, болалар олдида қилишинг шартми?

— Тўғри айтасан, аммо мен қайси оламда яшаётганимни бир амаллаб аниқлашим ҳам керак-ку, ахир!

Жюльет ўрнидан турди.

— Бўпти, аниқласангиз аниқлай қолинг... Мен бувимнинг олдига кетдим, у мутлақо ёлғизланиб қолди. — Кейин яна дадасига қараб гапирди. — Унда ўзингизнинг хонангизга боринг... бир кунда нақ она сутимизни оғзимизга келтириб юборди бу Давиднинг...

— Тағин нима бўлди Давидга? — сўради Йосин.

— Шунчаки... айтарли ҳеч нарса, — жавоб бердим мен.

— Дадамнинг синган деразалар, пачоқланган машиналар, яна биз булар учун жарима тўлашимиз кераклиги тўғрисида гапирганини эшитдим-ку.

— Ҳеч нарса бўлгани йўқ дедим-ку, оббо...

Мен Симон томонга гинали қараб қўйдим ва хонамга гумдан бўлишни афзал кўрдим, Йосин аввалгидек бир нуқтага ўйчан тикилиб турарди.

— Барибир, ойижон, — деди у охири, — мен ундан буни кутмагандим...

Мен унинг ёнига чўқдим-да, қўлидан ушладим.

— Нимани кутмаган эдинг, оппоғим?

У аста бош чайқаб қўйди.

— Мен уни бошқа одам деб ўйладим, ахир у илгари сира менга бунаقا муомала қилмасди-да.

— Агар у тўсатдан келиб қолса бу ҳақда унга айтармидинг?

Йосин “йўқ” дегандай яна бош чайқади.

— Йўқ, чунки унинг яна жаҳли чиқади.

Болалар ётишди. Мен пастда бир ўзим ўтирадим. Симон ўз хонасида эди ва дам-бадам олдимга тушарди. У Ян билан гаплашарди, у Пит билан гаплашарди, у ўзининг суғурта агентлиги билан гаплашарди.

— Худо ҳақи, Симон, бас қил! Бириси куни ўзинг: шунча йиллар давомида нимани ўргандинг, демаганмидинг? Нега гуруҳда, биз ҳеч қачон олдиндан фаол очмаслигимиз, ҳали етиб келмаган оғир вазиятни олабўжи қилиб кўрсатмаслигимиз керак, деб айтасан?.. Мана, энди зимманга вазифа юклашларини кутиб ётавер, ахир шу пайтгача ҳеч ким мушугингни пишт демади-ку.

У менга яна бир бор еб қўйгудек қараб қўйди. Эй худо, деб кўнглимдан ўтказдим мен, у яна ўзидан кетаяпти, чоги.

— Кўйсанг-чи шу қилифингни, Симон, ҳеч бўлмаса бирон марта вақтида ётиб ухла...

— Тўғри, — деди у, — уйқунг келмай бақрайиб тонг оттиришга нима етсин...

Соат ўнда Жюльєт уйга қайтиб келди. У саломлашди-да, тўғри юқорига, ўз хонасига ўтиб кетмоқчи бўлди, бироқ мен уни ҷақирдим ва у бамисоли типратикондек ҳурпайганча менга яқинлашди.

— Ҳа? Нимайди? — сўради у. — Мен ухламоқчиман.

— Мен сен билан икки оғиз гаплашмоқчи эдим.

У елка қисди.

— Билмадим, сиз қаёқдаю мен қаёқда... Сиз билан Давиддай бўлолмайман, ҳеч қачон. Биз, тўғри, бир-биrimiz билан гаплаша оламиз, лекин сиз иккавингиз... ҳатто сизлар жим турганингизда ҳам мен ораларингда қандайдир боғлиқлик борлигини сезиб тураман. Тағин буни ҳасаддан гапирайпти деб ўйламанг... билмадим... тушунтиrolмайман... Бугун бувим ҳам шунаقا аҳволда. Мен бувим учун ҳамма нарсани қиласман, мен уни яхши кўраман ва ҳар доим олдига кириб тураман, лекин бувимнинг кўрар кўзлари битта — Давид...

Мен унинг гапини бўлмоқчи бўлдим, лекин у бунга йўл қўймади.

— Йўқ, буни нотўғри деб гапиришнинг кераги йўқ. Мен ўзим ҳис қиласман-ку. Бу рост, лекин мен хафа бўлмайман, чунки сиз барибир ҳеч нарса қиломайсиз.

— Жюльєт, — дедим-да, бугунги кун ҳақида юрагимда йиғилиб қолган ҳамма гапни оқизмай-томизмай унга гапириб бердим. Таксида келган Марлейн ҳам, чек дафтарчаси ҳам, уни олиб бориб қўйишга рози бўлганим ҳам, уларнинг рўзгор тутишидан қолган таассуротим ҳам, ўсимлигу скрипка ҳам — ҳеч нарса қолмади. — Сен ҳозиргина айтган нарса бор-ку, мен билан Давид ўртамиздаги боғлиқлик... бизлар бир-биrimизга қарама-қарши туриб учрашиб қолганимизда мен ҳам буни ҳис қилгандим. У — кўччанинг бир томонида, мен — иккинчи томонида.

— Унда мен билмадим, — деди Жюльєт, — балки бу унда қолган ягона яхши нарсадир, лекин сиз аллақаёқдаги аҳмоқона бурч ва гуноҳкорлик туйғуси важидан ўзингизни ўзингиз доим абгор қиласиз.

— Бурч ва гуноҳкорлик туйгуси дейсанми?

— Ҳа! Ҳудди шунинг учун ҳам анови Марлейннинг ашқол-дашқоллари орқасидан югуриб юрибсиз-ку. Нега бундай қилдингиз? Бу ойимқиз скрипкасиз яшолмайдиган бўлиб қолибдими? Наҳотки бу сиз билан Давид ўрганингиздаги ўша туйғудан ҳам аълороқ бўлса? Сизнинг сотганингизни Давид юракдан сезади, мен буни биламан, бундай ҳол менда учраб қолса, зинҳор ўзингизни койитиб юрманг, агар мен дўстим билан ажрашиб кетадиган бўлсам, унинг сурнанини элтиб беришингизга асло ҳожат йўқ...

— Биламан, сен бундай қилмаслигинг керак деб ўйлайсан, — деди Симон. — Лекин шундай бўлса-да, мен Томга қўнғироқ қиласман.

У шу гапларни айтиш учун атайлаб пастга тушиб келганди, хатога йўл қўйганини, афтидан, ўзи ҳам англагангта ўхшайди. Шунинг учун мен жим турдим.

— Нега ҳеч нарса демайсан?

— Менга ёрдам берадиган инсон биргина Том деб ўйлайсанми? — сўрадим мен.

— Ҳозирги пайтда — ҳа. Мен ўзим зарарлар миқдорини чамалаб кўрдим, кимдан сўрамай, ҳаммаси, ҳа, роса тушибсиз, деб айтаяпти. Шунинг учун мен яна ипотека ҳужжати олдим, фоизни яна оширса бўладими, йўқми, шуни Томдан сўраб билмоқчиман.

— Ўзинг инсоғ билан айт, сен нималар қилиб юрибсан ўзи? — сўрадим мен, бироқ у гапимни эшитмаётганди, у югуриб телефонга борди-да, Томнинг рақамларини тера бошлади.

Мен яна бир карра содир бўлган воқеани бошидан охиригача эшитдим. Гўшакни қўйди-да, эрим менга қараб деди:

— Том келади бизникига. Яна ўн беш дақиқалардан кейин, ҳозир у банд экан. Уни шу ерга ўтқаза қоламизми ё тепага олиб чиққанимиз дурустми?

Мен соатга қарадим. Ўн бир.

— Менимча, шу ерда ўтира қолинглар, мен бориб ухлайман.

Бироқ Симон яна ёнимдан ўқдай учиб ўтди-да, тепага чиқиб кетди.

— Яхши-яхши, — дедим мен шошиб, — фақат буюмларимни олай...

Мен ҳали ечиниб улгурмасимдан кираверишдаги эшикдан қандайдир товуш қулогимга чалинди. Бирдан ҳаммаёқ жимжит бўлиб қолди, кейин яна ўша товуш эшитилди, бу гал сал қаттиқроқ чиқди, мен буни пайқадим: бу почта кутисининг шиқиллаши эди. Мен дарҳол балкон эшигини очдим.

— Давид! — қичқириб юбордим мен. У бошини кўтарди. Башараси бўри кувлаган ҳайвон авзоида эди.

— Касалман, — деди у, — ичкарига қўйинг.

— Ҳонага кирақол.

— Йўқ, улар мени ҳайдаб чиқаришди! — У атрофга аланглади, шунда кўчанинг нарига тарафида турган иккаки эркак кишига кўзим тушди. — Мен уларнинг машинасини пачоқладим, шунинг учун у ердан кетишими керак. Мен касалман, ичкарига қўйворинг...

Кутини тиқирилатиб, ўтмишдаги гўдаккина мени чақирмоқда эди, бироқ шу заҳоти вужудимни ўзгача туйгулар қамради. Уни ичкарига қўйсам, Симоннинг ҳоли не кечади? Давид ростданам касалми ёки шунчаки айтаяптими? Балки булар Давиддан пул олиб юрган нашафуруш одамлардир?.. Ёки кўча тор келиб, ортиқча одамни сифдиролмай қолдими? Йўқ, Симон бунаقا жингиртоб бўлиб турган вақтда мен Давидни ичкарига қўйлмайман.

— Давид, — дедим мен, — фойдаси йўқ, сен кетишинг керак... сени уйга қўйлмайман...

Бироқ у кўзини тепадан олмай, жойидан қимирламади.

— Мен касалман, — такрорларди у ва бошини чайқаб қўйди, — анови иккаласи изимдан қолмай келаялти... Улар эшигимга тахта қоқиб, мени кутиб туришган экан. Улар мендан пул олишмоқчи, машиналари учун...

Газабдан аъзойи баданим ўт олаётганини сезиб турардим. Яна ўша зўравонларча дағдагалар.

— Мен полиция чақираман, — дедим мен ва ҳонага қайтмоқчи бўлган эдим, Давиднинг жон аччиғида қичқирганини эшитдим:

— Йўқ!!!

У орқасига бурилди-да, боғ кўчадан шошиб кета бошлади. Қарши томондаги икки киши ўша заҳоти ҳаракатга келди, бироқ улар ғазаб алангасини босишга улгурмасдан илгарироқ Давид тўппа-тўғри Томнинг чанталига бориб тушди. Бир лаҳза Том уни узатилган қўллари масофасида елкасида тутиб турди. Сўнг фақатгина Томнинг чехрасида кўришим мумкин бўлган ўша таниш қаҳр ифодаси ялт этди. У одам боласига хос бўлмаган куч билан Давидга шунақангизарба бердики, болакай бутга ихотани ёриб ўтиб орқага учиб кетди ва ерга қулади. Икки сакраб Том унинг олдига борди ва курткасидан ушлаб ердан кўтардида, тўғри башарасига қаттиқ мушт туширди. Яна урди... яна бир урди...

— Ўғлимни сен ўлдирдинг! — ўқирди у. — Исқирт мушукларинг билан сен ўлдирдинг ўғлимни!..

Мен дарҳол ўзимга келиб уйга, Симоннинг хонасига отилиб кирдим.

У ҳамон қоғозларга кўксини берганча ўша жойда ўтиради.

Мен биргина исмни қичқириб вужудимдаги борини ташқарига чиқардим:

— Том!!

— Нима? — кути учиб кетди Симоннинг. — Қичқирма бунақа, очаяпман!

У ёнимдан ўтиб хонадан чиқиб кетмоқчи бўлган эди, лекин мен уни бор кучим билан ушлаб қолдим.

— Айвон олдидা... Том... Давидни урайпти... Полицияга қўнғироқ қил... йўқ, у ёққа бор...

Мен ҳамон унга елимдай ёпишганча зинапоягача итариб бордим.

— Э қўйиб юборсанг-чи! — қичқирид Симон, бироқ мен бармоқларимни ёзолмаётгандим, қўлларим увишиб, қотиб қолганди, шунинг учун менга қўшилиб у ҳам зинапоядан деярли думалаб тушди. Фақат кўчадагина мен уни қўйиб юбордим ва тўсатдан кўзим Геррига тушди.

Ҳалиги икки киши Томнинг қўлини орқага боғлади, фурсатдан фойдаланиб, Давид уйга лип этиб кириб кетди. Симон Томни тинчлантиришга ҳаракат қиласарди, бироқ у шунақангизарба ғазаб билан ўзини урадики, ҳатто бояги иккала одам ҳам уни базўр эплаётганди. Томнинг филдай гавдаси, Давидни учратганидаги ғазаб ва нафрatinи кўриб, рости, чинакамига капалагим учиб кетди. Азбаройи кўрққанимдан... азбаройи кўрққанимдан болам Давидга қараб чопдим. Ич-ичимдан билиб турардимки, у ўзининг хонасига кириб кетган, уни ўша ердан топдим ҳам, у оғзини қўли билан ёпганча каравотда ётарди. Ҳўлланган сочиқ билан Жюльєт кириб келди ва акасининг ёнига келиб чўккалаб ўтириди.

— Бундоқ туринг, — деди у менга.

Давид қўлини олди, юзи қип-қизил қон эди, олдинги икки тиши ичкари томон қийшайиб кетганди.

— Тишлари! — юрагим қинидан чиқаёзди.

— Ойи, илтимос, кетинг бу ердан! — бақириб берди Жюльєт. — Акам иккаламизни ёлғиз қўйинг!

У менга қаради, мен унинг нигоҳидан қўйидаги гапларни уқдим: кўрмаяпсизми, ойи, мен ҳам Давид иккаламизнинг жигарлик меҳр ришталари билан боғлиқ бўлишимизни истайман. Илтимос, бизнинг жигарлик меҳримизга халақит берманг...

Мен қизимга қараб бош иргаб қўйдим-да, хонадан чиқиб кетдим. Зинадан кўтариilar эканман, кўчадаги шовқин кучаяётгани қулоғимга чалинди.

Балкондан туриб қўчадаги ҳангомаларни кузата бошладим. Яна кўчадаги барча уйларнинг чироқлари ёнганди. Яна одамлар уйларидан чиқишиганди. Том автомобиль томига тармасиб чиқмоқчи бўлар, Симон билан Герри уни пастга тусиришга беҳуда уринарди. Мастликдан чайқалганча, оёқларини кенг кериб олиб, у овозининг борича қичқиради:

— Ҳой одамлар! Гиёҳвандлар! Қулоқ солинг! Бу космонавтика асли эмас, бу наркотиклар асли! Биз ўлим жазосини бекор қилдик, умрбод қамоқ жазосини бекор қилдик, энди ҳар қанақангиз қотиллик қиссанг ҳам олти-етти йилдан ортиқ олмайсан! Лекин мен сизларга айтиб қўяй: наркотикларга ўлим жазоси ҳам кам... Ўлим жазосини қайта тиклаш керак! Барча гиёҳванд, нашавандларга ўлим жазоси бериш керак, чунки улар қотил. Пулга тўймайдиган бу очкўз қотил-

лар бурчак-бурчакдан туриб болаларимизни ўлдирмоқда! Ҳукуматимиз ҳаддан ортиқ кўнгилчанлик қиласяпти уларга, болаларимизнинг ёвуз қотиллар қўлида курбон бўлишига йўл қўйиб қўсяяпти. Биз ота-оналар ҳукуматга тушунтириб қўйиш чорасини кўрмасак бўлмайди. Муниципал кенгашчиларнинг кўзини очиб қўймасак бўлмайди, гиёхвандлик болаларимизни баттар комига тортиб кетаётганига, бутун-бутун оиласалар бошига кулфатлар ёғдираётганига оғиз очиб қараб турмасин. Гиёхвандлик миллатимиз бошига битган бало! Биз ота-оналар турли партияларга хат йўллашимиз керак. Нафақат гиёхвандларнинг ота-оналари, барча ота-оналар, ҳа, барча ота-оналар хат ёзишимиш керак, чунки эртага сизнинг ҳам болангиз гиёхванд бўлиши ҳеч гап эмас, индин эса неварангиз шу ахволга тушади. Биз хат ёзишимиш, бонг уришимиз, талаб қилишимиз керак: гиёхвандфурушликка қарши аёвсиз кураш олиб борилсин, барча қонунларга қаттиқ риоя қилинсин! Чунки қонун ҳали ҳам гиёхвандлик моддаларини сочишни ёки бўлмаса яшириб, сақлаб қўйишни тақиқлаб турибди. Агар барча ота-оналар бир ёқадан бош чиқариша, Бинненхоф¹ хатларга шунчалик тўлибтошиб кетадики, сиёсий партиялар қаёққа оёқ босишни билмай қолади, халқ-нинг сабр косаси тўлганини, ортиқ чида буролмаслигини англаб етади.

Одамлар... шу жойдан туриб тантанали равища тақлиф этаман: келаси йил “Гиёхванд гўдак йили” деб эълон қилинсин!

Машина атрофидаги халойиқ шовқин сола бошлади. Қичқириқлар эши-тилди:

— У масти!

— Полиция чақирдингларми?

Шу билан бирга бошқача хитоблар ҳам қулоққа чалинарди:

— У тўғри айтаяпти, бирон нарса қилмаса бўлмайди, унинг ўғли ўлган, нима тўгрисида гапираётганини билади!

Машина устига яна бир киши чиқди, бу ёшроқ ўспирин бўлиб, Томнинг орқасида туриб олди-да, унинг ҳаракатларини такрорлаб эрмак қила бошлади, халойиқ эса чапак чала бошлади. Лекин Том бунга парво ҳам қилмай, нутқини давом эттириди:

— Барча гиёхвандларнинг касалхоналарга ётқизилишини талаб қилишимиз керак. Полиомиелит ё менингит касаллиги тарқалганда ҳам беморлар касалхонага ётқизилади, уларни даволаш учунгина эмас, юқумли касаллик ёйилиб кетмаслиги учун шундай қилинади. Гарчи минг юқумли бўлмасин, гиёхвандлар тараалабедод қилиб юрибди, дўстларини даврага кўпроқ тортаяпти. Гиёхванднинг дарди ниҳоятда оғир, уни яхшилаб даволамаса бўлмайди, шу билан бирга у бутунлай даволаб юбориладиган касалхонага бориши албатта шарт...

Томнинг орқасидаги қизиқчи бола уни масхара қилиб, иргишлай кетди.

— Ҳе-ҳе-ҳей! Яшасин қиролича ва унинг набиралари! Ҳип-ҳип-ҳип! Ура!

У халойиқнинг бир қисмини қарсак чалиб олқишлишига сазовор бўлди, бироқ Том ҳамон ҳеч нарсани сезмаётганди.

— Нидерландияда ўн минг гиёхванд бор, — давом этди Том. — Амстердам-дек шаҳарда ҳар юз аҳолининг биттаси героин истеъмол қилади. Орамизда ўн минг полиомиелит ё менингит учраган ҳолда ҳам биз болаларимизни кўчага чиқаришга журъат қилмаган бўлардик, барча сиёсий партиялар тегишли чоралар кўрилиши учун кураш олиб борган бўлар эди. Бир юз ўн полиомиелит ҳолати аниқланганда Гелдермид вилояти дам олиш учун ёпиб қўйилди!

— Ҳе-ҳе-ҳей! — авжга минарди қизиқчи. — Қироличамизнинг барча набир-абиралари соппа-сог! Улар героин истеъмол қилмайди, полиция уларни қўриклияди!

— Нидерландияда, — дерди Том, — шундай тараққийпарвар ўқитувчи ва ёш раҳнамолар ошиб-тошиб ётибдик, улар енгил гиёхвандлик деган нарсани қўллаб-қувватляяпти ва ҳатто тавсия этаяпти! Чунки бу гўё мутлақо безараю эмиш! Қорадори билан марихуанадан худонинг ўзи асрасин, улар безарар бўлниш ўёқда турсин, жисмни еб тугатади, мияни еб тугатади, бундан ташқари героинга йўл очиб беради. Қорадоридан бошламай туриб, ҳали биронта ҳам бола

¹ Гаагада парламент биноси олдидағи майдон.

роиндан ўлган эмас! Балони илдизидан йўқ қилиш керак. “Енгил” гиёхвандикни тарғиб қилувчи ўқитувчи ва ёш раҳнамоларни ишдан четлатиш керак. Мактабда гиёхвандликка қарши эмлаш ўтказиш керак. Болаларимизга қўчада юриш-туриш қоидаларини зўр бериб ўргатамиз, келинглар, гиёхвандлик моддалари олиб келадиган хатарларни уларга тушунтириб қўяйлик! Партия бўлинмаларига хат ёзинглар ва шуни талаб қилинглар! Сизлар — ота-онасизлар, гап сизларнинг болаларингиз ҳақида кетаяпти!

Томнинг орқасида турган бола энди бутунлай ҳаддидан ошиб кетаётганди. Агар у ўйлагандек бўлганда, охири баҳайр тугаши амри маҳол эди. Бола машинанинг юк ортиладиган қисмига сакраб тушди, ундан ўзини ерга отди, шу заҳоти отаси уни гирибонидан тутди-да, уйга судраб кетди.

— Хой, ким бор? Ёрдам беринглар! — қичқирарди у. — Калтақланган бола иили!

Мен Герри билан Симоннинг кўчамизда турадиган врач билан гаплашаётганини кўрдим. Врач тинмай бош иргарди, кейин Томга яқин борди-да, оёғидан тортиб, ўзига қаратмоқчи бўлди.

Бироқ Том ҳеч нарсани пайқамади.

— Ота-оналар бир ёқадан бош чиқармоқлари керак, — қичқирарди у, — ҳатларида ҳокимиятлар томонидан пул билан таъминланувчи¹ гиёхвандфурушлар барча ёшилар ташкилотлари ва жамиятларидан бартараф этилишини талаб қилиши керак. Бундай одамларни тажриба сифатида ишга оладиган жамоалар шу нарсани тушунишлари керакки, улар бировларнинг болалари устида тажриба ўтказаяптилар, аммо булар бировларнинг эмас, ўзимизнинг болалар-ку! Биз бунга ортиқ ҷидолмаймиз. Ёрдам маблағи сиз билан бизнинг солиқ пулларимиздан келаяпти, болаларимизнинг қирилиб кетишларига йўл қўйишини истаслигимизни улар билиб қўйсин! Оилаларимиз барбод бўлаётганини эсингиздан чиқарманг! Ҳокимият оилаларимизни ҳимоя қилиши керак! Инсон ҳуқуқлари баённомасининг бир моддасида шундай дейилади: оила — бу жамият ва давлат томонидан ҳимоя қилиниш ҳуқуқига эга бўлган жамиятнинг табиий ва асосий бўлагидир. Шунинг учун ҳам биз ота-оналар оиласизнинг ҳимоя қилинишини талаб этишимиз керак!

Том чайқаларди, аммо бир амаллаб мувозанатни сақлаб турарди. Врач уни ўзига қаратмоқчи бўлишдан умидини узганди ва ҳозиргина шу ерга машинада етиб келган иккита полициячи ва яна бир нечта одам билан гаплашмоқда эди. Муниципал тиббий хизмат кўрсатиш идорасидан, тахмин қилдим мен. Симон билан Герри ҳам уларга яқин боришди ва, улар ҳам сухбатга қўшилиши.

Бу орада Том яна ўзининг оташин нутқини улаб кетди:

— Барча ота-оналар хато қилишади, бу — табиий, лекин ҳали ҳеч қачон ҳеч ким ўз боласига: ма, болам, мана бу қорадорини чек, деб айтган эмас. Йўқ, лаънати жамият эса ҳаётининг гулдек нозик пайтини ўтаётган болага шуни таклиф этаётиди ва бола татиб кўраётиди! Ҳозир эса шундай гуруҳлар борки, героинни очиқ-ошкора тарқатишни зўр бериб тарғиб қилаётиди, эмишки, шундагина бу нарса жинойӣ доирадан чиқиб кетаркан, ҳа, улар шундай дейишаояпти. Лекин ҳукумат героин ҳам, қорадори ҳам бўлмаслиги учун жон куйдирини қилиш керак, чунки ҳамма бало-қазолар худди шулардан бошланади-да! Хўш, ҳукумат нима иш қилаояпти? У гиёхвандликнинг авж олишига ёрдам бераяпти! Етмиш олтинчи йили янги афъюн қонуни жорий этилганди: ўттиз граммгача қорадорини сақлаш жиноятга кирмайди деган, Ҳукумат ҳам қорадорининг турли навларига нархни радиодан эълон қилди! Тағин кимнинг оғзи билан денг, министримизнинг ўғли Форринкнинг оғзи билан! Биз энди бу нарсага жим қараб турмаслигимиз керак, одамлар! Жим қараб турмаслигимиз керак!

Икки полициячи олдинга чиқди ва Том тўғри уларга қараб мурожаат қилди.

— Воҳ! — деди у. — Полициячи тўралар! Ҳозир мен сизларга бор нарсани айтиб бераман! Гиёхфурушлар номини айтиш, улар турадиган жойни кўрсатиш

¹ Тажриба сифатида, Нидерландияда бир вақтлар полиция ва ўкув юртлари маъмурияти назорати остида гиёхванд моддаларни оз-оздан сотишга рұксат берилганди, бу гиёхвандликнинг бундан кейин авж олмаслигига ёрдам беради деб хаёл қилинганди. Кейинчалик бу foядан воз кечилди.

учун мен полицияга кўп марталаб борганман. Бу ажал оғусининг қаерда тайёрланишини яхши биламан. Хўш, қанақа жавобни эшитдинг, денг-а! “Э жаноб, бунақа майда-чуйда гапларни эшитавериб қулоғимиз кар бўлган. Ундан кўра каттароқ ўлжа қуриб қолганмиди”, эмиш! Мана сизга, жаноблар, эшитиб қўйинг буни — қанчалик қабоҳат! Нидерландия халқи ҳушёр туриши керак, ҳар бир гиёҳфурушни отнинг қашқасидек таниғли қилиб қўйиши керак, полиция бу иш билан жиддий шуғулланиши керак, унинг вазифаси шу, мана, сиз икковингиз боринг-да, ошиғингизга айтиб беринг буларни! Агар мен полицияга қўнғироқ қилсан ва ўғрилик ё ёнғин ҳақида хабар берсан, менга ҳеч қачон: Нидерландия банкига ўғри тушса ёки Сустдейк саройига ўт қўйсалар борамиз, деб жавоб беришмайди-ку. Бу гапларимни қулоғингизга қуиб олинг-да, иккенингиз...

Полициячилар Томнинг оёғидан тутишди-да, биргина силтov билан уни автомобиль томига чиқариб қўя қолишиди. Бироқ унинг нутқни давом эттиришига бу ҳам тўсқинлик қиломади:

— Ўн беш йил бурун бу балойи азим талабалар ичиде пайдо бўлганди. Социологлар, политологлар, психологлар, гоглар, магоглар, гоммагоглар... Шу ердан у ишсизлар орасига кўчиб ўтди ва у ерда жуда ҳам яшнаб-гуркираб кетди. Олий даражадаги лавозимларгача бориб етган бундай гог-моглар, ниҳоят ўзларининг бир қадар ожиз оға-инилари учун жон куйдирадиган вақт аллақачон келди!

Тиббий хизмат идораси одамлари келди-да, Томни қўлидан ушлаб, машина томидан туширишди. Том қаршилик кўрсатмаётганди, бироқ нутқини ҳам тўхтатмади:

— Менинг бошимга тушган нарса кўп ўтмай минглаб одамлар бошига тушиши ҳеч гап эмас. Биронта ҳам давлат идораси ёрдам беролмайди! Болалар ўлмоқда, ота-оналар ўлмоқда, мамлакат ўлмоқда... Ёрдам беринг... ёрдам беринг... бизнинг ўзурлик мамлакатимизга ёрдам беринг! Бугуноқ барча сиёсий партияларга хат ёзинг! Бинненхоф майдонига намойишга чиқинг! Ёрдам беринг... Герри... ёрдам бер...

Симоннинг қўлига суюнганча Герри жимгина Томнинг орқасидан кетиб борарди. Уни машинага тиқиб, олиб кетишганини Герри кўриб туарди. У маҳаллий врач билан яна бир-икки оғиз гаплашиб турди-да, кейин Симон билан унинг машинаси томон кетди. Симон одамлар орасидан ёриб ўтганча кўчадан машинасини ҳайдаб кетди.

Давиднинг хонасига кириб келганим ҳамон менга жой бўшатиб бергандек Жюльєт дарров ўзини акаси каравотидан четга олди.

— Кетмай тур, — дедим мен.

— Бўлмаса-чи, — жилмайиб қўйди у, кейин юзимдан чўлп этиб ўпди-да, орқамдаги эшикни зич ёпиб қўйди.

Биз бир-биримизга узоқ тикилиб қолдик, кейин мен унинг ёнига чўқдим.

— Давид, — дедим мен, — сен уйга почта қутисини гўдак каби тиқирлатиб кириб келдинг, энди бу одатингни ташла. Буни энди ўзинг ҳам эп қўрмасанг керак, шундай эмасми?

— Мен касалман, — деб жавоб берди у, — мен гиёҳвандликни ташлайман, аъзойи баданим қақшаб кетаяти... борадиган жойим йўқ.

— Агар касал бўлсанг, мен ёрдам бераман, лекин менга почта қутисини тиқирлатадиган бола ҳаргиз керак эмас.

Ўғлим бош иргаб қўйди-да, заиф жилмайди.

— О’кей... Тушунаман...

— Бўпти... Нима истайсан?

— Мен шу ерда қолай, йўқ деманг, ўзимнинг хонамда, бир ҳафтадан кейин ўзимни яхши сеза бошлайман.

— Сен буни мендан сўрайapsan, — дедим мен, — унда мен бу масалани ўзим ҳал қиласман, дадангиз. Ҳозирча сен ўзингни касал ҳис қиласапсан, мен сенга ёрдам бераман, ўз йўриғим билан ўзимтга чегаралар қўйиб оламан. Мен гуруҳга қатнайман, биласан, бу тўғрида бошқалар билан роса кўп гаплашдим. У ерда,

ҳар қалай, сенга нисбатан ҳеч қанақа хаёлий режалар билан иш тутиш мумкин эмаслигини англадим. Агар гиёхвандликни ташламоқчи экансан, болажоним, мен бундан бирон-бир мўъжиза содир бўлишини кутмайман. Бир ҳафтадан кейин яна оғуфурушникига қараб чопишинга ҳам қаршилик қилмайман. Лекин бу бир ҳафта бекор кечмайди. Сен шу ерда қоласан, лекин ўз хонангда эмас, меҳмонларга мўлжалланган хонада. Менинг оналик туйгуларимни ўйновчи, почта қутисини тиқирлатувчи бола эмассан, балки сен гиёхвандликни ташламоқчи ва кетишни талаб қилаётган менинг ўғлимсан. Мана шу бир ҳафта ичига эҳтимол биз мутлақо бошқача ўзаро муносабатларимизга замин ясад олсан керак.

Мен Нус ва унинг гиёхвандликни бир ташлаб яна бошлаган ўғли ҳақида ўйладим. У ўғли билан мутлақо бошқача муносабатлар ўрнатиб олганди. Ҳафтада бир марта ўғли онаси ҳузурига овқатлангани келиб турарди. Келишидан олдин ўғил уницида ўзини бир неча соат яхши ва хотиржам тутиши учун керагича чекиб-ичиб олишини она биларди. Модда кучини йўқотгандан кейин эса у ўрнидан турарди-да, жўнаворарди. Ўғил онаникига меҳмонга келарди. У нафақа олиб турарди-ю, бироқ гиёхвандларнинг кундалик дозаси ҳақини тўлаб қўйиш учун бош-кўзига қарамай ўғирлик қиларди. Она буни биларди ва ҳеч нарсани ўзгартириш қўлидан келмасди, лекин бу нарса уларнинг она-болалик муносабатларининг узилиб кетишига асло баҳона бўлолмасди. Ҳафтада бир марта, душанба куни кечкурун ўғил келарди-да, она билан апоқ-чапоқ ўтиради. Она баҳсга тортишдан ҳазир бўлиб, кўпроқ арзимаган нарсалар ҳақида гап сотарди, акс ҳолда суҳбат асносида икки олам барибир икки тараф бўлиб қолар ва бир-бирларига қарши оёққа турарди. Она ўз дунёсини эҳтиёт қиласа ва ўғилнинг дунёсини ҳам шудайича қолдиради. Фақат бир мартагине ўғил ўзининг янги “уйча”сини бориб кўришга уни кўндириди-ю, ҳамма иш чапараста бўлиб кетди. Чунки муаммо яна ўзининг бор бўйи билан унинг рўпарасида кўндаланг бўлиб қолганди. Чунки она тушунарди, бу гиёхванднинг уйи, агар она нигоҳи билан қаралса, унинг учун умиддан ном-нишон қолмаганди. Лекин бир вактнинг ўзида у шу нарсани ҳам билдики, бундан буён у зинҳор бундай қилмаслиги керак. Ўзининг дунёси учун ўғил, эҳтимол, мутлақо “яхши” ўрнашиб олган бўлиши мумкинди, лекин у (она) бундан иложи борича узокроқ туриши керак. Орадаги масофани атайлаб саклаши лозим. Агар у билан муносабатни узгиси келмаса, бу ҳам фақатгина ўз олами ва ўз уйи доирасидагина бўлиши шарт. Ўғлининг олами ҳақида ҳеч нарса билгиси келмайди.

“Мен, — дерди Нус, — болам билан мени боғлаб турган риштани узишга ошиқаётганим йўқ. Ҳафтада бир марта уни эркалашим керак, у менинг яхши муомала қилаётганимдан қанчалик кувонганини кўриб турман. Бирпас телевизор кўрамиз, күшеткада ёнма-ён ўтирамиз, у ёқ-бу ёқдан гаплашамиз, бироқ ҳис-ҳаяжонга берилмаймиз, тушкунликка тушиш, ташвишланиш ва ғазабланиш каби нарсалардан ўзимизни узоқ тутамиз. Нима бўлди-ю, яқинда мен яна бир хатоликка йўл қўйдим. У ҳаддан ташқари ёмон аҳволда эди, сочи чанг, ифлос, патила-патила бўлиб кетган, ўтган сафар келганида эса у, ўзининг “кайф”ини анча-мунча арzonроққа кўтариб олиши мумкин бўлган “бошқа адреси” борлигини айтди. Ўшанда мен “Ўзингни бил, ўзгани қўй” деган ҳикматга амал қилган ҳолда индамай қўя қолгандим. Лекин мен уни менга бундай аҳволда, ранги девордай оқарган, юзлари қотиб кетган бир алпозда кўрганимдан кейин бирданига ловуллаб кетдим ва бу ҳойнаҳой янги “адрес” билан боғлиқ бўлиши керак деб ўйладим. “Бу — сен у ерда оладиган героин, — дедим мен, — яхши тозаланмагани экан-да? Шу билан унинг дунёсига дахл қилиб қўйдим-у, бунинг учун кўрадиганимни кўрдим ўзиям. “Сен ўзи умуман ҳеч нарса гапир-маслигинг керак, — деб тўнгиллади у, — сен ҳамма нарсани эслаб қоласан, келаси сафар эса минғирлайвериб жонга тегасан”. Оқшом бир пул бўлганди, чунки у шартта ўрнидан турди-да, эшикка йўналди. Лекин сен бунақа майда нарсаларга ўрганаверасан, ўрганаверасан. Энди мен йўл қиладиган бўлиб қолгандим: мана бу ерда ҳеч нима дейиш мумкин эмас, мана бу ерда эса — марҳамат, чунки бу ерда биз ниманидир қолдириб кетган эдик. Кўпинча бу хотиралар қачонлардир ҳамма нарса яхши бўлган йилларга тегишли бўларди. У ўн

бирда ўз хонасига кириб кетганида — унинг учун бу болалар вақти, мен учун эса чегара ҳисобланарди, чунки мен эрталаб еттида туришим қерак-да, — хато қилмаганимиздан иккаламиз ҳам ўзимизда йўқ суюнار эдик...”

“Лекин сен йўлини қилас экансан, — эътироуз билдири унга Тини, — Унда сен ўғлинг билан ўрнатган қанақа муносабат тўғрисида гапирайпсан?”

“Бу бошқа муносабат, — жавоб берди Нус, — мен унинг дунёси чегарасидан ҳатлаб ўтмасам бўлгани. Лекин менинг “мўмин” ўғлим билан муносабатим йиллар давомида ўзгармай қолмади, албатта. Унинг ҳам ўзига яраша маълум муаммолари бор эди, улар тўғрисида мен эсламаганим дурустроқ. Борди-ю, барibir уларга менинг дахлим бўлган тақдирда ҳам, биламан, унинг жаҳли чиқади, мени арралајти деб ўйлади, шунда у барвақт ўрнидан туради-да, кетиб қолади”.

“Сенинг бу ... бошқа муносабатинг” ўзингнинг “онгли масофа”нгга зид келмайдими?

“Йўқ, биридан бири келиб чиқади...”

— Дадам-чи? — сўради Давид. — Агар дадам рози бўлмаса, менинг бу ердан кетишимга тўғри келадими?

— Даданг бу масалани ўзича ҳал қиласди. У сен билан бир бошпана ичидаги ҳафтагача чидаб ўтира оладими, йўқми, олдиндан бир нарса деёлмайман. Лекин, Давид, мен ҳам бир қарорга келиб қўйганман. Фақат сен қасаллигинг пайтидагина сенга қараб туришим мумкин. Агар бизга бу ер тўғри келмаса, иккаламиз бир ҳафтага “карвон”га кетамиз. Мен ҳам бирорнинг мендан миннатдор бўлишини бетоқат пойлаб яшашни истамайман-ку. Йўқ, бу ишнинг ҳеч қандай самара бермаслигини мен олдиндан сезиб турибман. Сенинг гиёҳванд эканингни мен энди яхши биламан. Ташловчи ҳам дейлик. Биламан, сен сўзингда туролмайсан, ҳар доим менинг чегарамни топтаб ташлашга шайсан, сенинг бутун ахлоқ-одобингга мен учун ёт бўлган бир дунё сингиб кетган. Энди мен буни биламан, лекин мен энди унақа кўнгилчан эмасман. Сендан келадиган оқибатни у қадар муштоқ бўлиб кутаётганим ҳам йўқ.

У жилмайишга ҳаракат қилди, чунки бемалол қулишга шишган лаблари йўл қўймасди. Унинг курак тишларига кўзим тушди. Пешонасида тер томчилари йилтиллади. У ўрнидан турди-да, бирдан титраб кетди.

— Мен аввал қасалхона қошидаги тез ёрдам пунктига бораман, — деди у. — Такси чақирсан майлими?

Марлейн унинг ҳаётидан қутулиб кета олди, мен эсам — йўқ. Ўша куни тун бўйи унинг йўлига кўз тутдим, тушим ҳам алоқ-чалоқ бўлди — бомбалар портларди, сув тизиллаб отиларди. Ёстиғим тагида ҳамёним бўлар эди, унда паспортим ва ҳайдовчилик ҳужжатим бор, чунки бундай уйда барча эҳтиёткорлик чораларини кўрмаса бўлмасди — ўзингга эҳтиёт бўл, қўшнингни ўғри тутма, дёғанлар. Бироқ бу эҳтиёткорлигим бехуда кетди. Давид қайтиб келмади. Тонгга яқин билдимки, у ўзига игна ургани кетган экан.

Русчадан
Назира ЖУРАЕВА,
Амир ФАЙЗУЛЛА таржимаси



Хофиз ШЕРОЗИЙ

Рубоийлар

1

Бир лаҳза лабингни олмагил жом лабидан
То топса жаҳон комини дил жом лабидан.
Омухта жаҳон жомида аччиғу ширин,
Бул ёр лабидан етгаю, ул жом лабидан.

2

Жонон бу кечани мен билан ўтказди,
Бу баҳтни менга Худо ўзи етказди.
Ўлим ғами йўқ, энди менга, чунки санам
Жонбахш лабидан обиҳаёт тутқазди.

3

Ул шамъи Чигил дардини айтиб бўлмас,
Куйган бу кўнгил дардини айтиб бўлмас.
Андин юрагимда ғамки, йўқ маҳрами роз,
Ҳар кимсага дил дардини айтиб бўлмас!

Форсчадан
Эргаш
ОЧИЛ
таржимаси

Шамсаддин Муҳаммад Ҳофиз Шерозий (1325—1388) Эроннинг Шероз шаҳрида туғилган. Лекин бутун умри давомида она шаҳридан четга чиқмаган бу “исонафаслик ринди Шероз” (Навоий) ўзининг ёниқ ашъори билан ярим дунёни эгаллади. У ўзидан кейинги Шарқу Фарб адабиётига катта таъсир кўрсатди. Буюк немис шоири Гёте Ҳофизни “ноёб услуб даҳоси”, “муқаддас Ҳофиз” деб улуғлаб, унинг таъсирида “Фарбу Шарқ девони”ни яратган бўлса, В. Жуковский, А. Пушкин, Ю. Лермонтов, А. Фет, С. Есенин каби рус шоирлари Ҳофиздан илхомланиб, “ҳофизона” оҳангларда шеърлар ёзганлар, унинг ижодини юксак баҳолаганлар.

Ушбу рубоийлар унинг тўла куллиётидан олиниб, ўзбекчага ўгирилди.

ЖАҲОН АДАБИЁТИ

122

4

Бир дилбари шўх бўлсаю ҳам барбату най,
Хилват ва фарогат яна бир шишада май,
Майдан қизибон тандаги бор томири пай,
Бир арпа умид қилмас эдик, Ҳотами Тай!

5

Дўст бирла ўтири ҳамда маю жом иста,
Шод этсин ўпич бериб гуландом иста.
Хоҳлайди жароҳатин битишин мажруҳ,
Жарроҳга келиб, дардинг учун ком иста.

6

Ул жомки, сафо гулшани— тут илкимга,
Ёр тимсоли соғар — ани тут илкимга.
Занжир каби ул май ўралар ўз-ўзига,
Девонаси бўлдим, қани, тут илкимга!

7

Кел, қўлда тутиб қилгучи шод бодаи ноб,
Кел, сифла рақибдан яширин ҳамда шитоб,
Душман сўзига кирма сира, кетма, ўтири,
Кел, тингла бу нуктанию нўш айла шароб!

8

Сен моҳу тўлин — сенга қуёш банда эмиш,
То банда эмиш ўшал — равшан-да эмиш.
Бир чеҳраки, офтоб нур эмиб шуъласидан,
Ой ҳам илибон ёфду билан шаън-да эмиш...

9

Эй баҳт, фақирга қани бир ёр бўлсанг,
Мажруҳи замон — дилга мададкор бўлсанг.
Ёшлиқ-ку чиқиб кетди жиловдек қўлдан,
Кексалик узанги каби пойдор бўлсанг.

10

Ул фасли йигитликда шароб кўп создир,
Гул юзлар илан бодайи ноб кўп создир.
Оlam-ку хароб работ эрур бошдан-оёқ,
Бўлмоқ бу хароб ерда хароб кўп создир.

11

Гар биз каби сен ҳам асири дом бўласан,
Азбаски, хароби бодаю жом бўласан,
Дунёсига ўт қўйгучи ошиқлармиз,
Биз бирла ўтирма сира — бадном бўласан!

12

Ким кўрди у ёрдан вафо — мен кўраман?
 Ким кўрди жағодан сафо — мен кўраман?
 Умримсан-у, аммо, бевафосан, не қилай,
 Ким кўрди умрдан вафо — мен кўраман?

13

Хажринг ўтида шамъ каби афзун йиғлай,
 Жомдек тўқайину ашки гулгун, йиғлай,
 Май жомига ўхшайману дилтанглиқдан
 Чанг ноласини тинглар экан, хун йиғлай.

14

Ҳаргиз мени ёд айламадинг, шамъи Чигил,
 Мушкул эса-да бу мен учун — кўнди кўнгил.
 Дардеки, ғамингдан юрагимда қат-қат,
 Дил билгаю мен билгуму мен билгуму дил.

15

Создир неча дилни май билан шод этсак,
 Ўтган била кетганни-да кам ёд этсак
 Ҳам бир йўла зиндоний омонат жонни
 Бир лаҳзага ақл илкидан озод этсак.

16

Бул кеча ғамингдан қон аро ётгумдир,
 Ранж бистарида — ҳижрон аро ётгумдир,
 Гар шубҳа этарсан, ўз хаёлингни юбор,
 Кўрсин ўша — не афғон аро ётгумдир...

17

Шўхликдами, бизнинг ўша дилбар тоқдир,
 Бечора дилим висолига муштоқдир.
 Ўймоқ каби — оғзи, юзи — лола, тани — сийм,
 Ширин сўзу боз латифу сийминсоқдир.

18

Боғ ичра бўлиб боди сабо дояи гул,
 Машшота мисоли ясатиб пояи гул,
 Гар соя аро топса омонлик офтоб,
 Бас, иста қуёш юзлинию сояи гул.

19

Турк чехрали ул фаришта жон қасди эди,
 Кўздан яширин хур каби бўй-басти эди,
 Тор бўлмаса мунча оғзинг — йўқдек-ку, десам,
 Куйманг-да қилиб тамаъи хом асти, деди.

20

Дам урди вафодан неча — душман бўлди,
Гарлик бари пок кимса учун фан бўлди.
Тунни, дедилар, ҳомиладор, ҳайронман,
Эрсин ўша иккиқат кимдан бўлди?

21

Гул фунчаси то бодага ҳамроуз бўлгай,
Май майлида нарғис қадаҳсоз бўлгай.
Фориф дили ул кимсаниким мисли ҳубоб
Майхонага йўл тутиб — сарафроз бўлгай!

22

Улфатлар аро қай куни дил қилди хитоб:
Гул мавсумида тарқ этайин бодаи ноб.
Булбул чаман ичра қичқириб берди жавоб:
Фоғил, бу нима — фасли гулу тарки шароб?!

23

Чарх қай куни сендан айириб эрди мени,
Чехрамда табассумни қачон кўрди мени?
Хажринг ғамидан дилдаги чўнг дардимни
Мен билгуму Ул — лойимни ким қорди мени.

24

Ҳарчанд фироқ сендан узоққа солсин,
Сабримни юзинг ҳажри дилимдан олсин,
Бир бор назарим тушса бўлак юзга агар,
Хуснинг тузи ҳаққи, кўзларим кўр бўлсин!

25

Ич боданиким, мангу ҳаёт шу асли,
Беш кун бу тириклиқда најот шу асли.
Гул мавсумию дўсту яқинлар сармаст,
Шод бўл, бу жаҳонда чин нишот шу асли!

26

Чехрангки, латофат ичра ойинаи рух,
Тонгларда хаёлинг қадами берса шукуҳ,
Тортишга кўзимга кўрқаман киприқдан:
Бўлмасми хаёлингнинг оёғи мажруҳ?

27

Ўлдим бўса бирла қучогинг орзусида,
Ўлдим ўша жонбахш дудоғинг орзусида,
Ҷўзигб нетаман қиссани, бас, қисқа қилай:
Ўлдим, яъни бошдан-оёғинг орзусида!

28

Эй, тортинади фунчай мастур сендан,
Ҳайрону хижил нарғиси махмур сендан.
Гул teng кела олмас сенга, ул моҳтобдан —
Гар ёғду эмар, олади ой нур сендан.

29

Сув кетди тагига умр вайронасининг,
Тўлмоқ ғами босди умр паймонасининг,
Эй хожа, кўзингни оч, замон ҳаммоли
Рахтини қўпормоқда умр хонасининг.

30

Эй ёр юзи ишқи, мени кўп зор этма,
Дилхаста бу ринд аҳлини хуммор этма,
Расмини йўловчиларни, сўфий, биласан,
Ринд аҳли ҳақинда сўзни бисёр этма.

31

Кўзингда неча макру фириб чақнайди,
Жанг қилгали истабон рақиб чақнайди,
Бас, қолди дилинг-да ҳамнафаслардан тез,
Оҳ, тош дилинг ишсиз зерикиб чақнайди...

32

Гул сўйлар эди: “Магар қўлим бўлсайди,
Қочган бўлур эрдимки, йўлим бўлсайди,
Айбим йўғу мунча мени куйдиргайлар,
Куйгайди уйим айби мўлум бўлсайди...”

33

Келмайди хаёлимга ўйингдан ўзга,
Йўл борини билмадим кўйингдан ўзга.
Ҳар дийдага уйқу ёқади, аммо, менинг
Кўзимга кўринмайди бўйингдан ўзга.

34

Душманнинг жафосидан мудом қоч, эй дўст,
Яҳши кишиларга қучоғинг оч, эй дўст.
Одам санама, қўлингни юв нокасдан,
Мехринг хунар аҳли бошидан соч, эй дўст.

35

Офтобдек ул ой юзи мунаvvар бўлди,
Хатти бўйида чашмаи кавсар бўлди.
Дилларни у солди чоҳига кулгичининг,
Чоҳ теграси буткул мушку анбар бўлди.

36

Кўнглим қуши то тушди ғаминг домига-ей,
Бўлди у йўлиқкан каби тиф комига-ей,
Дунё қадаҳин шарбатидан безорман,
Тўлди жигарим қони ғаминг жомига-ей.

37

Вақт етди, хуморлар аста қўзғолгайлар,
Ёру маю соз ёнидан жой олгайлар,
Ўткинчи ҳаётга қасдма-қасд ул дамда
Жом бирла қадаҳга қора қон солгайлар.

38

Аввалда вафо қилди тутиб жоми висол,
Маст этди-ю, ҳажр аро сўнг отди у ҳилол,
Ҳар икки кўзим ёшга, дил оташга тўла,
Тупроқ каби жоним йўлида бўлди увол.

39

Ҳажринг ғами тушди бу дили дарвешга,
Сепган каби бўлди туз жигари решга.
Тушмай, деб узоққа қўрқар эрдим сендан,
Кўргил, мана, тушди у қаро кун бошга...

40

Хижрон куни бу — чеккали ҳажри аҳбоб,
Ул айшу қувончини унутгай асҳоб.
Май йўқлигидан хүшёр эмасман, асло,
Май бору vale ҳарифи майдир ноёб.

41

Важ топади — ким бодани инкор қиласи:
Шундай тирилар ҳар киши қандай ўлади!
Бизлар яшадик маъшуқу май бирла мудом,
Бас, ҳисса қиёматда-да шундай бўлади!

42

Гул баҳти жуда кулган экан гулшанда,
Йиғлайди булат, гул-чи, қиласи ханда.
Мақтанса-да озодлигидан ҳарчанд сарв,
Тик қадди билан бўлибди гулга банда.

43

Жонон, сени тарк айламак эрмас осон,
Зумрад хатинг қошида то бермай жон.
Жонимни физосидир у ёқут лаблар,
Келмайди teng унга икки юз минг маржон.

44

Шўр бахтим агар бўлмаса ёр, мен на қилай?
 Кўнглимни қувонч айласа зор, мен на қилай?
 Кўзимнинг у гавҳари эди — тарк этди,
 Бу гавҳари йўқ кўз энди хор, мен на қилай?

45

Шоҳ тахтида ўлтиrsa-да тўкиб ёшини
 Гул зорланади: “Кўринг бу дунё ишини:
 Гар шунча куяр мен каби шаффоф хилқат,
 Вой, ҳолига мингвой гуноҳкор кишининг!”

46

Тонг ели, ўшал сулувга хушторлигим айт,
 Бир кўргали ой юзини минг зорлигим айт,
 Тунларни ширин уйқуда ўтказгучи ул —
 Бегамга қачондан бери бедорлигим айт.

47

Қай дам назаринг бу дили ғамнокка етар,
 Гўёки қуёш шуъласи хошокка етар.
 Сўз қотма, эсам-да гар йўлинг тупроғи,
 Минг ҳайфки, оввозинг агар хокка етар...

48

Токайгача бу элга жафо қилгайсан?
 Озурда кўнгилларни яна тилгайсан?
 Дил аҳли қўлида қонсираган тиф бор,
 Конинг сени бўйнингда эрур билгайсан?..

49

Дедимки: “Лабинг?” Деди: “Лабим — обиҳаёт”.
 “Оғзинг-чи?” — дедим. Деди: “Бу — бир дона набот”.
 Дедимки: “Сўзинг?” Дедики: “Ҳоғиз айтмиш: —
 Сўз пирларини дуо билан айланг ёд!”



Егишे ЧАРЕНЦ

Янгроқ тордир юрагим менинг

* * *

Орзу қилдим телбаваш, дилгир,
Мен қүёшни тунда дам-бадам.
Атрофимда на сас, на шивир,
Бари хира — ҳилол ҳам, тун ҳам.

Мен қүёшни кутдим уззу кун,
Тайёр эдим севмоқقا ёниб, —
Ажиб товуш, пурмаъно шивир,
Қүёшмонанд сўзларга қониб.

Чор атрофим тун эди, аммо,
На бир товуш, на нур — зим-зиё.

1915

Русчадан
Абдулла
ШЕР
таржимаси

1937 йилнинг йигирма саккизинчидан йигирма тўқизинчи ноябрiga ўтар кечаси Ереван кўчаларидан бирида усти ёпик, ёнларига қатта ҳарфлар билан “Нон” деб ёзиб қўйилган, қопқора улкан яшиқдек машина, одатдагидек, бир маромда ўтиб бораради. Унга кўзи тушган содда одамлар, бирон-бир шифохонага ёки болалар уйига янги узилган нон олиб кетишаётган бўлса керак, барака топсин Сталин отамиз, деб ўйлардилар. Лекин у, асл мақсади инсон шахсини, эркини, тафаккурини оёқости қилишдан иборат мудҳиш ленинча-сталинча тузумнинг, ёвузлик ва алдов салтанатининг навбатдаги ёлғони эди: улкан қора машинада сохта сиёсий айб тақаб отиб ташланган буюк арман шоири Егише Чаренцнинг (1897—1937) жасади эл кўзидан яширин кўмиб ташлашга олиб кетилаётган эди. Чаренц 1936 йилда ёзилган “Менинг тонг юлдузим” шеърида ўзини бевақт зулмат қурбони бўлган тонг юлдузига ўхшатади. Шоир қалби ғаддор қисмат зарбасини олдиндан ҳис қилган эди. Аммо ҳали кирққа тўлар-тўлмас қатл этилган шоирнинг юлдузи яна қайтадан порлаб турибди, уни бир муддатга, вақтинча ўчирғанларнинг ўзлари эса эзгу номлар рўйхатидан абадий ўчуб кетдилар.

ЖАҲОН АДАБИЁТИ

129

* * *

Тугайди менинг ҳам ердаги йўлим,
 Қачондир кўзимни ёлиб қўярлар,
 Унутиб мен айтган қўшиқларни, жим,
 Қабр учун ҳосилдор ерни ўярлар.

Борлиқнинг қўёши ўша — серкарам;
 Раҳматлар сочади ўрмону қирга.
 Ишониб-ишонмас туқдан онам ҳам, —
 Бўлган-бўлмаганим айланар сирга.

Барча гуноҳимдан кечарлар дарҳол,
 Кечарлар, ўлимим баҳона бўлиб.
 Ва мен тарқалгайман енгил дуд мисол
 Давримдек бетакрор афсона бўлиб.

1916

ҲИЖРОН СЎЗЛАРИ

Мунча тез кўзларимнинг чўғлари ўчди бутун,
 Мунча тез юрагимда сўндиридим юлдузларни?
 Бироқ видо чоғида кечмишини қарғаш нечун?
 Ҳаёт ўтиб, тугайди; умри узоқ сўзларнинг.

Ҳаёт ўтиб, сўнади худдий ботқоқлик аро
 Бир мажхул милтиллаган афтода соқов нурдай.
 Кўшиқ-чи? Ким ҳам билар: куйладим кимга шайдо?
 Қалбимнинг аламлари ўзгага мерос қолгай!

Мен камсуқум эдим-ку, ким билган, ахир, бир-бир, —
 Мен ўзим ким эдим-у, ҳаётим қандай дафтар?
 Билганлари факат шу: шеър ёзди яшаб шоир, —
 Сени мен қандай билсам, мени шундай биларлар.

Нозик бир чечак каби мадҳ этдим ёниб жуда,
 Куйлаб кўзинг чўғини, сўзларинг жодусини.
 Ишқингда эриб, сўйдим сен томонга бехуда
 Чўзилган қўлларимнинг соғинчли қайғусини.

Чаренц арман адабиётининг XX асрдаги мумтоз шоирлари Ованес Туманян, Аветик Исаакян, Ваан Терьянлар қаторида туради. У ўз ижодида мумтоз адабиётининг энг ажойиб анъаналярини давом эттиргани ҳолда, арман шеъриятига янгича эпик кўлам олиб кирди. Унинг 20-йилларда яратилган “Түя”, “Эроннома”, “Рам-Рой”, “Хитой достони” сингари достонлари арман адабиётида катта воқеа бўлди. Ҳозир ҳам Чаренцнинг оташнафас шеърлари, ўнлаб достонлари, насрый асарлари кишини бадиияти билан мафтун этиди, кўлами билан ҳайратда қолдиради. Ўзбек шеърхони Чаренцни устоз шоирларимиз Мақсуд Шайхзода ва Султон Акбарий таржимасида чоп этилган “Чаренцдан салом” деган китоби орқали танийди. Бу гал шоирнинг янги таржима қилинган шеърлари билан танишасиз.

ЖАҲОН АДАБИЁТИ

Мана, яқинлаб келар менинг туманли шомим,
Нима қилай, сингилжон, солмаслик учун фарёд?!
Мен қандай рози бўлай, заиф қўлдаги жомим
Бўйм-бўйшдир аллақачон, қайта тўлмагай, ҳайҳот!

Жувонмарг кунлар мени кечиргайми осуда, —
Неки қиссан барига сезсан гумон туйгусини?..
Не бўлса ҳам, қарғама, сен томонга беҳуда
Чўзилган қўлларимнинг соғинчли қайгусини.

1917

* * *

Йўлга чиқдим бир ўзим танҳо,
Асрлардан ўтдим пиёда.
Кулаб тушди не-не чўнг бино
Бола қалбим куйлаган чоёда.

Жуда узок, узоқдир уйим!
Керакми у? Қаерда ўзи?
Атрофимда олов ва қуюн,
Чақнаб боқар ўлимнинг кўзи.

Шамол — менинг айқирган отим,
Учиб борар бўй бермас, асов,
Оловларга қалбимни отдим,
Қалбим ўзи қайғу ва олов.

Мен бораман. Не учун? Қаён?
Атрофимда олов ва қуюн.
Бир шарқия янграр ҳукмрон,
Жуда узок, узоқдир уйим!

1918—1920

* * *

Ёд риштаси боғламиш бизни,
Биз биттамиз сен билан, ўлкам.
Сезяпсанми, айт, ёниқ сўзни —
Чарсиллаган мисраларни ҳам?

Қалб титроғин сезяпсанми, айт?
Мудратмагай қип-қизил яра, —
Уни қўшиқ куйдирар бу пайт,
Қара, юртим, онажон, қара!

Олисдаман, туман тўрт томон,
Кўшиқларим — олов ва азоб,
Бор ҳаётим бамисли бўрон,
Ўтиб борар дунёдан шитоб.

1918—1920

Ёнар севги, олис неки бор
Қўру кулга айланиб бутун.
Туғилмагай ул туйғу тақрор —
Ер ишқидан сархушман бугун.

Ёқдим қонда мунглар туғдирган
Кўшиқларни буткул хотиржам,
Хаёлий ишқ чарчоги билан
Фамгин алла мудроғини ҳам.

Ижод дарди чўнг, беаёвдир,
Мен ўт қўйдим зангор қасрга,
Неки бугун кулу оловдир —
Ризолигим янги асрга.

Юрагимдир менинг янгроқ тор,
Сарин елдир қўшиғим бу дам.
Ахир, тиклар қаддини тақрор
Юз йилларнинг қаъридан ўлкам.

1918—1920

* * *

Қизил тан тулпорлар учар бетийик,
Кўпирган ёллари ёнади лов-лов.
Тақалар учқуни нақадар қуюқ,
Тақалар шуъладир, тақалар — олов.

Қизил тан тулпорлар чироқдек ёқди
Заминни — ёйилди шафақ осмонга,
Сўнг қуюндеқ, ўрлаб ер бўйлаб оқди
Хаяжон уругин сочиб жаҳонга.

Туёклар остидан сачрару учқун,
Ерни эртанги кун ёриб чиқар даст,
Метин пойdevor ҳам, боқ, кунфаякун,
Зулматни енголса, олов — муқаддас.

Тулпорлар учади — на ҳудуд, на чек,
Кўпирган ёллари елдаги ялов,
Иzlari нур сочар яллиғли чўғдек,
Қизил тан тулпорлар — муқаддас олов.

1918—1920

* * *

Ким қаршилар салом деб, қутлаб,
Ким күнглимини этар чароғон?
Ким боқади менга бурмай лаб,
Шириң калом айлаб армуғон?

Ким құчоқлаб йиғлар bemажол, —
Кимга таниш қалбимдаги дод?
Ким билади: бордир, әхтимол,
Қайлардадир менга дарддош зот?

Әхтимол, бу ҳаяжон, истак, —
Нимаики менга бұлса хос, —
Фақат ўнгда содир бұлажак
Бир алдамчи рўёдир холос.

Әхтимол бу, жон аччиғида
Куйлаганим — етти ёт қайғу;
Қора олам қорачиғида
Ўз дардимдек кўрингандир у...

Салом сенга, менга номаълум,
Қўмсашибларга ошно, дўстгинам!
Салом ёшлиқ — мўжиза мавсум
Ва ёшлиқка юз бурган олам!

Сизни эса, қаърдаги аждод,
Маъюс кулиб айлагайман ёд.

1921

* * *

Ўздан кечиб, дунёдан кечиб,
Ёдим дарди билан яшайман,
Фамгин қўшиқ қишинин ечиб,
Севгим, сени куйлай бошлайман.

Ишқ қўшиғи якто, лазизки,
Хавотирга фақат лиммо-лим.
Шундай теран, шунча чексизки,
Гўё менинг сўнги йўқ йўлим.

Ва сен, севгим, бетиним куйлаб,
Янгратасан қалбимни бедор,
Ўтаётган кунларни ўйлаб,
Фам чекасан такрор ва такрор.

Сен чексизсан худди вақт мисол,
Сўзлардан-да янгроқ сукутинг,
Орзуладинг — энг юксак ҳилол,
Қўшиқдандинг ўлмас вужудинг.

1935

МЕНИНГ ТОНГ ЮЛДУЗИМ

Жуда эрта, эрта уйғон-да,
Тонг сизганда бир кун оч кўзни.
Сен кўрасан шу ҷоқ осмонда
Чарақлаган мовий юлдузни.

Худди шундай номинг ҳам бир пайт
Чарақларди, Чаренц, нурафшон.
Қайси зулмат уни ютди, айт?
Нега кечди, айт, ундан осмон?

Ўчирмади, йўқ, уни қуёш
Нур сочай деб янги бир кунга;
Ҳали қуёш чиқмай, бағритош —
Қора булат ташланди унга.

У юлдузни сўндириди зулмат,
Ютди уни қоп-қора олам.
Шеър эди-ку истагим фақат,
Кўп кўрдилар, ҳатто шеърни ҳам.

1936

РУБОИЙЛАР

Даҳодир, ажратди хўбни Искандар,
Қўшди ҳам озига кўпни Искандар.
Оламда ҳаракат бўлмаса эди,
Кўзгата олмасди чўпни Искандар.

1926

* * *

Ҳаёт ҳам, ўлим ҳам — лаҳзалик ташвиш,
Сўнмас оловни ҳам ўчирап гардиш.
Ҳар лаҳза ўзгариб турган дунёда
Йўқолмас, ўзгармас фақат ўзгариш.

1926

* * *

Шоир келар дунёга ўқу ўқдони билан,
Қалбларни жаранглатар шеъру достони билан.
Буюклиги ўлчанар, бироқ, ўқлар бўйимас,
Улар мўлжалга олган улкан нишони билан.

* * *

Руҳинг фақат бир бора жаҳонни қаратгайдир,
Күёшдан-да ёруғроқ бир ёғду таратгайдир, —
Қачонки сўнгги чоғда у худди қақнус монанд
Кулидан ўзи каби юлдузни яратгайдир.

1934

БАЙТЛАР

Ёру май қувончини топай деб ердан, Хайём, —
Ёру майни изладинг совуган қўрдан, Хайём.

* * *

Шоҳларни зарга ўраб, қалам билан, Фирдавсий,
Ўзинг ўтдинг-ку ўён, алам билан, Фирдавсий!

* * *

Шоҳларнинг зафарини ёниб ёзганинг билан
Исиди на ҳаётинг, на шўрлик қоқсуяк тан.

1934

* * *

Кунлар алвон шаршара
Кунлар чорлаб жаранглар,
Кунлар — олов манзара,
Кунлар — рангин оҳанглар.

Қалб эслатар бурғуни, —
Учар кунлар изидан,
Эшитяпсанми уни,
Танийсанми сўзидан?

Кўксимни этмиш ишғол
Гулханнинг алвон туси,
Истиқбол, кел, келақол,
Йўқол, кечмиш қайғуси!

Келажакка, истайман,
Қўшиғим омон етсин.
Бугунинг ланғиллаган
Гулханини пок элтсин.

1918—1920

МАРҲУМЛАРГА ШАРҚИЯ

Бир буюк дард билан қузатамиз биз
Сизни, бу дунёдан кетган азизлар.
Жаннатий заминни тарк айладингиз,
Абадий орқага қайтмагайсизлар.

ЖАҲОН АДАБИЁТИ

133

На чора, лаҳадда чиримоқ тақдир,
Кўшилиб кетгайсиз ер билан бирдай!
Нима деб кўнглингиз кўтари, ахир,
Одамзот қисмати шу бўлса, нетай?!

На чора, ўлимни йўқ қилиб бўлмас,
На чора, ҳаммани кутар интиҳо,
Аммо қалбимиизда ўлимни билмас
Хотира деган дард яшар доимо.

Хотира қўзғолар дўуниб азобга,
Хок узра олмосдек тирик ярқирап.
Келажак бир хуш бўй сочиб атрофга,
Ҳаётбахш шарқия бўлиб ҳайқирап.

Кунлар ҳам хок бўлгай, албатта ўлгай —
Ўлгай қуёшу ой, бир осмон юлдуз,
Бизни ром айлаган баҳор ҳам сўлгай,
Гуллар ҳам айлангай хокка, шубҳасиз.

Биргина хотира, ўлмагай асло
Ўлмаслик нуридан туғилган мисол.
У худди зарралар булутинамо
Шовва устидаги нурафшон жамол.

У акси салодир — на тиниб-ўчар,
Абадий йўқолган куннинг рангидир.
Бошимиз устида осмонга учар
Янги бир чечакка бўлай деб ёмғир.

Сизларнинг қонингиз, сизларнинг орзу
Ул чечак шу бугун сочган хуш бўйлар;
Байтимни айтдимми — меникимас у,
Шундай: сизникимас энди ул ўйлар!

Ахир, шундаймасми —, бизга бугун ҳам
Ўчган юлдузлардан келаётган нур?!.
Унудир қабр учун туғилган одам,
Хотирда яшаса — у мангү эрур.

1933



Аннемарие ШИММЕЛ

ЖОНОН МЕНИНГ ЖОНИМДА

ПАЙФАМБАР АЛАЙҲИССАЛОМ ВА ХОТИН-ҚИЗЛАР

Хотин-қизлар, хуш бўйлар меҳри
Бу дунёда дилга бўлди жо.
Кўнглим хуши, қўзим қораси
Дил юпанчи намозда аммо.

Муҳаммад алайҳиссаломнинг бу ҳикматли сўзларини кўп ҳолларда мисол қилиб келтирадилар, ахир бошқача бўлиши, яъни энг инсонпарвар Ислом дини хотин-қизларга беписандлик билан муомала қилишни, нафрат кўзи билан қарашни тарғиб қилиши мумкинми? Асло. Бироқ, кейинчалик тасодифий ҳолатлар, тараққиёт, пайдо бўлган янги қонун-қоидалар ва сўфийона тариқатлар хотин-қизлар мавқенини Пайғамбар алайҳиссалом ва Ул Зотнинг издошлари замонасидагига қараганда анча паст даражага тушириб қўйгани ҳам сир эмас. Шу сабабдан ҳозирги кунларда Пайғамбарнинг биринчи рафиқаси Ҳадича разийаллоҳу анхунинг фаолиятига етарли даражада аҳамият берилмаётганлиги, тўгри баҳоланмаётганлиги ачинарли ҳолдир. Ахир кўпгина фарзандлар онаси бўлмиш ўша савдогар аёл ўзидан анча ёш бўлган хизматчисига турмушга чиқиб, ундан ҳам фарзандлар кўргач, Пайғамбарга илк ваҳийлар кела бошлагандан уни юпатган, далда бериб кўнглини кўтарган, Ҳиро тоғининг горида ибодат билан машғул бўлган чоғларида содир бўлган воқеанинг Шайтон эмас, Раҳмоннинг хоҳиши или юз берганига ишонтиrolган биринчи Зот шу аёл эмасми-

Олмончадан
Йўлдош
ПАРДА
таржимаси

Машҳур олмон исломшуноси ва шарқшуноси, филология фанлари доктори, профессор Аннемарие Бригитта Шиммел хотин шарқ суфизмининг Европадаги энг етук билағонидир. Америка ва Ҳиндистон, Европа ва Яқин Шарқ мамлакатларидаги олимлар Шиммел хотиннинг номини яхши билишади, унинг асарларига ҳурмат билан қарашади ва кўпгина ҳолларда хотимни ўзларининг устози деб хисоблашади.

Аннемарие Бригитта Шиммел хотим 1922 йилнинг 7 апрелида Германиянинг Эрфурт шаҳрида таваллуд топган. Аввал лицейда, сўнгра Эрфурт мактабларининг бирида таълим олгач, ўн олти ёшида Берлин университетининг араб тили ва исломшунослик факультетига ўқишига киради. Мактабда ўқиб юрган чоғларида ёки араб тилини мустақил равишда ўрганиб олган Шиммел хотим 1941 йилда университетни тугаллаб, филология фанлари номзоди даражасини қўлга киритади. Университетда ўқиб юрган пайтларида эса Шиммел хотим бир йил давомида ўзбек тилини ҳам ўрганиб чиқади.

1941—1945 йилларда Шиммел хотим Германия Ташқи ишлар вазирилигига таржимон бўлиб ишлаган, уруш тугагач эса яна илмий иши ва изланишларини давом эттириб, Марбург шах-

ди? Шунинг учун ҳам Ҳадича разийаллоҳу анху “бутун мусулмонлар онаси” ва “барча аёллар аълоси” (хайруннисо) деган шарафли номларга тўла ҳуқуқ ила сазовор бўлган. Ҳозирги кунларда ҳам кўпгина мусулмон эр-аёллар ул зоти олиянинг илк ислом тарихида ҳал этувчи ўрин туттганлигига алоҳида ургу берадилар. Мұхаммад алайҳиссалом уни жуда қаттиқ севганлар. 619 йилда Ҳадича разийаллоҳу анху Пайғамбар алайҳиссалом билан қурган 25 йиллик жуфти ҳалолликдан сўнг дорилғандан дорилбақога риҳлат қилгач, Пайғамбар бир қатор бошқа аёлларга уйландилар. Улар орасида Мұхаммад алайҳиссаломнинг содиқ дўсти ва издоши Абу Бакр Сиддиқнинг ёш, навниҳол қизи Оиша разийаллоҳу анхугина Пайғамбарга бокира қиз ҳолида турмушга чиққан, қолган хотинлари эса бева ёки ажрашган ва ёки илгари чўри бўлиб, сўнгра озодликка чиқарилган хотинлар бўлган. 19—20-асрдаги Ҳиндистон модернчилари учун бу ҳолат бева қолган аёлларни турмушга беришни ҳаётга татбиқ этишда мұхим аҳамият касб этди, чунки ҳинд муслималари бева қолган тақдирда хурофи ҳиндавийлик одатлари таъсири остида қайта турмуш қуриш ҳуқуқидан бутунлай маҳрум этилардилар. Пайғамбар саллаллоҳу алайҳи вассалламнинг бу йўриғи уларга ибрат бўлди. Пайғамбар (с.а.в.)нинг кейинги хотинларига ҳам “мусулмонлар онаси” деган шарафли унвон берилган. Қуръони Каримда эса уларга “зеб-зийнатларини тўсиш” (24-сурә, 31-оят) буюрилган. Эҳтимол уларнинг ҳурматли хонимлар сифатида енгил-елпи кийинган паст табақа аёллардан ажralиб туришлари учун ҳам шундай буюрилган бўлиши мумкин, лекин барибир бу ҳолат аёлларнинг ҳуқуқларини чеклаб қўйиш эмас, балки уларга юксакроқ ҳурмат-эътибор кўрсатилиши лозимлигидан далолат беради. Бироқ замонлар ўтиши билан вужудга келган ижтимоий ўзгаришлар натижасида мусулмон оламида аёлларнинг но-маҳрамлардан тўсиб қўйилиши жиддийроқ тус олди. Биринчи навбатда саййидалар, яъни Пайғамбар ва Ул Зотнинг қизлари Фотима разийаллоҳу анхунинг аёл авлодлари паранжи-чимматларга ўраб, турли тақиқларга чирмаб ташланди. Ҳинд мусулмон дунёсида улар шундоқ ҳам турли тақиқлар остида яшардилар.

Ислом дини нозил этилган илк даврларда эса аёллар жуда фаол бўлишган. Бунга мисол қилиб Оиша разийаллоҳу анхунинг саҳобалар билан бирга дин ва шариат масалалари муҳокама этилган мажлисларда иштирок этганлигини келтириш мумкин. Шунинг натижаси ўлароқ, ул зоти олиянинг шарофати билан Пайғамбар алайҳиссаломнинг шахсий ҳаётига таалуқли турли хабарлар бизгacha етиб келган. Бундан ташқари, Оиша разийаллоҳу анху 656 йилда Ҳазрат Али

рида дин тарихидан докторлик илмий ишини муваффақият билан ҳимоя қилади. 1951 йилда олимага “Филология фанлари доктори” деган юксак унвон берилади. Оlima Marburgуниверситетида араб тили ва исломшунослик фанларидан дарс бера бошлайди. 1954 йилда Шиммел хонимни Анқара университетининг Ислом-теология факультетига дарс беришига таклиф этишади. Дарслардан бўш пайтларда олим турк мумтоз адабиёти ва Туркиядаги Ислом дини масалаларини ўрганиб чиқади. 1961 йилда у Германияга қайтиб келади ва Бонн университетининг профессори ва исломшунослик масалалари бўйича илмий маслаҳатчи лавозимига ишга тайинланади. Олиманинг олиб борган илмий ишлари ўзининг кенг кўламлилиги ва аҳамияти билан жаҳон олимлари эътиборини қозонди. 1967 йилда хоним Кембриждаги Харвард университетига ишга таклиф қилинди. Олим ўша ерда аввал доцент, 1970 йилдан бошлаб эса профессор лавозимида хинд-мусулмон маданияти фанидан маъruzalар ўқиб келмоқда. Бундан ташқари, олима тез-тез чет элларга бориб, маъruzalар ўқиди. 1980 йилда у Канададаги Америка консулхонасининг таълим масалалари бўйича маслаҳатчиси бўлиб хизмат қилди. Шим-

ва унинг аскарларига қарши олиб борилган жангга ўзи бошчилик қилиб, фалабага эришган.

Суннийлар Оиша разийаллоҳу анхунинг фаолликларидан фурурланиб юрадилар ва Мұхаммад алайхиссаломнинг унга “каллимини йа ҳумайра”, яъни “гапир менга, жажжи қизғиши сочлигим”, деб қилган мурожаатини тез-тез мисол қилиб келтирадилар, чунки бу дуркун жувон Пайғамбар алайхиссаломнинг күнглини усталик билан хушнуд этиш қобилиятига эга бўлган. Суфийлар Пайғамбарнинг бу мулоим гапини ошиқнинг маъшуқ ёки маъшуқага, яъни илоҳий руҳга қиласидан мурожаатига муқояса қиласидар.

Шиалар эса Оиша разийаллоҳу анхуни жуда ёмон кўришади, чунки у Пайғамбарнинг амакивачаси ва күёви, шиалар томонидан биринчи имом ҳамда барча мусулмонларнинг чинакам раҳбари деб эъзозланадиган Али ибн Абу Тобиб (Ҳазрат Али) билан сира чиқишолмаган. Шиаларнинг фикрича, Мұхаммад алайхиссалом дорилбақога риҳлат қилгач, қонуний равишда Ҳазрат Али халифа бўлиши лозим экан, аммо Оиша (р.а.)нинг отаси Абу Бакр Сиддиқ 632—634 йилларда зўрлик билан халифаликни эгаллаб турган эмиш. Бундан ташқари, Оиша разийаллоҳу анхунинг Ҳазрат Али билан чиқишолмаганлигига яна бир сабаб бор эди. Пайғамбар алайхиссалом саҳобалари билан бирга бир ғазотдан қайтаётганларида, Мадинага яқин жойда аскарларга бир оз дам берилади. Шунда Ул Зот билан ғазотга чиққан жуфти ҳалоли Оиша разийаллоҳу анху ҳожат учун карвондан анча узоққа кетиб қолади. Қайтиб келганида карвон жойидан жилиб, кўринмай кетган бўлади. Уни саҳобалардан бири топиб, туяга миндириб олиб келади. Ўшанда унинг бўйнидаги маржон ҳам йўқолган дейишади. Ҳазрат Али ҳам Оишанинг покдомонлигига шубҳа билдирган кишилар орасида бўлгани учун, Оиша уни ёмон кўриб қолган. Тўғри, тезда илоҳий оятлар нозил этилиб (24-сурә, 11—13-оятлар) Оиша (р.а.)нинг поклиги, шубҳаларнинг ноўринлиги аён этилган. Бироқ Оишанинг Ҳазрат Алига салбий муносабатда бўлганилиги, 656 йилдаги жангда унинг устидан ғалаба қозонгандиги шиаларнинг ғазабини жунбушга келтирган. Шу сабабдан суннийларда тез-тез учрайдиган Оиша исми шиаларда умуман учрамайди. Ултра (ашаддий) шиалар ҳисобланмиш Нузаирийлар адабиётида эса Оиша (р.а.)ни астагфируллоҳ, Мусо алайхиссалом ўз қавмига “Оллоҳ бир сигир сўйишини буюорди”, деб айтган (2-сурә, 67—71-оятлар) қари ҳам, ёш ҳам бўлмаган оч мallaранг сигирга қиёс қилганлар.

мел хоним Нью-Йорк, Лондон, Эдинбург университетларининг фахрий профессоридир. Шиммел хоним Германия Китоб саводоси ташкилотининг 1995 йилги Тинчлик мукофотини олишга меваффақ бўлди. Олиманинг “Ўрта асрлар охирида Мисрдаги халифа ва қозилар”, “Ибн Илёс йилномасига кўрсаткич”, “Ер юзидаги динлар”, “Сўнгги мамлуклар бошчилигидаги ҳарбийлар тизими”, “Шарқ лирикаси”, “Халлож — ишқ йўлидаги шахид” каби ўзга яқин асарлари жаҳон афкор оммасига яхши маълум. Бундан ташқари, кўплаб илмий ва адабий асарларнинг немис тилига қилинган моҳир таржимони ҳамдир. Шиммел хонимнинг заҳматли мөхнатлари туфайли, Покистоннинг энг юксак мукофоти “Хилоли имтиёз”ни ҳамда “Ситораи Қайди Аъзам” орденини олишга мушарраф бўлди. Айниқса Покистон пойтахтининг марказий кўчаларидан бирига Шиммел хоним номининг берилиши бу олиманинг исломшунослик борасида нечоғли юксак мартабаларга кўтарилганидан дарак бериб турибди.

“Жонон менинг жонимда” китоби Аннемарие Шиммел хонимнинг энг кўзга кўринган асари ҳисобланади. Мұхтарам журналхонларимиз эътиборига шу асардан айрим бобларни ҳавола этмоқдамиз.

ЖАҲОН АДАБИЁТИ

Пайғамбарнинг тўртта қизи бўлган. Фарзандларнинг қиз бўлиши энди илгариги жоҳилия давридагидек айб ҳисобланмаган. Ислом дини келишидан аввал Арабистонда түгилган қизларни ортиқча текинтомоқ ҳисоблаб, тириклиайн кўмиб ташлардилар. Бу файриқонуний, ваҳший одат Қуръони Каримнинг 81-сурә 8-ояти ва 16-суранинг 58—59-оятларида кескин қораланди. Қизларга бўлган муносабатнинг ўзгарганлиги одамларга бериладиган ном, тахаллус ва лақабларда ҳам акс эта бошлади. Абу Толиб, яъни Толибнинг отаси, Абу Талҳа, яъни Талҳанинг отаси деган номлар билан бир қаторда Абу Лайло, яъни Лайлонинг отаси ёки Абу Райхона, яъни Райхонанинг отаси деган номлар пайдо бўлди. Бир ҳадисда айтилишича, энди кишилар фарзанди қиз эканлигидан ор қилмайдигина эмас, балки қиз кўрган кишиникига табриклагани борадиган бўлишган, чунки бир қиздан бир қанча ўғил неваралар кўриш мумкин-да. Бундан ташқари, тўртта қиз тарбиялаб, вояга етказган кишилар тўғридан-тўғри жаннатга тушадилар, деган ҳадис ҳам бор, зеро қиз боланинг тарбияси ўғил бола тарбиясига қараганда ўта мушкул ишдир. Муҳаммад алайҳиссаломнинг учта қизи, яъни Зайнаб, Руқайя ва Умм Гулсумлар оталаридан аввал дорилбақоға риҳлат қилишган. Руқайя ва Умм Гулсумлар Пайғамбарнинг амакиси Абу Лаҳабнинг ўғилларига турмушга берилганди, аммо Абу Лаҳаб Пайғамбарнинг ашаддий душманига айлангач, (Қуръони Каримнинг III сурасида Оллоҳ таоло уни лаънатлаган) қизлар эрларидан ажрашиб, уйларига қайтадилар. 644-656 йилларда учинчи халифа бўлган Усмон ибн Аффон улардан бирига уйланади, бироқ қиз кутилмаганда вафот этгани учун иккинчисини хотинликка олади, чунки Исломда опа-сингилга бир йўла уйланиш ман этилган. Шу сабабдан Усмон ибн Аффонни эъзозлашиб, “Зун — нурайн” яъни “икки нур эгаси” деб аташган. Туркияда ҳозирги кунларда ҳам Усмон Нурий деган ном тез-тез учраб туради. Пайғамбар алайҳиссаломнинг кенжা қизи Фотима разийаллоҳу анху отасидан бир неча ой ортиқроқ умр кўрган. У Пайғамбарнинг бошқа бир амакиси Абу Толибнинг ўғли Ҳазрат Али билан турмуш курганди, ундан иккита ўғил кўрганди. Муҳаммад алайҳиссалом невараларини жуда яхши кўрар, бўш вақтларида улар билан ўйнар экан. Уларнинг каттаси Имом Ҳасанни 669 йилда заҳарлаб ўлдиришади, кичиги Имом Ҳусайн эса 680 йилда Карбало яқинида Уммавийларнинг халифаси Ёзидга қарши олиб борилган жангда шаҳид бўлган.

661 йилда Ҳазрат Али ўлдирилгач, халифаликни уммавийлар эгаллаб олишган эди. Уммавийларнинг иккинчи халифаси Ёзид таҳтга ўтиргач, Имом Ҳусайн ҳокимиятни қайтадан Пайғамбар авлодлари қўлига ўтказиш учун кураш бошлайди. 680 йилнинг муҳаррам ойи, 10-санада Ироқнинг Карбало даштида юз берган бу фожеа шиалар иймонини янада мустаҳкамлади. Пайғамбар алайҳиссаломнинг неваралари исломий ҳалқларнинг шеърий асарларида ҳақиқий ҳаҳрамон, шаҳид деб тасвирланса, уларнинг онаси Фотима разийаллоҳу анху, гарчи иккинчи ўғлидан қарийб ярим аср илгари вафот этиб кетган бўлса-да, болалири учун қайгуриб йиглаётган мушфиқ она даражасига кўтариб тасвирланади. У шиалар учун Муҳаммад алайҳиссалом ва Ҳазрат Алидан кейин учинчи ўринда туради. Фотима разийаллоҳу анхуга берилган “Захро”, яъни “Нур таратувчи”, “Батул”, яъни “Бокира”, “Маъсума”, яъни “Бегуноҳ” деган исмларни шиалар тез-тез ишлатишади. Бундан ташқари, Фотима разийаллоҳу анху Имом Ҳусайнни эслаб, кўз ёш тўқадиган ҳар бир мусулмоннинг билиб-бilmай қилган гуноҳларини мағфират этишини сўраб Оллоҳ таолога ёлворадиган Зот сифатида талқин этилиши билан бир қаторда, суфийлар томонидан “Умм абиба”, яъни “отасининг онаси” деб ҳам эъзозланади. Биби Фотима тўғрисида жуда кўп ривоятлар бор, айниқса унинг “инсонлар маликаси” бўла туриб, ўта камбағалликда яшагани мусулмонларнинг хаёлий дунёсини жунбушга келтирган. “Фотима-нинг сепи” (Жиҳозномаи Фотима) китобида отаси унга бера олган фақирона майда-чуйда жиҳозлар, гарчи ўзининг болалари оч ўтирган бўлса-да, нонларининг энг сўнгти ушоқларигача камбағаллар билан баҳам кўрганлиги, болаларига кийим-кечак етишмаганлиги — буларнинг барчаси ҳар сафар янгича оҳангларда талқин этилганки, натижада Фотима муслималар учун ёрқин тимсолга айланган.

Ўрта асрларда мусулмон дунёсида Биби Фотима руҳини шод этиш мақсади-да бутун мол-мулкини қизларига мерос қилиб берадиган гуруҳлар пайдо бўлган. Суннийлар ҳам унга юксак ҳурмат-эҳтиром билан қарашади. Сунний эканлиги ҳар қандай шубҳа-гумонлардан холи бўлган урду-форс шоири Муҳаммад Иқбол-нинг 1917 йилда чоп этилган “Румузи бехуди”, яъни “Ўзликдан кеча олишнинг сирлари” достонида ва Али Шариатийнинг Эрондаги Ислом инқилоби даврида чоп этилган “Фотима Фотимадир” асарида ҳам бу аслзода ва олийхиммат муслима тўғрисида юрак торларини чертиб ўтадиган ёқимли сўзлар айтилган. Шуни таъкидлаб ўтиш лозимки, Ҳазрат Алининг бошқа болаларидан эмас, балки Биби Фотиманинг ўғилларидан, яъни Имом Ҳасан ва Имом Ҳусайндан тарқаган авлодларгина “саййидлар” деб юритилади.

1331 йили Фазна шаҳрида вафот этган шоир Саноийнинг ушбу мисралари кўнгилларни ром этмасдан қолмайди:

Қизлар, жувонларга тўла бу дунё,
Аммо хайруннисо Фотима қайда?

Кўриниб турибдики, “хайруннисо”, яъни “аёлларнинг аълоси” деган дара-жа нафақат Хадича разийаллоҳу анҳуга, балки кейинчалик унинг кенжага қизига ҳам берилган. Баъзи суфийлар эса ўта сабр-тоқатли эркакларга бериладиган “Фотир” номини Фотиманинг “диний исми” деб ҳам талқин этадилар. Пайғамбар алайҳиссаломнинг атрофидаги аёллар тўғрисида ҳам анчагина маълумотлар бор. Уларнинг баъзилари Ислом илк нозил этилган пайтда оиласлари билан Ҳабашистонга ҳижрат қўлганлар. Умм Осиё каби аёллар эса Пайғамбар алайҳиссалом ва Ул Зотнинг саҳобалари билан бирга ғазотларда иштирок этиб, ярадорларга ҳамширалиқ қилишган. Ўз-ўзидан маълумки, улар номоз ва бошқа диний тоат-ибодатлар қилинадиган масжидларга бемалол кириб, тадбирларда иштирок этишган, чунки ҳадислардан бирида бундай дейилган: “Оллоҳ йўлида хизмат қилаётган ҳамшираларга Оллоҳ таолога сифиниладиган жойларга киришларига тўсқинлик қилманг”. 634—644 йилларда ҳукм сурган иккинчи халифа Умар ибн ал-Хаттоб ҳам, гарчи аввалбошда унчалар ҳоҳламаган бўлса-да, кейинчалик бу ҳадисни ҳаётга татбиқ этишда ўз ҳиссасини қўшган. Қаттиқўллиги ва ҳақиқатпарварлиги ила машҳур бўлган бу ҳукмдор аёлларга нисбатан анча кўнгилбўш бўлган. Ривоят қилишларича, акаси Пайғамбарнинг ашаддий рақиби бўлишига қарамасдан, синглиси Ислом динига ўтади. Буни эшитган Умар синглисини ўлдиришга қасд қилади, бироқ синглиси тиловат қилаётган Куръони Карим оятлари унга шунчалар таъсир қиладики, шу заҳоти Ислом динига ўтиб, кейинчалик Ислом дини учун жонини ҳам қурбон қилишга тайёр бўлган мусулмонга айланади. Бу ривоят Ҳазрат Румийнинг насрый асари “Фиҳи ма фиҳи”да ҳам мисол қилиб келтирилган. Муҳаммад алайҳиссаломнинг авлодлари ўзларининг мӯъмин-қобиллиги, художўйлиги билан машҳур бўлганлар. Улар ичida айниқса Пайғамбарнинг чевараси Саййида Нафиса алоҳида эътиборга лойиқ. У олтинчи имом Жаъфар ас-Содикнинг (вафоти 765 йил) келини бўлган. Саййида холавачаси Сакина билан Қоҳирага келади ва бу ерда ўзининг художўйлиги, диндорлиги билан машҳур бўлади. Тарихчи олим Қоллихоннинг ёзишича, Исломдаги тўрт мазҳабдан бирининг асосчиси Имом Шафиий бу қиз билан бирга номоз ўқишини ўзига шараф деб билган экан. Саййида Нафиса кароматгўй, нафаси ўтқир қиз бўлган. Айтишларича, анча йиллардан бери оқсоқланиб юрган бир яхудий аёл Саййида Нафиса таҳорат олган сувга оёқларини юваб, тузалиб кетган экан. Нафиса вафот этгач, 208/824 йилда унга бир мақбара курилган. Ҳозирги кунларда ҳам кишилар бу мақбарани зиёрат қилишади. Ўрта асрларда, айниқса мамлуклар даврида сultonлар Қоҳира саройида Саййида Нафиса таваллудини кенг нишонлашган.

Юқорида мисол қилиб келтирилган мисралар, яъни Пайғамбарнинг сўзлари ҳамда Ул Зотнинг бир қанча аёлларга уйланганлиги нафақат насроний дини олимларининг, балки насронийларнинг кўпчилилигига аллақандай эриш туюлганлиги, ғашини келтирганлиги сир эмас. Улар ўзини Пайғамбар деб атаган кишининг шунча кўп уйланганига ишонишмаган, чунки улар Худога сифиниш-

нинг асосий йўли роҳиблик деб ўйлашган. Пайғамбарнинг кўп марта уйланғанини, яъни Ул Зотнинг дунёвийлиги, насронийлар онгидаги роҳиблик таркидунёчилик тушунчасига мос келмас эди. Мусулмонлар эса бу ҳолатда бирорта ёмонлик, динга зидлик кўрмайдилар, чунки улар Куръон ва ҳадислардаги “енг, ичинг, кийининг, дунёдан завқланинг, фақат меъёрдан ошиб кетманг, исрофгарчиликка йўл қўйиб, золимлардан бўлманг” деган ақидаларга амал қиласдилар.

Сўзимизнинг бошида мисол қилиб келтирилган Пайғамбар алайҳиссаломнинг сўзларини ҳинд-мусулмон оламининг етук алломаси, деҳлилил Низомиддин Авлиё ўзига хос тарзда талқин этади. “Аёллар, хотин-қизлар” деганда Оиша разийаллоҳу анху назарда тутилган, “кўнглим хуши, дил юпанчи, кўзим қораси” дегани эса Фотимадир, дейди у. Зеро, бу сўзлар айтилган вақтда Фотима номоз ўқиётган экан. Бу энди бир оз ошириб юборилганга ўхшайди, шу сабабдан, бизнингча, Ибн Арабийнинг талқини кўпроқ ҳақиқатга мос келади. Ул Зотнинг айтишича, Пайғамбар алайҳиссалом хотинларни табиий майл туфайлидангина эмас, балки Оллоҳ таоло хотин-қизларни севимли қилиб яратгани учун яхши кўрган. Энди ўртадаги “хуш бўйлар” деган сўзга келсак, у араб тилидаги иккита женский роддаги “хотин-қизлар” ва “номоз” ўртасидаги ягона мужской роддаги сўздир. У бир томондан аёлларга, иккинчи томондан руҳониятга боғланиб, суфийларни тўхтовсиз хаёл суришга, бу сирнинг мазмунини англаб этишга мажбур қилган.

ҚУРЬОНИ КАРИМ ВА ҲАДИСИ ШАРИФЛАРДА АЁЛЛАР СИЙМОСИ

Куръони Каримда тақводор ва иймонли мўмин-мусулмонлар билан бир қаторда тақводор ва иймонли мўминалар ва муслиمالар (мўминот, муслимот) ҳам тез-тез тилга олинади, зеро уларнинг ҳам худди эркаклар сингари диний бурчлари, ҳуқуқлари, вазифалари бор.

Куръонда тилга олинган аёллар ичди асосан битта салбий аёл сиймоси бор. У 111-сурә, яъни “Масад” сурасининг оятларида “ўтин орқалаган аёл” деб тасвирланган Умм Жамиллир. Бу аёл Пайғамбар алайҳиссаломнинг амакиси ва ашаддий душманларидан бири Абу Лаҳабнинг хотини бўлиб, Мұҳаммад (с.а.в.) тўғрисида турли бўхтонлар тарқатиб юрган. Куфр ишларда “дўзах оловининг отаси” лақабини олган эри (Абу Лаҳаб)дан сираям қолишмагани учун Куръони Каримда унинг “ўтин орқалаган, хурмо пўстлоғининг пишиқ толасидан эшилган арқон билан бўйнидан боғланган ҳолда алангали дўзахга кириши” айтилган. Барча чақимчи, фийбатчи ва кофиirlар алал-оқибатда Умм Жамилнинг ҳолига тушадилар.

Куръони Карим нозил этилгандан кейин Арабистонда аёлларнинг аҳволи жоҳилият давридагига қараганда бирмунча яхшиланди. Уларга ўzlари билан сеп сифатида олиб келган ёки никоҳ лайтида эри совфа қилган мол-мулкка эгалик қилиш ва ишлатиш ҳамда тақсимланажак меросдан улуш олиш ҳуқуқи берилди. Илгари уларда бунаقا ҳуқуқлар йўқ эди.

Мусулмонларга тўрттагача хотин олиш ҳуқуқи берилганлиги (“Нисо” сураси, 3-оят) кейинги пайтларда киши табиати ёки мижозининг тўрт хил эканлигига боғлаб тушунтирилмоқда. Бироқ бу ҳуқуқни баъзилар ўйлаганидек, кўп хотинлиликка берилган “оқ йўл” деб эмас, аксинча унинг олдини олиш учун кўрилган чоралардан бири деб тушуниш лозим.

Жоҳилият даврида араблар кучи етиш-етишмаслигидан қатъи назар, бир йўла йигирма-ўттизталаб хотинга уйланавергандар. Куръони Каримнинг ўша сурасида айтилишича, “улар орасида адолат қила олмайман деб кўрқсангиз, бир аёлга уйланинг ёки қўл остингиздаги чўри билан кифояланинг”, деб кўрсатма берилган. Бу гапларни рўкач қилиб олган модернистлар “якка хотинлик кўзда тутилмоқда”, деб айюҳаннос солищди. Уларнинг кўрсатган важ-корсонларига кўра хотинлар эрнинг мол-мулкидан тенг улуш олишлари мумкин, аммо эр

уларнинг барчасини ҳар доим бир хилда сева олмайди. Йўқ, албатта, бу табиий ҳол, шундоқ экан, эр ўз хотинлари орасида адолат қила олмайди. Бу эса ўз-ўзидан Куръони Каримдаги “бир аёлга уйланинг ёки қўл остингиздаги чўри билан кифояланинг” деган кўрсатмани биринчи ўринга олиб чиқади. Модернистлар мана шунга ёпишиб олишган. Аммо бу масаланинг бир томони, холос. Энди масаланинг иккинчи томонига назар ташлайдиган бўлсак, маълумки, дунёнинг барча мамлакатларида аёллар сон жиҳатдан эркаклардан устунроқдир, чунки турли урушлар, ҳарбий тўқнашувларда асосан эркаклар ҳалок бўлади. Агар барча эркаклар фақат биттадан хотинга уйланганида, жуда кўп хотинлар эрсиз қолган бўлур эди, натижада фарзанд кўриш, она бўлиш ҳукуқидан маҳрум бўлишарди. Бу эса улкан ва кечирилмас гуноҳга, яъни зинога сабаб бўлувчи дастлабки шарт-шароитдир. Шундай гуноҳи азимнинг олдини олиш мақсадида мусулмонларга тўртгагача хотин олиш ҳукуқи берилган ва хотинлари орасида адолат қилиш уларнинг зиммасига бурч қилиб юклитилган. Эрига сурункали равишда бўйсунмайдиган хотинларни уриш йўли билан жазолашга рухсат этилган бўлса-да, аммо жазони иложи борича енгиллаштиришга ҳаракат қилинади, чунки Мұхаммад (с.а.в.) шундай деган эканлар: “Ўз хотинига меҳр-шафқатли бўлган кишилар ораларингиздаги энг яхши кишилардир.”

Куръони Каримда бир аёлнинг исми тўлиқ айтилган. У зот Исо алайҳиссаломнинг бокира онаси Биби Марямдир. Ислом дунёсида унинг ҳурмати жуда баланд. Ривоят қилишларича, жаннатга биринчи бўлиб Биби Марям кирап эмиш. Биби Марям қуриб қолган бир ҳурмо тагида дам олаётганда тўлғоқ бошланиб, Исо алайҳиссалом дунёга келади: Шунда қуриб ётган дараҳт бир зумда кўкариб, гуллаб, мева тугади ва чақалоқ туғилгач, Биби Марям гарқ пишган ҳурмолардан еб, қувват олади. Янги туғилган гўдак эса тилга кириб, онасининг бегуноҳлигини, бокирагигини таъкидлайди. (Куръони Карим. 19-сурा, 30—33-оятлар).

Биби Марям ўта камгап, беҳад фидойи жонлардан бири. Унинг ҳар бир хислатини таърифлаш учун биттадан алоҳида илмий иш ёзилса ҳам камлик қиласди. Кейинги тафсирчилар Куръони Карим ва тақводорлар тўғрисидаги ҳалқ ривоятларидан яна бир қатор аёллар сиймосини топиб, уларга исмлар қўйиб, уларнинг бошдан кечиргандарини ранг-баранг бўёқлар-ла бежаб тасвирлайдиларки, уларнинг ҳар бири аёллар учун тимсол бўла олади. Ҳинд ёзувчиси Ашраф Али Тҳанавий ўзининг “Жаннат зеб-зийнати” асарида Куръони Каримда тилга олинган аёлларнинг ҳар бирини ёш китобхон қизларга насиҳатнамо ҳикоятлар орқали тасвирлаб берган. Китобда айтилишича, энг биринчи аёл, яъни Момоҳавво ривоятларга кўра Одаматонинг қийшиқ (эгри) қовурғасидан яратилган экан. Улуғ немис шоири Йоҳанн Вольфганг Гёте шу мазмундаги бир ҳадисни шеърга солган:

Аёлларга зулм ўтказма, бўлма тошбагир,
Улар қийшиқ қовурғадан яралган ахир.
Нетсин, Аллоҳ яратибди уларни шундоқ,
Синиб қолар, тўғрилашга уринганинг чоқ.
Ўз ҳолига қўйсанг баттар қийшайди ул,
Одам ўғли, ўзинг танла, қай бири маъқул.
Муруват қил, сенга қарши қилсалар-да жанг,
Яхши эмас синиб қолса битта қовурғанг.

Момоҳавво содир этилган гуноҳи азим, яъни осийлик учун жавобгар эмас, чунки у туфайли гуноҳ ишлар бу дунёга кириб келганлиги тўғрисида Куръони Каримда биронта оят йўқ. Ислом дини дастлаб қилинган гуноҳ тўғрисидаги таълимотни тан олмайди. Сўзамол ҳалқ баҳшилари ва тахайюлотчи ҳикоянавислар томонидан майда-чўйда тафсилотларигача бирма-бир ҳикоя қилинган “Пайғамбарлар тарихи” китобида Момоҳавво тўғрисида жуда илиқ сўзлар айтилган. Унинг гўзаллиги ёрқин бўёқларда қўйидагicha тасвирланади: “Момо-

ҳавво Одаматодек баланд бўйли, сарвқомат ва гўзал бўлиб, сочлари 700 толим қилиб ўрилган, ҳар бир толими яшил, шаффоф қімматбаҳо тошлардан ясалган тақінчоқлар билан безалган, мушку анбарлар сепилганди. Бадан териси Одаматоникига қараганда нағисроқ, ранги ҳам тиникроқ, овози эса униқидан ёқимлироқ эди.

Ривоят қилишларича, Аллоҳ таоло Одаматога шундай марҳамат қилган: “Сенга аталган барча илтифоту мурувватларим заифа бандам бўлмиш Момоҳаввода тажассум топган. Эй Одам, билгилки, меҳрибон, тақводор рафиқадан яхшироқ илтифоту марҳамат бўлмагай”.

Ривоятларда илк келин-куёвнинг тўйи барча тафсилотларигача бўяб-бежаб тасвиранганини учун ҳозирги келин-куёвлар ҳам уларга тақлид қилиб, тўйларига байрамона тус беришга ҳаракат қилишади. Айтишларича, Одамато ва Момоҳаввонинг тўйида фаришталар уларнинг устидан гуллар ва турли шириналликлар билан бирга жаннатий танга-чақалар ҳам сочишган эмиш. Бироқ тўйдан кейин жаният товусларидан бири ташқарида илон шаклида судралиб юрган Шайтон алайҳи лаънани тутиб олиб, тумшуғида кўтариб жаннатга олиб киради. Одамато ва Момоҳавво Шайтоннинг васвасасига учиб, ман этилган мевадан тановул қилишади ва натижада авратлари очилиб қолади. Анъанавий ривоятларда айтилишича, бу воқеанинг юз беришида асосан Момоҳаввонинг бироз енгиллик қилгани, калта ўйлагани сабаб бўлган эмиш. Момоҳавво қилмисидан қаттиқ пушаймон бўлиб, “айбим нима, энди қандай жазоға мустаҳиқ бўлурман?” деб нолаю афон чекканда, Аллоҳ таоло унга шундай хитоб қилган экан: “Биз сени фикр юритиш ва диний масалаларда гувоҳлик бериш ҳамда мерос олиша номукаммал қилурмиз!”

Булар, эҳтимол, Куръони Каримдаги икки аёлнинг гувоҳлиги битта эркакнинг гувоҳлигига тенглиги (2-сура, 282-оят), иккита қиз боланинг битта ўғил бола улуши миқдорида мерос олиши (4-сура, 11-оят) каби кўрсатмалардан олиниб, ривоятларга айлантириб юборилган бўлиши ҳам мумкин. Худди шунингдек, ривоятлардаги “Бир умр қамаб қўйиласан”, деган илоҳий жазо тўғрисида сўз юритилганда, аёл кишининг турмушга чиқиб, уй-рўзгор ташвишларига қўмилиб, тўрт девор ичидаги ўзи билан ўзи андармон бўлиб қолиши хусусида беихтиёр ўйлаб қоласан, киши. II асрда яшаб, ижод қилган араб муаллифи Қисайнинг айтилишича, Момоҳаввога “умрида бирор марта Жума намозида иштирок этмаслиги” башорат қилинган эмиш (Аммо бу тўғрида ҳам на Куръони Каримда ва на Ислом дини илк нозил этилган даврлардан қолган манбаларда бирон сўз дейилган) ҳамда аёл салом бермаслиги лозим эмиш (бу тўғрида ҳам Куръонда бирорта кўрсатма йўқ). Бундан ташқари, ривоятларда аёлларнинг ҳайз кўриши ва ҳомиладор бўлиши “аёллардан пайғамбар чиқмаслиги ва уларнинг донишманд бўлолмаслиги” уларга берилган илоҳий жазо сифатида талқин этилади. Кўриниб турибдики, ҳозирги кунда кенг тарқалган бу тасавурлар Куръони Каримдаги Оллоҳнинг каломига эмас, балки уларнинг халқона, янгиш тахайюлий талқинига асослангандир. Момоҳавво кўрсатмага риоя қилмаганини учун қаттиқ афсусланиб, тавба қилгач, унинг гуноҳи мағфират қилинган, аммо барибир улар жаннатдан чиқариб юборилган. Ривоятларда айтилишича, Одамато билан Момоҳавво бир-биридан олисада узоқ вақтлар сарсон-саргардон бўлиб юришгач, Макка яқинидаги Сафо ва Марва тепаликларида учрашадилар. Жаброил алайҳиссалом Сафо тепалигига турган Одаматога Ҳаж сафари-нинг ўйл-ўйриқларини ўргататётган пайтда Момоҳавво Марва тепалигига кўтарилади. “Марва” сўзини кўпгина диний матн тафсирчилари “Мар’а” яъни “аёл” сўзидан келиб чиқсан деб тушунирадилар. Одамато ва Момоҳавво “та’арафа”, яъни Арофат водийсида учрашиб, бир-бирини танийдилар.

Иброҳим алайҳиссаломнинг иккинчи хотини Ҳожарнинг номи ҳам Ҳаж сафари ҳамда Арофат водийси билан боғлиқдир.

Ул зот чанқаб қолган ўғли Исмоил алайҳиссаломга сув ахтариб, Марва ҳамда Сафо тепаликлари орасида етти марта у ёқдан-бу ёққа югуриб, Аллоҳга илтижо қилгач, гойибдан Замзам булоғи пайдо бўлади. Ҳозирги кунларда ҳам Ҳажга келганлар Марва ҳамда Сафо тепаликлари орасида етти марта у ёқдан-бу ёққа югуриб, Исмоил алайҳиссалом ва ул зотнинг оналари Ҳожарни ёд этадилар,

зеро Мұхаммад алайхиссалом Исмоил алайхиссаломнинг авлодидандир. Халқ ривоятларида Иброҳим алайхиссаломни катта бир гулханда ёндириб юбориши ни буюрган золим шоҳ Нимруднинг қизи ҳам тилга олинади. Қиз Иброҳим алайхиссаломнинг йўлини, яъни Ягона Оллоҳга сифиниш йўлини танлагани учун гулхан устига йиқилиб тушганда ҳам зиён кўрмай, омон қолади. Фиръавнинг Мусо алайхиссаломни кутқарип қолган тақвodor хотини Осиёга кўпгина тафсирчилар жуда ижобий баҳо берадилар. У эрининг Мусо алайхиссаломни ўлдириб юбориши учун қилган барча хатти-ҳаракатларига зид ўлароқ, болани кутқарип, ҳимоя қилгани сабабли, жаннатий бўлган ва шу сабабдан бу сиймо барча аёлларга ўрнак бўладиган тақводор аёл тимсолига айланган. Кўпгина доираларда у ҳатто “энг баркамол аёл”, деб тасвиранади ва Биби Марям, Биби Хадича ва Биби Фотималар сингари жаннат ҳурларидан-да гўзалроқ ҳисобланади.

Куръони Каримда яна бир аёл тилга олинган бўлиб, у Сабаъ давлати қиrolличасидир. Ривоятларда унинг номи Билқис эканлиги айтилган. Куръони Каrimнинг 27-сурасида Ҳудхуд Сабаъ мамлакати тўғрисида аниқ хабар келтиргани, бу шаҳар ҳукмдори Билқис исмли аёл эканлиги, унга барча нарсалардан ато этилган бўлиб, катта тахти ҳам борлиги баён қилинади. Сўлаймон алайхиссалом буни эшитиб, Билқисга мактуб ёзди, уни ўз ҳузурига чиқиш учун Сўлаймон алайхиссалом ҳузурига келади. Маълумки, Сабаъ халқи ва унинг маликаси оташпарат бўлган. Билқис Сўлаймон алайхиссаломга учта топишмоқ айтади, Сўлаймон алайхиссалом уларни осонлик билан топади. Шундан сўнг малика Сўлаймон алайхиссалом ҳузурига келади. Билқис жинлар шоҳининг оддий аёлдан туғилган қизи бўлганлиги учун Сўлаймон алайхиссалом “маликанинг оёқлари жинларнинг оёғидек туёқли бўлса керак”, деб ўйлаб, маликани саҳнига ойна ётқизилган залда кутиб олади. Қасрга кирган Билқис “шоҳининг ёнига сув кечиб боришим керак экан-да”, деб ўйлаб этагини кўтаради. Маликанинг оёқлари мукаммал инсон оёғи эканлигини кўрган Сўлаймон алайхиссалом унга уйланади.” (27-сурा, 43-оят).

Сўлаймон алайхиссалом жинларга буюриб, Билқиснинг мамлакатидан маликанинг гаройиб тахтини қасрга келтирирган эди. Ўз тахтининг қасрда эканлигини кўрган малика Билқис Сўлаймон алайхиссаломнинг пайғамбар эканлигига иймон келтиради ва бутун вужуди билан Аллоҳнинг ҳақ динига ўтиб, ўзини шоҳга бахшида этади.

Кейинроқ пайдо бўлган адабий асарлар ва айниқса мадҳияларда Билқис кўпинча бой-бадавлат ва доно малика сифатида тасвиранади. Форс шоири Когоний (1199 йилда вафот этган) ўзининг ҳомийси Ширвоншоҳнинг рафиқаси ва синглисини Билқисга қиёслаб асарлар яратган. (Қизиги шундаки, у ўз қаҳрамонларини асосан тарихда номи қолган донгдор аёлларга, жумладан, Биби Марям, машҳур суфий Робия ёки қиролича Зубайдага қиёс қиласи. Ҳа, унинг назарида аёллар кўпгина масалаларда эркаклардан устунроқдир). Улкан теософик суфий Ибн Арабий (1240 йилда вафот этган)нинг мистик рухда ёзилган ватандаин этилган шеърлар тўплами бўлмиш “Таржумон ал-ашвоқ”, яъни “Эҳтирослар таржимони” асарида “маҳбубининг саройи шунчалар гаройиб эдики, Билқис сал бўлмаса ўз тахтини-да унугаётди”, деб ёзилган. Бу асарда соҳибжамол аёллар қўйидагича тасвиранган: “Бир нигоҳ ташласа еру-кўкни вайрон этадиган, нозик қўлларида чексиз ҳокимият бўлган бу гўзаллар товусдек товланаар, бир бор кўрган киши уларни марварид тахтида ўтирган Билқисга менгзар эди. “Ибн Арабийнинг ўзи бу ҳолатни шундай изоҳлайди: “У илоҳий донишмандликни “Билқис” деб атади. Билқис назариётнинг нозик-ниҳол фарзанди бўлиш билан бирга, амалиётнинг бир оз дағал моддий зурриётидир, яъни у ярим жин ва ярим инсондир. Маликанинг отаси жинлар шоҳидир, онаси эса оддий инсонлардандир”.

Ҳазрат Абдураҳмон Жомийнинг назарида эса Билқис доно ҳукмдор аёлдир. Унинг ўта донолиги яхши ва ёмон аёллар устидан шошилмасдан, оғир-вазминлик билан ҳукм чиқаришида ва Фирдавсийнинг аёлларни қоралаб ёзган шеърларини эвини келтириб танқид қилишида намоён бўлади. (Унинг жилмайиб

туриши Европа адабиётида, айниқса Редъярд Киплингнинг “Капалак” сарлавҳали сеҳрли ҳикоясида жуда гўзал тасвирлаб берилган). Қурдатли малика Билқис ва унинг таҳти тўғрисидаги турли хабарлар, шамаю ишораларни исломий қўшиқлар, мадҳия ва қасидаларда ҳам учратиш мумкин. Бундан ташқари, доно малика акс эттирилган кўплаб мўъжаз рангтасвирлар ҳам мавжуд.

Бу рангтасвирларнинг баъзиларида маликанинг таҳтида ўтирган ҳолати тасвирланган бўлса, бошқаларида Ҳудхуд Сулаймон алайҳиссаломнинг мактубини маликанинг ётогига ташлаб кетаётган дақиқа муҳрланган. Турли ривоятлар асосида романтик эпослар яратилган Эронда шундай мўъжизавий қурдатдан улушдор, нафақат барча жонзодлар, балки жонсиз мавжудотларнинг ҳам тилини тушуниш қобилияти ато этилган Сулаймон алайҳиссалом билан Яман маликаси Билқис ўртасидаги муҳаббатни мадҳ этадиган биронта романтик эпос ёки достоннинг йўқлиги ажабланарли ҳолдир. Қуръони Каримда тилга олинган бу ривоятда айтилишича, илгари оташпараст бўлган малика Билқис Сулаймон алайҳиссаломнинг давъвати ила иймон келтиради. Илоҳий ишқдан улушдор бўлган маликанинг руҳий қурдати ва оддий оташпараст аёлнинг муҳаббати бирбирига қиёс қилинганда, менимча, ажиб бир мажозий асар учун етарли асос юзага келган бўлур эди. Фикримча, бу ерда шоирларга достон ёки эпос яратиш учун барча форсий-туркий эпосларнинг асоси бўлмиш фожеавий ҳолат етишмаган бўлса керак. Билишимча, фақат Мавлоно Румий бу мавзуни тўла-тўкис ўрганиб чиққан. Ул зот ўзининг “Маснавий”ларида қўйлашича, малика Билқис Сулаймон алайҳиссаломга беҳисоб олтин жўнатади, аммо пайғамбар маликанинг совға-саломини ҳам, қўшинларини ҳам орқага қайтариб юборади. Шундан сўнг маликанинг ўзи йўлга отланади. Сафар давомида малика кундан-кун бу фоний дунёдан кўнгил узиб, чинакам ошиққа айлана боради.

Билқис йўлга тушди қалбу жон билан,
Ўтмиш кунларидан қилиб надомат.
Заррача иши йўқ шуҳрат, шон билан,
Ошиқ учун шоҳлик, бойлик на ҳожат.
Келишган йигитлар, қизлар, ҳойнаҳой
Айнigan пиёздек унга туюлур.
Чин севги қошида боғ, қўшку сарой
Қоларкан бир ҳовуч кулдек уюлиб.
Муҳаббат келганда оддий ҳаваслар
Ювилиб кетади мисли гард, губор.
Кўнгилга қўйилур самовий саслар:
“Илоҳ йўқ Ўзингдан ўзга, Биру Бор!”
Чин ошиқ “Эгам” дер, “Худо” дер танҳо.
Илоҳим йўқ дейди Ўзидан ўзга.
Зумрад тугул кўкда ойни ҳам ҳатто
Қора туvakчалик илмагай кўзга.

Бу тасвирида Билқис Зулайҳога ҳам ўҳшаб кетади. Қадимий Аҳд китобларида Потифорнинг хотини сифатида тасвирланган Зулайҳо исломий ривоятларда ишқ оташида лов-лов ёнган, тўлғонган аёл тимсолида намоён бўлади. У севгилиси Юсуф алайҳиссаломнинг висолига етиш учун ҳамма нарсага тайёр, чунки уни, яъни гўзаллик тажассумини бутун борлиғила ёниб севиш дардига гирифттор бўлган. Юсуф ва Зулайҳо тарихининг энг уста шарҳловчиси мавлоно Румий шундай куйлаганди:

Зулайҳо тўлғонар: Юсуфи Канъон
Ишқи вужудини айламиш макон.
Бир ишқки, бамисли беадад уммон,
Оддий бир кўпикдир унда осмон.

Куръони Каримнинг “Юсуф” сурасида Юсуф алайҳиссаломнинг ҳаёти тўғрисида ҳикоя қилинади. Отасини алдаб, Юсуфни ўзлари билан олиб кетган акалари уни бир қудуққа ташлаб, оталарига “Юсуфни бўри еб кетибди”, деб айтганлари, исбот тариқасида Юсуфнинг кўйлагини кўйнинг қонига белаб кўрсатишгани баён этилган. Юсуф ибн Яъкубни савдогарлар топиб олишади ва Мисрга элтиб, арzon-гаровга қул қилиб сотиб юборишиди. Уни Миср ҳокими Қитфийр (Қадимий Аҳд китобларида Потифор) сотиб олади ва хотини Зулайҳога топширади. Юсуф балогатга етгач, Зулайҳо унинг хусн-жамолига ошиқ бўлиб қолади ва йигитни йўлдан уриш чораларини ахтара бошлайди. Аммо Юсуф алайҳиссалом зино қилишдан бош тортади. Одамлар бу можародан хабар топиб, гапсўзлар кўпайиб кетгач, Зулайҳо бир гуруҳ кибор аёлларни уйига меҳмонга чақиради, дастурхонларни аввойи мева-чеваларга тўлдириб, аёлларнинг қўлига биттадан ўткир пичоқ бериб қўяди. Юсуф ибн Яъкуб кириб келганда барча хотинлар унинг хусни жамолига маҳлиё бўлиб, оғизлари очилиб, Қўлларидағи меваларни арчиш ўрнига оғриқни сезмаган ҳолда бармоқларини кеса бошлайдилар. Ҳоким гап-сўзларга чек қўйиш мақсадида Юсуфнинг зинданбанд этади. Зинданда Юсуфдан ташқари яна икки маҳбус бўлган. Юсуф уларнинг тушларини таъбирлаб беради. Маҳбуслардан бири, яъни илгари ҳокимнинг ҳузурида соқий бўлиб ишлаган йигит озод этилади, новвойи йигит эса қатл қилинади, чунки бу ҳолат уларнинг тушларида аён бўлган экан. Алқисса, Миср мамлакатининг шоҳи бир рутубатли туш кўради. Ҳеч ким унинг тушини таъбирлаб беролмайди, шунда унинг соқийси бўлган йигитнинг ёдига зинданда ётган Юсуф тушиб қолади. Юсуф шоҳнинг тушини таъбирлаб беради. Унинг таъбири тўғри бўлиб чиқади. Шоҳ Юсуфни Мисрга ҳоким этиб тайинлади ва вафот этган аввали ҳоким Қитфийрнинг хотини Зулайҳони Юсуфга никоҳлаб беради. Қитфийр қандайдир касалликка чалингани учун шунча йил бирга яшаган бўлсалар-да, ҳали Зулайҳо яқинлик қилолмаган, Зулайҳо бокира экан. Шоҳнинг тушида аён бўлган қаҳатчилик бошланади. Юсуфнинг акалари ҳокимнинг олдига дон-дун сўраб келишади, аммо орадан анча йиллар ўтиб кетгани учун Юсуфни танишмайди. Ўғли йўқолганидан йигтай-йигтай кўзлари кўр бўлиб қолган Яъкуб алайҳиссаломга Юсуф ўзининг кўйлагини бериб юборади. Ўғлиниг ҳидини туйиб, унинг тирик эканлигига ишонч ҳосил қилгач, Яъкуб алайҳиссаломнинг кўзлари очилиб кетади. Куръони Каримдаги бу ҳикоят асосида бир қанча асарлар яратилган, унинг баъзи саҳналари бадиий жиҳатдан бежаб, қайта ишланган. Бу асарларда Зулайҳо образи марказий персонажлардан бирига айлантирилган. Албатта, Куръон тафсирчилари ҳам бу мавзуга алоҳида бир муҳаббат билан кўл уришган. Биринчи навбатда ҳиротлик суфий, 1089 йилда вафот этган Абдулла Ансорий ва ундан илҳомланган Майбудий ва бошқалар Юсуф алайҳиссалом тарихига бafiшлаб йирик ва сермаъно битиклар иншо этишган.

Бу мавзу Эрон шоирлари орасида илгаридан таниш бўлган бўлса керак, аммо шунга қарамай шу пайтгача фақат Фирдавсийнинг “Юсуф ва Зулайҳо” асари тилга олинарди. Бугунги кунга келиб эса у ҳам инкор этилмоқда. 19-аср олимлари, бу асар Фирдавсий қаламига мансуб, деган бўлсалар-да, эндиликда бу фикр шубҳа остига тушиб қолди. Таниқли немис олими Херманн Эте ўзининг 1901 йилда Штрасбургда чоп этилган “Эрон филологияси бўйича очерклар” китобида ёзишича, биринчи минг йиллик охирларида Абул — Муайяд ал-Балхий Куръони Каримда тилга олинган бу икки машҳур ошиқ тўғрисида катта бир достон яратган экан. Кейинги асрлар давомида Ислом оламида ва айниқса унинг шарқий ҳудудларида шу мавзуда ёзилган бир қанча эпик асарлар пайдо бўлди. Шу маънода Эте ўз рўйхатида Шавкат Бухорий, Амъақ Бухорий, Назимий Ҳаравий, Рукнуддин Ҳаравийлар номини ҳам тилга олиб ўтган. Ҳиротлик Мавлоно Жомий бу асарни мумтозлик жиҳатдан тугал, бекаму кўст асар дараҷасига етказгач, Ҳиндистон яриморолида яшовчи шоирлар ҳам ундан илҳомланиб, шу мавзуга кўл урдилар. Мавлоно Жомийнинг “Юсуф ва Зулайҳо”си 1924 йилда Винсенс фон Розенсвайг — Шваннау томонидан немис тилига ўгирлиб, чоп этилди. Синдлик тарихчи ва хатtot, Ақбаршоҳ саройидаги давлат арбобларидан бири Мир Мაъсум Намий ҳам форс тилида шу мавзуда шеърий асарлар яратган. Ҳиндистонда бу мавзуда бир қанча насрый асарлар ҳам битил-

ган. Уларнинг барчаси яхшилик, тўй-тамошалар билан якунланади. Юсуф ва Зулайҳонинг тўйи ёрқин бўёқларда тасвирланади. Бу асарнинг кашмирий нусхаси ҳам мавжуд. Муҳаммад Соғир эса 15-асрда бенгал тилида ўзининг “Юсуф Жалика” асарини ёзган. 17-асрда Жанубий Ҳиндистондаги Даҳний урду сарой адабиётида “Юсуф ва Зулайҳо”нинг шеърий намуналари пайдо бўлди. Бижапурлик Муҳаммад Одилшоҳ саройида хизмат қилган шоир Малик Хушнуднинг ижодини бунга мисол қилиб келтириш мумкин. 17-аср охирларида яшаб ижод қилган Ҳошим исмли шоир асарида Зулайҳо урду тилида сўзлашади ва урду тилида гапирадиган аёллар ишлатадиган барча яхлит ибораларни қўлладиди, беихтиёр “Зулайҳо Ҳиндистонда яшаган экан”, деган фикрга ҳам келиб қолсан, киши. Гуджаратлик шоир Мир Али Амин эса, баъзи танқидчилар ҳазиллашиб айтганидек, Зулайҳога “Гуджаратлик кибор хонимлар киядиган кийимларни кийдириб қўйган”. Кейинги йилларда шарқда “Юсуф ва Зулайҳо” мавзуда битилган асарлар сонини аниқлаш имкони йўқ, чунки бундай асарлар ёзаётган шоирлар сони кундан-кунга кўпайиб бормоқда. Усмонли турк империясида ҳам мазкур мавзууда бир қанча асарлар яратилган. Айниқса, Султон Маҳмуд соҳибқироннинг диний ишлар бўйича ишончли вакили, суфий раҳнамо Оқ Шамсуддиннинг ўғли Маҳдий яратган асар фоят таъсирчан чиққан. Айниқса, “Зулайҳонинг фарёди” лавҳаси юракни эзадиган даражада гўзал:

Аввало бағримни этди-ю шудгор
Фамнинг уруфини сочди муҳаббат.
Жўяқ тортиб этди юракни афгор,
Унга дард сувини очди муҳаббат.
Фам ҳосилин йиғиб, янчиб олди-ю.
Шамолга совурди, сочди муҳаббат.
Дўстлар-чун ғамларга дил эди ошна,
Энг яқин дўстни ҳам этди бегона.
Соғлиқ тарқ этди-ю вужудни буткул
Нетай, кўнгил уйи бўлди вайронा.
Ёш тўла кўзларда уйқуга жой йўқ,
Қалбимдан қайларга қочди муҳаббат.

“Юсуф ва Зулайҳо” асаридаги баъзи бир воқеалар ҳозирги кунларда ҳам эпик ва шеърий асарларда тилга олинмоқда, ёки турли вариантларда ишлатилмоқда. Ривоятдаги биринчи воқеа гўзал қул боланинг бозорда ким ошди савдо-сига қўйилишидир. Бир неча одам қул болани сотиб олиш учун тўда бўлиб турганда, кекса бир момо ҳам болага харидор бўлади. Бу ерда энди момонинг мақсади амалга ошмаслиги ойдек равshan бўлса-да, аммо унинг гўзалликка интилиши мақтовга лойиқdir.

Юсуфни ўйлдан уриш учун Зулайҳо қанчалар шумлик ва фитналар қилмайди дейсиз. “Бир аёлнинг макри қирқ эшакка юк бўлади”, деб бежиз айтишмаган, ахир. Зулайҳо қўлидан келган барча ишни қиласди. Бир қасрнинг ички деворларини киши ҳирсини жунбушга келтирадиган суратлар билан безаттиради. Юсуф қаёққа қарамасин, девордаги суратда ўзини Зулайҳонинг оғушида кўради. Бу саҳнанинг батафсил тасвири, худди кутганимиздек, Мавлоно Жомийнинг эпосидан олинган экан. Жомийдан 400 йилча илгари яшаб, хукм сурган Фазнавийлар сулоласининг вакилларидан бири бўлмиш Султон Масъуд, айтишларича, Ҳазрат Жомийнинг она шаҳри бўлмиш Ҳиротдаги ишратхона деворларидан бирига шунақа маънодор суратлар чиздирган экан. Гарчи қасрдан ном-нишон қолмаган бўлса-да, у тўғридаги маълумотлар ҳиротликлар орасида оғиздан-оғизга ўтиб юрган бўлса, ажаб эмас. Ўз-ўзидан маълумки, Мавлононинг “Юсуф ва Зулайҳо” асаридаги бу қаср тасвири 16-асрдаги ҳассос мўйқалам усталари эътиборидан ҳам четда қолмаган. Сербурчак қаср пиллапояларидан югуриб, қочиб кетишга ҳаракат қилаётган Юсуф алайҳиссалом акс эттирилган мўъжаз рангтасвирлар анчагина. Уларда Зулайҳо қизил кийим кийган соҳибжамол сифатида тасвирланган. (Қизил кийим асосан келинлар кийими-

дир, аммо умуман олганда алангали мұхаббатни ҳам ифодалаши мүмкін). Юсуф алайхиссалом эса яшил кийимда тасвирланған. Яшил кийим соҳиби авлиёлар, пайғамбарлар ва умуман жаңнатий кишилар сағидандыр. Йўлдан уриш саҳнасининг энг қизиқ жойларидан бири Зулайҳонинг бут (санам)га муносабатидир. Зулайҳо аввалбошда бутпараст бўлғанлиги сабабли, унинг ётогида бут бўлған. Зулайҳо Юсуф алайхиссаломни йўлдан уриш, у билан яқинлик қилиш учун хушомадлар қила бошлаганда, албатта, тағин бут кўриб қолмасин деган ўйда унинг юзини тескари буриб ёки бошига бир рўмол ташлаб кўяркан. Бу саҳнада узоқ ўтмишдан қолган одатлар тасвирланған бўлиши мүмкін, чунки форс сүфий ёзувчиси Худшвири ўз асарларидан бирида шундай ёзди: “Ўзи сифинадиган нарса билан мuloқot ҷоғида ўзини қандай тута билишни барча кишилар Зулайҳодан ўрганишлари лозим, чунки у Юсуф алайхиссалом билан бир хонада ёлғиз қолиб, ундан муродини ҳосил қилишини илтижо қилаётганда, “бут унинг ёмон, уят иш қилмоқчи бўлаётганини, одоб чегарасидан чиқиб кетаётганилиги ни сезиб қолмасин”, деган ўйда, албатта, бутнинг юзини ёпиб кўярди. “Мавлоно Жомий достонида ҳам шу саҳна мавжуд. Бундан ташқари у ўзининг “Суҳбат ал-аброр” деган асарида ҳам шу саҳнага ишора қиласи. Зулайҳо бир бутданги на шарм қилса, Юсуф алайхиссалом ҳар ерда ҳозиру нозир, ҳамма нарсани кўриб, билиб турувчи Ал-Басир сифатлидир. У, Оллоҳ таолодан уяламан, деб Зулайҳо ҳузуридан чиқиб кетади. Зулайҳо унинг ортидан югуриб, кийимита ёпишади. Кийим орқа тарафдан йиртилади ва Юсуф алайхиссаломнинг бегуноҳ эканлигини исботлашда далил бўлади.

Мавлоно Жомий достонида ҳам бут (санам) тўғрисида сўз юритилган. У ерда айтилишича, Зулайҳо кексайиб, Юсуф алайхиссалом унга барибир эътибор қилмаслигига кўзи етгач, бутни майдатайда қилиб ташлайди, чунки Зулайҳо қанча йиллар давомида унга ўтинч-илтижо қилган бўлмасин, бут Юсуф алайхиссаломнинг висолига етишда унга ёрдам беролмаган эди-да. Шундай қилиб, Зулайҳо санамга сажда қилишдан бош тортгач, яъни бутпарастликдан воз кечгач, Ягона Оллоҳнинг ҳидояти или мақсадига эришади ва севгани билан қовушади. Ягона Оллоҳга сифиниш ўйли энг тўғри йўлдир, аммо илк сүфийлардан бири бўлмиш Юсуф ибн Ҳусайн ар-Розий буни янада чукурроқ ҳис этган:

“Зулайҳо Юсуф алайхиссаломнинг ишқида лов-лов ёниб, унинг васлига етиш истагида ўртаниб юрар экан, кундан-кун тубанлашиб бораверади. Аммо у истакларидан воз кечгач, яъни нафси аммора устидан голиб чиққач, Оллоҳ таоло унга ёшлиги ва гўзаллигини қайтариб беради. Ошиқ маъшуқа томон қанчалик интилса, маъшуқа ўзини шунчалар четга тортади, ошиқ фақат қалбидаги мұхаббат билан чекланса, маъшуқанинг ўзи унга талпиниб келади.” Шундай қилиб, Зулайҳо умрини товба-тазарру билан, чексиз ўтли иштиёқлар билан ўтказадиган севгилига айланади. “Агар сен Зулайҳо бўлмасанг ҳамда севги тегирмонида ундин тортимаган бўлсанг, Юсуфи Кањон тўғрисида турли бўлмағур, бўхтон гапларни гапирма”, дейди ғазналик сүфий шоир Саноий, чунки Юсуфнинг ҳажрида Зулайҳодек ёнмаган шахс севги, мұхаббатдан сўз очишига ҳақли эмас. Ҳофизнинг айтилишича, шоирлар “Зулайҳонинг мұхаббати ўта кучли бўлғанлиги учун ахлоқ-одоб чегарасидан чиқиб кетганлигини яхши билишади.

Унинг мұхаббати ёр васлига етиши амри маҳоллигини билсалар-да, аммо оташин эҳтиросларда қоврилиб юрган барча ошиқлар учун ёрқин мисолдир. Зулайҳо бора-бора севгилиси учун ҳатто ўлимга ҳам тайёр бўлған жасур, кучли қаҳрамонга айланади. Қуйидаги мисралар 18-асрнинг ўрталарида Ҳиндистонда яшаб, ижод қилган шоир Озод Билғиромий қаламига мансуб:

“Юсуфнинг кийими йиртилганин кўрган одамлар
Зулайҳонинг пора-пора юрагига солдими назар”.

Бир вақтлар гўзаллар гўзали бўлған Зулайҳо изтиробдан қадди дол бўлиб, юзларини ажинлар босиб, “Юсуф йўлдан ўтиб қолса, уни бир кўрсайдим”, деган умидда ҳар куни йўл четига чиқиб ўтирас, аммо Мавлоно Фаридиддин Аттор ўзининг “Мусибатнома”сида ёзганидек, Юсуф алайхиссалом унга заррача эътибор бермас, қайрилиб бир боқмасди:

ЖАҲОН АДАБИЁТИ

Ўўлимни кўрай”, деб ҳазрати Ёқуб
 Канъондан Мисрга йўл олгани чоқ,
 Юртни мисрликлар қўйди безатиб
 Туну кун жонҳалак, билмайин чарчоқ.
 Зулайҳо бу гапни эшиштан замон
 Буткул ҳушдан кетиб йиқилгани ҳақ.
 Сўнг эгнига ташлаб паранжи, чачвон
 Чиқиб йўл четига ўтириди илҳақ.
 От миниб ўтаркан Юсуфи Канъон
 Кўрди бу фамзада, афтодаҳолни.
 Кўлда қамчисини ўйнатиб шу он
 Урди ишқ ўтида ёнган аёлни.
 Қамчи теккан бадан оловдек ёниб
 Келди ич-ичидан ўкинч, ўтли оҳ.
 Дардли илтижо-ла боқди ўртаниб,
 Юсуф қамчилашдан тўхтади ногоҳ.
 Зулайҳо деди: Эй соҳиби Ҳақ дин,
 Бу иш сенга буткул ярашмайди, бас.
 Севгим, телбалигим Ягона Ҳақдин,
 Ишқ ўтин қамчилаб ўчириб бўлмас.
 Бу ўтда ёнурман, мана, неча йил,
 Кошки сен ҳам бир зум унда ёнсайдинг.
 Сен соҳиб дин эсанг, мен аёлман, бил,
 Кошки мен сингари ўртanolсайдинг!

Зулайҳо ҳам худди Юсуф алайҳиссаломдек тўхтовсиз ўйифилардан кўзи кўр бўлиб қолади ва Юсуф алайҳиссаломдан тараладиган хуш бўйларга интиқ-интизор бўлади. Худшвири бу ҳақда шундай ёзади: “Зулайҳо Юсуф алайҳиссаломни шунчалар қаттиқ севадики, ҳатто унинг учун ўлимга ҳам тайёр бўлади. Шу сабабдан, то улар қўшилишмагунча Зулайҳонинг кўзлари очилмайди. “У фақат Юсуфнинг ёди билан тирик; жон бетиним равишда илоҳий маҳбуб томон интилганидек, Зулайҳо фақат Юсуфнинг исмими такрорлайди. Ибн Арабий ўзининг “Фут ал-Маккийа” асарида шундай ёзади: “Айтишларича, бир куни Зулайҳо кимнингдир камонидан узилган ўқдан ярадор бўлади. Жароҳатдан оққан қон ерда “Юсуф, Юсуф”, деган ёзувлар қолдиради, зеро, Зулайҳо тинимсиз “Юсуф, Юсуф”, деб такрорлаб юрар, бу исм унинг томирларидағи қанга ҳам сингиб кетганди”.

Илк суфийлардан бири ҳам шунга ўхшаш воқеани ҳикоя қилган. Ёзишларича, қандайдир баҳтсиз бир воқеа натижасида у яраланиб, жароҳатдан қон оқа бошлаган ва ерда “Оллоҳ” деган ёзув пайдо бўлган. Ибн Арабий ҳам шаҳид кетган суфий Ҳалложнинг қони ерга оқиб, у ерда Оллоҳ таолонинг номи шаклида из қолдирганини баён қила туриб, Зулайҳо воқеасини мисол қилиб келтиради. Ҳижрон ва шубҳа дамлари ўтиб, Зулайҳонинг бекиёс садоқати тегишлича мукофотланади. Ҳаким Саноий ўз асарларида бу мавзуга тез-тез мурожаат қилиб, ўз ўқувчиларини “Зулайҳодек сабр-тоқатли” бўлишга чақиради, зеро маҳбубнинг яқинлиги маҳбубага ёшлик, гўзаллик ато этади.

Беҳоллигинг нафсинг касофатидан
 Кексайиб, вужудинг бўлибди нимжон.
 Зулайҳо сингари дўстга зор бўлгин,
 Қайта яшаришга шу эрур имкон.

Суфий шоирларнинг навбатдаги авлодига мансуб бўлмиш мавлоно Фариддин Аттор эса ўзининг “Илоҳийнома”сида яшариш воқеасини кўнгил торларини чертиб кетадиган бир саҳна орқали шундай тасвирлаб беради:

Бир кун Зулайҳони Юсуфи Канъон
 Кўрди, у тупроқса беланмиш чунон.

Кўзларига парда тутилган гўё,
 Кўринмас кўзига нурли бу дунё.
 Бетоблик, ночорлик қаърида беун,
 Юз минг маломатга бўлибди тутқун.
 Юз ташвиш уфуар бир нафасида,
 Фақат Юсуф номи оху сасида.
 Оҳ чекар тупроқда ўтирган кўйи,
 Изидан туйя деб Юсуфнинг бўйин.
 Юсуфнинг оёғи теккан бу тупроқ,
 Кошки сочилса, дер, устимга кўпроқ.
 Шунда Юсуф леди: Эй Қодир Эгам,
 Наҳотки яшашга лойиқ бу телба?
 Тезроқ жонини ол, йўқса бу “дилдор”
 Сенинг дўстларингни этар шармисор.
 Жаброил Оллоҳдан келтириди нидо,
 “Йўқ, уни этмасмен жонидан жудо.
 Зеро у воз кечиб йўғу боридан,
 Нафақат мулк, балки ҳаё-оридан,
 Менинг бир дўстимга орзуманд бўлмиш,
 Шул сабаб наздимда аржуманд бўлмиш.
 Сенга содиклардан, тингла, эй рафик,
 Мен ҳам марҳаматим тутмасмен дариф.
 Фунчалар очилмай сўлмасин дерман,
 Дўстимнинг дўстлари ўлмасин дерман.
 Неча йил Мен уни этдим имтиҳон.
 Ёшлигин қайтаргум энди бегумон.
 У сени севади жонидан ортиқ.
 Шул сабаб у Мендан сенга бир тортиқ.
 Айб эмас девона туюлса ошиқ.
 Ошиқни ўлдириш гуноҳ, чунки ишқ,
 Ҳижронлар кўр этмиш бу бандамизни
 Севгани-чун Бизнинг Юсуфимизни.
 Сен эса кўнглини англамай, инон,
 Дунёни этибсан унга зимистон.
 Унинг кўз ёшлари ишқдан далолат,
 Арзир, берсак энди лойиқ мукофот.
 Чеккан изтироби, дард, фами ҳаққи,
 Албат ёшлигини бергум қайтариб.

Шундай қилиб, чинакам ошиқ сиймоси бўлмиш Зулайҳо аввалига инсоний жон, Қуръони Каримнинг “Юсуф” сурасида тилга олинган “нафси аммора”, яъни “ёмонликка ундаувучи нафс”га занжирбанд бўлади, сўнгра эса тўхтовсиз ички курашлар, дард-изтироблар чекиш орқали у бора-бора ўз Хожасига қайтиб боришига амин бўлган “ором топган нафс (жон)” тимсолига айланади. Юсуфнинг кўйлагидан анқиб турган бўйларни туйиб, кўзлари равшанлашади, гўзалликдан баҳраманд бўлади. Бу бўйлар маҳбубдан дарак беради, зеро, улардан Энг Мехрибон Биру Борнинг нафаси англашилади. Маҳбубнинг яқинлигини ҳис этгач, изтиробларда қадди дол бўлган аёл қайтадан ёшариб кетади. Мавлоно Жомий ва унга тақлид қилган шоирлар ўз асарларида узоқ давом этган ёниш-куйишлардан сўнг бир-бирининг васлига етган бу икки ошиқнинг тўйларини барча тафсилотлари ила тасвирлаб берганлар. Бу асарларда айтилишича, бир вақтлар касалманд ҳокимга хотинликка берилган Зулайҳо ҳали-ҳануз бокира қиз экан. Тўй тугагач, бир вақтлар Зулайҳо Юсуф алайҳиссаломнинг ортидан қувиб, кўйлагини йиртгани сингари, Юсуф алайҳиссалом ҳам ёш келиннинг кўйлагини бурда-бурда қилиб, ёр васлига етади. Бу тасвирлар энди

“Юсуф ва Зулайҳо” тарихининг чуқур суфиёна моҳиятига у қадар алоқадор бўлмаса керак, чунки булар инсоний гўзаллик ва муҳаббатнинг давоми, ёш келин-куёвнинг турмушидаги ички жиҳатлардир. Мавлоно Жомий ўз асарида бу ҳолатни шоирона бир латифлик ила ана шундай изоҳлаб ўтган.

СУФИЙ АЁЛЛАР

Муҳаммад (с.а.в.) дорилбақога риҳлат қилганларидан кейин ҳозирги кунларгача бўлган давр ичиди Ислом оламида хотин-қизларнинг аҳволи ҳоҳ ижтимоий, ҳоҳ сиёсий маънода бўлсин, сезиларли даражада мураккаблашгани ҳеч кимга сир эмас. Аммо суфийликда бунинг бутунлай тескарисини кўрамиз. Суфийликда аёлларнинг ўрни алоҳида. Суфийлик Пайғамбар (с.а.в.) вафотларидан таҳминан юз йилча кейин, 8 аср бошларида вужудга келиб, ривожлана бошлади. Аввал-бошда у соғ таркидунёчилик (зоҳидлик) ҳаракати бўлиб, мусулмонларнинг кундан-кун кучайиб бораётган дунёвийлик хусусиятини сусайтиришга ҳамда уларга диний бурч ҳамда вазифаларини эслатиб туришга қаратилган, чунки ўша даврларда ислом жадаллик билан оламга ёйилиб бормоқда эди. Бу эса, ўз-ўзидан маълумки, таъсир ва акс таъсир ҳодисасига сабаб бўлади, яъни мусулмонлар ўзлари забт этган ўлкаларга Ислом дини билан таъсир кўрсатишса, шу ўлкаларда амалда бўлган динлар ҳам Исломга маълум маънода қарши таъсир кўрсатар, аҳамиятини пасайтиришга ҳаракат қиласиди. Ислом аскарлари Қуръони Карим ва Ҳадиси шарифлардаги йўл-йўриклилар билан бир қаторда ўзлари забт этган ўлкалардаги ақидаларга ҳам маълум маънода амал қила бошлардилар. 711 йилда мусулмонлар Гибралтар бўғозини кечиб ўтдилар (бу ердаги бир тоғ ҳозирги кунларда ҳам ўз забтқорининг номидадир: Жибил Ториқ, яъни Ториқ тоғи). Ўша йилнинг ўзидаёқ қўшиннинг бош қисмлари Синдга, Ҳиндистоннинг қўйи воҳасига, яъни ҳозирги Покистоннинг жанубий қисмига кириб бордилар. Қўшиннинг бошқа қисми ўкуз (Амударё)дан ўтиб, Ўрта Осиёни эгаллади.

Зоҳидлар эса қалб оламини, юрак дунёсини забт этишга ҳаракат қиласидилар. Ислом суфийликнинг ибтидоси Робийа ал Адавийа ёки басралик Робийа (Басра Робийанинг она шахри)нинг номи билан боғлиқ. У дунёнинг барча лаззатларидан воз кечишига ундайдиган таркидунёчиликнинг чинакам ишқ, яъни Оллоҳнинг ишқи билан яшашга ундайдиган суфийликка айланишида ҳал этувчи рол ўйнаган аёлдир. Ривоят қилишларича, бир куни художўй суфий Робийа бир қўлида бир челяк сув, иккинчи қўлида ёниб турган машъала кўтарганча Басра кўчаларидан югуриб ўтатиган экан. Йўловчилар ҳайрон бўлиб ундан сўрашибди:

- Бунчалар шошилиб қайларга йўл тутдинг, эй Робийа?
- Робийа қўлидаги челякка ишора қилиби:
- Дўзахдаги ўтни ўчирмоқчиман.
- Йўловчилар ёқа ушлаб “астағириуллоҳ” деб, яна сўрашибди:
- У ҳолда қўлингдаги машъала нечун?
- Бу машъала билан жаннатга ўт қўймоқчиман.
- Йўловчиларнинг жон-пони чиқиб, қичқиришибди:
- Оллоҳдан мағфират сўраб илтижо қил, эй бадбаҳт аёл, акс ҳолда қоғирлар қавмига кириб қоласан.

— Йўқ, азизларим, сизлар мени нотўғри тушундинглар. Мен қоғир эмасман, Оллоҳ таоло билан бандалар ўртасидаги бу икки парданни йўқотмоқчиман, холос, токи бандалар Оллоҳ таолога дўзах ўтида қўйишдан қўрқишишгани ёки жаннат иқболидан умидвор бўлишгани учун эмас, балки Унинг Оллоҳ эканлиги, Биру Борлиги ва Боқий гўзаллиги учун ибодат қилишсин.

Бу ривоят тилдан-тилга кўчиб, насроний дунёсига ҳам кириб келди. Уни Людвиг тўққизинчининг вакили Жонгвиил Фарбга олиб келган дейишади. 1584 йил 3 ноябрда Парижда туғилиб, 1652 йил 26 апрелда ўша ерда вафот этган француз руҳонийси ва ёзувчиси, квиетизм намояндаси Жан Пьер Камю ўзининг “Шафқат ҳамширалари” китобида шу ривоятни ҳам санаб ўтади. Китобда

шарқона кийинган, бир қўлида челак, бир қўлида машъал кўтарган аёл суврати ҳам берилган. Суврат тепасида иврит ҳарфлари билан “ЙХВХ” яъни “Йеҳо-ваҳ” (Худо) деб ёзилган. Бу ривоятнинг Шарққа мансублигини англатади. Бундан ташқари, Оврупо адабиётида ушбу ривоятнинг кўпгина бошқа шакллари ҳам мавжуд.

Басралик озод этилган чўри аёл Робийа ҳақидаги ривоятлар сон-саноқсиз, чунки Басра мозийда кўплаб суфийларнинг макони бўлган. 728-йилда вафот этган машҳур тақводор олим, суфий Ҳасан ал-Басрий тўғрисидаги ривоятларда ҳам Робийанинг номи тилга олинади. Ислом оламининг машҳур солномачилари бу аёлнинг ҳаёт йўлини аниқ тасвирлаб беришган, чунки у инсоний баркамолликда “кўплаб эркаклардан устунроқ бўлган”. Мұхаммад Зеҳний ўзининг машҳур аёллар тўғрисидаги “Машоҳир ан нисо” асарида Робийани “эркаклар бошидаги олтин тож”, деб тасвирлайди. Шу сабабдан ҳозирги кунларда ҳам ўзининг художўйлиги, тақводорлиги билан машҳур бўлган аёллар “иккинчи Робий” деб тасвирланади. Робийа тўғрисидаги ривоятларда унинг жуда кўп мўъжизалар кўрсатгани ҳам тилга олинади. Айтишларича, қоронғу тунларда унинг бармоқлари чироқ каби нур таратар экан. Ҳаж сафарига отланганида эса Каъбатуллоҳ унга пешвоз чиқар экан. (Ўз-ўзидан маълумки, Каъбатуллоҳ ўрнидан кўчиб, Робийа ҳузурига пешвоз чиққандা, ҳажга келган бошқа суфийлар уни тополмай анча сарсон-саргардон бўлишган.)

Робийа кўпгина дунёвий ришталарни, айниқса никоҳни (у турмушга чиқмаган) рад этиб, жойнамозида ўтирганча ҳавода учеб юра олган дейишади. Гўзал баҳор қунларидан бирида у хонасида шогирд қизларидан бири билан ўтиракан, бокқа назар ташлайди ва Оллоҳ таоло яратиб қўйган гулларнинг жамолига мафтун бўлиб, шундай дейди: “Оллоҳ таолонинг гўзалиги ботиндадир, ташқи гўзалик эса ички гўзаликнинг акс этишидир”. Мавлоно Жалолиддин Румий бу гапларни нотаниш бир суфийга нисбат бериб, ўзининг “Маснавийларида ишлатган. Ҳазрат Фаридиддин Аттор эса ўзининг “Илоҳийнома”сида Оллоҳ таолонинг нури тўғрисида сўз юритаркан, шундай ёзди: “У (нур) бир дақиқа кекса бир кампир устига тушса бўлди, уни Робийадек улуғ бир зотга айлантиради.”

Шу асарнинг ўзида Фаридиддин Аттор Робийанинг бечораҳоллиги, дунё лаззатларига кўп эътибор бермаслиги, синов-имтиҳонларга бардошини шундай тасвирлайди:

Дейдилар: Оллоҳга дилбаста, дилдор,
Робийа бир ҳафта туз totтами ҳеч.
Ҳаттоқи сув имчай, юрди рўзадор,
Бўлди намоз билан машғул эрта-кеч.
Ниҳоят, кўрсатиб очлик ўз кучин,
Робийа йиқилай деганда беҳол.
Қўшини хотин чиқди гаплашмоқ учун,
Бир коса суюқ ош кўтариб алҳол.
У кетгач, Робийа сурдалиб, мункиб
Чироқ келтириш-чун уйга кирган дам,
Мушуклар овқатни кетдилар тўкиб,
Бу қандай кўргулик, бу қандай ситам.
Яна уйга кирди Робийа дилхун,
Сув ичиб рўзани очиш-чун, ҳайҳот.
Кўза қўлдан тушиб, бўлди чилпарчин,
Ерга сингиб кетди ул оби ҳаёт.
Шунда чекди Биби оташин бир оҳ.
Бир оҳки, оламни ёқишига қодир.
“Танҳо Биру Борим, Ёлгизим, Оллоҳ
Мен бир муштипардан истагинг надир?
Ишқингда вужудим ҳорғин ва бетоб,
Бу ҳолга чек борми, эй Ёри Азиз?”

Кўқдан нидо келди: Хоҳласанг шу тоб,
Дунёни пойингга чўқтирурман тиз.
Ва лекин мени деб чекканинг ситам,
Дардлардан мосуво этарман буткул.
Фоний дунё ва Ёр ишқига, санам,
Бир йўла ошиён бўлолмас бир дил.
Ошиқ ишқ ийлида дард чекиб ҳар он,
Тарк этар дунёни бесёз, бесўроқ.
Дунё ишқи бир ён, Ёр ишқи бир ён,
Осонмас чинакам Ёрга етишмоқ.

Кўриниб турибдики, бу мисраларда ошиқнинг ишқ, йўлида чеккан дарду аламлари, изтиробларига алоҳида урғу берилмоқда, зеро ситам чекмай, қийинчиликларга бардош бермай висолга етишиб бўлмайди. Енгил-елпи қозонилган фалаба, эришилган висол қадрсизdir. Хиндистондаги Чиштия силсиласи раҳнамоси, асли ўзбекистонлик бўлган Кутбиддин Бахтиёр Кокий 1235 йилда бу тўғрида шундай деб ёзганди:

“Бошига кутилмаган дарду-ғамлар тушган куни у “хайрият, дўстим (Оллоҳ) бугун мени эсга олди, мен ҳақимда ўйлади”, деб ўзида йўқ даражада шодланиб юради. Кунлари осойишта ўтиб, бошига ҳеч қандай кулфат тушмаганда эса, кўз ёш тўкиб, фифон чекарди: “Қандай бир нотўғри иш қилдимки, у (Оллоҳ) бугун мени эсга олмади”.

Бироқ ўзини Оллоҳ ишқига бахшида этган аёл ёлғиз Робийа эмасди, бундай художўй суфий аёллар тўғрисида тарихда бир талай маълумотлар бор. Муҳаммад (с.а.в.)нинг қариндошларидан бири, Умм Ҳарам исмли аёл шулардан бири. Бу бокира аёл ўзини Оллоҳ йўлига бахшида этиб, мусулмонларнинг кипрликларга қарши олиб борган жангларида ҳамширалик қилган ва ҳижрий 27 йилда (649) жиҳод пайтида шаҳид бўлган. Суфийларнинг қарийб барча китобчаларида кунларини рўза тутиш ва йиги-сифи ҳамда тунларини намоз ўқиб ўтказган илк суфий аёлларнинг рўйхати ва қисқача ёки тўлиқ таржимаи ҳоли берилган. Маргарет Смит ўзининг класик асари бўлмиш “Исломда Робийа ва бошқа суфий авлиёлар сиймоси” китобида илк ислом даврининг бир қатор таникли сиймолари тўғрисида маълумот беради. Улар орасида Робийанинг дугонаси, жазаваларда жон таслим этган Марйам ал-Басрийа тўғрисидаги хабарга ҳам дуч келамиз. Замондош турк шоираси Лъали Мулдур ушбу мисраларни ўша суфий аёлга бағишилаган:

Басралиқ Маријам, ул гўзал хилқат,
Тун-кун Робийага қиласди хизмат.
Ногаҳон илоҳий ишқни у англаб,
Ҳушдан кетди, “Оллоҳ” дея шивирлаб.
Зикр этиб Оллоҳнинг номини ҳар он,
Муҳаббат ўтида таслим этди жон.
Шундай, чин ошиқлар ўхшар ёмғирга:
Дон бўлиб унишар, ерга тушсалар,
Дурга айланишар, тушиб баҳрга.

Рўйхатда йифлай-йифлай кўзлари кўр бўлиб қолган Баҳрия ал-Маузулийа-нинг ҳам номи бор, зеро зоҳирий кўрлик илоҳий маъшуқни ботиний, яъни кўнгил кўзлари ила кўришга имкон яратади. Кўзлар кўр бўлгач, кўрувчи ва кўрилувчи орасидаги парда йўқолади. Донишмандлар айтганидек, “кўзни юмгил, кўзга айлансин кўнгил”. Райҳона ал-Валия исмлик суфий аёл эса узлуксиз равишда ўзини йўқотиш даражасидаги ҳаяжон, жазава ҳолатида бўлган. Ёзишларича, бундай ҳолатга тушган кўпчилик суфий аёллар ўша даврларда ҳибсга олинниб, жиннихоналарга тиқилган, чунки уларнинг қалбига жойлашган илоҳий муҳаббат баҳор ҷоғларида кўпиреб, тўлқинланиб, қирғоқларидан тошиб оқадиган асов дарёдек бўлгани учун жамиятда қабул қилинган одоб қоидада.

ларига бўйсунолмай қолишган. Қалбида ёлғиз Оллоҳ ишқи ошиён қурган бундай тақвodor сүфий аёллар тарихда албатта жуда кўп бўлган, аммо айримларининггина номлари сақланиб қолган. Улар Робийага ўхшаб, кичик-кичик қўшиқлар ижро этишган. Бу қўшиқлар бадиий санъат асари дараҷасига кўтарилимаган бўлса-да, уларни бемалол диний-мистик лириканинг илк дебочалари деб атash мумкин. Кейинги асрларда улар ошиқ сүфийларнинг кундалик машғулотига айландилар. Суриялик Робий аш-Шамия шундай қуйлар экан:

Ёримга тенг келмас бошқа ҳеч бир ёр,
Кўнглимни забт этган танҳо Биру Бор.
Гарчи у вужудим, кўзимдан йироқ,
Кетмайди у менинг кўнглимдан йироқ.

Абдураҳмон Жомий ўз асарларидан бирида сүфий аёлларнинг қуидаги мисраларини мисол қилиб келтиради:

Чин ошиқлар бу дунёдан бемор ўтурлар,
Кўп дард чекиб, ишқ оғригин зўр малҳам билиб.
Ёр ҳажрида девонаваш, зор-зор ўтурлар,
Ва бир куни кетишурлар ёрга қўшилиб.

Бу мисралар муаллифининг фикри Амат ал-Жалилнинг қуидаги эътиборингизга ҳавола этилаётган фикрига ҳамоҳангидир:

“Авлиёсифат табаррук зотлар бирор дақиқа бўлса-да, бошқа ишлар билан машғул бўлмайдилар. Улар доимо Оллоҳ ёди билан банддирлар. Авлиёлар бошқа ишлар билан ҳам шугулланади деган киши бекор айтибди.”

Илк сүфий аёллар ичida ўзининг жуда кўп кўз ёши тўкиши или машхур бўлган Шавона исмли аёл сиймоси алоҳида эътиборга молик. Улуғ сүфийлардан бири бўлмиш Фузайл ибн Ийад ҳам Шавонадан “мени бир дуо қилиб қўйинг!” деб илтимос қилган экан. Тақвodor сүфий Башир ал-Кофий, тахаллуси “Ялангоёқ” ва улкан муҳаддис олим Аҳмад ибн Ҳанбаллар эса Амина ар-Рамлийа исмли сүфий аёлнинг дуолари шарофатидан дўзахийликдан омон қолишган. Имом Фаззолий Шавона ҳақида ёзаркан, ушбу воқеани мисол қилиб келтиради: “Ривоят қилишларича, Шавона вафот этгач, дугоналаридан бири уни тушида кўради. Тушида Шавона бир қанча ҳурлар билан келиб, дугонасига шундай дейди: “Қалбинг доим ғамзада бўлсин. Оллоҳ ишқини фоний дунё ҳою ҳавасларидан юқори тут. Шунда то жон таслим қилгунингча сенга ҳеч зарар етмайди”. Ўлим ва боқий дунёни тез-тез ёд этиб туриш илк сүфий аёлларга хос хусусиятдир. Шулардан бири Муazzзам Басрадаги анъаналарга мувофиқ “вафот этгач, то рўзи маҳшаргача бўлган даврдаги қабр уйқуси этиб ортади” деганояни илгари суриб, илож борича уйқудан воз кечишга, тунларини намоз ўқиб бедор ўтказишга ҳаракат қилас экан.

Художўй, тақvodor аёлларга Оллоҳ таоло юксак мавқелар ҳадя этиши табиий ҳол. Бағдодлик сүфий Сафи ас-Соқотий (867 йилда вафот этган)нинг шогирдларидан бири бўлмиш сүфий аёл тўғрисида шундай ривоят бор: “Бир куни Соқотий у аёлга “ўғлинг чўкиб ўлибди” деган хабарни етказади. Аёл эса анъаналарга хилоф равишда устознинг гапига ишонмайди. Чиндан ҳам тез орада аёлнинг ўғли тирик эканлиги маълум бўлади. “Қани айт-чи, устознинг гапига нима учун ишонмадинг?” деган саволга у “ўғлимнинг чўкиб кетганлиги тўғрисида менга ғойибдан ҳеч қандай хабар келмаганди”, деб жавоб қиласди. Ҳақиқатан ҳам ўзини Оллоҳ йўлига баҳшида этган кишиларга ғойибдан уларга тегишли барча хабарлар етказилиб туриларкан.

Қуидаги ривоятдан эса бальзи сүфий аёлларнинг Робий ал-Адаввийага тақлид қилиб, дунёдан тоқ ўтишмагани, балки турмуш қуриб, никоҳда умр кечиришгани маълум бўлади. Турмуш қуриб, эр-хотин бўлиб яшаган сүфий аёллар ичida ярқ этиб кўзга ташланадигани Робийадан ярим аср кейин яшаган, нишопурлик Фотимадир. У таниқли сүфий Аҳмад Қидруйа билан турмуш қурган ва сүфийлик сўқмоқларида тез-тез унга раҳнамолик қилган. Ривоят қилишларича, Фотима ўз даврининг етук сүфий раҳнамолари билан мулоқотда бўлган.

Мисрлик муршиди оғоқ Зуннун (859 йилда вафот этган) билан хат ёзишиб турган. Айтишларича, бир вақт Зуннун “аёлларнинг тұхфасига зор эмасман” деган маънода Фотима жүнатган тұхфани олишдан бош тортади. Шунда Фотима Зуннунга танбек беріб, шундай мактуб ёзади:

“Аёл киши жүнатган тұхфани олмайман деб тұхфамни рад этибсиз. Аёл киши воситасидами, әркак киши воситасидами, аммо асосий тұхфа қылгувчи Зот Оллоқ таоло эканини унугтингизми?”

Зуннун бу аёлнинг билимига, Куръони Каримнинг чуқур маъноларини ҳам айло даражада тушунишига қойил қолган дейишади. (Зеро, Зуннуннинг таълим-тарбияга оид ҳикояларида Оллоқ таоло ишқи билан маст бир аёл ёки қиз образи тез-тез учраб туради). Зуннун ундан нафақат наботот ва ҳайвонот оламининг, балки барча тирик ва ўлык мавжудотларнинг Оллоқта саловот айтишларини англаш сирларини ўрганади. Доно Фотима машхұр суфийлардан бири бўлмиш Боязид Бистомий билан ҳам паранжи ёпинмасдан мулоқотда бўлган дейишади. Аммо бир куни Бистомий аёлнинг гўзал ҳолига, бошқа бир ривоятда айтилишича эса хино қўйилган бармоқларига тикилиб қолади. Шунда аёл суфий билан алоқани бутунлай узиб кетади, чунки энди фақат соғ руҳий мулоқотда бўлишнинг иложи қолмаганди. Бунинг ҳақиқатга Қанчалар мос келишини аниқлаш жуда қийин, зеро руҳий дўстлик ришталарининг “дунёвий” бир боқиши ила узилиб кетиши мавзуси агиографияяда (авлиёсифат кишиларнинг таржимаи ҳоллари билан шуғулланувчи фан) камдан-кам учрайдиган ҳол эмас. Шу маънода суфий Аҳмад ибн Абул Ҳаворийнинг рафиқаси Робийа бинт Исмоил ҳақида икки оғиз сўз айтмасдан бўлмайди. Биринчи эри вафот этгач, бу аёл эридан қолган мерос ва ўзи ишлаб топган пулларни савобли ишларга ишлатиши учун юқорида номи зикр этилган суфийга турмушга чиқади ва у билан жинсий эмас, балки фақат руҳий никоҳда бўлади. Умрини асосан намоз ўқиши, рўза тутиш билан ўтказади ҳамда Аҳмад ва унинг бошқа хотинларига ғамхўрлик қиласди. Зеро, унинг ўзи бир куни Аҳмадга “мен сени эр сифатида эмас, балки ака сифатида яхши кўраман”, дейди. Ривоят қилишларича, Рабаҳ ал-Қайсийнинг рафиқаси хуфтон намозини ўқигач, яхши кийимларини кийиб, эридан “буғун менга эҳтиёжингиз борми?” деб сўраркан. Эрининг эҳтиёжи бўлмаган кунлари у тунни Куръон тиловати билан машғул бўлиб ўтказаркан.

Баъзи ҳолларда ўта художўй суфийларга уларнинг жаннатдаги “бўлажак рафиқалари” ҳам кўрсатилган дейишади. Суфий Абдул Воҳид ибн Сайдга унинг жаннатдаги рафиқаси аён этилган. У бир чўпон қиз бўлиб, отарида қўйлар ва бўрилар бир-бирига зарар етказмай, қувлашиб, ўйнаб юришаркан. Шу қиз бу фоний дунёда ҳайвонлар орасида охирзамонга хос тинчлик барпо эта олгани учун машхұр суфийнинг жаннатдаги рафиқаси бўлиш шарафига мұяссар қилинган.

Улкан теософ¹ олим Ал-Ҳаким ат-Термизийнинг рафиқаси катта эътиборга молик аёл бўлган. Термизий ўз таржимаи ҳолида ёзишича, у кўрган тушларини рафиқасига сўзлаб бераркан, рафиқаси эса тушларни ва Термизийнинг кўз ўнгидаги пайдо бўлган нарсаларни доимо тўғри таъбир қилиб бераркан. Фаришталардан бири бу аёлга “Эринг билан сенинг руҳий даражаларинг бир-бирига мутаносиб”, деб хабар қиласди.

Араб классик адабиётида ва кейинчалик форс адабиётида ҳам тез-тез учраб турадиган мавзулардан бири ўз қўшиқларида мистик, суфиёна ишқни тараннум этган ашулачи қизлар мавзусидир. Машхұр грамматик олим ал-Асмоий бир куни Каъбада ишқий қушиқ айтатётган бир қизни қаттиқ танқид қиласди. Қиз эса унга дарҳол чинакам илоҳий ишқ қандай бўлишини тушунтириб қўяди.

Ўша даврда Куръони Каримни ёд олиб, таъсирчан тарзда қироат қила оладиган қўшиқчи чўри қизларни, гарчи уларни жуда катта пул тўлаб сотиб олишган бўлсалар-да, дарҳол озод қилиб юборишган. 1234 йилда вафот этган ҳазрат Абу Ҳафиз Умар ас-Суҳравардий таъсири остида мусулмон бўлган бир қўшиқчи қиз тўғрисида шундай ривоят қилишади:

Бу қиз муқаддас ҳаж сафаридан қайтгач, Ҳамадон ҳокими хузурида илоҳий ишқ тўғрисида шунчалар берилиб куйладыкни, ҳоким ва унинг аъёнлари ўзлари-

¹ Т е о с о ф и я — (теос-Худо: софия-донолик) инсон руҳининг Худо билан бирлашиб кетиши ҳамда боқий дунё билан тўғридан-тўғри мулоқот қилиш йўлларини ўрганадиган фан.

нинг йўл қўйган хатоларидан афсусу надоматлар чекишиб, ислом аҳкомлариға қатъий амал қила бошлайдилар. Ҳазрат Румийнинг таржимаи ҳолларидан маълумки, “енгилтак қизлар” у зотнинг тасири остида Ислом динини қабул этиб, суфиёна ҳаёт кечира бошлашган.

Чамаси, илк даврларда аёллар суфийларга нафақат ҳалфалик қилишган, балки Куръон тиловат қилинадиган йифинлар ва “зикр”ларда ҳам иштирок этишган. 934-йилда вафот этган суфий ал-Кагтонийнинг қизи Фотима ва яна уч эркак “ошиқ” номини олган бағдодлик суфий Сумнун ал-Мұхіб билан бирга юксак ҳаяжон ичиди зикр тушаётганда кучли жазавадан вафот этган деб ривоят қилишади. Бу хабар илк даврларда аёлларнинг бундай давраларда эркаклар билан бир қаторда иштирок этиши одатий ҳол бўлганилигидан далолат беради. Кейинчалик эса суфий аёлларни жамоага қабул қилишининг қандайдир оқилона, гапсўз бўлмайдиган йўларини топишга уриниб кўп бош қотиришган бўлсалар керак, чунки шариат ва қонунларга кўра ўзига қариндош бўлмаган бегона аёлнинг қўлини ушлашга ҳеч кимнинг ҳаққи йўқ-да. Баъзи йўналишлар бўйича бегона аёлга кўзи тушган ёки бехосдан баданига қўли тегиб кетган кишининг таҳорати синган ҳисобланади ва у намоз ўқиши олдидан қайтадан таҳорат олиши керак. Шу сабабдан эркак ва аёл суфийлар зикр тушаётганда аввало қўлларини тоза сувга бир ботириб, ювиб олишлари лозим. Аёллар енги узун кийим кийиб олишган ва эркаклар уларнинг енгидан ушлашган. Бунинг иложи бўлмаган пайтларда аёллар қўлларини рўмол билан боғлаб ёки қўлларига иккита таёқ тутиб олишган. Эркак билан аёлнинг бадани бир-бирига тегмаслиги учун эркаклар уларнинг енгидан ёки рўмол ўралган қўлидан ёинки қўлидаги таёқчадан ушлаб олишган.

* * *

Аммо илк даврларда бундай нарсаларни майдо-чуйда ҳисоблашиб, унча эътибор беришмаган, чунки суфий устозларнинг (пири муршидларнинг) ҳатто жамоат жойларига ҳам ўз ҳалфалари (хотин-қизлар) билан борганниклари тўғрисида ёзма маълумотлар бор. Шулардан бирида айтилишича, суфий Абу Бакр аш-Шибдий ўзининг бир ҳалфаси билан бирга хочга михланган суфий Ҳаллож ёнига бориб, ундан “суфийлик нима?” деб сўрайди. Гарчи мавлоно Фаридиддин Аттор ривоят қилган бу воқеа тарихга умуман мос келмаса-да, яъни у мавлононинг “шундай бўлса нима қилардик?” қабилидаги тахайюлотининг маҳсулни бўлса-да, ҳар ҳолда суфий аёлларнинг илк даврларда ижтимоий ҳаётда анча фаол иштирок этишганини инкор этиб бўлмайди. Аслида Ҳаллож қатл этилганидан кейин унинг синглиси келиб, акасини жасурлиги, яъни “аналҳақ” (мен ҳақман) деган гаплари учун бир оз койиди, сўнгра акасининг васиятини амалга ошириб, жонсиз вужудни куйдиради ҳамда кулини Дажла дарёсига ташлайди. Ўша куни кечаси Ҳаллож синглисининг тушига кириб, унга ўзининг номутаассиб ҳатти-ҳаракатининг сабабини тушунириб беради. (Ислом дини тарихида сингилнинг тутган ўрнини ўрганиб чиқиши жуда кўп масалаларни ойдинлаштиришга ёрдам берган бўлурди. Жоҳилият даврида Арабистонда опа-сингиллар вафот этган ёки жангда ҳалок бўлган акалари учун ёқа йиртиб йиғлашлари шарт бўлганидек, суфийлик тарихида ҳам опа-сингиллар жуда муҳим рол ўйнаганлар. Буюк мўғуллар (Бобурийлар) сулоласининг 1659-йилда коғирликда айбланиб, қатл этилган валиаҳди Доро Шикоҳнинг опаси малика Жаҳоноронинг ҳатти-ҳаракатларига муносабати бунга яққол мисол бўла олади.)

Тақвадор суфий аёлларнинг анъаналари кейинги асрларда ҳам нафақат Ўрта Осиёда, балки Ҳиндистон ярим оролида ҳам худди шундай давом этган. Биз бу қитъада яшаб ўтган суфий Фаридиддин Шакарганжнинг толибалари (мухлислари) тўғрисида озми-кўпми маълумотга эгамиз. Айнул Қудат исмли шоир ўз мадҳияларидан бирида суфий Абул Хаир ат-Тиноний ал-Ақтанинг бувиси Уйайина йигитлар ва хотин-қизлардан иборат 500 та талабага дарс берганлигини айтиб ўтади. Улкан ҳанбалий суфий, ҳиротлик Абдулла Ансорийнинг таржимаи ҳолида унинг қариндоши Биби Нозаниннинг ҳам номи тилга олинган. Айтишларича, шу аёл Ансорийга улкан олим бўлмаса-да, аммо жуда доно суфий Қорағоний билан мулоқот қилишни маслаҳат берган, чунки Қорағоний

Анзорийнинг тадрижий камолотга эришувида муҳим рол ўйнаши у аёлга маълум қилинган экан. Ҳиротда ўша даврларда булардан ташқари бошқа тақводор ва ўқимишли аёллар ҳам кўп бўлган. Улар айниқса Пайғамбаримиз ҳадислари ни тўплаш ва уларни авлоддан-авлодга етказишида катта жонбозлик кўрсатишган. Шуладан бири 1084 йилда Ҳиротда вафот этган Умм Фазл ал-Ҳарматиядир. Серж де Лаоже де Бурессо унинг Пайғамбар ҳадислари, айниқса Абу Ҳанбал мазҳаби ҳамда, шубҳасиз, Абдулла Анзорий йўналишидаги суфийликка қизиқкан “аёллар муҳити” тўғрисидаги гаплари Луис Массигноннинг шаҳид кетган суфий Ҳаллож атрофидаги ҳанбалий аёллар ҳақидаги эслатмаларига тўлиқ мос келади. Ҳаллож атрофидаги аёллар, масалан Зайнаб ал-Камалийага ўхшаган суфийлар узоқ вақтларгача Ҳаллож анъаналарини давом эттирганлар. Таникли суфий аёллар тўғрисида гапирилганда 1070 йилда вафот этган марвлик Каримани тилга олмаслик гуноҳи азимдир. Бу бокира суфий аёл, Массигнон таъкидлаб ўтганидек, Ҳадича ал-Жаҳний томонидан ташкил этилган “аёллар футуввати” (жўмардлиги) ташкилоти билан ҳамкорлик қилган. Аёлларнинг бу уюшмаси эркакларнинг умрни ҳақиқий эркак сифатида чукур тоат-ибодат билан ўтказиш фояларини илгари сурган футувватининг муқобилидир. Кариманинг номи Абу Нажиб ас-Сухравардийнинг бир қатор муҳим асарларида тилга олинган. Абу Нажибининг жияни Абу Ҳафиз Умар ас-Сухравардийнинг асарларида ҳам бу номни учратиш мумкин. Абу Ҳафизнинг китоблари мўтадил суфийлик тўғрисидаги энг кўп тарқалган китоб ҳисобланади ва бутун Ислом оламида ўрганилади. Тақводор ва ўқимишли суфий аёллар орасида Шуҳда исмли хаттот аёл алоҳида эътиборга лойиқдир. Шундан ярим аср кейин Шимолий африкалик саёҳатчи Ибн Батут Дамашқ ва Бағдоддаги ҳадис муаллимлари тўғрисида сўз юритаркан, Умм Муҳаммад Оиша ва Фотима бинт Тожиддинларнинг номларини қайд этиб ўтади.

Тақводорона ва айниқса суфиёна ҳаёт кечиришга мойил бўлган аёллар салжуқийлар даврида Туркияда ҳам бўлган. Мавлоно Жалолиддин Румийнинг таржимаи ҳолидан маълумки, у Кўнё олий табақасининг кибор хонимлари, айниқса бош вазир Аминаддин Микоилнинг рафиқаси билан жуда яқин муносабатда бўлган. Уларнинг хузурида ўзини жуда эркин туттан. Румийда барча табақаларга мансуб хотин-қизларни ҳам ўзига тортадиган аллақандай оҳанграболик бўлган дейишиади. Салжуқийлар ҳукмдори Фиёсиддиннинг рафиқаси ҳатто Румийнинг суратини ўзи билан олиб юрган экан. Машхур кишиларнинг таржимаи ҳолларини ёзib борадиган кишилар ҳазрат Румийнинг иккинчи рафиқаси, насроний оиласидан чиққан Кира Хотунга “иккинчи Робийя” ва “Биби Марямга ўхшаш аёл” деб таъриф берганлар. Унинг болалари ҳазратнинг ўғли Султон Валад томонидан ташкил этилган Мавлавия ташкилотида фаолият кўрсатишган. Султон Валаднинг қизи ҳам шулар орасида бўлган. Туркий вилоятларда ташкилотнинг хотин-қиз аъзолари “бажи”, яъни “сингил” деб аталган, зеро “барча мўъминлар шак-шубҳасиз ака-укалардир.” (Қуръони Карим. 49:10).

Ибн Арабийнинг хотин-қизларга муносабати айниқса диққатга сазовордир. Унинг ёш йигитлик пайтларида Севиль шаҳрида учратган улкан суфий аёллар тўғрисидаги хотиралари жуда мароқли ва жонли тарзда ёзилган. Бу хотираларда ўта камбағалликда яшаган Фотима бинт Мутаннанинг номи тилга олинади. Бу аёл аввалига турмушга чиқиб, анча пайтлар эри билан яшайди. Эри моҳов касалига чалиниб, вафот этгач, бева қолади. Андалузиялик олим бу аёлни “бутун ер юзи аҳолиси учун Оллоҳ томонидан жўнатилган раҳм-шафқат” деб таърифлайди, ҳамда гаройиб бир мўъжизани ривоят қиласди. Айтишларича, бир аёл Фотиманинг олдига келиб, бевафолик кўчасига кириб кетган эрининг устидан шикоят қилганда, Фотима бир duo ўқиб, бу эркакчани хотинини бирлаҳза кўрмаса туролмайдиган ҳолатга тушириб кўйган экан. Фотима ибн Арабийнинг “руҳий, фоявий онаси” ҳисобланади. Улкан теософ олимнинг туққан онаси ҳам Фотимани тез-тез зиёрат қилиб турган дейишиади. Ўта камбағал бўлишига қарамасдан Фотима жуда кувноқ ҳаёт кечирган. Баъзан қўлига танбур олиб Оллоҳ таолонинг марҳаматларини жўшиб куйлар экан: “Менга назар солгани ва Ўзининг дўйстларидан бирига айлантиргани ҳамда Ўз ниятларини амалга оширишда мендан фойдаланганлиги учун мен Ундан беҳад миннатдорман. Мен ким бўлибманки, шунча одамлар ичидан у мени танлабди. У мени жуда

рашк қиласи. Ундан ўзгани хаёлга келтирсам бўлди, У мени дарҳол турли баҳт-сизликлар ила жазолайди”.

Ибн Арабий Фотимани кўкларга кўтариб тасвирлаш ила ўзини авлиёсифат аёлларга нисбатан алоҳида мойилликка, ҳурмат-эътиборга тайёрлаганга ўхшайди. У Севилда яна бир бошқа, алоҳида эътиборга молик аёлни учратганди. Бу аёл саксондан ошган Шамс момо бўлиб, “барча камбағалларнинг онаси” деган унвонга сазовор эди. Ибн Арабий момони “ички туйғу, бевосита муроқаба усули билан кўп нарсаларни олдиндан билиш хислатига эга бўлса-да, ўзининг улкан суфийлигини, юксак маънавий даражасини сир тутадиган камтар зот эди” деб тасвирлади. Ибн Арабийнинг “Хотиралар”ида яна бир чўри аёл тўғрисида ҳам сўз юритилган. Гарчи бу аёлнинг номи келтирилмаган бўлса-да, у ўзининг батартиб эканлиги билан машхур бўлган. Бу аёл кўз очиб юмгунча дунёнинг у бошидан-бу бошига бориб кела олган, тоғу тошлар ила сухбатлар курган ва уларнинг барчасига “хуш келибсиз” ибораси билан мурожаат қилган.

Ибн Арабий шу йўл билан, яъни илгари севиллик аёллар билан учрашиб, ўзини маккалик кароматгўй, илҳомбахш бир аёл билан учрашувга тайёрлаганга ўхшайди. Бу аёл муқаддас зиёратгоҳдаги Иброҳим мақоми имомининг қизи Низом эди. Ибн Арабий жўшиб, оятлар тиловат қилиб, жазава ҳолатида Каъбатуллоҳни айлануб зиёрат қилаётганда шу қизга дуч келди. Қиз унинг тиловатларини тинглаб, Ибн Арабийни лол қолдириган ҳолда уларнинг магзини чақиб беради. Бу гўзал қиз билан бўлган учрашувнинг натижаси ўлароқ, Ибн Арабийнинг “Таржумон ал-ашвоқ”, яъни “Эҳтирослар таржимони” номли шеърлар тўплами вужудга келади. Тўпламдаги шеърлар араб ишқий шеъриятининг анъ-анавий услубида ёзилган бўлиб, уларда мумтоз, назмнинг андазавий сиймолари бўлмиш ошиқ ва маъшуқа ўргасидаги ишқ тараннум этилади. Маълум бир вақт ўтгач, Ибн Арабий ўзининг бу ишқий шеърларига мистик-фалсафий изоҳлар ёзиб, шеъриятда янги бир ўйналишини бошлаб берди. Бир оз кейинроқ фаолият кўрсатган суфийлар ўзларининг май, ишқ, ҳижрон тўғрисидаги дунёвийлиги яққол кўриниб турган шеърларига ҳам шунақа шарҳлар ёзиб, уларни ўқимишли қилишни лозим топдилар ёинки энди ишқ, май ва ҳижронларнинг маъноси кенгайиб, Оллоҳ таолога нисбатан бўлган ишқни англата бошлади.

Ибн Арабийнинг “Девони”да эса кейинчалик яна бошқа шеърлар ҳам пайдо бўлган. Эҳтимол, бу шеърлар унинг собиқ рафиқасига бағишлилангандир, аммо бу фараз ҳали исботланмаган, анча ноаниқликлар мавжуд. Ҳар ҳолда Низом Ибн Арабийнинг Beатричаси сифатида намоён бўлади. Шоирнинг Маккадаги ҳаёти унинг шоҳ асари “Ал-футухат ал-Маккийа”, яъни “Маккадаги кашфиётлар” асарининг вужудга келишига замин тайёрлади. Маккада у Зайнаб ал-Қалийя исмли аёл билан ҳам учрашган. Бир вақтлар ўзининг бойлиги ва соҳибжамоллиги билан донг таратган бу аёл яна Маккага кўчиб келади ва бу ерда такводор суфий сифатида танилади ҳамда кўпгина суфийлар билан иноклашиб, дўстлашиб кетади. Бу аёл намознинг фарзлари, суннатлари ва мустаҳабларига қатъий амал қилган ҳолда ибодат қилиши билан Ибн Арабийни лол қолдиради. Ибодат чуқур хаёлга чўмиб, ич-ичдан илоҳий оятларни тиловат қилаётган чоғида вужудининг оғирлиги бутунлай йўқолиб, хона ичida пар сингари учиб юрган дейишади. Илмий тилда бу ҳолат “психокинез” дейилади. Бошқа суфий аёлларда ҳам менимча бу ҳолат содир бўлган, аммо нима учундир уларнинг таржимаи ҳолларида бу иш қайд этилмаган. Ибн Арабийнинг бу аёл билан бирга Куддус шаҳрини зиёрат қилиши унга нисбатан ҳурмати ғоят баланд бўлганидан далолат беради. Андалузиялик бу улкан олим умуман барча хотин-қизларга нисбатан алоҳида ҳурмат-эътибор билан муносабатда бўлган. Олим ўзига Оллоҳ таоло томонидан “барча авлиёлар муҳри” деган унвон, даража ато этилганлигидан хабардор бўлган ёки ҳеч бўлмаганда буни ҳис этган. Унда Оллоҳдан бирорвларнинг билиб-бilmай қилган гуноҳларининг мағфират этилишини сўраш, уларнинг тарафини олиш иқтидори бўлган. Қизиги шундаки, ёшлиқ чоғлариданоқ у биринчи бўлиб тарафини олган, Оллоҳ таолодан гуноҳларининг кечирилишини илтимос қилган кишиларнинг барчаси хотин-қизлар эди. Хусусан, унинг иккала синглиси, собиқ рафиқаси ва тўртинчи хотини шу саодатга мушарраф бўлишган. Ибн Арабий суфийлик йўналишида 15 та кишига “хирқа”, яъни суфийлар кийимини кийдирган бўлса, шулар-

дан ўн тўртгаси хотин-қизлар бўлган, чунки худди Мавлоно Жомий таъкидлаб ўтганидек, маънавий ҳаётнинг барча жабҳаларида аёлларнинг юксак дараражаларга эришишлари мумкинлигига олимнинг имони комил бўлган. Аёллар авлиёлик пиллапоясинанг энг юкори поғонаси бўлмиш “кутб” ёки “ўзак” дараҷаларига ҳам эришишлари мумкин. Ибн Арабий умрининг охиригача аёлларга юксак хурмат-эҳтиром кўрсатди, уларга ўзининг амри-маъруфлари ҳамда маърузаларида иштирок этишга рухсат бериб, уларга мураббийлик қилди.

Хўш, ўша даврларда суфийлик сўқмоқларига яқинлашмоқчи бўлган ва ҳатто уларга кўшилиб кетмоқчи бўлган аёлларнинг ҳаёти қандай кечган? Биринчидан, агар улар бой бўлсалар, суфий жамоаларига ҳомийлик қилишлари, пири муршид ҳамда халфаларни моддий рағбатлантириб, уларга турар жой ҳамда озиқ-овқат бериб туришлари мумкин бўлган. Устоз ва халфалар эса миннатдорчилик тариқасида унинг Худо марҳаматига сазовор бўлишини тилаб дуо қилишган. Миҳанадаги (Шарқий Эрон) Абу Сайд Абул Хайрнинг жамоаси ҳомийлари, айниқса кўзга суриласидиган малҳам тайёрловчи Биби Ниши шулар жумласидандир. Биринчи пайтларда бу аёл анча пайсалланиб турган бўлса-да, кейинчалик жамоага бутунлай кўшилиб кетган. Кўпгина вилоятларда аёллар худди илк даврлардагидек эркаклар билан бирга зикр тушишган. Баъзи жамоаларнинг йигинхоналарида эса (масалан Қоҳирадаги Рифайя ёки Усмонли турк империясидаги мавлавийлар жамоалари) шу мақсадга мўлжалланган аёллар бўлиmlари бўлган. Колган вилоятларда эса аёллар бу тадбирни (зикрни) шу яқин ўртадаги уйдан ёки том устида туриб томоша қилишган. Дарвишларнинг фақат битта тариқатида, яъни Туркиядаги Бектошийлар тариқатида аёллар барчэ тадбирларда фаол иштирок этишган, бу эса ўз-ўзидан маълумки, бектошийларнинг маънавий бузуқликда айбланишига олиб келган. (Бундай ҳолатлар байъат (қасамёд) қилинаётганда ёки шунга ўхшаш тадбирларда пири муршидинг бўлажак суфий аёл билан бир хонада анча ушланиб қолган пайтларда ҳам рўй бериб турган.) Ёкуб Қадрий Қораўсмонўғли ўзининг 1922 йилда Истанбулда чоп этилган “Нур Бобо” романида Бектоший тариқатининг ёшгина бир устози аёлларни қандай қилиб йўлдан озидирганини тасвирлаб берган. Роман босилиб чиққандан уч йил кейин Туркия ҳукумати раҳбари Отатурк барча дарвеш жамоаларини ёлтириб ташлади. Бироқ Ислом оламининг замонавий ижтимоий-танқидий адабиётида бу мавзуу сақланиб қолди.

Ўрта асрларда Бағдод, Макка, Мадина, Сурия ва Қоҳирада бир қатор суфий хотин-қизлар жамоалари фаолият кўрсатганини маълум. Бундай ташкилотларнинг учтаси, яъни Работ аз-Заҳирия, Дар ибн аз-Зауда ва Работ бинт ат-Тож Макка шаҳрида бўлган. Ислом оламининг ўша пайтдаги маркази ҳисобланмиш Бағдод шаҳри эса Тигр (Дажла) дарёсининг фарбий соҳилида бир аёл томонидан ташкил этилган Дар ул-фалак жамоаси билан машҳур бўлган. 1127 ва 1177 йилларда бу ерда яна иккита жамоа вужудга келади. Аббосийлар халифалаги инқирозга юз тутишидан тўрт йил аввал, яъни 1254 йилда эса энг сўнгги халифа суфий аёллар учун яна бир работ қурдирган ва ўз қизини бу ерга раҳбар этиб тайинлаган. (Бу работлар, хотин-қизлар жамоалари тўғрисидаги маълумотлар билан танишаркансан, беихтиёр Овруподаги хотин-қизлар монастирларини эслаб кетасан, киши.) Юқорида тилга олинган жамоаларнинг раисалари панд-насиҳат қилиб ваъз айтишган, намоз чоғида аёлларга имомлик қилишган ҳамда суфиёна донишмандликка эришишда уларга раҳнамолик қилишган. Албатта, бу работлар бева қолган ёки эридан ажрашган, талоқ қилинган хотин-қизлар учун кўналға бўлиб ҳам хизмат қилган. Талоқ қилинган хотинлар бу ерда уч ой-у ўн кун туриб “идда” муҳлатини ўташган, чунки “идда” тугамагунча муслималарнинг бошқа эрга тегиб кетишига ҳақлари йўқ. (Куръони Каримнинг 64-сурә 4-оятида айтилишича, талоқ қилинган ёки эри ҳалок бўлиб бева қолган аёллар ҳомиладор ёки ҳомиладор эмасликларини аниқлаш мақсадида уч ой идда сақлашлари лозим. Ҳомиладор эмаслиги аниқ бўлгачгина бошқа турмуш қуришга ҳақлидирлар ва аксинча, ҳомиладор бўлсалар, фарзанд туғилиб, нифос муддати ўтгандан кейингина турмушга чиқишлари мумкин.) Ўта тақводор аёллар эса энг яқин оила аъзоларидан бўлак ҳеч ким билан мулоқот қилмай, уйда идда сақлайдилар ва бу муҳлатни намоз ўқиш ва чуқур хаёлга чўмиш (медитация) билан ўтказдилар. Покистондаги кўпгина мутаассиб (кон-

серватив) оиласарда бу одат ҳозирги кунларгача сақланиб қолган. Караби шаҳрида ўзим шундай бир ҳолатнинг гувоҳи бўлганман. Тариҳдан маълумки, жамоага раҳбарлик қилиш авлоддан авлодга мерос бўлиб ўтиб келган. Улкан суфий Аҳмадий Жомнинг қиз невараси ўзининг қирқ кунлик гўшанишинлигини (чила ўтиришини) бувасининг жамоасида ўтказган. Мистик шоир Авҳадиддин Кирмонийнинг невараси, шайх аёл ҳамда ҳофиза, яъни Куръони Каримни ёддан билган Амина Хотун Дамашқда фаолият кўрсатган. Аммо бирибир ўқимишли суфий хотин-қизлар унтуилмаслиги керак. Уларнинг орасида Ҳиндистоннинг Бурҳонпур деган жойида истиқомат қилган Бубу Раший алоҳида эътиборга лойиқдир. У ўрта асрларда битилган форс мистик матнлари бўйича мутахассис бўлиб, биринчи навбатда Фахриддин Ироқий асарларини шарҳлаб берган. Бубу Раший изоҳлаб берган асарлардан бири Ироқийнинг “Ламаъзат”, яъни “Нур жилолари” асари бўлиб, унинг ярми наср, ярми назмда битилган. Бу асарда Ибн Арабийнинг кўпгина гоялари ўз аксини топган, шу сабабдан у суфиёна ишқ тўғрисидаги гўзал, жозибадор асарлардан бири ҳисобланади. XVII асрнинг ўттизинчи йилларида Бобурий ҳукмдор Шоҳ Жаҳон (1628—1658)нинг катта қизи Фотима Жаҳоноро ва унинг укаси, валиаҳд Доро Шикоҳ суфийлик тариқатига қабул қилиндилар. Шоҳнинг фарзандларини Лоҳур шаҳрида истиқомат қилган ва 1635 йилда вафот этган Миён Мир исмли авлиё суфийликка ўтишга илҳомлантирган. Валиаҳд шаҳзода ўз кундаликларининг алоҳида бир бобини Миён Мирнинг авлиёсифат синглиси Биби Жамол Хотунга бағишиланган. Малика Фотима Жаҳоноро суфийлик тариқатида шунчалар улкан муваффақиятларга эришади, унинг устози, Миён Мирдан муршидликни мерос қилиб олган Мулла Шоҳнинг айтишича, тариқат қонунлари йўл қўйган тақдирда у маликани бемалол ўзидан кейин муршидликка тақдим этган бўларкан. Бу тўсиқларга қарамасдан малика умр бўйи суфийликка содиқ бўлиб қолди. Онаси Мумтоз Бегим бевақт вафот этгандан кейин (Ҳиндистондаги машхур Тожмаҳал унинг шарафига бунёд этилган) у мамлакатдаги “биринчи хоним”га айланди. Малика Жаҳоноро ва унинг укаси валиаҳд шаҳзода суфийликнинг Қодирия йўналишига қабул қилингандилар. Бу йўналишнинг бош қароргоҳи аввал жанубий Ҳиндистонда бўлиб, сўнгра Панжоб вилоятига кўчирилган. Шоҳ оиласининг бошқа аъзолари эса Чиштийа йўналишига мойил бўлганлар. Кунлардан-бир кун фалокат туфайли малика баданининг кўпгина жойлари куйиб қолади. Соғайиб кетгач, у оила анъаналарига мувофиқ Рожастондаги Ажмерни зиёрат қиласи, чунки маликанинг катта буваси Акбаршоҳ ҳам бу ерни тез-тез зиёрат қилиб турган. Ажмер шаҳри ҳозирги кунларда ҳам Чиштийа суфийларининг бош қароргоҳи ҳисобланади, чунки тариқат асосчиси ҳазрат Муиниддин Чиштий шу ерга дағн этилган. Маликанинг ўз пирига бағишилаб форс тилида ёзган таржимаи ҳоли Британия давлат кутубхонасида кўлёзма шаклида сақланмоқда. Фотима Жаҳоноро 1681 йилда вафот этган ва Низомиддин Авлиё мақбарамининг ҳовлисига дағн этилган. Малика мистик адабиёт ҳомийиси сифатида кўплаб классик асарларни таржима қилдирган ва уларга шарҳлар ёздирган. Маликанинг жияни, яъни унинг ўта мутаассиб укаси Доро Шикоҳни кофирликда айблаб, қатл эттирган акаси Аврангзебнинг қизи Зебуннисо ҳам суфийлик ҳамда шеърията мойил бўлган. Ҳукмдорнинг бошқа қизлари Дехлидаги суфийларга совға-салом улашиш, уларни моддий рағбатлантириш орқали танилганлар. Зебуннисонинг синглиси Зийнатуннисогина эмас, балки Ислом оламининг бошқа оқила, тақводор хонимлари ҳам ўз ҳисобларидан масjid, мадрасалар қурдиришиб донг таратганлар. Аҳмадобод (Гужарот) ва Деканда улар қурдириган масжидлар ҳозирги кунларда ҳам қад кўтариб турибди. Кўпгина муқаддас жойларда хотин-қизлар ичкарига киритилмасалар-да, ташқарида, дера-за ёнида туриб, авлиёнинг қабрига назар солишлари, дуои фотиҳа қилишлари мумкин. Қизифи шундаки, улар бу амалларни жон-дилдан берилиб, ўта фаоллик ила амалга оширадилар. Улар ўтмиш хотираси бўлмиш муқаддас ҳисобланган нарсаларни, масалан, Бижапурдаги “ҳазратбал”ни, яъни Пайғамбар алайхиссаломнинг соч толасини Куръон тиловат қилган ҳолда зиёрат қиласидилар. Ҳазрат Муиниддин Чиштийнинг мақбарамида хотира кунлари ҳазратнинг авлодларидан бири бўлмиш бир қиз ёниб турган шамни зиёратга келган хотин-қизларнинг бошлари узра кўтариб туради, сўнгра айлантириб чиқади. Шам

қабр устига қўйилгач, аёллар ҳам мақбарага киритиладилар. Бунга ўхшаш расм-русумлар ҳозирги кунларда бошқа зиёратгоҳларда ҳам бор. Аммо баъзи ҳукмдорлар, масалан 1351—1388 йилларда ҳукмронлик қилган Ферузшоҳ Туғлуқ ҳамда 1489—1517 йилларда ҳукм сурган Искандар Лўдийлар файридиний ҳамда исломий ахлоқ-одоб қоидаларига мос келмайдиган расм-русумларни ўқотиш мақсадида аёлларнинг Ажмер ва бошқа жойлардаги зиёратгоҳларга киришини тақиқлаб қўйишган, чунки баъзи манбалардан маълумки, фарзанд қўрмаган хотин-қизларнинг зиёратгоҳ ходимлари томонидан алданиши ва она бўлиш орзузи ўта кучли бўлганлиги учун ходимларнинг гапига лаққа учеб, зино қилганликлари аниқланган.

Таникли танқидчи Р. Буртон ўзининг Синд вилояти тўғрисидаги асарида (1853) ёзиича, синдликлар “ожизаларнинг дин йўлида чеккан заҳматларини” юксак баҳолашар эканлар. Р. Буртон Фотима Ҳажаронийнинг номини алоҳида таъкидлаб ўтади. Бу аёл муршид даражасига кўтарилган. Халқ бундай аёлларнинг мақбараларига романтик номлар бериб, хотирасини эъзозлайди. Онадўлида иккита шундай қабр бор, улардан бири “пишили султон”, яъни “мушук кўтарган хоним” ва иккинчиси “қорйагди султон”, яъни “қорёғди хоним” деб аталади. Кўпгина жойларда эса бир гуруҳ аёллар бирга қўйилган қабрлар ҳам бор. Шулардан бири “ҳафт афиға” яъни “етти бокира қиз” дир.

Айтишларича, душман аскарлари бостириб келган пайтда улар асирга тушмаслик учун ер қаърига кириб кетган эканлар. Бундан ташқари, хавф-хатар туғилганда, номусини пок асрарни ниятида дуо ўқиб ер қаърига шўнғиб кетган аёлларнинг алоҳида қабрлари ҳам учраб туради. Ўта кучли тақвоси туфайли бошқаларга ўрнак бўлиш даражасига эришган оддий аёллар тўғрисидаги худди машҳур суфий Зуннун ҳикояларига ўхшаш ривоятлар ҳам анчагина. Шу маънода шимолий африкалик сoddадил қиз Лалла Маймуна тўғрисидаги ривоят чиндан ҳам жуда таъсиричандир. Унда айтилишича, кема капитани қизга бир дуони ўргатмоқчи бўлади, аммо қиз дуодаги сўзларни эслаб қололмайди. Ниҳоят, елканлари кўтарилган кема сузиг қирғоқдан узоқлаша бошлаганда, қиз сув юзасидан югуриб бориб капитандан дуони яна бир бор такрорлашни илтимос қилади. Қизнинг дуони ўрганиб олишга бўлган иштиёқи шунчалар кучли эканлигини кўрган денгиз ҳам уни ўз қаърига ютиб кетмайди, дуони охирги марта эшишиб, ўрганиб олиб, қирғоққа қайтиб чиққунча уни сув юзасида кўтариб туради.

Тахминан 1200 йилларда Шимолий Ҳиндистоннинг Индарпат шаҳрида яшаган, “ички бир ёфдуси ила бошқалардан ажралиб турган” Фотима тўғрисидаги гаплар, яъни “кимки бу аёлнинг қабри бошига келиб, ўз илтимоси ила мурожаат қилса, шубҳасиз, дуолари мустажоб бўлғай” деган сўзлар менимча суфий аёлларнинг кўпчилигига айнан мос келади. Фотиманинг мўъжазгина, фақат баъзи тақводор зотларгагина маълум бўлган қабри Низомиддин Авлиёнинг мақбарасидан уччалар узоқ бўлмаган жойдадир. Қизиги шундаки, қабрни нафақат муслималар, балки шу билан бир қаторда ҳиндавийлик динидаги аёллар ҳам зиёрат қиладилар ва дардларига малҳам, чигал ишларига күшойиш топадилар. Ислом оламидаги тақводорлар, зоҳидлар ва суфийлар ҳаётига мойил бўлган аёллар турли-тумандир. Улар орасида бу дунё ҳаётига умуман қизиқмаган, ўзларини жуда кўп нарсалардан чеклаб қўйган зоҳидлар ва донишликка мойил бўлган хотин-қизлар, саройдаги бурч-вазифаларини ўташ билан бир қаторда диний асарларни ҳам ўқиб-ўрганишни жон-дилдан севган маликалар бўлган.

Шу аснода, бу аёллар орасида ўзларининг “барака”си, яъни мустажоб бўладиган дуолари ёрдамида асрлар давомида минг-минглаб аёлларнинг дардлари га малҳам, кўнгилларига осойишталик баҳш этган, исмлари камдан-кам ҳоллардагина уларнинг суфийлик хислатларига эга эканлигидан далолат берувчи авлиёсифат момолар ва ёшгина оддий қизлар ҳам бўлганлигини қайд этиб ўтмоқ жоиз. Ҳозирги кунларда ҳам соҳа шаҳар, соҳа қишлоқда бўлсин, хотин-қизлар ўз муаммоларини ҳал этиш учун шундай кароматли, хислатли аёлларга мурожаат этадилар, чунки улар бундай аёлларнинг ҳеч бўлмаганда маънавий ёрдам беришига ишонадилар. Ҳулласи калом, кўнгилларига таскин-тасалли бера оладиган авлиёсифат суфий аёллар сиймоси, уларнинг тирик ёки аллақачонлар дорилбақоға рихлат қилганликларидан қатъи назар, муслималар учун алоҳида аҳамиятга эгадир.

Андрей САХАРОВ

Эсадаликлар

1959—1961. ХРУШЧЕВ ВА БРЕЖНЕВ 1959 ЙИЛДА.

**1961 ЙИЛ 10 ИЮЛ. МЕНИНГ МАКТУБИМ
ВА ХРУШЧЕВНИНГ НУТҚИ.
КАТТА СЕССИЯ. ОТАМНИНГ ВАФОТИ**

Xрушевни ҳукумат бошлиғи сифатида илк бор 1959 йилда кўрганман. Ўшанда Ю. В. Харитон ва мен объект вакиллари сифатида айрим умумий ҳарбий-техник муаммоларга бағишланган кенгашга таклиф этилган эдик. Кенгаш Кремлда, “Овальний” номи билан маълум бўлган залда Хрушев раислигида ўтди. У кириш нутқи сўзлаб, муҳокама этилаётган масаланинг муҳимлигини таъкидлади, кўпгина маҳкамаларни, биринчи навбатда, шахсан Устиновни, шунингдек, Яковлевни (авиаконструктор) ва Туполевни қониқарсиз ишлаётганликлари учун қаттиқ танқид қилди. Хрушев Яковлев хақида гапириб, бу одам ўз иши билан шуғулланишни мутлақо йигиштириб қўйиб, “ёзувчилик”ни касб қилиб олди, деди. Кейинроқ билишимча, Яковлев эсадаликлар ёзиб, унда, жумладан, Сталинни ҳурмат билан эслаган экан. Хрушевнинг норозилигига шу нарса сабаб бўлдими ёки бошқа нарсами, билолмадим. Яковлевнинг эсадаликлари, адашмасам, Хрушев ишдан олинганидан кейин нашр этилди. Туполевни Хрушев хаёлпарастликда ва улкан самолётлар яратишга ортиқча берилиб кетганликда айблади. Бу пайтда Хрушев, афтидан, ҳарбий-техник тадбирлар доираси ва сармоя сарфини маълум даражада қисқартириб, чеклаб, нисбатан самарали йўналишларга эътиборни кучайтиришни ўйлаган бўлса керак. У ўзининг бу ва бошқа ташабbusларида, ўйлашимча, маълум бюрократик доиралар томонидан унсиз қаршиликка, айтиш мумкини, бузғунчилик ҳаракатларига

Алиназар
ЭГАМНАЗАРОВ
таржимаси

Андрей Дмитревич САХАРОВ (1921 йилда Москвада зиёли оиласида туғилган, 1989 йилда вафот этган) физик назариётчи, жамоат арбоби, собиқ Иттифоқ Фанлар академияси академиги, собиқ Иттифоқда водород бомбасини яратгандардан бири.

50-йилларнинг охиридан ядро куролини синашни тўхтатиш учун фаол кураш олиб борди. 60-йилларнинг охири ва 70-йилларнинг бошидан собиқ Иттифоқдаги инсон ҳуқуқини ҳимоя қилиш ҳаракатининг етакчиларидан. Сахаров ўзининг “Тараққиёт, тинч-тотув яшаш ва аклий эркинлик ҳақида ўйларим” (1968 й.) асарида инсониятнинг тарқоқлигига, социалистик ва капиталистик тузумларнинг бир-бирига қарама-қарши туришида унга хавфи: ядро урушини, очликни, экологик ва демографик фалокатларни, жамиятнинг ноинсоний қиёфага эга бўлишини, ирқчилик ва миллатчиликни, мустабид тузумларни кўрди. Жамиятнинг демократлашуви ва демилитарлашувида, аклий

дуч келган. Аҳвол шу билан мураккаблашаётган эдики, Хрущев ўзининг тўғри ва нотўғри фояларини бир хил ғайрат ва қайсалик билан ҳаётга тадбиқ этаётган эди; бундай фоялар эса унда керагидан ортиқча эди. Хрущев ўз фаолиятини мамлакатга зарур бўлган ислоҳотлар билан, XX съезддаги сталинизмга зарба берган, сиёсий маҳбусларни — ГУЛАГ қаърида ҳамон ётганларни озод этган тарихий нутқи билан бошлаб, мамлакатда ўзига таянч тополмади, етарли дараҷада изчил ва сезигир бўлолмади. Сталиннинг “эркатоий” ва жиноий ишларининг ижрочиси бўлган давридаги фаолияти давомида орттирган ақидаларни бутқул инкор этиш учун унда куч ва билим етишмади. Лекин Хрущев кўпгина қарашлардан юз ўғирди; айнан шу нарса, худо берган ақли ва лавозимига муносиб бўлиш учун интилиши билан қўшилиб — унинг асосий хизматлари саналадики, бу хизматларини тарих посангисига қўйганда, ҳатолари ва ҳатто жиноятларидан ортиқроқдир. Бироқ у хукмронлик қилган даврнинг иккинчи ярми ҳатолар ва фитналарга сероб бўлди. Бу ўринда унга доно ва чинакам хайриҳоҳ маслаҳатчилар етишмаганлиги, чексиз ҳокимиётга эга бўлган шароитда ҳақиқий аҳволни билмаслиги панд берди. Лекин барибир, Карийб танглигидан чиқабилганилиги, гарчи дунёни бу ҳавфли “бурчак”ка унинг ўзи тиқсан бўлса ҳам, Хрущев шахсиятининг чинакам миёсенин кўрсатади.

У пайтда, 1959 йилда, сталинизмни кескин танқид қилган XXII съезд, лагерлардаги маҳбуслар аҳволининг қайтадан оғирлаштирилиши ва қишлоқ ҳўжалигини, ташқи сиёсатни ҳароб қилган қалтис ҳаракатлар, Берлин девори, ҳокимиётни партиявий бюрократия томонидан монополия қилиб олинишига чек қўйиш учун уриниш (бу уриниш унинг ўзини қулатди), иқтисодиётда ҳарбий ҳаражатларни камайтиришга интилиш (бу ҳарбий доираларнинг қаршилигига дуч келди), ижодкор зиёлилар билан муваффақиятсиз учрашувлар, лисенкочиларнинг жиноятлари, уч мұхитда синовларни тақиқлаш тўғрисидаги Москва шартномаси, ниҳоят, Карийб танглиги ва 1963 йилдаги озиқ-овқат маҳсулотлари етишмовчилиги ҳали олдинда эди. Бир-бирига зид бўлган бу ҳодисалар йиғилиб, 1964 йил октябрда Хрущевнинг қулаши, ундан кейин эса Брежнев қиёфасида ўзини намоён этган консерватив партия бюрократиясининг ҳокимиётга келиши билан тугади.

Хрущевнинг 1959 йилда ўзини тутиши, мен уни 1953—1955 йилларда Сиёсий буо мажлисларида кўрганимдагидан (дарвоқе, 1955 йилдан кейин мени бир марта ҳам таклиф етишмади) мутглақо бошқача эди. У пайтда у кўзга ташланмасликка очиқ интилган эди. Эндиликда у тал тортмай раҳбарлик қиласар, сўзлаётганларга ўтқир саволлар берар, бальзида уларнинг сўзини бўлиб ташлар, охирги сўзни ўзи айтажагини тез-тез сездириб турарди.

Хрущевдан сўнг Устинов сўзлади. У кўплаб ҳарбий-илмий ва ҳарбий-саноат ташкилотларида нималар қилинаётганлиги ва келажакда нималарни қилиш зарурлиги ҳақида қисқа, аниқ ва жўяли гапирди. Сўзининг охирида у шундай деди:

эркинликнинг карор топишида икки тузумнинг яқинлашувига олиб келадиган ижтимоий ҳодисани фан-техника тараққиётида эса Сахаров инсониятнинг ҳалокатига ғов бўладиган кучни кўрди.

Шу асари чет элда эълон қилинганидан ва совет қўшинларининг Афғонистонга киритилишига қарши гапирганидан кейин, Сахаров маҳфий ишдан четлаштирилди. 1980 йилда эса барча мукофотлардан маҳрум этилиб, Горький шаҳрига сургун қилинди.

Сахаровга 1975 йилдаги Нобель тинчлик мукофоти берилган. 1988 йилда эса Европа парламенти томонидан инсон хукуқлари соҳасидаги инсонпарварлик фаолияти учун Андрей Сахаров номидаги ҳалқаро мукофот таъсис этилган.

Куйида Андрей Сахаровнинг 1990 йилда “Знамя” журналида эълон қилинган “Эсдаликлар”идан парчани эътиборингизга ҳавола қилаяпмиз.

ЖАҲОН АДАБИЁТИ

— Фикрингизга қўшиламан, Никита Сергеевич, йўналишларни ва биринчи навбатда бажариш керак бўлган ишларни белгилашда йирик хатоларга йўл қўйилган ва уларни тузатиш учун бутун кучимизни сарфлаймиз, деб ваъда бераман.

Устинов паст овозда гапирди, нима деяётганини баъзан англаб бўлмади, фақат Хрушчевга қаратса гапираётгандек таассурот қолдирди. Хрушчев эса уни беписанд бир қиёфада, лекин диққат билан тинглади. Менинг назаримда, Устинов ўзини шунчаки аппарат ходими эмас, балки ўта улкан вазифани зиммасига олган энг катта амалдор сифатида тутди. Устинов ўша пайтдаёқ ҳарбий-саноат ва ҳарбий-ихтирочилик ишларида марказий ўринни эгалларди, лекин очиқ олдинга интилмасди — бу борада Хрушчев ва бошқаларга йўл берарди. Мен буни тушунардим ва ҳарбий-саноат комплексимизнинг аҳволига ачинардим. Ўшанда бу ибора АҚШда мода бўлган эди. Л. В. Смирнов (совет ҳарбий саноатининг раҳбарларидан бири) билан учрашганимда ҳам шуни ўйладим. Булар иккиси — жуда ишchan, билимдон ва истеъоддли, катта ташкилотчилик қобилияти бўлган, ўз ишига жуда берилган, зиммасидаги вазифани ҳаётий мақсад қилиб олган ва бутун куч-имкониятларини шунга сарфлайдиган кишилар эди. Бундайлар жуда ноёб ва айни замонда хавфли кишилар саналади. Устиновдан сўнг вазирлар ва КБ (конструкторлик бюоролари) бошлиқлари сўзга чиқишиб, асосан шарт-шароитларнинг ёмонлиги ва шерилларидан шикоят қилишиди.

Ўша 1959 йилда Л. И. Брежневни биринчи марта кўрдим (янглишмасам бу воқеа мен юқорида эслаган кенгашдан сал аввал бўлган эди).

Лекин мен бир оз орқага: 1957 йил воқеаларига қайтишим керак. Завенягин вафот эттанидан кейин Ўрта машинасозлик саноати вазири ва Вазирлар Кенгаши Раисининг янги ҳарбий тәхник мажмусасига раҳбарлик қилувчи муовини лавозимига КПСС МК Президиуми аъзоси Первухин тайинланди. У бу лавозимдаги ўз фаолиятини обьектга келиш билан бошлади (худди тўрт йил аввал Малишев қилганидек). У иккита маҳсус самолёт билан келди: биринчи самолётда — ёрдамчилари, соқчилари, иккинчи самолётда эса хизматчилари, Президиум аъзоси учун аталган, бир неча музхоналарга жойланган озиқ-овқатлар... Заводга кираверишдаги майдонда обьект хизматчиларининг йиғини ўтказилди, унда Первухин нутқ сўзлади. Кейин бир қатор кенгашлар бўлиб, унда Первухинни обьектда ҳал этилаётган вазифалар билан таништиришди, истиқбол режалари ва қийинчиликлар ҳақида гапиришди. Лекин узоқ ишлаш унга насиб этмади. Икки ёки уч ойдан сўнг “Молотов, Каганович ва Маленков, шунингдек, уларга қўшилган Шепиловнинг партияга қарши гуруҳи” фош этилди (қўштириноққа олинган сўзлар ўша давр матбуотининг доимий такрорлайдиган гапи эди). Первухин ҳам шу гуруҳ билан қандайдир алоқадор экан. Улар, маълумки, Хрушчевни қулатишини, ўзларининг путури кетган мавқеларини мустаҳкамлашни, мамлакатда XX съезддан кейин юзага келган “нотинчлик”ни (буни баъзизда Эренбург ўйлаб топган ибора билан атаб “илиқлик” ҳам дейиларди) тугатишини исташганди. “Илиқлик” кўпроқ маданий ҳаётга тааллуқли эди. Эндиликда биз уларни сталинчилар десак бўлади, лекин Хрушчев бу сўзни ишлтишга журъат этмади, чунки у жуда ўткир (ҳар икки томонга ҳам тегадиган) қурол эди. Хрушчев ўзига (ва бутун дунёга) хавф солаётган балони бир мўъжиза билан бартараф этди, шу воқеа олдидан унинг қўлидан катта мустақиллик олган обком котиблари ва марказий идоранинг айрим ходимлари муҳим роль ўйнашди. Барча “туруҳбозлар” лавозимларидан бўшатилдилар, баъзилари нафақага чиқарип юборилди. Первухинни ГДРга, Молотовни эса Мўгулистонга элчи этиб тайинлаб, фахрий сургунга жўнатишиди. Хрушчев ўзини ўнглаб олгач, асосий лавозимларга ўзи ишонадиган одамларни дадил қўя бошлади (бу пайтда Горький обкомининг собиқ котиби Игнатов, МК пленумидаги қалтис даврларда Хрушчевни қўллаб-куватлаган Фурцева МК Президиуми аъзолари бўлишиди). У, шунингдек, юқори аппаратни қайта ташкил этди, кейин у бу ишни тез-тез, лекин муваффақиятсиз равишда такрорлай бошлади. Ўрта машинасозлик саноати вазири лавозимига, Первухиннинг ўрнига Ефим Павлович Славский тайинланди — у ҳозир, орадан чорак аср ўтганидан сўнг ҳам шу лавозимда ишлайти! Славский маълумоти бўйича муҳандис, айтидан, пўлат қуювчи бўлса керак. Шубҳасиз, катта қобилият эгаси бўлган ва ишchan, қатъиятли ва дадил,

етарли даражада мулоҳазали, ақлли ва ҳар бир нарса ҳақида ўз фикрига эга бўлишга интилувчи, айни пайтда қайсар, кўпинча ўзгалар фикрига тоқат қила олмайдиган одам; ўрни келса юмшоқ, хушмуомала, ўрни келса қўпол раҳбар. Сиёсий ва ахлоқий қарашлари жиҳатидан, менимча, амалиётчи Хрущев томонидан Сталинни танқид қилинишини ҳам, Брежнев ўтказган “барқарорлаштириш” сиёсатини ҳам қизғин қўллаб-қувватлаган, “партия билан баравар тебранишга” тайёр (латифадан олинган ибора), мижғов, насиҳатгўй, иккиланувчиларни ёмон кўрувчи, ўз зиммасига юклатилган вазифанинг ҳарбий жиҳатлари ҳамда ундан тинч мақсадларда фойдаланиш йўллари билан жиддий шуғулланувчи, техникани, машиналарни, курилишни беҳад севувчи, айни замонда атом корхоналари ва бу корхоналар ходимларининг (Сахаровни ташвишлантирган) нурланиш касалига чалинишлари-ю номаълум қурбонларга ортиқча ачинмай қарайдиган одам эди.

Ўтмишда Славский Отлик армия командирларидан бири бўлган; у менинг олдимда ҳаётининг мана шу даврини эслашни яхши кўрарди. Славскийнинг ташқи қиёфаси ҳам табиатига мос эди — баланд бўйли, кенг елкали, қўллари бақувват, бронзасимон-қизғиши юзи кенг, овози йўғон одам эди. Бир куни рафиқасини кўриб, уларнинг қиёфасидаги фарқдан ҳайратландим — у нозиккина, зиёлибашара, ёши ҳам ўтиб қолган, паст овоз билан гапирадиган аёл эди, модадан қолган шляпта кийиб олганди. Эри унга алоҳида зътибор билан ва жуда юмшоқ муомала қиласарди.

Ҳали “маслагидан қайтган”га айланмасимдан аввалги учрашувларидан бирида Славский ўндиндай деган эди:

— Андрей Дмитриевич, сизни ядро қуролидан ҳарбий мақсадларда фойдаланиш ташвишлантираяпти. Ўз ихтироилигинизни ядро портлашларидан тинч мақсадларда фойдаланишга бағишиланг. Бу одамлар фаровонлиги йўлидаги қандай улкан, хайрли фаолият майдони. Битта Удоканнинг¹ аҳамияти қанча! Ер юзи қиёфасини ўзгартирадиган каналлар куриш, улкан тўғонлар куриш-чи?

1957 йилда Славский Ўрта машинасозлик саноати вазири бўлди-ю, лекин ўз салафлари Малишев, Завенягин, Первуҳин сингари автоматик тарзда Вазирлар Кенгashi Раисининг ўринбосари лавозимини эгаллай олмади. Эҳтимол, партиянинг юқори доираларида уни қўллаб-қувватловчи одамлари бўлмагандир, эҳтимол, Хрущев бундай катта ҳокимият бир киши қўлида бўлишини истамагандир. Бу лавозим — Вазирлар Кенгashi Раиси ўринбосари билан боғлиқ вазифаларнинг бир қисми эндиликда марказий аппаратдаги янги кишига — Л. И. Брежневга ўтди. Брежнев илгаридан Хрущев билан жуда яқин ва унинг тўла ишончига сазовор бўлган одам эди (афтидан, Брежневнинг қўриққа жўнатилиши ҳам шу билан боғлиқ бўлса керак). 1958 йилда Ю. Б. Харитон иккимиз янги раҳбар билан учрашиш учун Кремлга борадиган бўлдик.

Бизга, обьектнинг илмий раҳбариятига, шу нарса маълум бўлдики, МК Мудофаа бўлими ёки Мудофаа техникаси қўмитаси СССР Вазирлар Кенгashi-нинг қандайдир қарорини тайёrlаётган экан, у бизнинг назаримизда ҳарбий-техник ва ҳарбий-иктисодий жиҳатдан мутлақо нотўғри бўлиб гуулган эди. Агар Вазирлар Кенгashi тасдиқласа, қарор қонун кучига кирап, бу эса бизнинг фикримизча, катта ақлий ва моддий кучларнинг эні муҳим нарсалардан узоқлаштиришга олиб келар эди (бу ўринда ҳарбий-саноат соҳаси кўзда тутилар, гап кучларни тинчлик мақсадларига жалб этиш ҳақида бормаётган эди). Харитон Брежневга мурожаат этишга қарор қилиди, у бошқа соҳалар қатори, янги ҳарбий техника яратишга ҳам раҳбарлик қиласарди.

Брежнев бизни бир пайтлар Берия ишлаган бинодаги янги кичик хонасида қабул қилиди. Биз хонага кирганда, Брежнев баланд овозда:

— Эй, бомбачилар келишибди-ку! — деди.

Биз ўтириб, янги шароитга “мослашгунимизча”, Брежнев отаси, авлод-ажоди-ю, ўзи ҳам ишчи бўлган киши, қирғин қуролларини яратувчиларни асосий одамхўрлар ҳисоблаганлигини ва барча ёвуз ихтироиларни ҳар томондан

¹ Куйида термоядро портлашларидан Чита вилоятининг шимолидаги Удокан конини очиша фойдаланиш режаси ҳақида ёзаман.

кўриниб турадиган баланд тепаликка олиб чиқиб, кўпчилик кўз ўнгидага намуна учун осиш керак, деганлигини гапирди.

— Эндиликда менинг ўзим, худди сиз сингари, хайрли мақсадларда шу қора иш билан шугулланаяпман, — деб сўзини якунлади Брежнев. — Қани, қулорим сизларда.

Биз Брежневга нимадан ташвишланаётганлигимиизни гапирдик. У диққат билан тинглади, ён дафтариға нималарнидир ёзи. Кейин шундай деди:

— Мен сизларни тўла тушундим. Ўртоқлар билан маслаҳатлашаман; қандай қарорга келинганидан хабардор қиласми.

У ўридан туриб, қўлларимизни илтифот билан қисиб, эшиккача кузатиб қўйди.

Қарор қабул қилинмади.

1959, 1960 йилларда ва 1961 йилнинг биринчи ярмида термоядро қуролига эга бўлган биронта мамлакат синов ўтказмади (мен СССР, АҚШ, Буюк Британия тўғрисида ишонч билан гапиряпман, бу пайтда Франция ва Хитой синов ўтказганми ёки ўйқми — буни билмайман). Бу қандайдир норасмий ёки амалдаги шартномага асосланган ҳолда синовдан воз кечиш эди. 1961 йилда Хрушчев, ҳар галгидек, кутилмаган иш қилиб, шартномани бузишга ва синов ўтказишига қарор берди. Июл ойида мен рафиқам ва болаларим билан санаторийда, аниқроғи, Вазирлар Кенгашининг Кримдаги “Мисхор” пансионатида эдим. Биз у ерга иккинчи марта йўлланма олган эдик, денгиз, қуёш, имтиёзли муасасасанинг шарт-шароитлари бизга жуда манзур бўлди; дарвоҷе, дам олиш муддатимиз ҳам тугаб қолган эди. 7 июл куни оқшом менга вазирликдан қўнғироқ қилишди, эртаси куни эса Москвага жўнаб кетдик.

Кенгаш арафасида Ю. Б. Харитон билан учрашдим. Мен унга эртанги ва ундан кейин бўладиган учрашувлар натижасида олий раҳбарият, Никита Сергеевич билан ўзаро бир-биримизни тушуниб қолсак керак, дедим. Ю. Б. менинг соддалигимдан кулди ва анча кескин оҳангда ўзаро тил топишишга умид қилманг, деди. У ҳақ бўлиб чиқди.

10 июл эрталаб соат 10 да мен икки йил аввал Хрушчевни кўрганим “Овальный” залига — партия ва хукумат раҳбарларининг атомчи олимлар билан учрашувига кирдим (Хрушчевнинг кўрсатмаси билан мазкур тадбир шундай аталаған).

Хрушчев халқаро вазият ўзгарганлиги, СССРда ўтказилган синовларнинг умумий миқдори АҚШдаги (айниқса Буюк Британияни кўшганда) анча камлиги муносабати билан — 1961 йилнинг кузида ядро синовларини қайтадан бошлашга, шу йўл билан ядро қувватимизни сезиларли даражада оширишга ва империалистларга қудратимизни кўрсатиб қўйишга қарор берганлигини эълон қилди.

Гарчи Хрушчев Кеннеди билан Венада учрашганлигини, Берлин девори қурилажагини (буни у пайтда билмас эдим) эслатмаган бўлса ҳам, синовларни қайтадан бошлаш ҳақидаги қарорга сиёсий мулоҳазалар сабаб бўлганлиги, техник омиллар 1958 йилдагидан ҳам камроқ рол ўйнаётганлиги мутлақо аён эди. Қарорни муҳокама қилиш назарда тутилганди. Хрушчевнинг нутқидан сўнг етакчи ходимлар қисқача, ўн-үн беш дақиқа сўзлаб, ахборот бериб, ўзларининг асосий иш йўналишларини маълум қилишлари керак эди. Мен бу “балли”, “балличилик”нинг ўртасида сўзладим, қурол яратиш бўйича қилинаётган ишлар ҳақида юзаки гапириб ўтдим ва менинг фикримча, биз шундай босқичдамизки, синовларнинг қайтадан бошланishiдан асосий ишимизга фойда кам тегади дедим. Менинг бу сўзларимни эътибор билан тинглашди, лекин ҳеч ким қарши гап айтмади. Кейин мен бўйлимимда олиб борилаётган ядро порглашларидан космик кемаларни ҳаракатга келтиришда фойдаланиш (американинг “Орион” лойиҳаси сингари, ўша пайтда мен буни машхур америка физик-наузиётчиси Ф. Дейсоннинг китоби орқали билган эдим) каби файритабий түюладиган ишлар ва фирт “фантастика”га ўхшаб кетадиган бошқа бир қатор лойиҳалар тўғрисида гапирдим. Жойимга бориб ўтиргач, Е. Забабахиндан бир нечта ваарақ қофоз беришини илтимос қилдим. Мен хат ёзиб (афсуски, қораламаси қолмаган) Хрушчевга узатдим. Хатда, чамамда, шундай ёзгандим: “Ўртоқ

Хрушчевга. Мен шунга аминманки, СССР ва АҚШнинг нисбатан кучайиб кетганликлари туфайли ҳозир синовларни қайтадан бошлаш мақсадга мувофиқ эмас. Ҳозир бизнинг йўлдошларимиздан сўнг улар синовларни баҳона қилиб, янада мукаммал қуроллар яратишга уринишлари мумкин. Улар илгари бизни тўғри баҳолай билишмаган эди, биз эса аниқ вазиятдан келиб чиқдик. (Шундан кейин мен бир ибора ишлатганман, сир сақлаш мулоҳазаси билан уни тушириб қолдирман). Синовларни қайтадан бошлаш, синовларни тўхтатиш бўйича музокараларга, бутунлай қуролсизланиши ишига ва бутун дунёда тинчликни таъминлашга ўнглаб бўлмайдиган даражада зарар етказади, деб ҳисобламайсизим?” Сўнг имзо чекдим: А. Сахаров.

Никита Сергеевич хатни ўқиб, менга бир қарали-да, сўнг уни тўрт буклаб, костюмининг кўрак чўнтағига солиб қўйди. Кейин ўрнидан туриб, “барча сўзла-ганларга” бир-икки оғиз миннатдорчилик билдиргач, қўшимча қилди:

— Энди ҳаммамиз дам олишимиз мумкин, барча ҳурматли меҳмонларни МК Президиуми номидан тушлик қилишга таклиф этаман, ҳозир қўшни хонада зарур нарсалар тайёрланаяпти.

Бир соатдан кейин ҳаммамиз қўшни залга кирдик, у ерда 60 кишига мўлжаллаб дастурхон ёзилганди — столда винодан тортиб, минерал сувгача, ҳар хил газаклардан тортиб, увилдириқларгача мұхайё эди. (Увилдириқ яшилроқ, яни жуда янги эди). Президиум аъзолари залга энг кейин, олимлар белгиланган жойларга ўтириб бўлгач, кириб келишди. Хрушчев тик туриб, ҳамма жим бўлишини кутди ва сўз айтиш учун қўлига вино тўлдирилган қадаҳни олди. Лекин бирдан қадаҳни дастурхонга қўйиб, менинг хатим хусусида гапира кетди — дастлаб хотиржам гапирди, кейин эса тобора қизиша бошлади, юзлари қизарди: вақти-вақти билан ўшқирди ҳам. Унинг нутқи камида ярим соатча давом этди. “Мен академик Сахаровдан хат олдим, мана у. (Кўрсатади). Сахаров синов ўтказишимизнинг кераги йўқ демоқда. Мана, менинг қўлимда маълумотнома бор — унда биз қанча синов ўтказдиг-у, америкаликлар қанча синов ўтказишигани ёзилган. Биз оз синов ўтказиб, америкаликларга нисбатан кўпроқ қимматли маълумотта эга бўлганлигимизни Сахаров бизга исботламоқчи бўляяпти. Нима, улар биздан аҳмокроқми? Барча техник икир-чикирларини билмайман ва била оламан деб айта олмайман. Лекин синовлар миқдори ҳамма нарсадан мұхим, синовсиз ҳеч қандай техникани яратиб бўлмайди. Наҳотки, шундай бўлмаса? (Хрушчев хатимни тўла ўқиб бермагани учун тингловчилар нуқтаи назаримни тўла англай олмадилар).

Лекин Сахаров илгарилаб кетаяпти. Техникадан сиёсатга ўтаяпти. Бу ўринда у ўзига бегона соҳага аралашайапти. Яхши олим бўлган ҳолда, сиёсатда ҳеч нарсани тушунмаслик мумкин. Ахир сиёсат — эски латифадаги сингаридир. Икки жуҳуд поездда кетишаётган экан. Улардан бири иккинчисидан сўрабди: “Менга айтинг-чи, сиз қаёққа бораяпсиз?” — “Мен Житомирга боряпман”. “Вой айёр-эй, — деб хаёлдан ўтказиби биринчи жуҳуд, — мен унинг Житомирга кетаётганлигини биламан-ку, лекин у шундай оҳангда гапирайтики, гёй менда у Жимиринкага кетаётган экан, деган фикр пайдо бўлиши керак”. Қиссадан ҳисса шуки, тақдир тақозоси билан соҳанинг мутахассиси сифатида бизларга сиёсат юргизишими учун имкон беринг. Сиз эса бомбаларингизни ясаб, синайверинг, бу борада биз сизларга халақит бермаймиз, ҳатто ёрдам берамиз. Биз сиёсат учун қучимизни кўрсатиб қўйишимиз керак. Биз бу ҳақда ошкора гапирайтганимиз йўқ, лекин аслида шундай! Бошқача сиёсат бўлиши мумкин эмас, бошқа тилни душманларимиз тушунмайдилар. Мана, биз Кеннедининг сайланишига ёрдам бердик. Айтиш мумкинки, ўтган йили уни биз сайладик. Биз Кеннеди билан Венада учрашдик. Бу учрашув бурилиш нуқтаси бўлиши мумкин эди. Лекин Кеннеди нима дейди денг? “Менинг олдимга жуда ҳам катта талаблар қўйманг, мени нокулай аҳволда қолдирманг. Агар ортиқча ён бериб юборсам — мени қулатишади!” Яхши бола экан! Учрашувга келди-ю, лекин ҳеч бир иш қилолмади. Бу лаънатининг бизга нима кераги бор, у билан гаплашишга вақт сарфлашдан нима фойда? Сахаров, бизларга, сиёсатчиларга нима қилиш кераклигини, ўзимизни қандай тутишимиз лозимлигини ўргатиш-

га ҳаракат қилманг. Агар мен Сахаров сингариларнинг гапи билан иш қилсам, Вазирлар Кенгashi Раиси эмас, энг ландавур одам бўлардим!”

Хрушчев айни жазавага чиқсан пайтда гапига нуқта қўйди:

“Эҳтимол, бугунга етарлидир. Келинг, келгусидаги мудафакиятларимиз учун ичайлик. Мен, қадрли ўртоқлар, сизларнинг соғлиғингиз учун ҳам ичган бўлардим, лекин шифокорлар менга боржомдан бошқа нарса ичиши тавсия этиш майяпти”.

Ҳамма ичди, лекин мен ичмадим. Ҳеч ким мен томонга қарамасди. Хрушчев сўзлаётганда ҳамма жим ўтириди. Бири — бошини қуии соглан, иккинчиси — тошдай қотган. Микоян юзидағи енгил табассумни яшириш учун ликопчадаги салат устига бошини эгди, унинг қоп-қора, ҳурпайган сочи столга қарийб тегай деб туради. Бир оздан кейин, Хрушчев ўзини анча босиб олгач, шундай қўшимча қилди: “Сахаровнинг хомхәёллари кўпга ўхшайди. Мен янаги сафар капиталистлар билан музокарага борганимда, уни ўзим билан бирга олиб кетаман. Уларни ва дунёни ўз қўзи билан кўрсин, шунда у баъзи бир нарсаларни тушуниб олар”.

Хрушчев бу ваъдасини бажармади.

Кенгаш тугагандан кейин фақат бир киши ёнимга келиб, менинг нуқтай назаримни маъқуллашини айтди. Бу ҳозир оламдан ўтган Юрий Аронович Зисин эди.

Мен ана шу унтутилмас кундан сўнг Хрушчевни яна икки марта кўрдим. Мазкур учрашувлардан биринчиси синовга қадар, август ойининг ўрталарида бўлди. Бу вақтда Берлин девори қурилган ва Титов фазога парвоз қилган эди. Хрушчев Титовнинг номини тилга олганлигини аниқ эслайман. Синовларга тайёргарлик жадал кетаётганди. Юлий Борисович бу ҳақда қисқача маълумот берди. Лекин Хрушчев ўтказилиши белгиланган синовнинг асосий йўналишларини, хусусан, биз синаш учун таклиф этган ўта катта жисмдан хабардор эди. Мен бу жисмни “асл нусхада” — сунъий равишда камайтирилган бўлса-да, лекин илгари бошқалар синаганидан анча катта қувватда синашга қарор қилдим. Ҳатто шу туришида ҳам унинг қуввати Хиросимадаги бомбадан бир неча минг марта катта эди. Харитон маъруза қилаётганда мен Хрушчев яқинида жимгина ўтиридим. У Харитонга мурожаат қилди:

— Умид қиласанки, Сахаров ўз хатосини тушунган бўлса керак.

— Нуқтай назарим ўзгаргани йўқ. Мен ишлаб, буйруқни бажараюпман, — дедим.

Хрушчев нимадир деди, лекин мен тушунолмай қолдим. Кейин у қисқача нутқ сўзлади. Бу нутқнинг моҳияти ҳозирги танг вазиятда бизнинг ишимиз қай даражада муҳим эканлигини таъкидлашдан иборат бўлди. Берлин девори ҳақида — ўша кунларда тангликни кучайтирган асосий омил ҳақида — бир оғизгина гапириб ўтди. Америка сенатори келганлигини айтди (афсуски, унинг исм-шарифини эслай олмайман), у айтидан, муроса имкониятларини излаб келган бўлса керак. Хрушчев унга мўлжалланаётган синовлар, шу жумладан, 100 мегатоннали бомбани синаш режалаштирилганлиги ҳақида гапирибди. Сенаторнинг ёнида вояга етган қизи бор экан, у йиғлабди... Августнинг охирида Юлий Борисович Харитон белгиланган синовни қолдириш учун яна бир уриниб кўриш учун Брежнев қабулига борди. Объектнинг илмий раҳбари бу гал фикримга қўшилаётганидан хурсанд эдим. Уларнинг сухбати тафсилотини билмайман. Ю. Б. нинг қисқача ахборотидан шуни англадимки, мавжуд сиёсий қарорга таъсир кўрсатиш учун унинг далиллари етарли эмас экан. Хуллас, Ю. Б. нинг уриниши натижага бермади. Тайёргарлик ишлари тез ва енгил кетди, чунки синовлар тўхтатиб қўйилган уч йил мобайнода анчагина foялар, ҳисоб-китоблар ва олдинги тадқиқотлар тўпланиб қолган эди.

Хрушчевнинг буйруғига биноан синов портлашлари билан бирга, ядро қуролидан фойдаланган ҳолда ҳарбий машқлар ўтказиш ҳам режалаштирилган эди. 50 та стратегик бомбардимончи самолёт бутун мамлакат бўйлаб стратосфера-дан жанговар саф билан ўтиши ва “кўк”ларнинг мудофаасини бартараф этиб, “душман” истеҳкомлари жойлашган худудни бомбардимон қилиши керак эди. 49 та самолёт макет бомбаларни, битта самолёт эса ҳақиқий термоядро бомба-

сини ташлаши режалаштирилганди. Баллистик ракеталардан фойдаланишни кўзда тутадиган янада “жиддийроқ” режалар ҳам бор эди. Ҳақиқатда Хрущев “ландавур” эмас эди!

Октябр бошида мен ҳисоб-китобларни, жумладан, катта жисмни муҳокама қилгани Москвага бордим. Институтда Гельфандни тополмагач, унинг уйига бордим. Биз у билан ҳисоб-китоб режаларини шошилинч муҳокама қилдик. Шу ташрифим пайтида мен узоқ танаффусдан сўнг Израил Моисеевичнинг рафиқаси З. Шапирони биринчи марта кўрдим. Талабалик йилларимда у бизнинг курсимизда семинар машғулотларини олиб бораар эди. Бир оз аёвал Гельфанд оиласи бошига кулфат тушганди — унинг ўғли оққон касалидан вафот этган эди. Израил Моисеевич менга бу ҳақда ҳеч қачон гапирмаганди...

Эртаси куни ота-онамнинг чорбоғига бордим. Отамнинг нафақага чиққанига бир неча йил бўлган, лекин уйда баъзи бир, асосан услубий йўналишдаги физик тажрибаларни ўtkазиб турарди. Бир йил аввал “Физика фани ютуқлари” журналида нурни кутблаштириш бўйича тажрибалари баён қилинган мақоласи босилган эди. Сўнгги пайтларда отам яна роял чалишга жиддий киришди ва ўттиз йиллик танаффусдан сўнг битта-яримта мусиқий асарлар басталади (афсуски, бу асарларнинг кўлёзмалари вафотидан сўнг йўқолиб кетди).

Менинг ташрифим кутилмаганди бўлди. Онам айвонда олма мураббоси пишираётган экан, мени кўриши билан қўлини чайди-да, чой дамлашга тутинди. Олма ўз боғимизда етиштирилган эди. Отам бу боққа кўп меҳнат сарфлаганди ва у ҳаёт чоғида боғ дурустгина ҳосил берарди.

Чойдан сўнг отам ўзининг янги тажрибаларини кўрсатди. У ичиди ҳар хил тузлар бўлган суюқлик қандай қилиб дараҳт илдизидан танаси орқали баргигача етиб бориши билан қизиқибди. Ўша пайтда адабиётларда бу масала юзасидан бир-бирига зид талайгина фикрлар мавжуд эди; ҳозир уларга аниқлик киритилганми ёки йўқми, билмадим. Отамнинг чорбоғдаги столи устида мен у амалга оширган тажрибани кўрдим: эгилган новданинг (афтидан, ёнғоқ новдаси бўлса керак) икки учи икки стаканга солиб қўйилган эди. Даствлаб стаканлардаги сув сатҳи баравар эди, лекин бир неча соатдан кейин ачагина сув бир стакандан иккинчи стаканга ўтди: сувнинг ҳаракат йўналиши новданинг табиий ҳолатида қандай бўлса, шундай давом этди. Менинча, бу синов ўзининг оддийлиги ва яхши ахборот бериши билан мумтоз тажриба ҳисобланади. Билмадим, худди шундай тажрибани бошқа бирор қилиб кўрганмикан?

Москвага мен отам билан бирга бордим. Биз ўзимиз билан баъзи бир нарсаларни олиб кетдик. Йўлда отам яқинда сайр қилиб юрганида юраги қаттиқ оғригинини, лекин бу ҳодисани онамдан яширганлигини гапирди. Кейин у ҳозир ўзимни яхши ҳис қўлмоқдаман, миямда, зеҳнимда ҳеч қандай салбий ўзгаришлар сезмаяпман, деди.

Эртаси синов жойига қайтиб кетдим.

Мени ҳаммадан кўра энг катта жисм ва яна “шахсий ташаббусим билан тайёрлаётганим” янада бир жисм ташвишлантираётган эди — бу ҳақда кейинроқ гапираман. “Қудратли”ни жўнатишга саноқли кунлар қолган эди. Уни йигиш учун маҳсус бино ажратилганди. Йиғув ишлари темир йўл бекатининг ўзида амалга оширилди. Бир неча кундан кейин цех деворлари бўлакларга ажратиб олиниб, бекатда (ҳар галгидек тунда) маҳсус поездга тиркалиб, яшил чироқ остида белгиланган манзилга йўл олиши ва у ерда мазкур жисм элтувчи самолётга юкланиши керак эди.

Хонамга ходимларимдан бири — Евсей Рабинович кириб келди. У хижолатомуз жилмайиб, ўз бўлмасига ўтишимни илтимос қилди. Бўлимнинг барча ходимлари, шу жумладан, қудратли жисмни тайёрлашда “етакчилик” қилаётган Адамский ва Феодоритов ҳам шу ерда эдилар. Рабинович ўз мулоҳазаларини баён қила бошлади, унинг фикрича, қудратли жисм синов чоғида ишламай қолиши мумкин эди. У бу фикрга бир неча кун аввал келган ва бу ҳақда мендан бўлак, бўлимнинг бутун жамоасига гапириб, уларнинг кўнглида қаттиқ гулгула уйғотган эди. Мен Рабинович билан етти йилдан ортиқ ёнма-ён ишлашдим, уни ўткир танқидий ақли, катта билими, тажрибаси ва фаҳм-фаросати учун хурмат қилардим. У иккинчи марта гапираётганди, ўз фикр-мулоҳазаларини

жуда аниқ ва қатыйй баён этди. Унинг хавфсирашида жон борга ўхшарди. Мен Рабиновичнинг охирги хулосасини нотўғри ҳисобладим. Бироқ буни мутлақ ишончли тарзда исботлаш мумкин эмас эди. Бизда бу мақсад учун яроқли аниқ математик усул йўқ эди (сабаби, биз қувватни бекиёс даражада ошириш имконини берадиган жисм ишлаб чиқаришга интилиб, анъанавий андазалардан чекинган эдик). Эҳтиросга берилганда жиддий хатоларга йўл қўйиш мумкин. Мен жисм қурилмасига Евсей таклиф этган ҳисоб-китобларга мувофиқ айрим ўзгаришлар киритдим. Мен шу заҳотиёқ ихтирочилик бўлимига бордим. Юлий Борисовичнинг ўрнида бўлим бошлиғи бўлиб ишлаётган Д. А. Фишман менга бир оғиз ҳам эътиroz билдиримади, сабаби, вазият жуда жиддий, таъна-дашномнинг ўрни эмас эди. Ихтирочилар шу куни чизмаларни цехга узатмагунларича уйларига кетишимади: эртаси куни зарур ўзгаришлар киритилди. Мен сўнгги воқеалар ҳақида вазирликни огоҳ қўлмоқчи бўлдим ва маълумотнома ёздим, унда вазият тўғри баён қилинган, лекин баҳоланмаган эди. Икки кундан кейин менга Славский жаҳұ билан қўнғироқ қилиб шундай деди:

— Эртага мен ва Малиновский (Мудофаа вазири) полигонга учб кетишимиз лозим. Нима, мен энди синовни бекор қилишим керакми?

Мен унга эътиroz билдирим:

— Синовни бекор қилиш керак эмас. Мен ўз маълумотномамда бундай деб ёзмаганман. Сизни огоҳлантироқчиманки, мазкур синовнинг янги, нисбатан хавфли томонлари бор ва унинг ишончли ўтиши хусусида назариётчилар орасида яқдил фикр йўқ.

Славский норози бўлиб, нимадир деб тўнгиллади-да, телефон дастасини жойига қўйди. Кудратли жисмнинг синови КПСС XXII съездининг сўнгги мажлисларидан бири бўлаётган кунда ўтди. Албатта, бу тасодифий эмас, балки Хрущев режалаштирган руҳий дастурнинг бир қисми эди. Бунга қадар икки полигонда (Қозогистонда ва Янги ер оролида) турли-туман синовлар ўтказилган эди. Бундан ташқари, менинг билишимча, бошқа бир жойда соф ҳарбий синов ҳам ўтказилганди.

“Кудратли” синаладиган кунда хонамда телефон ёнида ўтириб, полигондан хабар кутдим. Тонг саҳарда Павлов қўнғироқ қилиб, элтувчи самолёт Баренц денгизи устидан полигон томон учб бораётганлигини маълум қилди. Ҳеч кимнинг қўли ишга бормасди. Назариётчилар даҳлизда сандироқлашиб, хонамга кириб-чиқиб туришарди. Соат ўн иккода Павлов қўнғироқ қилди. У тантанавор овозда шундай деб бақирди:

— Бир соатдан ортиқдирки, полигон ва самолёт билан алоқа йўқ! Фалаба билан табриклийман!

Алоқа ҳақидаги иборанинг маъноси шуки, кучли тўлқин осмонга катта миқдорда ионлашган зарраларни улоқтириб, радиотўсқич ҳосил қиласарди. Алоқа узилиши узоқ давом этса, портлаш кучли бўлганлигини билдиради. Яна яrim соатдан кейин Павлов булутнинг кўтарилиш баландлиги 60 километр (эҳтимол 100 километрdir? Мен ҳозир, 26 йилдан сўнг, аниқ рақамни айта олмайман) эканлигини маълум қилди. “Катта” жисмни синаганимиздан кейин уни элтадиган яхши техника йўқлиги мени ташвишлантира бошлади (бомбардимончи самолётлар иш бермайди, уларни осон уриб тушириш мумкин) — яъни биз ҳарбий маънода бекорга ишлаётган эдик. Мен сув ости кемасидан отиладиган катта торпедо шундай элтувчи вазифасини ўтайди, деган қарорга келдим. Бундай торпедо учун аниқ нишонга урадиган сув-буғли, атомли реактив двигател яратиш мумкин эди. Бундай торпедо билан бир неча юз километр узоқликдан душман портларига ҳужум қиласа бўларди. Агар портлар йўқ қилинса, денгиздаги уруш ҳаракатлари бой берилган бўлади — денгизчиларнинг фикри шундай. Бундай торпедонинг корпусини жуда мустаҳкам қилиб тайёрлаш мумкин, у миналар ва сим тўрли ғовларни писанд қилмайди. Албатта, портларни вайрон қилиш, шубҳасиз, жуда кўп одамларнинг курбон бўлишига олиб келарди.

Мен бу лойиҳани илк бора конт-адмирал Ф. Фомин билан муҳокама қилдим (у илгари жанговар командир бўлган, афтидан, Совет Иттифоқи Қаҳрамони ҳам бўлса керак). Унга лойиҳанинг “одамхўрлиги” — кўплаб одамларни ҳалок қилиши мумкинлиги манзур бўлмади. Мен билан суҳбатда ҳарбий ден-

гизчилар қуролли душман билан очиқ жангда курашишга ўрганишган, бундай оммавий қирғин ҳақидағи фикрнинг ўзи менинг нафратимни құзғайды, деді у. Мен хижолат бўлдим ва бу лойиҳани бошқа ҳеч кимга айтганим йўқ. Мен ҳозир мазкур гояни бошқа бир киши илиб кетиши мумкинлигидан қўрқмай ёзаяпман, сабаби, у жуда хаёлий йўсинда бўлиб, амалга ошириш жуда катта харажатни, катта фан-техника қувватларини ишга солишин талаб қиласди ва ҳозирги мавжуд бирон ҳарбий доктринага тўғри келмайди.

Катта жисм синалиш арафасида мен онамдан ташвишли хат олдим. У отамда оғир юрак хуружи рўй бериб, уни шифохонага олиб кетишганлигини хабар қилган эди. Мен дарҳол жўнаб кета олмадим ва ҳатто уйга телефон қилиш имкони ҳам бўлмади. Синов даври қоидаларига биноан, телефон алоқаси узуб кўйилган эди. Лекин хизмат телефоним орқали вазирлик навбатчисига қўнғироқ қилдим, у мени онам билан боғлади. Отам инфаркт бўлган ва шифохонада ётган экан, шифокорларнинг фикрича, жиддий хавф йўқ.

Мен “Катта” жисм билан бирга “Ташаббускор” деб номлаганим қурилма билан ҳам зўр бериб шуғулана бошладим.

Мен бу ўринда мазкур тадқиқот охирги синов бўлади деб умид қилгандим. “Ташаббускор” параметларига қўра мутлақо рекорд ҳисобланарди.

Славский менинг “партизанлигим”ни маъкулламасди. У кенгашлардан бирида “...назариётчилар ҳожатхонада ўтириб, синаш учун буюмлар ўйлаб топишади ва иштонларини кийишга ултурмай, уни синашга тавсия этишади...” деган эди. (Назариётчи мен эдим). У, эҳтимолки, ҳали олдинда кўп синовлар бор, шошилишнинг ҳожати йўқ, деб ўйлаган бўлса керак. Бундай иш қарорда кўзда тутилмаган, демак, унга ядро заряди ҳам ажратилмаган эди. Албатта, уларни ялпи ишлаб чиқаришдан олиб ташлаш қийин эмас эди, лекин Славский буйруққа имзо чекмади.

Мен ҳаётимда бир марта виждонимга қарши бориб, деталларни плутоний (ёки уран 235) парчаларидан йифдим. Деталларни эпоксидли елим билан ёпиштирдим. Бахтим чопиб, бундай жўн усул халақит бермади...

Ниҳоят, 4 ноябрда Москвага бориши имконияти туғилди. Шу куни “ташаббускор”ни синашаётган эди. Мен аэрородромдан онамга қўнғироқ қилдим. Отам инфаркт бўлган, уни бориб кўришим зарур эди. Шу заҳотиёқ Измайловарадаги шифохонага бордим. Бунга қадар яна Павловга қўнғироқ қилиб, “Ташаббускор”-нинг синови муваффақиятли ўтганлигини билдим...

1962—1963. ҚЎШАЛОҚ СИНОВГА ҚАРШИ. ОТАМНИНГ ВАФОТИ. МОСКВА ШАРТНОМАСИ

1962 йил февралда (ёки мартда) СССР Олий Совети Президиумининг синовда қатнашган барча ходимларни мукофотлаш тўғрисидаги фармони эълон қилинди. Шу фармонга кўра мен учинчи Социалистик Мехнат Қаҳрамони унвонига сазовор бўлдим. Славский менга мақтov сўзлардан иборат бўлган табрик телеграммаси юборди. Унга ўринбосари ва бошқарма бошлиғи ҳам имзо чекишишган эди. Объект ва вазирликдаги бир неча киши ҳам Олтин юлдуз билан мукофотланишган эди. Учтадан юлдузи бўлган Харитон, Зельдович ва Шчелкин орденлар билан тақдирланишган эди. Мукофотлар Кремлда, жуда тантанали тарзда топширилди. Мукофотларни Хрушчев Сиёсий Бюро ва Олий Совет Президиуми аъзолари иштирокида топширди. Шу ҳодиса хотирамдаки, мен зал томон бораётганимда, ён томондаги йўлакдан Л. И. Брежнев қарийб югуриб чиқди. У икки қўлимдан ушлаб бир неча дақиқа силкиб, жуда самимий табриклиди.

Хрушчев кўкрагимдаги икки юлдуз ёнига учинчисини тақиб, қучоқлаб ўпди. Тантанадан кейин Хрушчев бизни яна зиёфатлар залига таклиф қилди, мени Хрушчев ва Брежневнинг ўртасига ўтқазиб қўйишиди. (Хрушчевнинг ўнг томонида Харитон ўтириди). Хрушчев яна нутқ сўзлади, бу галги нутқи бошқача оҳангда эди. У урушни, Сталинграддаги айрим воқеаларни эслаб, шу ерда ўтирган

маршалларни гувоҳликка чақирди, меҳнатимиз учун бизга ташаккур билдири ва бу синов янги урушнинг олдини олади, деди. Лекин хавф мавжуд. Шу муносабат билан у Пеньковскийнинг сотқинлик қилиб, чет эл разведкасига қимматли маълумотларни бериб юборганлигини эслади. Пеньковский Вазирлар Кенгаши қошидаги Фан ва техника Қўмитаси раисининг ўринбосари, ДХҚ полковниги эди. У жосусликда айбланиб, отиб ташланган эди¹.

Хрушчев ўз нутқи охирида менинг 10 июлдаги мактубим билан боғлиқ воқеани эслаб ўтди. Харитон ва менинг яхши ишлаганлигимизни таъкидлаб, иккимизни навбат билан қулоқлаб ўпди. Кейин Брежнев нутқ сўзлади, у ҳам ўпшиш билан тугади. Учинчи бўлиб маршал Малиновский — Мудофаа вазири сўзлади. У ўз нутқини менинг номим билан тутатди. Харитон ва марҳум Курчатовнинг ўрнига Атом энергияси институти директори бўлган А. П. Александров қадаҳ кўтаришиб, жавоб нутқи сўзладилар. Александров “...олға боришимизга халақит бераётган, илгари ҳаётимизни заҳарлаган барча нарсаларни олиб ташлаётган қадрли Никита Сергеевичнинг” хизматлари ҳақида гапирди. У нутқини шундай якунладики, гўё “Никита Сергеевичнинг чинакам марксизм соҳасидаги хизматлари шу қадар улуғки, агар бирон кишини Академияга сайлаш керак бўлса, айнан уни сайлаш керак” эмиш.

Хрушчев ҳам унинг сўз оҳангига тақлид қилиб, ярим ҳазиломуз мен академиклар билан тенглаша олмайман, бу соҳага даъвом йўқ, деб жавоб берди.

Кейин мен гапиришим керак эди. Мен шонли қуролли кучлар вакили маршал Малиновский учун ичишни таклиф қилдим.

Кремлдан чиққач отамнинг вафотидан сўнг Алексей Толстой кўчасида укам Юра билан яшаётган онамни кўришга бордим. Кўкрагимдаги орден ва медалларни кўриб у анграйиб қолди.

Мана шундай тантанавор бошланган 1962 йил ҳаётимдаги энг оғир йиллардан бири бўлиб қолди.

Менда атмосферада ядро синовлари ўтказиш инсониятга қарши бўлиб, мояхиятига кўра шаҳар сув қувурига яширин равишда касал тарқатувчи микробларни солишдан ҳеч фарқи бўлмаган очиқ жиноят деган тушунча мустаҳкамлана борди. 50-йиллардаёқ шаклланган бу нуқтаи назарни атрофимдаги кишиларнинг биронтаси ҳам қўллаб-қувватламади. Одамлар ўзларига фойдаси тегадиган фикрга осонгина мослашиб олишларини кўрдим. Ҳатто мени ҳурмат қиласидиган кишилар ҳам:

— Агар сиз ҳақ бўлсангиз, у ҳолда, биринчи навбатда, рентген тадқиқотларини тақиқлаш керак — ундан нурланиш даражаси сизнинг синовингиздагидан кўп, — дейишиди.

Гап бутун инсониятнинг тақдирни ҳақида бораётганлигини, айнан шу ҳадсиз биологик таъсир оқибатида қурбонлар миқдори белгиланишини исботлашга ҳаракат қиласам — одамлар мени тушунмас ёки далилларимни фойт мавхум фикр деб ҳисоблашарди. (Рентген тадқиқотига келсак, бу бошқа масала. Афтидан, нурланиш миқдорини кескин камайтирадиган рентгенли-телевизионли мосламага ўтиш керакка ўхшайди). Албатта, 1961 йилдаги “намойишкорона” тажрибадан кейин янги синовлар бўлиши керак эди (ўша пайтда амалга оширилган ишлар билан чекланиш мумкин деган умидларим пуч бўлиб чиқди). 1962 йилнинг ёзида АҚШ, Буюк Британия синов ўтказа бошлади (улар айнан нима ишлар қилишашётганлигини билиш учун биз жуда қаттиқ ҳаракат қилдик: шу масалаларга бағишлиланган айрим кенгашларда қатнашишимга тўғри келди).

Шу ўринда бир “فالати” воқеани айтиб ўтаман. Бизга қандайдир ҳужжатларнинг суратларини кўрсатишиди, уларнинг кўпчилиги қийшиқ олинган, афтидан, суратчида микроаппаратини тўғрилашга фурсат бўлмаган бўлса керак. Суратлардан бири ниҳоятда гижимланиб кетган эди. Мен соддалик қилиб, нега бу ҳужжат бундай аҳволда деб сўрадим. Қарангки, уни иштон ичиди олиб ўтишга тўғри келган экан.

¹ Бу ўринда хотирам мени чалғитаяпти. Афтидан, Пеньковский кейинроқ ҳибсга олинган эди.

СССРда кузда анча жиддий синовлар ўтказиш белгиланган эди. Радиоактив зарарига кўра энг катта (шу боисдан энг “зараарли”) жисм синови яна такрорланётган эди. Унинг бир тури бизнинг объект (муаллифи — менинг ходимим Борис Николаевич Козлов) томонидан таклиф этилган эди. Ўзининг тактик-техник сифатлари (кувати, вазни, таннахри) бўйича кам фарқ қиласидан бошқа турини — иккинчи объект таклиф этган эди. Ҳар бир синовдан кутилаётган қурбонлар миқдори олти рақамли белги билан ҳисобланарди! Бу жисм жуда муҳим бўлиб, ўта истиқболли элтувчига мўлжалланган эди. Агар синов муваффақиятли ўтса, у катта туркумда тайёрланиб, стратегик қуроллар қаторидан жой олиши кутиларди. Бу синовдан бутқул воз кечиш мумкин эмасди. Лекин иккита ёндош синовга ҳеч қандай зарурат йўқ эди. Менда мамлакат мудофаа қувватига асло футур етказмаган ҳолда синовлардан бирини бекор қилиш лозим, деган фикр пайдо бўлди. Афсуски, мен қудратли маъкамавий манфаатлар қаршилигига дуч келдим ва барча кузир тузлари уларнинг қўлида эканлигини тезда англаб етдим.

Мен Ю. Б. Харитон қўллаб-куватлайди деб умид қилдим. У қандайдир иш билан бизнинг секторимизга келганда уни кузатгани чиқдим ва ярим соатга яқин ўз мулоҳазаларимни баён қилдим. Биз асфалт йўлда у ёқдан бу ёққа юриб гаплашдик. Нарироқда машина ҳайдовчиси ва котиба кутиб туришарди. Ю. Б. шундай деди:

— Мен бу ишга аралашолмайман. У объект билан муносабатларимиз мурракаблиги ўзингизга маълум, менинг ҳар қандай аралашувим нотўғри талқин қилиниши мумкин. Улар яратган жисм конструктив жиҳатдан бизнидан фарқ қиласиди. Уларнинг ва вазирликнинг фикрича, бу ҳол ёндош синовларни оқлади.

Мен Ю. Бга, бу ўринда “эҳтимол нотўғри талқин қилинар” каби тушунчалар ва бошқаларни йиғишириб қўйиш керак, деб тушунтиришга ҳаракат қилдим. Лекин бунинг фойдаси бўлмади. Аммо у эркин ҳаракат қилишимга имкон бераётганини гапидан тушундим. Унга бу масалани Забабахин ва Славский билан муҳокама қилиб кўраман, дедим. Бир неча кундан кейин Москвага бориб, Славский билан учрашдим. Славский икки синовга ҳожат йўқлиги ҳақидаги фикримга қўшилди ва биринчи синов муваффақиятли ўтса, иккинчисини қолдиришга рози бўлди. У икки қуролдан қайси бирини биринчи навбатда синаш керак, деб сўради. Мен бизнинг буюмимиз тузилишига кўра анча содда ва ишончли, шу боисдан уни синаган маъқул, дедим. Шундан кейин биз хайрлашдик. Мен Забабахин билан ҳам гаплашиш учун иккинчи объектга учеб кетдим. У мақсадимни билгач, кичкина кенгаш чакириди — иккинчи объектнинг етакчи мутахассислари бўлган беш-олти кишини тўплади. Йўлда чарчаганимга қарамай (икки соат самолётда учдим, кейин 100 км автомашинада юрдим), жуда ишончли ва мантиқли гапирдим. Мўлжалимга кўра, ҳар икки буюмнинг рангли бўёқларда чизилиб, таҳтага илиб қўйилган чизмалари кучли таъсири қилиши керак эди. Улар худди эгизаклардек бир-бирига ўхшаш эди. Мен сўзимни тугаллаганимдан сўнг, ўртага бир неча дақиқалик сукунат чўқди. Кейин Забабахин менга қарамай деди:

— Агар олдин бизнинг буюмимиз синаладиган бўлса, сиз хоҳлаганингизни қилишингиз мумкин. Агар сизнинг буюмингиз биринчи бўлиб синаладиган бўлса, биз буюмимиз синалишини талаб қиласиди. Тузилишидаги ўзига хослик жиҳатдан у қудратли ва тафовути ҳам сезиларли бўлиши мумкин.

— Кўпи билан қанчага? — деб сўрадим. — 10 фоизга деса бўладими?

— Буни ҳозир айтольмайман.

— Женя, нима қилаյсан ўзи, — бирдан бақириб юбордим мен, — ахир бу қотиллик-ку!

Забабахин индамади. Қолганлар бошлиқларини кувватлашиди. Гапни чўзиб ўтиришга ҳожат қолмади (аслида мен мазкур вазиятда буюм параметрини салгина ўзгартирилишига ҳам йўл қўйиб бўлмаслигини таъкидлашм керак эди).

Эртаси куни Москвага қайтиб келдим.

Славскийга учрашиб, олдин иккинчи объектнинг буюми синалишига розилигимни айтдим, аҳдлашувимиз ўз кучида қолади, дедим.

— Яхши, мен фикрингизни маъқуллаганман-ку, — деди Славский.
Лекин синов бошланганда, у бари бир аҳдни бузди. Тўғри, ўзгарган вазиятда — унинг нуқтаи назарича, анча ўзгарган вазиятда.

Келишганимиздек, биринчи галда иккинчи объект буюми синалди. Лекин синовга бир неча ҳафта қолганда шу нарса маълум бўлдики, иккинчи объект ўзи яратган анча “мўрт” ва бир оз ғалатироқ буюмлари мустаҳкамлигини ошириш учун, унинг оғирлигини (таксиминан 10 фойзга) кўпайтиришга қарор қилди. Шубҳасиз, улар қувват ортади деб умидвор бўлгандилар. Агар бу тажриба ўзини оқлаганда бизнинг буюмимиз аҳамиятини йўқотар эди. Козлов ранжир эди, албатта. Аммо мен енгил нафас олган бўлардим. Лекин иш бошқача ўзандан кетди. Иккинчи объект буюми портлатилганда ҳосил бўлган қувват бизнинг ҳисоб-китобимиздаги қувватга teng бўлди (яъни оғирлик оширилгани ҳеч қандай наф бермади).

Хуллас, Славский оғзаки аҳдимизни бузиб, биз ясаган буюмни ҳам ишлатишга буйруқ берди.

Мен мазкур бўйрукдан фақат 25 сентябрда, синов арафасида, объектга учиб келганимдан сўнг хабардор бўлдим. Дарҳол Юлий Борисович олдига бордим. У иккинчи объект вазнни оширганлигидан дарғазаб бўлган бўлса ҳам, аралаш-маслигини яна таъкидлади. Кейинги икки ёки уч соат мобайнида Юлий Борисович хонасидан ВЧ аппарати орқали кўнғироқ қилдим. Вакт йўқотишни хоҳламасдим, бундан ташқари, барибир Юлий Борисович зарур бўлиб қолади, деб ўйладим. У ўз иш столида қандайдир қоғозларни титиб ўтиради: албатта, музокараларимни эшитиб турар, лекин аралашмасди. Славскийга кўнғироқ қилдим:

— Нега ваъдангизни бажармадингиз? Агар синовни бекор қилмасангиз, кўплаб одамлар беҳуда ҳалок бўлади (мен олти рақамли сонни айтдим).

Славский вазнлар орасидаги фарқни баҳона қилди. Мен эътиroz билдирам:

— Ўзингиз тушунасиз-ку, бу майда нарса, биз ҳеч қачон буюмни шу қадар яқин параметрда синамаганмиз, ушбу ҳолатда эса бу — жиноят.

Славский:

— Қарор қабул қилинган, — деди.

Менинг ғазабим қўзиди:

— Агар уни бекор қилмасангиз, сиз билан ишлолмайман. Сиз мени алда-дингиз.

Славский дарғазаб бўлиб бақирди:

— Хоҳлаган томонингизга кетишингиз мумкин! Жуда ёқангиздан ушлаб турганим йўқ!

У телефон дастасини илиб қўйди.

Хрушевга сим қоқишига қарор қилдим. Лекин у Кремлда йўқ экан. Ёрдамчиси менга шундай деди:

— Никита Сергеевич бугун Ашхободда, Туркманистон ССРга Ленин ордени топшираяпти.

Референт берган телефон бўйича Ашхободга кўнғироқ қилдим. Никита Сергеевич театрда, тантанали мажлисда экан. Бир соатдан кейин яна боғланишга уриниб кўрдим. Телефонда Хрушевнинг овози эштилди:

— Ўртоқ Сахаров, эшитаман.

Айтадиган гапларимни олдиндан тайёрлаб қўйган эдим, лекин гапираётганимда далилларим ишонарли ва у қадар тушунарли чиқмаётганини сездим. Овоз ёмон эштилаётган эди. Хрушев:

— Яхши тушунмаяпман. Мендан нима истайсиз? — деб сўради.

Мен:

— Мўлжалланаётган синов техник жиҳатдан фойдасиз, одамларнинг беҳуда курбон бўлишига сабаб бўлади, деб ҳисоблайман. Славский билан келишолмай қолдим. Эртага белгиланган синовни қолдиришни, баҳсимизни ажрим қилиш учун МК комиссиясини ташкил этишини илтимос қиламан.

Никита Сергеевич:

ЖАҲОН АДАБИЁТИ

— Ҳозир ўзимни ёмон ҳис қилаяпман. Ҳатто концертдан кетишга мажбур бўлди. Ҳозир Козловга қўнғироқ қилиб, ундан жиддий шуғулланишни илтимос қиласман, — деди.

(Козлов Флор Романович КПСС МК Сиёсий бюроси аъзоси, ўша даврнинг энг обрўли шахсларидан эди).

Мен миннатдорчилик билдиридим:

— Катта раҳмат, Никита Сергеевич.

Одатда ишга эрталаб соат 9 да кетардим. Лекин соат 8.30 да қўрқиб кетган котибам қўнғироқ қилди:

— Сизни Козлов деган қандайдир раҳбар сўраяпти.

Ўн беш дақиқадан кейин мен ВЧ ёнида бўлиб, Козловга қўнғироқ қилдим, лекин фақат 15—30 дақиқадан сўнг гаплашиш имконига эга бўлдим. У билан сұхбатимиз бошданоқ қовушмади. Мен унга Славский билан келишмовчилигимизни ҳал қилишдан аввал, бугунга белгиланган синовчи тўхтатиш керак, дедим. Козлов мени қўндиришга ҳаракат қилди, қанчалик кўп кучли портлатишлар ўтказсан, империалистлар синовларни тўхтатишга шунча тез рози бўлишади, курбонлар ҳам кам бўлади, деди. Бу гап менга заррача ҳам кор қилмади: мен уни, албатта, ҳеч нарсага ишонтиролмадим, у ҳам, афтидан, ўзининг янги-гина ўйлаб топган мулоҳазаларига ишонмасди; у нуфузли Ўрта машинасозлик вазири билан баҳслашишни хоҳламасди. Мен МК комиссияси бу масалани ўргангунга қадар синовни тўхтатиб туриш ҳақидаги илтимосимни такрорладим. Ҳеч қандай иш чиқаролмаганимдан кейин, Павловга қўнғироқ қилдим. У бу пайтда элтувчи самолёт учиши керак бўлган аэроромда эди. Эҳтимол, об-ҳаво шарорити туфайли синов кечикирилгандир? Ёки синовни лоақал бир кунга кечикиришга Павловни қўндириарман, деган илинжда эдим. Лекин Павлов Славскийнинг буйруги билан синов 4 соат олдинга сурилганлигини ва элтувчи самолёт ҳозир Баренц денгизи устидан ўтгаётганлигини, у тез фурсатда мўлжалланган жойга етишини маълум қилди! Афтидан, Славский Хрущевни қўндиришим ёки воқеага ўзгача таъсир кўрсатишмдан хавотир олиб ўзини эҳтиёт қилган кўринади. Узил-кесил мағлубиятга учрагандим. Даҳшатли жиноят рўй берди, мен бунинг олдини ололмадим. Ожизлик, оғир алам, уят ва хўрланганлик туйгуси мени чулғаб олди. Ўзимни столга ташлаб йиғладим.

Бу ҳаётимдаги энг даҳшатли сабоқ эди: икки кеманинг бошини тутиб бўлмас экан! Мен бундан буён куч-ғайратимни уч муҳитда синов ўтказишини тўхтатиш режасини амалга оширишга сарфлайман, деб онт ичдим. Славскийга объектдан ҳозироқ кетаман, деб дангал айтмаганлигимнинг сабабларидан бири (асосийси) шунда эди. Кейин унинг ўрнини бошқалар эгаллашибди.

...Бир соатдан кейин синовимиз тўла муваффақиятли ўтганлигини эшитдим ва Боря Козловни катта ютуқ билан табриклидим.

1964 ЙИЛДАГИ АКАДЕМИЯГА САЙЛОВЛАР

1964 йил ёзида СССР Фанлар академиясига навбатдаги сайловлар бўлди. Академиклик учун сайловлар икки босқичда ўтади: дастлаб Бўлимларда яширип овоз бериш йўли билан қанча ўрин ажратилган бўлса, шунга мувофиқ академик ва мухбир-аъзо сайланади (ўринлар партия-хукумат, афтидан, СССР Вазирлар Кенгаши қарорига кўра белгиланади). Кейин умумий мажлисда аъзоларнинг учдан икки овозини олган номзодлар тасдиқланади. Умумий йиғилиш бўлимнинг қарорини тасдиқлади. Камдан-кам ҳоллардагина қарши овоз берилади. Мазкур номзодни Бўлимда маъқулламаган академиклар кейинги босқичда ҳам қаршилик кўрсатадилар. Бошқа Бўлимларнинг аъзолари эса биринчи босқичдаги сайловлар натижаларига ишондилар.

Бўлимимиздаги йиғилиш пайтида менга биологлар Н. И. Нуждинни академикликка сайлаганлари маълум бўлди. Бу киши менга таниш эди. Нуждин Т. Д. Лисенконинг яқин сафдошларидан бўлиб, сохта илмий назарияларни ил-

гари сурган ва чинакам илмни, ҳақиқий олимларни таъқиб қилинишида фаол қатнашганлардан бири ҳисобланади. Лисенкога қарши яна ғазабим қўзғалди; шўро генетикасининг бутун фожиалари ва жабрдийдаларини эсладим. Умумий йиғилиш Нуждиннинг номзоди тасдиқланишига асло йўл қўймаслиги керак, деб ҳисобладим. Бу хусусда Умумий йиғилишда сўзлашни кўнглимга туғиб қўйдим.

Овоз беришлар орасидаги танаффусда академик Л. А. Арцимовичнинг олдига бордим ва биологлар Нуждин номзодини кўрсатганларидан ташвишда эканимни билдирам. Сайлов можароларидан толиққан Лев Андреевич ором курсида дам олаётган эди. У:

— Ҳа, хабарим бор, — деди. — Унга йўл бермаслик керак. Лекин Умумий йиғилишда сўзлашингиз кифоя қилмайди.

— Нега шундай ўйлайсиз? — деб ундан узоқлашдим.

Умумий йиғилиш эртаси куни бўлиши керак эди. Мен бир гуруҳ физиклар ва биологлар ҳам тайёргарлик кўришаётганларидан бехабар эдим. Умумий йиғилиш арафасида академик В. А. Энгельгардтнинг (йирик биохимик, Лисенконинг ашаддий рақиби) уйида И. Е. Тамм, М. А. Леонтович ва бошқалар тўпланишиб, маслаҳатни пишишиб олишган экан. Такрорлайман, мен бу йиғиндан мутлақо бехабар эдим.

Умумий йиғилиш одатдаги йўсинда бошланди. Бўлимларнинг академик-котиблари сайловларнинг натижалари тўғрисида навбат билан маъруза қилдилар ва ҳар бир сайланган олимнинг илмий хизматларини қисқача таърифладилар. Олдиндан сайланган саноқ комиссияси овоз бериши учун ҳужжатларни тайёрлай бошлади. Ниҳоят, биология бўлимининг академик-котибига навбат келди (адашмасам, бу вазифани илгари Лисенкони кўллаб-кувватлаган академик Опарин бошқарарди). У Бўлимга Нуждин сайланганлигини маълум қилди ва уни атоқли биолог олим сифатида таърифлади. Мен сўзлашга узил-кесил аҳд қилдим ва Бўлимлардан кўрсатилган номзодлар ҳақидаги маълумотнома орқасига мулоҳазаларимни ёздим (афсуски, бу қораламаларим сақланмай қолган) ва қўл кўтариб сўз сўрадим. (Тамм, Энгельгардт ва Леонтовичдан илдамлик қилдим). Келдиш шу заҳотиёқ мени минбарга таклиф қилди. Мен тахминан шундай дедим: “Академия Низоми академикликка лойиқ кўрилаётган кишига нисбатан — фан олдидаги хизматлари борасида ҳам, ижтимоий мавқеи борасида ҳам жуда юксак талаблар қўяди. Биология Бўлимидан академикликка сайлаш учун кўрсатилган мухбир-аъзо Н. И. Нуждин бу талабларга жавоб бермайди. У академик Лисенко билан бирга совет биологияси, айниқса замонавий илмий генетика соҳасидаги шармандали қолоқлигимиз учун, сохта илмий қарашларни, фирибгарликларни кўллаб-кувватлаганлиги, ҳақиқий олимларни таъқиб қилганилиги, уларни ишдан бўшаттирганлиги, хибсга олдирганлиги ва ҳалок қилганилиги учун жавобгардир.

Мен сизларни Н. И. Нуждин номзодига қарши овоз беришга чақираман”.

Нутқимни тугаллаганимда катта залда бир неча дақиқа сукунат ҳукм сурди. Кейин овозлар янгради:

— Шармандали! — бир пайтнинг ўзида залнинг катта қисмида, айниқса орқа қаторларда, йиғилиш меҳмонлари ва мухбир-аъзолар ўтирган жойда қарсаклар янгради. Мажлис раёсати ва минбар жойлашган саҳнадан тушиш учун саҳна ўртасига боришим ва гилам тўшалган зинадан пастга тушишим керак эди. Жойимга бориб ўтиргунимча ва ундан сўнг ҳам бир неча дақиқа мобайнида залда қарсаклар янграб турди. Лисенко мендан нарироқда ўтирган эди. У дарғазаб бўлиб, бўғиқ овоз билан бақириди:

— Сахаров сингариларни қамаш керак! Суд қилиш керак.

Нутқ сўзлаётган пайтимда Игорь Евгеньевич Тамм, В. А. Энгельгардт, М. А. Леонтович сўз сўрашди. Лисенко жаҳл билан ўрнидан туриб сўз беришларини талаб қила бошлади. Келдиш аввал Тамм, М. А. Леонтович ва Энгельгардтга сўз берди. Улар жуда яхши, мантиқли ва ишонарли далиллар келтиришиди. Улар ҳам Нуждин академикликка сайланнишга нолойиқ эканлигини исботлашди. Лисенко, албатта, биз айтган сўзларни фирт бўхтонга чиқарди ва Нуждинни буюк олим деб таърифлади. Кейин Келдиш сўз олди. У академик

Сахаров бундай масъулиятли Йиғилишда йўл қўйиб бўлмайдиган айрим иборалар ишлатганлиги учун афсусланганлигини изҳор қилди. У Сахаров мутлақо ноҳақ деб ҳисоблайди, Йиғилиш овоз бериш пайтида мухбир аъзо А. И. Нуждин номзоди масаласига вазминлик билан, эркин ва одилона ёндашади ва биология Бўлимининг фикрини ҳисобга олади, деб ишонч билдириди. Охирида эса Лисенкога шундай деб мурожаат қилди:

— Мен Сахаровнинг фикрига кўшилмайман. Лекин, Трофим Денисович, ҳар бир академик мажлис тартиби доирасида сўзлаш ва ўз нуқтаи назарини ҳимоя қилиш хуқуқига эга.

Кейин билишимча, президиумда ўтирган КПСС МК тарғибот ва ташвиқот бўлими мудири Л. Ф. Ильичев гапираётган пайтимда жуда ҳаяжонланибди ва фикрини билдиришни хоҳлабди. У ёнида ўтирган академик Л. И. Капицадан (бу тафсилотларни шу кишидан эшитдим) сўрабди:

— Бу сўзлаётган ким?

Капица жавоб бериди:

— Водород бомбасини яратган олим.

Бу изоҳдан кейин Ильичев, афтидан, ҳар эҳтимолга қарши, сўзламасликни маъқул кўрган бўлса керак.

Бир соатдан кейин ҳамма овоз бериши учун кути қўйилган саҳнага чиқа бошлади. Мутлақо нотаниш кишилар қўлимни қисиб, нутқим учун миннатдорчилик билдиришарди. Бошқалар қаторида курсдошим, бу пайтда Арцимович қўлида котиб бўлиб ишлаётган Катя Скабур ҳам ёнимга келди:

— Ҳамма дўстларимиз (яъни бошқа курсдошлар — А. С.) сенинг нутқингдан хабардор бўлишади! — деди у.

Хуллас, Нуждин сайланмади. Нуждин ишига аралашувим ер юзидағи синовларни тўхтатиш учун кураш билан қўшилиб (синов муаммоси салмоқлироқ эди, албаттга), ижтимоий фаолиятимни ва келажак тақдиримни белгилади. Нега мен қалтис қадам қўйиб, ўзим ҳатто шахсан билмаган одамнинг номзодига қарши сўзладим? Шунинг учунки, фаннинг эркинлиги, илмий ҳаққонийлик қалбимга яқин эди — фанни тараққиётнинг муҳим қисми деб билардим (ҳозир ҳам шундай деб биламан) ва шу боисдан бу соҳада ҳеч қандай тажовузга йўл қўйиб бўлмайди, деб ҳисоблардим. Энгельгардтнинг уйида маслаҳат бўлганлигини билмаганинг ҳам ўз таъсирини кўрсатди. Сўнгги қарорга беихтиёр келдим: эҳтимол қисматим, тақдирим шу ҳодисада ифодалангандир.

Бир неча кундан кейин хузуримга илгари менга нотаниш бўлган биолог Жорес Медведев келди. У илмий-тадқиқот институтларидан бирида ишлашини, геронтология генетикаси муаммоси билан шуғуланишини айтди. Айни пайтда у олти-етти йилдан бери лисенкочилик тарихи бўйича материаллар тўплар экан. У менинг нутқимни жуда юқори баҳолади ва айнан нималарни гапирганлигимини ва вазиятни батафсил, иложи борича аниқ айтиб беришимни илтимос қилди. У бу гапларни китобига киритиши учун ён дафтарига ёзib олди. Ж. Медведев кетаётиб, бўлажак китобининг қўлёзмасини қолдириди, қўлёзма “СССРда биологик баҳс тарихи” деб (ёки шунга ўхшаганроқ) номланган эди. Қўлёзма ҳақиқатда жуда қизиқарли эди.

Июль-августда биз яна, аввали йиллардаги сингари, бутун оиласиз билан “Мисхор” санаторийсига бордик. Дам олишдан қайтаётганимизда Симферопольда тасодифан “Қишлоқ хўжалик газетаси”ни (бошқаси йўқ эди) сотиб олдим. Уни самолётда кўздан кечирдим. ВАСХНИЛнинг ўша пайтдаги президенти Ольшанскийнинг катта мақоласи босилган экан. Унда менинг номим ҳам тилга олинниб, шаънумга анча ноҳуш гаплар айтилган эди. “Муҳандис Сахаров СССР Фанлар Академиясининг Умумий йиғилишида Медведев яширин ёзib берган хатни ўқиб берид, мичуринча совет биология фанига ва таникли биолог-олимлар шаънига тұхмат қилди, Умумий йиғилиш ишини бузди” (Афтидан, гўё биологияни билмаслигимга ургу бериш, ўқувчидан академик эканлигимини яшириш учун муҳандис деб айтишган бўлса керак).

Бу мақола лисенкочилар қарши ҳужумга ўтганлигини ва уларнинг юқори партия-хукумат доираларида кучли таянчлари борлигини кўрсатарди. Гап-сўзларга қараганда, шахсан Хрушчевнинг ўзи ҳам уларни қўллаб-кувватлаган

эди. У “мичуринча” фанни қўллаш ҳисобига қишлоқ ҳўжалигида ахволни тез ва осон ўзгартириш мумкинлиги ҳақидаги ваъдаларга маҳлиё бўлган бўлса керак (худди Сталин каби). Мен Хрущевга хат ёзиб, ҳақиқий ахволни “очиб кўрсатмоқчи” бўлдим. Албатта, бутун муаммони ёритиш учун менинг билимим етарли эмасди, лекин мавқеимни, илгари Хрущев билан шахсан учрашганлигимни, шунингдек, генетика, наслийликнинг молекуляр назарияси ва генетикани амалда қўллаш тўғрисида умумий тасаввургага эга эканлигимни эътиборга олиб, мактуб фойдали бўлади, деб ўйладим. Мактубни бир ҳафта ёздим ва ўзим машинкада бир бармоқлаб оққа кўчирдим. 10 сентябрда мактубимни Хрущева жўнатдим. Унда “илмий-оммабоп” бўлимдан ташқари, лисенкочилик гурухлашган, мафиялашган қиёфада эканлигини, у ўзига тобе одамлар орқали кўпгина партия ва ҳукумат муассасаларида ҳам илдиз отиб кетганлигини ёздим.

Биология соҳамдаги ҳаракатларим Хрущевга қандай таъсир қилганлигини қулоғимга чалинган гаплар орқали биламан. Улар менга турли воситалар орқали етиб келарди. Бу гап-сўзларнинг ҳаммаси тўғри деб кафолат беролмайман.

Менга айтишларича, Хрущев Нуждиннинг сайланмай қолишига сабаб бўлган нутқим ҳақида эшитгач, жуда газабланган, ер тепинган ва ДХҚ раисига (ўшанда бу лавозимда Семичастний ишларди) мени обрўсизлантирувчи далиллар тўплашга буйруқ берган экан.

— Илгари Сахаров водород бомбасини синашга қарши чиққан эди, эндилика яна ўзига дахли йўқ ишга тумшуфини тиқаяпти, — деган у.

Хрущевни фақат менинг хатти-ҳаракатимгина эмас, балки, умуман, Академия тутган йўл қаттиқ fazablanтирган. Айтишларича, у Академияни қисман ислоҳ қилиб, илмий-тадқиқот институтларининг бир қисмини бошқа маҳкамаларга беришини кўзлаган. Айтидан, Хрущев лисенкочиларнинг таклифидан кўп нарса кутган; бундан ташқари у лисенкочилар билан қандайдир қариндошлик алоқалари орқали ҳам боғланган эди (лекин хотини ва қизи Рада, менга айтишларича, унга бошқача, соғлом таъсир кўрсатиб келишган). Энг асосийси, у “ўзиники” ҳисоблаган соҳага бегоналар аралашганидан дарғазаб бўлган эди.

Хрущев мактубимни КПСС МК Президиумининг бошқа аъзоларига негадир кўрсатмаган эди.

Мактуб МК Президиумнинг бошқа аъзолари қўлига Хрущев ишдан олинган МК октябр Пленуми арафасида теккан. Менга айтишларича, Президиумномидан маъруза қилган М. А. Суслов ўз нутқида Хрущев олимлар ўртасида ўзаро ишончга рахна солган, деган айбни ҳам қўйган: у Сахаров мактубини МК Президиумидан яширган...

Хрущевнинг ишдан олиниши Лисенко тарафдорлари буткул мағлуб бўлганини билдирарди. Кейинги бир неча йил мобайнида мен илгари бадарга қилинган, эндилика академик ва институт директори бўлган генетик олим Н. П. Дубининдан янги йилда мунтазам табрик хати олиб турдим...

(Давоми бор)



Юрий БОРЕВ

Сталиннома

ҚИСҚА ТАЪРИФЛАР

Шолохов Сталин ҳақида: “Юради, табассум қиласи, кўзлари эса йўлбарс-никига ўхшайди”.

Троцкий: “Сталин — энг машхур ўртамиёначидир”.

Бухарин Сталинни: “Марксни ўқиган Чингизхон”, — деб атаган.

Крестинский: “Йўлбарс кўзли бу одам жуда кўп кулфат келтиради”.

ТАШКИ ҚИЁФАСИ

Сталин пакана одам бўлган. Мавзолейда турган пайтида оёғи тагига кичкина курси ташлаб қўйишар ва унинг бўйи қолган сафдошлариники билан бара-вар кўринарди. Бўйи паст одамларда камситилгандек ҳис этиш ва ўзини кўрсатиб қўйиш одатига мойиллик кучли бўлади. Юзида чечак асоратлари борлиги-дан хос қўриқчилари Сталинни “Чўтири” деб аташарди. Устки лаби ботиқ, пасткиси эса олдинга тутириб чиққанди. Вафотидан икки йил бурун шол бўлиб, бир қўли ишламай қолган.

**Ортиқбой
АБДУЛЛАЕВ
таржимаси**

Юрий Борев таниқли санъатшунос олим. Унинг эстетика соҳасида ўнлаб китоблари босилиб чиқкан. Олим кўп йиллардан бери “халқлар доҳийси” деб ном чиқарган Иосиф Сталиннинг ҳаёт йўли ва фаолияти, мураккаб шахсиятини ўрганиди. Бунинг учун у Сталин шахсига сифиниш қурбони бўлган юзлаб кишилар — олимлар, ёзувчилар, партия ва давлат арбоблари билан суҳбатлашиб, уларнинг фикр-мулоҳазаларини ёзib олди. Халқ орасида юрган турли латифалар, афсоналар, нақлларни тўплади, уларни расмий ҳужжатлар билан қиёслади. Натижада “Сталиннома” деган катта китоб юзага келди. Унда Сталиннинг оиласи мұхити, турмуш тарзи, феъл-автори хилма-хил тафсилотлар, ҳаётий лавҳалар асосида ниҳоятда жонли, қызықарли ҳикоя қилинади. Бу лавҳалар Сталин ҳақида тасаввурларимизни бойитади, у хукмронлик қилган давр руҳини, вазиятини, миллионлар фожеасини чукур англашимиз ва ҳис килишимизга катта кўмак беради.

Бу асар кўп тилларга таржима этилган.

Эътиборингизга “Сталиннома” китобидаги айрим лавҳаларни ҳавола этмоқдамиз.

ЖАҲОН АДАБИЁТИ

178

Сүхбатлари орасида узок тин олиб, одатдагидан тезроқ юра бошласа, таъби хиралашгани сезилиб қоларди. Бошини қуи солиб юрарди. Овози бўғиқ эди.

ФАМИЛИЯСИ, ТАХАЛЛУСЛАРИ, ЛАҚАБИ ВА УЛАРНИНГ ИШЛАТИЛИШ ДОИРАСИ

Сталиннинг оилавий фамилияси — Жугашвили.

Ёшлидаги шеърий тахаллуси — Сосело.

Грузинлар, яқин дўстлари орасида — Сосо.

Партиявий лақаби, тахаллуси ва расмий фамилияси — Сталин.

Мухолифлари учун — Бўйсунмас Виссарионич.

30-50-йиллардаги садоқатли зиёлилар орасида — Хўжайин.

Садоқатли яхудий зиёлилари орасида — Балабуст (катта бошлиқ, талабчан хўжайин).

Закавказьеда уни кўплар — Узун Мўйлов дейишарди.

Маҳбуслар орасида — Шопмўйлов.

Артистлар доирасида — Мўйлов.

Кўриқчилар ва хос хизматчилар орасида — Чўтири.

НКВДда — Иван Васильевич (Грозный).

Ҳарбийлар орасида — Юқори. Сардор.

Партиявий бюрократлар орасида — Катта. Бош. Шеф.

Партияга мансуб грузинлар орасида (инқилобгача ва йигирманчи йиллар давомида) — Коба.

Шахсга сифиниш иллати фош этилгандан кейин шахсиятдан холи атама пайдо бўлди: таъқибга учраган “Сталин” сўзи ўрнига — Қароргоҳ (Ставка) ишлатила бошлади.

Англо — америка дипломатлари, сиёсатчилар, журналистлар орасида — Жо амаки.

СТАЛИННИНГ СЕВИМЛИ ИБОРАЛАРИ

Бизга сиёсатбозлар керак эмас. Улар бизда етарли, ҳатто керагидан ортиқ. Бизга ижрочилар керак.

Социализмга яқинлашган сари душманларнинг қаршилиги тобора кучаяди ва шунга мувофиқ кураш кескинлашиб бораверади.

Бир марта қабул қилинган қарорни ўзгартириш ярамайди.

Устингиздан кам шикоят тушган, демак, сиз ёмон раҳбарсиз.

Дўстларингиз ҳаддан ташқари кўп.

Лойдан княз ясадилар.

Менга бўлган эътиқоди кучли одамлардан кўра мени қўркув туфайли қўллаб-кувватлаётгандарни кўпроқ ёқтираман: эътиқод ўзгаради — кўркув эса абадий қолади.

Ўтмиш фақат худога дахлдордир.

Тўла ҳамфирлик фақат қабристонда мавжуд бўлади.

Ҳақиқатга эмас, ёлғонга ишонишади.

Давлат ва шуҳратга қонсиз эришиб бўлмайди.

Инсоний интилишлар мантиқидан кўра буюмлар мантиқи кучлироқдир.

Маълум бир ҳодисага партия ўз эътиборини қаратган пайтидан бошлаб тарих юзага келади.

Ўтмишга улоқтириб юборилган замонавийликни тарихда қўриб бўлмайди.

Урушда кам қурбон бериш керак. Душманни ўз ерида йўқ қилиш лозим (К. Ворошилов).

Ўзгаларнинг бир қарич ери бизга керак эмас, лекин бир сиқим тупроғимизни ҳам бирорвга бермаймиз.

Агар душман таслим бўлмаса, уни янчиб ташлайдилар (М. Горький).

Курашнинг ўз мантиқи бўлади.
 Ўрмон кесилса, пайраҳа учади.
 Меҳнат — шон-шараф, виждон, шавкат ва қаҳрамонликдир.
 Депутат — халқ хизматкори.
 Тарихий қиёслар хавфидир.
 Қувноқ яшасанг — ишинг унумли бўлади.
 Партияда алмаштириб бўлмайдиган одам йўқ.
 Большевиклар қўлга кирита олмайдиган ҳеч қандай қалья йўқ.
 Кадрлар ҳамма нарсани ҳал қиласди.
 Техника ҳамма нарсани ҳал қиласди.
 Большевиклар қийинчиликлардан қўрқмайдилар.

СТАЛИН СЕВГАН МАСАЛ

Илон ёнгиндан қочиб дарахт устига чиқди, чиқишига чиқди-ю, тушишига келганда йўл тополмай қолди. Кўнгли бўш бир қария раҳми келиб, уни кутқарди, илон эса раҳмат ўрнига уни бўға бошлади.

— Нега? — таажжубланди қария.

— Бу дунёда яхшиликка яхшилик қайтмайди, — жавоб қилди илон.

Жон ширинлик қилиб, қария бу гапнинг тўғри ё нотўғрилигини бошқалардан сўраб кўришни таклиф қилди. Илон ва қария йўл юриб, дуч келганларни саволга тутаверишиди.

Олма шундай жавоб қилди:

— Мен одамларга ширин-шакар мевалар бераман, улар эса бутоқларимни синдирадилар.

Ҳўқиз айтди:

— Мен одамларга ер ҳайдаб бераман, шунга қарамай, улар мени калтаклашади, кейин сўйиб ейишади.

Тулки жавоб ўрнига қичқирди:

— Отахон, калтак билан уриб илонни ўлдир.

Қария шундай қилди, сўнг тулкини қувлашга тушди. Тулки зорланди:

— Мени ўлдирма, ахир ҳаётингни сақлаб қолдим-ку!

— Бу дунёда яхшиликка яхшилик қайтмаслигини билмасмидинг?

ОДАТ ВА МАЙЛЛАРИ

Сталин “Герцеговина флор” сигаретини севарди. У папиросни эзғилаб, тамакисини трубкасига жойларди. Бу эрмак унга жуда хуш келар ва руҳий мадад вазифасини ўтарди.

Сталин учун маҳсус тамаки тайёрлаб берувчи грузин-профессор Сталин мукофоти билан тақдирланган.

Сталин йод ва женъшендан бошқа биронта дорини тан олмасди. Тоғликлар амал қиласидиган йўсинда даволанарди: папаха кийиб, иссиқ чой ичар ва кўрпага ўралиб ухларди.

Сталин грузин виноларини (айниқса “Кинзмарули”ни хуш кўрарди) ва ҳар замонда конъяк ичарди.

У грузин таомларини, айниқса қовурилган жўжани ёқтиарди. Кремлда унга грузин ошпази (дохийнинг вафотидан кейин Грузия КП МК ошхонасига ишга ўтган) ва хитой ошпаз хизмат кўрсатарди. Сталин ҳар хил овқатлардан оз-оздан истеъмол қиласди, бу жиҳатдан хитой таомлари унинг дидига мос келарди. Яқин чорбоғда (Минск шоссесида) Сталиннинг Лузатик деган фамилияли мөҳир ошпази бор эди. Унга атаб Клязъмада чорбоғ қуриб берилганди, вафотига қадар (1975) у ўша ерда яшади. Ошпазлар намойиш кунларидан бошқа пайтда Сталинни кўрмас эдилар. Чорбоғда ошхонадан овқат ташийдиган аёлни Сталин сургундан — Труханска ўлкасидан олиб келганди.

САФДОШЛАРНИНГ ҚОБИЛИЯТИ

Сталин дам олайтган пайтларда Сиёсий бюро аъзоларининг барчаси ўзларига қатъий тақсимланган вазифаларни бажаришлари шарт эди.

Масалан, “Никита” гопак устаси бўлиб, Сталин имо қилиши биланоқ рақсга йўргаларди. “Анастас”га эса ўзига хос масҳарабозлик вазифаси юкланди эди. Зиёфат чоғида унга албатта сўз берилар, у туриб, қадаҳ кўтарар ва гап бошларди. “Анастас” ўрнидан кўзгалганда, ёнида ўтирган қўшниси унинг крес-лосига торт ташлаб кўярди (бу ҳол ҳар йили айнан такрорланарди!).

“Ҳеч нарсани сезмаган” “Анастас” ҳамманинг кулгиси остида торт устига ўтиради. Хотини бу костюмни кейин қандай ювар экан? Ёки уни ташлаб юбо-ришармикин? Айтишларича, Микоян Сталин зиёфатига кетаётганда ўзи билан яна битта шим олиб борар экан.

Чинакамига шоҳона кўнгил хушлаш! Дид билан, ўта зиёлиномо уюштирилган!

ЛАТИФА

С т а л и н . Ўртоқ Пушкин, очиқ айтаверинг, нимага муҳтожлигингиз бор? Ҳаммасини тўғрилаймиз, ёрдам берамиз. Балки фоз пати қерақдир? Қоғоз-чи? Нашриётга боғлиқ қийинчиликларми? Ҳаммасини бартараф этамиш.

П у ш к и н . Раҳмат, ўртоқ Сталин, ҳамма нарса етарли. Фақат цензура хала-қит бермаса бўлди.

С т а л и н . Ўзим сизга цензорлик қиласман.

П у ш к и н . Жуда соз. Бундай тажрибани юз йил олдин бошимдан ўтказганиман. Учрашувимиздан илҳомланган ҳолда ижод қилишга жўнайман.

С т а л и н . Боринг, ўртоқ Пушкин, ишланг. Ижодий мувваффақиятлар ти-лайман.

Пушкин кетади. Сталин телефон дастасини кўтаради.

— Алло! Лаврентий, ўртоқ Дантесяга айтиб қўй, ўртоқ Пушкин ҳозиргина менинг кабинетимдан чиқди.

ТАЛОВЧИ

Инқилобгача РСДРП талончиликлар ўтказиб турган. Шундай ҳодисалардан бири ҳақида афсона тўқилган. Новороссийск — Гудаута — Сочи маршрути бўйлаб ҳар уч ойда бир марта кичик жанговар кемада Закавказъедаги ҳарбийлар ва давлат хизматчилари учун пул юборилар эди. Социда бу пуллар каретага ортилар ва юзлаб казаклар кузатувида Тбилисига жўнатиларди. Қароқчилар бу йўлни пухта ўрганиб чиққан эдилар. Улар кема командасига ўзларига тегишли моторист ва штурманни бириткириб қўйишга мувваффақ бўлдилар. Кемада хизматчилардан ташқари 15 та аскар ҳам бор эди. Кема Гудаутида тўхтаган пайтда саккизта абрек унга ҳужум қилди. Моторист ва штурман ўн учта аскарни кубрикка қамаб қўйди, иккитасини эса бортдан улоқтириб юбордилар. Шундан кейин абреклар команда аъзоларига қўшиб, моторист ва штурманни ҳам отиб ташладилар. Ярим тоннага яқин олтин ва кумушни қайиққа солиб қирроққа келтирдилар, сўнг Гудаутида уларни пойлаб турган аравага ортиб, тоққа олиб кетдилар. Бошлиқнинг амрига мувофиқ йўлда тўрт абрек қолган тўрт шеригини отиб ташлади. Юришда давом этдилар, кейин икки абрек ухлаб ётган икки шеригини отиб ўлдирди. Нихоят, икки абрек қолди. Эрталаб ювинишаётган пайтда бири иккинчисини қоқ пешонасидан отиб ўлдирди. Қароқчи атрофга аланглаб қараб, эчкilarини боқиб юрган ёш чўпон болани кўриб қолди. У ҳамма воқеани узоқдан кўриб турарди. Қароқчи чукур ўйга ботиб, алам билан анчагача болага қараб турди, кейин кўл силтаб, тўплончасини чўнтагига солди ва отларни ҳайдаб тофнинг ичига кириб кетди. Болани тутиб, йўқ қилишга имкон йўқ эди. Бу пуллар партия хазинасига келиб тушмади. Улар тирик қолган бояги қароқчи — Сталиннинг қўлида қолиб кетди.

ЖАҲОН АДАБИЁТИ

Орадан кўп йиллар ўтгач, Сталин ўзи ёқтирадиган грузин актёри Хоравининг чорбоғида меҳмон бўлди. Богда сайр қилиб юрар экан, боғбон олдидатўхтаб унга кескин савол берди:

- Сени қаерда кўрганман?!
- Ҳеч қаерда, батано, — жавоб қайтарди ўзини йўқотиб қўяёзган боғбон.
- Сталин нари кетди, сўнг орқасига қайтиб, яна сўради.
- Сени қаерда кўрганман?!
- Ҳеч қаерда, батано, — тақрорлади боғбон.

Сталин боғбон қаердан келганини суриштириди. Хорава у жуда олисдан, Грузиянинг узоқ бурчагидан келганини айтди. Сталин ёшлиқдаги талончилик йилларини эслай олмади. Боғбон ана шу чўпон бола эди. Сталин уни танимади. Боғбон эса ўша қароқчи Сталин эканини фаҳмлади, аммо эҳтиёткорлик қилиб, сукут сақлашни маъқул кўрди.

Накл қилишларича, Сталин талончиликлардан бирида қўлга киритилган пулларни топширмагани учун 1906 йилда партиявий жазога тортилади.

1918 йилда йирик меньшевиклардан бўлган Мартов ва Светловларнинг талабига кўра Сталин партиявий судга берилади. У асримиз бошларида Закавказье да анархистлик ва таъмагирлик мақсадлари билан таловчилик ҳужумлари уюштирганликда айланади. Масала меньшевиклар томонидан қўйилгани туфайли, большевиклар Сталин тарафини оладилар ва у оқланади.

МАДАНИЯТ РАҲБАРИ

20-йилларнинг иккинчи ярмида Сталиннинг ҳомийлиги туфайли собиқ юқ ташувчилардан бири Закавказье маориф халқ комиссари этиб тайинланади. У ҳаммом ҳамкасларидан бирига: “Кўраяпсанми, мен маориф комиссари бўлдим! Агар саводим бўлганда қандай мансабга кўтарилишимни тасаввур этиб кўр!” — деб мақтанган экан. У имзо қўйишни тез орада ўрганиб олади. Комиссарликка Лениннинг бюсти юборилганда, халқ комиссари: “Ленин бюстини оёғи билан юборишингизни сўраймиз”, деб хат ёzádi. Халқ комиссарлигига иккита ҳожатхона чаноғи келтирилганда, у буларни мева солинадиган идиш деб қабул қиласди. Навбатдаги инқилобий байрамлардан бирида бу “ваза”ларни катта қийинчиликлар билан стол устига жойлаштиришади.

20-йилларнинг охирида олий ўқув юргларида пуллик таълим жорий этилади. Бир бева аёл ўғлини ана шу тўловдан озод қилишни сўраб ариза ёzádi. Халқ комиссари унга: “Текин социализм тамом бўлган” деб имзо чекади.

30-йилларда халқ комиссарини отиб ташлашади. Афтидан, янги даврда маданиятни барбод этиш учун ҳаммолдан кўра малакалироқ мутахассислар зарур эди. Ана шу йилларда яна бир собиқ ҳаммол — Москва шаҳрида маданият ва адабиётга раҳбарлик қилган Гронский ҳам қамоқقا олинади.

ҲОМИЙЛАР РАҚОБАТИ

1926 йилда Герцен кўчаси яқинидаги ёзувчиларнинг ширкат уйига катта ва ёш авлодга мансуб жуда кўп адиллар тўпланар эди. Шу йилларда аксари ижодкорлар маданият ҳомийси ролини ўйнай бошлаган Троцкий билан яқин алоқада эдилар. Ҳам рақобат туфайли, ҳам Россия маданий ҳаётида ёзувчилар катта роль ўйнашини ҳис этгани учун Сталин жонли адабиёт билан алоқасини мустаҳкамлашга ҳаракат қиласди. Шу мақсадда у адабий йиғинларга қатнаша бошлайди. Шундай ўтиришлардан бирида Сталин Всеволод Иванов ва Фадеев билан сұхбатлашиб қолади.

Сталин Всеволод Ивановдан сўрайди:

- Яқин кунларда қандай асарингиз чиқади?
- Янги китобим чиқиши арафасида.
- Унга сўзбоши ёзиб беришимни хоҳлайсизми?

ЖАҲОН АДАБИЁТИ

— Нима учун? Агар китоб ёмон бўлса, уни ҳеч қандай сўзбоши кутқара олмайди, агар яхши бўлса, унга тавсияноманинг ҳожати йўқ.

Сталин Фадеевга мурожаат қилди:

— Сиз ҳам шундай фикрдамисиз?

— Йўқ. Сўзбоши ўта муҳим нарса. Менинг китобимга Троцкий сўзбоши ёзib бермоқчи, аммо биз турлича ҳаётий қарашлардаги одамлармиз, шунинг учун мен рад этдим. Агар Сиз, ўртоқ Сталин, ёзib берсангиз, мен жуда мамнун бўлардим.

— Яхши. Ёзаман.

Бу сұхбат Фадеев билан Иванов тақдирида ҳал қилувчи воқеага айланди. Сталин Фадеев китобига сўзбоши ёзмаган бўлса-да, унинг итоаткорлигини унумади. Айни пайтда, Ивановнинг раддиясини ҳам ёдида тутди, уни таъқибга дучор этмагани билан, олий адабий доиралар ва фаровонликлардан узоқлаштириди.

Бу тарихнинг яна ўз тадрижий давоми бор. 30-йилларнинг иккинчи ярмида Сталин Ивановни қабул маросимиға таклиф этади ва уни рўпарасига ўтказиб, сийлашга тушади: ўзи учун кичик қадаҳга вино қуяди, меҳмонга эса катта идишга тўлдириб ароқ қуяверади. Ёзувчи сир бой бермай, индамасдан итоатгўйлик билан ичib ўтираверади. Бу гўё садоқатни синаш имтиҳони эди. Ана шу очиқ кўнгиллик билан уйғунлашиб кетган итоаткорлик Ивановни сақлаб қолган бўлса эҳтимол.

“КУЛГИЛИ ТАРИХ”

Кирпотин сўзлаб берганди.

20-йилларнинг охири — 30-йилларнинг бошларида, Сталиннинг ёзувчилар билан ўтказган учрашувларидан бирида Всеивод Иванов кўпчиликка номаълум бўлган ва кейинчалик ҳам босилмаган “Гўдак” ҳикоясини ўқиб беради. Ҳикоя мазмуни шундай. Қизил партизанлар отряди чўлдан ўтиб боришарди. Партизанлар узоқда икки оқ гвардиячи ўтирган аравани кўриб қолишади. Отишма бошланади. Аравага яқинлашган партизанлар оқ зобит ва зобитлар кийими ни кийган аёл ўлиб ётганини кўрадилар, арава тубида мурғак гўдак йиғлаб ётарди. Партизанлар баҳслаша-баҳслаша, охири бу гўдакнинг ҳеч қандай гуноҳи йўқ, уни отрядда олиб қолиш керак, деган қарорга келадилар. Мақсадларини амалга ошириш учун яқиндаги қишлоқдан чақалоги бор бир қирғиз аёлни тутиб келтирадилар. У йиғлаб, бегона гўдакни эмизишдан бош тортади. Шундан кейин яна қишлоққа борадилар ва аёлнинг ўз боласини олиб келадилар. У ҳар икки болани эмиза бошлади. Аммо унинг сути кам эди, салдан кейин партизанлар ҳалиги аёл бегона гўдакдан кўра ўз фарзандини кўпроқ эмизаётганини сезиб қоладилар. Асранди бола нобуд бўлишидан хавотирга тушган партизанлар аёлнинг ўғлини ўлдирадилар.

Сталин ҳикояни ниҳоятда диққат билан эшигади, воқеа охирлаганда эса, уни комедия деб ўйлаб, баралла хохолаб кулиб юборади.

ҚЎРИҚЧИ ВАСИЛЕВСКИЙНИНГ ҲИКОЯСИ

30-йилларнинг бошларида Нестор Лакоба билан Берия Сталинни Абхазияда кутиб олишиди. Бир куни кечқурун катта базм белгиланди. Закавказъедаги барча райком, обком, ўлка қўмиталарининг котиблари унга таклиф этилди. Уларнинг ҳар бири ўзи ишлайдиган жойга хос бўлган бирор нарса олиб келиши зарур эди. Котиблар ўзлари билан беҳисоб осетра балифи, увилдириқ, вино, конъяқ ва бошқа ноз-неъматларни келтиришиди. Очиқ майдонга қўйилган катта стол усти тоғдек ўюлиб кетди. Бир талай қўриқчи ва хизматчиларни ҳисобга олмаганда, зиёфатда 70 та меҳмон бор эди. Дарвоза олдида турган Василевский таклиф этилганларнинг хужжатларини рўйхатга солишириб, ичкарига киритмоқда эди.

Ногоҳ Грузиянинг кекса большевикларидан бири Буду Мдивани “Линкольн”-да кириб келди, унинг номи рўйхатда йўқ эди. Василевский бундай қалтис вазиятда нима қилиши кераклигини билмай, гангиг қолди. Бу вақт ичиди “Линкольн” зиёфат бўладиган майдончага кириб борган эди. Василевский маслаҳат сўраш учун ичкарига йўл олди. Маълум бўлишича, рўйхатни Берия тузган экан, у Мдиванини ёқтирас эди.

Мдивани бўлса, зиёфат дарагини эшитиб, қайсиdir катта раҳбарнинг “Линкольн”ини сўраб олган ва ўз майлича таваккал қилиб, кўркмасдан келаверган эди. У ким биландир эндигина қизгин галга кириша бошлаганда, ёнига Вячеслав Рудольфович Менжинский келиб, шундай деди:

— Ўртоқ Мдивани, сиз кетмоқчимисиз? Машина дарвоза ёнида кутиб турибди, марҳамат, у ёқа ўтинг.

Мдивани гап нимадалигини тушунди ва жўнаб қолди.

МАКР ВА МУҲАББАТ

Сталин Лакобага кўп илтифот кўрсатарди. Уни ўзига жуда яқин олар ва бажонидил уйига меҳмонга борарди. Улар шоду хуррамлик билан майшат қилишарди, Лакоба Сталиннинг кўнглини қандай овлашни биларди. Тўппончадан ўқ отиш уларнинг яхши кўрган эрмаги эди. Лакоба бу ишнинг хўп машқини олган одам эди. Ичиб масти бўлгач, у ошпазини ҳовлига олиб чиқар, уни девор ёнига турғазиб, бошига товуқ тухумини кўярди. Сўнг маълум масофага узоқлашиб, ўқ узарди. Тухум сарифи ошпазнинг баҳарасига оқиб тушарди.

Ўтмишда олижаноб қароқчилар тухум эмас, олмадан фойдаланишганини, бунинг устига, уни хизматкорлари эмас, ўз ўғиллари бошига қўйиб отишганини (шунда мастьулият кучли бўлади-да), бечора ошпаз билмаса ҳам керак. Мабодо, билганда ҳам бу ҳақда айтишга журъат қила олармиди?..

Берия Сталинн Лакобадан қизғанарди. Бир куни зиёфат пайтида Берия Лакобага бирга ичишни таклиф этди. Лакоба кўнмади. Берия ярашганимиз учун ичишинг керак деб туриб олди, қисталанг қилди, охири кўндириди. Лакоба ичди. Уйга қайтастив, у ўзини ёмон ҳис эта бошлади. Ҳайдовчи уни бир амаллаб меҳмонхонага олиб кирди ва тез ёрдамга телефон қилмоқчи бўлди, аммо шу лайт Берия келиб, телефон дастасига қўлини қўйди.

Лакобани катта дабдаба билан дағн этиши. Юраги ёрилиб ўлди, деб эълон қилишди. Фирромликин сезган марҳумнинг беваси мурдан ёришни талаб қилиб туриб олди. Сухумилик врач Лакоба заҳарланганини аниқлади. Врач бу ҳақда гапириб бериш учун Москвага отланди, аммо йўлда ҳалок бўлди.

Бир-икки ийл ўтгач, Лакоба ҳалқ душмани деб эълон қилинди. Берия унинг хотинини, барча яқин дўстларини, қариндошларини қамоққа олди ва Лакобанинг “айби”ни “исботловчи” кўплаб далилий ашёлар тўплади.

Шафқатсиз қийноқларга қарамасдан Лакобанинг беваси сохта айбларни тан олмади. Шунда унинг кўз ўнгидаги ўғлини азоблашга тушдилар. У қофозга кўл қўйиб беринг деб онасига илтижо қила бошлади, аммо саводсиз бўлса-да, магрур бу тоғ аёли қатъни хитоб қилди: “Бардам бўл, ўғлим, отанг учун чидашинг керак!” Унинг кўзларини ўйиб олдилар, сўнгра ўлдиридилар. Лакоба барibir ҳалқ душманни деб эълон қилинди, у Сталинга қарши суиқасд қилмоқчи бўлган эди деб гувоҳлик берувчилар кўплаб топилди.

Албатта, у ҳеч қандай суиқасд тайёрлаган эмасди. Аммо мен ошпазнинг тухумга белангтан юзини кўз олдимга келтирас эканман, бу киши ҳақиқатан ҳам ҳалқقا душман эдими, деб ўйга толаман. Ҳар ҳолда, уни ҳалқнинг дўсти дейиш ҳам мумкин эмас-да!

БОШ ТЕРГОВЧИ, ПРОКУРОР ВА СУДЬЯ

Сталин қамоққа олишга буйруқ бериш билан чекланмасдан, кўлгина таниқли большевикларнинг тергов ишларини ўзи кузатар, сўроқ қоғозларини

ЖАХОН АДАБИЁТИ

184

кўздан кечирав эди. Баъзи қамоққа олингандарни ўз кабинетида шахсан сўроқ қилгани ва гувоҳлар билан юзма-юз учраштиргани маълум.

— Станислав Косиорни Сталин ҳузурига сўроқ қилиш учун олиб келишиди, — деб ҳикоя қиласи Григорий Иванович Петровский. — Кабинетда Молотов, Каганович, Ворошиловлар бор эди. Косиорни стулга ўтказиши. Унинг руҳи тушиб кетган, кўп қийноқларга гирифтор бўлгани кўриниб турарди. Петровский Косиордан сўради: “Стасик, нега ўзингга ҳам, менга ҳам туҳмат қила япсан?” Косиор жавоб берди: “Мен маълумот бердим ва сўзимдан қайтмайман”. Шунда Сталин тантанали оҳангда танбеҳ берди: “Мана, кўрдингми, Петровский, сен Косиорнинг жосус эканига ишонмаган эдинг. Энди у халқ душмани эканига ишондингми?” Петровский унга жавоб берди: “Ҳа, ишонаман, мен қандай бўлсам, у ҳам шундай душман”. Сталин шунда тергов ҳужжатларини келтиришни ва Косиор Петровский ҳақида берган маълумотларни кўрсатишини буюрди. Терговчи ишни келтирди, унда фақат биттагина қоғоз бор эди. Сталин ғазабланиб сўради: “Ҳаммаси шуми?” “Ҳаммаси шу”, деб жавоб беришиди. Мана шу юзма-юз учрашувдан кейин Петровский Украинаға жўнаб кетди, уни ишдан четлаштирилар, квартираси ва чорбоғини тортиб олдилар.

МУШУК-СИЧҚОН ЎЙНИ

Таъқибга учраган Бухарин 1936 йилда Октябрь намойишини меҳмонларга ажратилган минбарда туриб кузатмоқда эди. НКВД ходими келиб Сталин уни мавзолейдаги жойига таклиф этаётганини маълум қилди. Бухарин меҳмонлар минбарида хотинини қолдириб, Сиёсий бюро аъзолари қаторига қўшилди.

Шу кезларда “Известия” ТАССнинг расмий ахборотини босиб чиқариб, Бухаринни жосус деб эълон қилганди. Бош муҳаррир сифатида газетага Бухарин имзо чекканди.

Сталин ўз қурбонларини мушукнинг қўлига тушган сичқондек ўйнатмоқда эди... Бухарин деярли ҳалокатга маҳкум этилган пайтда Сталин уни Маркс архивини сотиб олиш учун Парижга жўнатди. Бухариннинг ёш хотинига ҳам бирга боришига руҳсат беришиди. Бу масалада Сталиннинг аниқ ҳисоб-китоби бор эди. Агар Бухарин у ёқда қолиб кетса, унинг тарафдорларини ҳамда Сталинга ёқмай қолган шу тоифа ва даражадаги барча одамларни йўқ қилиши учун баҳона топиларди. Бундан ташқари, Сталин ҳар қандай одамни чет элда ҳам қўлга олиш ва йўқ қилиб юборишга қодир эди. Сталиннинг режасига кўра, Бухарин қайтиб келса, судланиши ва отилиши муқаррар эди. Бухарин қайтиб келди. Ўзига зарба тайёрланаётганини сезиб, МК Пленумига боришдан бош тортди ва очлик эълон қилди. Унга Сталин сим қоқди:

— Эшит, Николай, сен кимдан хафа бўляяпсан? Партияданми? Партияга қарши очлик эълон қилдингми? Уялмайсанми? Наҳотки биз сени хафа қилишга йўл қўйиб берсак? Эртагаёқ келиб партиядан узр сўра — ҳаммаси жойида бўлади.

Бухарин Сталинга ишонди, мажлисга келиб узр сўради, аммо уни партия МКдан чиқардилар, сўнг ҳибсга олиб отиб ташладилар.

ЭККАНИНГНИ ЎРАСАН

Сталин Павел Петрович Постишевни шахсан ўзи сўроқ қилди. Уни елкасидан силкитиб бақири:

— Сен кимсан, Постишев?! Бўйнингга ол, кимсан ўзи?!

— Большевикман, ўртоқ Сталин, большевикман.

Бундан ўн йил олдин — партиянинг XV съездиде Постишев Раковскийнинг юзига тик боқиб худди шундай қичқирган эди. Постишев ҳам, залда ўтирганлар ҳам:

— Раковский меньшевик, соткин! — деб тасдиқлаган эдилар.

Шунга қарамай, Бухарин ва Риковни ёқлаган оз сонли одамлар қаторида Постишев ҳам бор эди.

Ана шу Постишев 30-йилларнинг бошида Украинада террор шароитини жорий этган ва жуда кўп сиёсий арбоблар ҳамда маданият ходимларининг умрига зомин бўлган. Постишевнинг айби билан сталинча 1937 йил Украинада муддатидан илгари адо этилганди. Накъ қилишларича, Постишев кутилмаганда қамоққа олинади ва отиб ташланади, сабаби у ўзи билмаган ҳолда катта бир сирга дуч келиб қолган эди. Киевдаги НКВД ходимларидан бири 1906—1912 йилларда Сталин чор жосусхонаси билан алоқада бўлгани ҳақидаги махфий хужжатни топиб олади. Сирасини айтганда, Постишевнинг айбиз қамалгандарни ҳимоя қилиши ёки Сталин таржимаи ҳолига доир махфий хужжатдан хабардорлиги бир баҳона, холос. Қобилиятли ва машҳур шахс бўлганлигининг ўзи уни йўқ қилиш учун етарли сабаб эди.

ҚАРШИЛИК

Оржоникидзе Сталиннинг мутлақ ҳукмронликка интилишини ёқтирумас эди. Улар кўпинча қаттиқ тортишиб қолишарди.

Бир куни грузинчалаб жанжаллашиб қолишиди. Хонада тасодифан Тевосян ҳам бор эди. Можарога ихтиёrsиз гувоҳ бўлишни хоҳламаган Тевосян секингина чиқиб кетишга уринади. Сталин уни тўхтатиб сўрайди.

— Ўртоқ Тевосян, ким ҳақ?

— Мен грузинчани тушунмайман, гап нимадалигини билолмадим.

Одамлар ўзига сўзсиз бўйсунишига ўрганиб қолган Сталин Тевосяннинг гапиiga мутлақо эътибор бермай яна сўрайди:

— Барибир, ким ҳақ?

— Сиз, ўртоқ Сталин.

Бошқа бир тортишув чоғида Сталин Оржоникидзега деди:

— Мен номинг булғанишини хоҳламайман, шунинг учун ўзинг ўлишга ҳаракат қил.

ҲАЛОКАТ ҲАҚИДАГИ ТАХМИНЛАР

Оржоникидзенинг ҳалокати ҳақида уч хил тахмин мавжуд. Тинтув ўтказиш учун хузурига келишганда, у Сталинга қўнфироқ қиласди. Сталин эса НКВД каби жиддий ташкилот хоҳлаган кишисини, ҳатто Сталинни ҳам тинтишга ҳақли, деб жавоб қайтаради. Шундан кейин Серго ўзини отади.

Уни тинтувга келгандар — олдига кирган ёрдамчиси ёки шофёри отган бўлиши мумкин.

Телефонда гаплашгандан кейин Оржоникидзеда Сталин мутлақ ҳукмдор эканлигига шубҳа қолмайди. Оржоникидзе револьверини олиб у билан ҳисобкитоб қилгани жўнайди, шунинг оқибатида ўлдирилади.

Юрак хуружи туфайли ўлди деган тахминга ишониш қийин.

АМАЛГА ОШМАГАН ҚАМОҚ

30-йилларнинг иккинчи ярмида Будённийнинг шаҳар ташқарисидаги чорбогига машина келиб тўхтайди. Ундан сакраб тушган аскарлар гурухи чорбогни дарҳол куршаб олади. Маршал ўз ординарец ва адъютантларига қаттиқ мудофаада туришни тайинлайди. Деразалар олдига пулемётларни келтиришиб ўқ уза бошлайдилар. Ҳужум қилувчилар ерга ётиб, дараҳтлар орқасига беркинадилар. Будённийнинг ўзи телефон олдига югуриб келиб, Сталинга рўй берган аҳволни билдиради. Сталин сўрайди:

ЖАҲОН АДАБИЁТИ

- Ярим соат ушлаб тура оласанми?
- Менимча, тура оламан.
- Яхши.

Ярим соатдан кейин бошқа машина келди ва меҳмонлар чақириб олинди. Сталин Будённийга телефон қилди ва ишлар жойида эканини эшиттандан кейин:

— Энди пулемётларни топшириб қўй, — деди.
Будённий иккита пулемётни топшириди, аммо ҳар эҳтимолга қарши тўрттасини чердакка яшириб қўйди.

ПРИМАКОВНИНГ ҚАМАЛИШИ

30-йилларнинг ўрталарида Сталин гражданлар урушининг қаҳрамони, қизил казакларнинг қўмондони Примаковни Москвага чақирди. У икки адъютанти ва ўринбосари билан йўлга чиқди. Йўлда, белгиланган режага мувофиқ, вагонга бир неча ҳарбий ва фуқаро кийимидағи кишилар кириб, Примаковни қамоқقا олмоқчи бўлишди. У хитоб қилди:

- Қанақа қамоқ?! Мен ўртоқ Сталиннинг чақиригига мувофиқ кетяпман!
- Ҳеч нарсани билмаймиз, бизда қамоққа олиш ҳақида ордер ва кўрсатма бор.
- Қани, азamatлар, — Примаков ўз ҳамроҳларига мурожаат қилди, — бу кийимини ўзгартириб олган оқгвардиячиларга қизил казаклар кимлигини кўрсатиб қўяйлик.

Йигитлар қамоққа олиш учун келганларнинг ҳаммасини қўлларини қайириб, камарлар билан боғлаб қўйишли. Навбатдаги бекатда Примаков “оқгвардиячилар”ни ҳукуматга топшириди.

Ўз foясига содик, аммо содда одам бўлган Примаков катта сиёсатдан узоқда эди. У шу заҳотиёқ Сталинга телефон қилиб, кийимини алмаштириб олган оқгвардиячилар унга ҳужум қилишгани, уларни қўлга олиб, НКВДга топширгани ҳақида хабар берди. У, яъни Примаков, кейинги топшириқларни кутаётганини айтди. Йўлда давом этишга бўйруқ берилиди, у оқгвардиячилар ҳақида ташвишланмасаям бўлади, улар билан бошқалар шуғулланишиади.

Москвадаги вокзалда гражданлар урушининг қаҳрамонини “кийимини ўзгартирган оқгвардиячилар”нинг катта командаси кутиб олди. Примаков ва ҳамроҳлари қамоққа олиниб, НКВД идорасига юборилди. Шундан кейин уларни ҳеч ким кўрмади.

ИНТЕРВЬЮ

Метрополитен ишга тушиши арафасида “Вечерняя Москва” редакциясида мажлис ўтказилди. Бош мұҳаррир ана шу тантана муносабати билан навбатдаги газета сони бутунлай меҳнаткашларнинг дил сўзларига бағишиланишини эълон қилди. Ходимлар материал тўплаш учун тарқалишли. Мұҳаррир хонасида репортёр Трофим Юдиннинг ёлғиз ўзи қолди. Бирдан унинг миясига кечагина метро билан шахсан танишган Сталиндан интервью олиш керак деган фавқулодда мардона фикр келиб қолди. У ҳукумат телефони дастасини кўтариб, керакли рақамни терди. Сталиннинг ўзи жавоб берди.

- Салом, ўртоқ Сталин, Сизни “Вечерняя Москва” газетасининг ходими безовта қиласапти.
- Ким-ким?
- Трофим Юдин, ўртоқ Сталин, “Вечерняя Москва” газетасидан.
- Сизга нима керак, ўртоқ Юдин?
- Сиздан интервью олмоқчи эдим, метро сизга ёқдими?
- Майли. Ёзиз олинг: метро менга ёқди. Москва метроси дунёдаги энг яхши метродир. Сталин.

— Раҳмат, ўртоқ Сталин.

— Хайр, ўртоқ Юдин.

Бу интервью ҳақида эшитган бош муҳаррирнинг эси чиқиб кетди. Босиб чиқариш хавфли. Бу сўзларни ҳақиқатан Сталин айтган бўлса, босиб чиқармаслик ҳам мумкин эмас. Муҳаррир оёғини тираб туриб олди:

— Тасдиқлайдиган биронта ҳужжат ёки имзо кўрсатасан, акс ҳолда ишдан ҳайдайман!

Шунда Юдин пайт пойлаб яна Сталинга қўнғироқ қилди.

— Ишдан ҳайдашмоқчи, гапимга ишонишмаяпти.

— Айтиб қўйинг, мен сизни ишдан ҳайдалсин деганим йўқ.

Юдин ишдан бўшатилмади, у газетада ана шу муҳаррирдан бошқа яна олтига муҳаррир билан бирга ишлади.

ЙИГИРМАНЧИ ЗИНА

1937 йил. Инқилобнинг йигирманчи иили. Лев Кассилнинг акаси — “Известия”да ишлайдиган Ося, “Кондукт ва Швамбрания”нинг муаллифи қамоқча олинди. Шу заҳотиёқ дўсти, масъул котиб Левни ўз хонасига чақириди:

— Лева, гувоҳноманг борми?

— Бор.

— Кўрсат.

Дўсти гувоҳномани олиб стол устига ташлади.

— Афсуски, сен ишдан бўшадинг.

Ёзувчи ҳар куни қамоқча олишларини кута бошлади. Ҳар эҳтимолга қарши нарсаларини ҳам тайёрлаб қўйди. У уйда ўтирас ва зинадаги товушларни санар эди. Кўча эшигидан унинг квартирасигача ўн тўқиз зинадан ўтиларди. Эшик очилгандан кейин, йигирманчи зина босилгунча жон ҳовучлаб кутар, сўнг “ҳайрият” деб енгил нафас оларди. Ҳаддан ташқари асабийлашиб оқибатида сочлари тўқила бошлади. Телефон ҳам сукутга кетган: танишлари ва дўстлари кўнғироқ қилишдан чўчишади. Бир куни кўнғироқ жиринглаб қолди:

— Лева, табриклийман сени. “Хурмат белгиси” ордени билан мукофотландинг.

Кассил дарғазаб бўлди:

— Ҳазилга бало борми?..

Аlam билан дастани ташлади.

Кўп ўтмай яна қўнғироқ жиринглади. Тағин табриклишди. Сўнг Ёзувчилар уюшмасидан қўнғироқ қилишди ва бир гуруҳ ёзувчиларга орден берилиши муносабати билан ўтказиладиган митингга таклиф қилишди.

Фадеевнинг айтишича, Сталин мукофотга тақдим этилган ёзувчилар рўйхатини кўздан кечира туриб сўраб қолибди:

— 1932 йилда Горькийнинг ўйидаги учрашувда лезгинча рақсга тушган ёш ёзувчи нега кўринмайди?

Фадеев жавоб беради:

— Лев Кассилми? Ёзаяпти.

— Нега у мукофотланганлар орасида йўқ.

— Унинг акаси қамалган, ўртоқ Сталин.

— Ўртоқ Фадеев, ёзувчиларни биздан ҳимоя қилишингиз учун Ёзувчилар уюшмасини тузганмиз. Бизда аксинчча бўляяпти, ёзувчиларни сиздан ҳимоя қилишга тўғри келаяпти.

СТАЛИННИ ҚЎРҚИТГАН ҚАРИЯ

Тожик санъати декадаси тамом бўлиши муносабати билан қабул маросими ўтказилди. Унда Сталин, Тожикистон ҳукуматининг аъзолари, адабиёт ва санъат арбоблари иштирок этдилар. Сталин ўрнидан туриб қадаҳ сўзи айтди:

ЖАҲОН АДАБИЁТИ

— Улуг тожик ҳалқи учун, унинг ажойиб санъати учун, Рудакий ва Фирдавсийнинг санъати ва...

Шу пайт столнинг охирида ўтирган паст бўйли, нимжон қария қичқириб юборди:

— Бираф! Эски адабиётшунослик капут!

Бир сония ҳамма даҳшатда қотиб қолди. Аммо Сталин ўзини ҳеч нарсани сезмагандек тутди ва қадаҳ сўзини яна қайта тақрорлади:

— Тожик ҳалқининг ажойиб санъати учун, Рудакий, Фирдавсий ва...

Қария столнинг нариги чеккасидан туриб яна қичқириди:

— Бираф! Эски адабиётшунослик капут!

Яна ҳамма даҳшатга тушди. Қария эса сакраб ўрнидан туриб, қатъият билан Сталинга қараб юрди. Доҳий қўрққанидан орқага тисарилди.

Шу онда фуқаро кийимидағи икки ёш йигит келиб қариянинг кўлидан тутди. Сталин ёнида ўтирган Тожикистон МК котибиFaфуровга мурожаат қилиб, бу беўхшов қичқириқ нимани англатади, бу ашаддий қария ким, деб сўради. Faфуров тушунтириди:

— Қария машҳур ёзувчи ва адабиётшунос Садриддин Айний бўлади. У “Қоийл! Эски адабиётшунослик тамом бўлди!” деб қичқириди. Айний кўп йиллардан бери Фирдавсий тожик шоири деб таъкидлаб, эски адабий қараш тарафдорлари билан баҳслашиб келади. Ҳозир у Фирдавсийнинг тожик адабиётига мансублиги ҳақида Stalin айтган фикрларни табриклияпти.

Сталин стол ёнидан чиқиб, дамини ичига ютиб ўтирган одамлар нигоҳи остида қариянинг олдига юриб келди. Унинг имоси билан қарияни қўйиб юборишиди. Stalin ундан сўради: “Сиз ким бўласиз?” Қария эгилиб таъзим қилди ва “Камтарин қулингиз Садриддин Айний” деб жавоб берди. Етарли маълумот олиб бўлган Stalin: “Айний — бу таҳаллус. Ҳақиқий исми-шарифингиз нима?” — деб сўради. “Садриддин Сайд Муродзода”, — деди Айний. Шунда Stalin унга қўл узатди: “Танишиб олайлик, Жугашвили”.

СОВЕТ ТЕАТРИНИНГ АЖОЙИБ ДЎСТИ

Станиславский асабий, ҳиссиётга тез бериладиган одам эди. Бир куни репитиция пайтида унга арқон керак бўлиб қолди. Театр омборидан арқон топилмади. Станиславский тутақиб кетди:

— Бундай бемаъни шароитда ишлаб бўладими?

Эҳтироси жўшиб у телефонга ташланди:

— Ўртоқ Stalin, ишлаш учун ҳеч қандай имконият йўқ, арқон керак, аммо уни театрдан топиб бўлмайди.

Stalin унинг гапларини сабр-тоқат билан хотиржам эшитиб бўлгач, сўради:

— Сизга қанча арқон керак?

Саволнинг кўндаланг қўйилганидан гангиб қолган Stanislavskiy жавоб берди:

— Уч метр.

— Яхши, ўртоқ Stanislavskiy, хотиржам ишлайверинг.

Икки соатдан кейин уч тонна арқон ўрами ортилган юқ машинаси театр олдига келиб тўхтади.

КИРШОННИНГ “НОН”И

30-йилларда Stalin ва Сиёсий бюронинг бошқа аъзолари театрга бориб, Владимир Киршоннинг “Нон” спектаклини кўришиди. Муаллиф ҳукумат аъзолари ложасига чақириб қолишармикин, деб кутди, аммо уни йўқлашмади. Эртаси куни Stalin Горькийнинг уйига борди. Kиршон ҳам шу ерда эди.

У кўпчилик олдида Сталиннинг ёнига келиб:

- “Нон” спектакли сизга маъкул бўлдими? — деб сўради.
- Бундай спектаклни эслай олмайман.

— Кеча сиз. “Нон” спектаклини кўрдингиз-ку. Мен муаллифман. Таассу-ротларингизни билишни хоҳлайман.

— Эслолмаяпман. 13 ёшимда Шиллернинг “Макр ва муҳаббат”ини кўрган эдим, у ёдимда турибди. “Нон” спектаклини эса эслай олмаяпман.

ДОҲИЙНИНГ АЖОЙИБ СЎЗЛАРИ

Ўрта Осиёга бағишланган мажлислардан бирида 30-йилларнинг ўқувчи пахтакори — кичкина Мамлакат Сталинни табриклаб сўзга чиқди. У кулимсира-ган ҳолда, қизчанинг қўлидан ушлаб баланд кўтарди. Шу лаҳзадаёқ Сталин ва қизчани гулдасталарга кўмиб ташладилар, фотосуратчилар чиқиллатиб суратга туширишди. Шулардан бири “Сталин совет болаларининг энг яхши дўсти” деган ёзув остида бутун мамлакат бўйлаб тарқалди. Бу тарихнинг ўзига хос яширин қирраси ҳам бор. Сталин қизчани кўтарганича лабидан табассум ари-маган ҳолда грузинчалаб Берияга: “Момашоре еч тилиани!” деди. Мамлакат нотаниш тилда айтилган бу сўзларни мамнуният билан эслаб қолди ва уни узоқ йилларгача хотирасида авайлаб сақлади. У улгайтандан кейин доҳий нима де-ганини суриштириб билди.

Сталин: “Йўқот бу битлиқини!” деган экан.

НОН, КОЛХОЗ ВА ПАСТЕРНАК

30-йилларнинг ўрталарида Сталин Фадеевдан шоир Пастернак нима иш қилаяпти, деб сўради.

— Шеърлар ёзаяпти, — очиқкўнгиллик билан жавоб берди Фадеев.

— Бу яхши, — деди Сталин ва бир оз жим тургач, қўшимча қилди: — Нима учун шоир Пастернак колхоз ҳақида достон ёзиши мумкин эмас? Фалла экиб, бизни боқаётган меҳнаткашларимизни улуғлашимиз керак.

— Маъкул гап, ўртоқ Сталин. Мен Пастернак билан гаплашаман, у меҳнат-кашлар ҳақида ёзади.

— Шароит яратиб беринг. Пастернакни колхозга ижодий командировкага юборинг. Шоир у ёқда ҳаётни ўргансин.

— Жуда соз, ўртоқ Сталин. Ҳаётни ўрганиш, айниқса колхоз билан танишиш Пастернак учун жуда фойдали бўлади.

Фадеев шу куниёқ Сталиннинг таклифини Пастернакка етказди. Пастернак хижолат бўлди, лекин назокат билан розилик билдириди. Шунга қарамай, у ижодий сафарга бормади ва колхоз ҳақида ҳеч нарса ёзмади.

Ўз топшириги ёдидаги турган Сталин кўп ўтмай Пастернак нима иш қилаяпти, деб суриштириди. Фадеев яна: шеърлар ёзаяпти, деб жавоб қайтарди. Сталин колхоз ҳақидаги шеърлар билан қизиқди.

— Ҳали ёзгани йўқ, — самимий тан олди Фадеев.

— Кўп афсус, — хафа бўлди Сталин, — шундай яхши ва муҳим мавзу...

— Ҳа, — маъкуллади Фадеев. — Мен унга эслатаман.

— Эслатинг ва колхозга ижодий сафарга юборинг, ҳаётни ўрганиб келсин. Пастернак ижодий сафарга йўлланма олди, аммо ҳеч қаерга бормади.

Сталин учинчи марта Фадеевдан шоир Пастернак нима қилаётганини сўра-ди ва у колхоз ҳақида достон ёзмаганини эшитгач, қаттиқ аччиқланди:

— Биз Пастернакдан меҳнаткашларимиз нонни қандай етиштиришаётганий ҳақида асар ёссин деб сўрадик, у эса буни хоҳламади. Майли, нон қандай етиш-

тирилишини билишни хоҳламаётган бўлса, келинглар, шоир Пастернакнинг нонини яримта қилиб қўямиз.

Шундан кейин Пастернакнинг асарларини чиқармай қўйишиди. У таржималар билан аранг тирикчилик ўтказди.

ҚУДРАТЛИ РАҚИБ

Шота Руставелининг юбилейини ўтказиш учун Фадеев Грузияга келди. Президиумда Берия пайдо бўлганда зал уни гулдурос қарсаклар билан олқишлиди. Берия атайлаб бир неча марта ташқарига чиқиб келди, ҳар гал у пайдо бўлганда гулдурос қарсаклар янграб турди. Москвага қайтгач, Фадеев бу ҳақда Сталинга гапириб берди: шоир Шота Руставелининг эмас, шарқ князи Лаврентий Бериянинг тўйи нишонланди, деди у. Сталин Берияни чақириб сўради: “Айт-чи, Берия, Грузияда совет халқининг доҳийлари кўпайиб кетмаяптими?”

Шу кундан бошлаб Фадеев қудратли рақиб орттириди.

Берия Сиёсий бюро аъзоси ва Ички ишлар халқ комиссари бўлгандан кейин Фадеевни қамоққа олишга бир неча марта уриниб кўрди. Сталин бунга йўл қўймади. Берия уч марта Фадеевга қарши суиқасд уюштириди. Шулардан бири Переделкинода юз берган эди: юк машинаси Фадеевнинг машинасини уриб зовурга ағдарди. Аммо Фадеев тирик қолди.

ГИЛАМ ВА ИЛҲОМ

30-йилларда Алексей Толстой Бутуниттифоқ Қишлоқ хўжалик кўргазмасига келди. У Ўзбекистон павильонидаги мўъжизакор гилам олдида узоқ туриб қолди. Бир неча моҳир уста уни ўн йил давомида қўлда тўқиган эди. У гиламчилик санъатининг ноёб намунасига айланганди. Ёзувчи павильон директорига учрашиб, ана шу гиламни сотиб олмоқчи эканини айтди. Директор машҳур ёзувчига юксак ҳурматини изҳор этган ҳолда, афсус билан бунинг иложи йўқлигини, гилам халқ мулки эканини, у музей дурдонаси саналишини таъкидлadi.

Гиламга қаттиқ ишқи тушиб қолган Толстой уйига қайтгач, Сталинга қўнғироқ қилишга жазм этди, “Нон” романи қандай ёзилаётгани, Сталин образи устида қандай ишлаётганини сўзлаб берди. Шундан кейин Толстой иши қўнгилдагидек кетмаётганидан шикоят қилиб, ўзи ёқтирган гиламга қараб ижод қилиш имкониятидан маҳрум этилгани ҳақида сўзлади. Афсуски, бу гиламни сотиш мумкин эмас экан, деб қўшиб қўйди.

— Зарари йўқ, — жавоб берди Сталин, — биз сизнинг ижодий ишларингизга ёрдам берамиз, сиз жуда муҳим ва оғир мавзуларга қўл урмоқдасиз. “Нон” асарингиз бизга ризқи-рўзимиз бўлган нондек зарур. Сиз безовта бўлманг. Ишлайверинг.

Кечга яқин Толстойнинг квартирасига икки юк машинасида ана шу эртаклардагидек гўзал гиламни келтиришиди. Бундай сталинча ғамхўрлик ёзувчини ниҳоятда илҳомлантириб юборди, тез орада у “Нон” романини эълон қилди. Асарда Сталин Россия ва инқилобни оқгвардиячилардан, очлик ва бошқа балолардан қутқарган буюк инсон сифатида мадҳ этилганди.

ШАҲАР ҚУРУВЧИЛАР

Каганович меъмор Боровскийни чақириб, Василий Блаженний ибодатхонасини бузиб ташлашни буюрди: у майдонга кириш йўлини тўсиб, техниканинг ўришига халақит берарди. Меъмор рози бўлмади: майдон узун кўчага айланиб қолади, буюк меъморий обидадан айриламиз. Агар шундай қилинса, мен ўзим-

ни ўлдираман, деб қўшиб қўйди у. Боровский қамоққа олинди. Хотини ҳар гал учрашувга келганда, у: “Турибдими?” деб сўрар эди. Тасдиқ жавобини олгач, шукроналик билдиради:

— Ҳали яшасам бўлади.

Бошқа итоаткор меъмор Сиёсий бюорода Қизил майдонни қайта қуриш репаси ҳақида доклад қилди. Кўргазма сифатида у макетдан фойдаланди.

— Сохта рус услубида қурилган ГУМни олиб ташлаймиз, ўрнига намойиш ва сайлларда тамошабин — меҳмонлар ўтирадиган минбарлар ўрнатамиз (у макетдан ГУМни олиб, ўрнига минбарни қўйди). Сохта рус готикаси услубида қурилган Тарих музейини олиб ташлаймиз ва бу ерга гумбазли дарвоза ўрната-миз (макетда дарвоза пайдо бўлди). Василий Блаженний ибодатхонасини олиб ташлаймиз-да... (меъмор қўли билан ибодатхона гумбазини ушлаб, юқори кўтарди).

— Ибодатхонани жойига қўй, — деди Сталин.

Меъмор қўрқа-писа ибодатхона макетини жойига қўйди. Шундай қилиб, майдон бузилмасдан сақланиб қолди.

КИЧИК ШУМЛИКЛАР

30-йилларда Сталин ўз ҳузурига тўрт йирик кинематографистни чақириб, янада самарали ишлашлари учун уларга нима кераклигини билмоқчи бўлди: “Тортинмасдан бемалол сўрайверинглар. Ёрдам беришга ҳаракат қиласмиз”, — деди.

Ромм кичкина хонада қийналиб яшайман, хотиним касал, квартира керак, деб кўнглини очди.

“Яхши. Сизга квартира берамиз”, — деди Сталин.

Пудовкин фақат шаҳардан ташқаридагина ишлай олишини айтди, демак чорбоғ керак.

“Яхши. Сизга чорбоғ берамиз”, — ваъда қилди Сталин.

Пирьев чорбоғим бор, аммо у ёққа бориш қийин. Йўлда чарчаб қолиб, яхши ишлай олмаяпман, деб машина сўради.

“Яхши. Машина берамиз”, — жавоб берди Сталин.

Александров дудуқланиб қолди: унинг сўрайдиган нарсаси жуда катта, ҳатто айтишга тили бормай турибди.

“Гапираверинг, тортинманг”, — далда берди Сталин.

“Мен, ўртоқ Сталин, сизнинг “Ленинизм масалалари” китобингизни даст-хатингиз билан олишни хоҳлайман. У мени илҳомлантиради”.

“Яхши, Сизга дастхат билан китоб берамиз”, — деди Сталин.

Александров квартира, чорбоғ, машинани дастхат ёзилган китобга илова сифатида олди.

ПАРАПСИХОЛОГИЯ ДОҲИЙ ХИЗМАТИДА

Вольф Мессингнинг болалик йиллари асримиз бошига тўғри келади. У хилват бир чеккада яшайдиган оддий яхудий боласи бўлиб, бирон фазилати билан тенгдошларидан ажралиб турмас эди. Бир куни хунрезлик пайтида кўз ўнгига ота-онасини ўлдириши. Бола мебель орқасидаги қандайдир туй-нукчага яшириниб, жон сақлаб қолди. Хунрезлик давом этарди. Раҳмидид бир рус оиласи болага кечаси жой берди. Аммо эрталаб, Вольфни сезиб қолишиса, оқибати ёмон бўлишидан чўчиб, унга станцияга қочиш ва у ерда биринчи дуч келган поездга ўтириб, узоққа кетишни маслаҳат бериши. Бола шундай қилди. У юк қўйишга мўлжалланган учинчи қаторга чиқиб, худди синчқондек жим ўтири. Бир неча соатдан кейин вагонга кузатувчи ҳамроҳлигига назоратчи кирди. Купедаги пассажирларнинг патталарини текшириб

чиқсан назоратчи касбига хос ҳушёрлик билан юқори қаватларни кўздан кечирди ва қўрқиб кетган Вольфдан паттасини талаб қилди. Бир кеча-кундуз ичидаги кўплаб даҳшатли воқеаларни бошидан кечирган ўсмир назоратчи сиймосида ҳам катта хавф-хатарни кўриб турар ва ич-ичидан тамом бўлган эди. Шунга қарамай, у ўзини йўқотиб қўймади ва полда ётган газета парчасини кўлига олиб икки буқлади-да, хотиржам қиёфада назоратчига узатди. У қоғоз парчасини синчилаб кўздан кечиргач, қисқичи билан тешиб, болага қайтариб берди. Миясида атрофидагиларга таъсир кўрсата оловучи қандайдир курдатли яширин куч уйғонганини Вольф фаҳмлаб қолди. Шу пайтдан бошлаб унда гипноз қилиш ва кўз ўнгидан узоқда бўлаётган ҳодисаларни кўриш қобилияти пайдо бўлди. Бу фазилат Вольфда умрининг охиригача сақланиб қолди.

Вольф Мессингдаги парапсихологик имкониятлардан Сталин хабар топди ва бу тенги йўқ ажойиб инсонни ҳузурига таклиф этди. Рухсатнома тайёрлаб қўйилиши ҳақида Мессингни огоҳлантиришиди. “Агар ўртоқ Сталин таклиф қилган бўлса, менга рухсатнома керак эмас”, — жавоб берди Мессинг. У ҳақиқатан ҳам кучайтирилган қоровуллар орасидан рухсатномасиз ўтиб кетди.

Уруш пайтида Сталин бир неча марта Мессинг билан учрашди ва Гитлер нима ишлар қилаётгани, нималарни ўйлаётганини билиб беришни сўради. Мессинг Гитлернинг ниятлари, режалари ва хатти-ҳаракатлари ҳақида Сталинга муттасил маълумотлар бериб турди. Ривоятларга қараганда, Гитлернинг ҳам ўз немис парапсихологи бўлиб, у орқали Сталиннинг мўлжаллари ва ҳаракатларини билиб турган: немис парапсихолог ва Вольф Мессинг бирбиридаги ноёб фазилатни ишдан чиқариш учун тинимсиз зимдан кураш олиб борган.

Албатта, уруш парапсихологлар тўқнашувидан иборат эмас. Аммо душманнинг режаларини билиш орқали Мессинг Сталинга ҳақиқатан ҳам ёрдам бера олганми? Унда жанггоҳнинг бирон-бир ҳудудида нималар юз бераётганини аниқ айтиб бериш иқтидори чиндан бормиди? Бундай илоҳий иқтидор ҳақида бошқалар келтирган далилларга таяниб бирон нарса дейиш қийин. Парапсихологияга оид эстрада томошлари асосида ҳам Мессинг ҳақида ҳукм чиқариб бўлмайди. Шунга қарамасдан, унинг имкониятлари ўта кенг бўлганини исботловчи бир воқеага ишонмаслик мумкин эмас. Менинг қадрдоним, филология профессори Марк Яковлевич Поляков — шубҳаланувчан, парапсихологияга ҳам, мистикага ҳам ишонмайдиган одам — 50-йилларнинг охирида Кўктебелда дам олган эди. Дам оловчилар Волошин уйидаги айвонга тўпланишарди. Вольф Мессинг давранинг гули эди. Аёллар ҳаяжонланиб, эркаклар эса вазминлик билан уни кузатишарди. Поляков бир чеккада бефарқ қараб ўтиради. Бирдан Мессинг унга ўғирилиб:

— Истеҳзо қилишни йиғиширинг! — деб хитоб қилди.

Ҳамма ҳайрон қолди. Сабаби, Поляковнинг ташқи қиёфасида ҳеч қандай истеҳзо аломати сезилмасди.

Бир неча дақиқадан кейин Мессинг яна қаттиқ огоҳлантириди:

— Сиз мазах қилишда давом этаяпсиз — ҳозир сизга буни исботлайман! Москвага телефон буюртмаси беринг (у пайтларда ҳали автомат алоқа йўқ эди). Сизни уйингиз билан улашгунча, мен у ерда нима қилишаётганини айтиб бераман.

Даврадошлар телефонга буюртма беринг, деб қисталанг қилишиди, Мессинг эса башорат қила бошлади.

— Уй хизматчингиз котлет пишираяпти. Ўғлингиз диванда ётиб, инглиз тилидаги романнинг 230-бетини ўқияпти. Диван устида эски соат осилган. У бузилиб қолган.

Поляков эътиroz билдириди:

— Ҳаммаси нотўғри, бугун якшанба, уй хизматчиси, одатдагидек, черковда бўлади. Соат юз йиллик, ҳали бирон марта тўхтаган эмас. Энг муҳими, ўғлим шу кунларда Кавказда.

Шу пайт Москвани улаб беришди. Телефонга уй хизматчиси келди. Ҳақиқатан ҳам Поляковнинг ўғли оёғини синдириб, Кавказдан қайтиб келибди, ҳозир диванда ётиб, инглизча романни ўқиётган экан. Соат бузилган.

Даврадагилар кулиб юбориши. Мессинг камтарлик билан олқишиларни рад этди.

ЭРКИНЛИК ИСТАГИ

Урушдан кейин Сталин Грузияга боради. У кўп йиллардан бери бу томонларга келмай қўйган эди. Цхалтубода бодини даволайди, Боржомида дам олади ва 1949 йилда Гагра яқинидаги Рица кўлида бўлади. Соат 15 дан 17 гача у одатда ҳулар эди. Бутун атроф аскарлар ва маҳсус қисмлар томонидан қўриклинарди. Иттифоқо, бир куни доҳий белгиланган вақтда хонасидан чиқмайди. Соат 18 да ҳам у кўринмади. Хавотирга тушадилар. Секин қарашса, у жойида йўқ, қаёққадир фойиб бўлган. Қидирув бошланади. Худди шу пайтда у қирғоқ бўйлаб ёлғиз сайр этиб юради. Кейин скамейкага ўтириб дам олади. Китель кийган, фуражкадаги доҳийни ҳеч ким танимайди. Атрофда болалар ўйнаб юришарди. Қочоқ дўкон олдига келади, ёнида пул йўқ. Шунда у Сталин эканини айтиб, болаларга улашиш учун қарзга конфет сўрайди. Сотувчи қотиб қолади, сўнг конфет олиб чиқиб, “Сталин! Сталин!” деб қичқирганича болаларга соча бошлайди. Одамлар йиғилиб, Сталинни ўраб олишади. Соқчилар югуриб етиб келишади. Доҳий икки томонлама ҳалқа: соқчилар ва муҳлислар куршовида қолади.

Афсона шу ерда тамом бўлади. Эҳтимол, бу доҳийнинг кўнглини овлаш учун атайлаб уюштирилган воқеадир, эҳтимол, бу буюк маҳбус озодликни кўмсаб, давлат ишларини, қонли мажароларни бир чеккага йигиштириб қўйиб, соқчилардан қочиб, болаларга эркин конфет улашиб юришни, инсонларча ҳаёт кеширишни истаб қолгандир?



Шайх Кубро тушлари

Хуршид Даврон.

Шаҳидлар шоҳи. Тошкент, Қатортол-Камолот, 1998

“Қатортол-Камолот” ишлаб чиқариш нашриёт корхонаси, шоир Хуршид Давроннинг “Шаҳидлар шоҳи” номли тарихий-маърифий қиссасини чоп этди. Қисса Жалолиддин Мангуберди яшаган долғали даврдаги маънавият арбоби, халқимизнинг севимли фарзанди Нажмиддин Кубро ҳақидадир. Китоб бизни Жалолиддин Мангуберди даври маънавий дунёси билан таниширади, қаҳрамонлик ва инсонпарварликда ундан қолишмайдиган Нажмиддин Кубронинг илмий-маърифий фаолияти ҳақида ҳикоя қиласи.

Ёшларимиз Хуршид Давроннинг “Самарқанд хаёли”, “Соҳибқирон нағириаси” номли тарихий бадиаларини севиб ўқишиди. 1991 йилда унинг “Самарқанд хаёли” номли тарихий бадиалар тўплами нашр этилди. Ундан тарих шайдоси бўлган шоирнинг “Аждодлар ёди”, “Ватан чегараси”, “Тарих — боболар боғи”, “Муқаддас китобни варақла”, “Мустакиллик нима”, “Маърифат шижоатдир”, “Ҳақиқат чирогини ёқайлик” каби бадиалари, “Массагетлар маликаси ва форслар подшоҳи”, “Бибихоним қиссаси ёки тугамаган достон”, “Самарқанд хаёли” каби тарихий қиссалари ўрин олганди.

1991 ийли Хуршид Даврон тўрт тарихий манбани (Абу Тоҳирхожанинг “Самария”, Муҳаммад Наршахийнинг “Бухоро тарихи”, Баёнийнинг “Шажарайи Хоразмшоҳий”, Ибрат Тўракўргонийнинг “Фарғона тарихи”) ўз ичи-

га олган “Мерос” номли тўпламга муҳаррирлик қилди. У тарих ихлосмандарининг севимли китобига айланди.

1994 йилда шоирнинг Мирзо Улуғбек ҳақидаги қиссаси нашр этилди...

Нажмиддин Кубро ҳақида бир қанча илмий мақолалар эълон қилинган. Хуршид Давроннинг “Шаҳидлар шоҳи” тарихий-маърифий қиссаси тарихий маълумотга бойлиги, Кубравия тартиқатининг вужудга келиши ва унинг комил инсонни вояга етказишдаги ўрни меҳр билан баён этилган. Китоб орқали биз Нажмиддин Кубронинг ҳаёти ва фаолияти ҳақида тўлароқ маълумотга эга бўламиз.

Тарихий асарларда Хоразмшоҳийлар давлати ҳақида гап кетганда кўпроқ ижтимоий-сиёсий воқеаларга ўрин берилади. Хуршид Даврон эса ўз китобида маънавият ва маърифатнинг ижтимоий ҳаётда тутган ўрнини ёритишга дикқатини қаратган. Китоб икки қисмдан иборат. Биринчи қисмда Хоразмшоҳлар давлатининг Такаш ва Аловуддин Муҳаммад даврида кенгайиши, бу давлатнинг исмоилийлар, турийлар, салжуқийлар, қорахитойлар билан муносабатлари, жанг жадаллари ҳақида ҳикоя қилинади. Шу ўринда маънавий ҳаётдаги ўзгаришлар ҳам муаллиф назаридан четда қолмаган. Яъни, катта-катта худудларни ўз давлатига қўшиб олган Хоразмшоҳ Аловуддин Муҳаммад қуюшқондан чиқадиган ишларга қўл ура бошлади: 1206

йилда Бухорода Малик Санжар бошчилигидаги қўзғолонни бостириди.

Ваҳоланки, аҳоли садрлар зулмiga, қалмиқ амалдорларнинг адолатсизликларига қарши бош кўтарган эди. 1212 йили Самарқанд аҳолиси Хоразмшоҳ зулмига қарши қорахитойлардан мадад сўраганда, Муҳаммад Хоразмшоҳ улардан қонли ўч олди. Шаҳар аҳолиси уч кечакундуз давомида таланди, ғорат қилинди. У Эрон ва Афғонистонни эгаллаб бўлгач, Боғдод халифасидан ўзига тобе бўлишни талаб қилди.

Шундан сўнг Аловуддин Муҳаммад давлатидаги афкор омма ғазабини қўзғаган яна бир жиноят содир бўлди. Мирзо Улуғбек ёзди: “Султон Муҳаммад Хоразмшоҳ томонидан содир этилган носавоб ҳаракатлардан бири шу бўлдики, туҳмат воситасида Ҳазрати шайхи валитарош шайх Нажмиддин Кубро, қаддаса сирраҳумо, муриди Шайх Маждиддин Бағдодийга Султон Муҳаммад Хоразмшоҳнинг онаси, Туркон хотун билан бир кечаси Султон мастилигида қасд қилдилар. Султон масти ҳолатида ул дин бузургининг қатлига рұхсат берди. Эрта тонгда ҳүшёр тортгач, қилмишидан пушаймон бўлди. Жавоҳир тўла бир табақ ва олтин тўла таштни ҳазрати Шайх Нажмиддин Кубро, қаддаса сарруҳу, хонақоҳи дарвешлари жамоаси ҳузурига жўнатиб, “Буни дарвешлар судра қилсунлар. Беихтиёр юз берган бу гуноҳ учун афв этсунлар”, деди.

Шайх дедилар: “Унинг хун баҳоси зару жавоҳир бўлаолмайди, балки унинг калласидур!” Яъни Султон ва бир неча минг шоҳ амалдорлари...”¹

Аловуддин Муҳаммад ўзининг халқ манфаатларига зид хатти-ҳаракатлари билан мамлакатдаги ижтимоий ва сиёсий аҳволни оғирлаштириди. Айниқса, Нажмиддин Кубро бошлиқ маънавият ва маърифат аҳлиниң Султондан юз ўтиришига сабаб бўлди.

Хуршид Даврон мазкур вазиятни бадиий воситалар билан баён этар экан, Шайх Нажмиддин Кубронинг “Фақирик ҳақида рисола”сидан қуйидаги иқтибосини келтиради: “Бу йўлга кирган мурид... бутун вужуди ва қалби билан Оллоҳнинг ҳузурига юзланиши,

зоҳирдаги ботиндаги ҳамма истакларидан воз кечиши, хомуш, сокин, илтижо қилувчи, йиғловчи, ожиз, ҳаёли, фақир, холис, шариатни маҳкам тутувчи, Оллоҳ таолонинг ҳукмларини билувчи, Пайғамбар алайҳиссаломнинг суннатларига эргашувчи бўлмоғи керак”.

Шайх Нажмиддин Кубро бу сифатларга эришиш, талабларни тўла-тўқис адо қилиш ва синовлардан ўтишда тариқатда муршиднинг раҳбарлик масъулияти ва заруратини алоҳида таъкидлайди. Пирга эргашган киши йўлини йўқотиб, ҳалокатга учрамайди. Шайхнинг мазкур гаплари айни қонуний, ҳақиқат эканлигини Хуршид Даврон тарихий маълумотлар ёрдамида чукур исбот этади.

Рисоладаги тафсилотлардан шу нарса англашиладики, Аловуддин Муҳаммад Хоразмшоҳ ва унинг сарой аҳли Кубравия тариқатидан йироқ эдилар. Шайх Нажмиддин Кубро хонақоҳда яшашга мажбур бўлган. Шайхнинг халқ орасидаги эътиборидан воқиф бўлган Чингизхон Гурганж аҳолисини қирғин қилишдан олдин ул муборак зот ҳузурига ўз элчисини — Имом Мужтаҳиддини жўнатади. У хонақоҳдаги “наматли тақя кийган, қовжироқ” чол — Шайхнинг ҳужрасига киради. Имом:

— Мен Сизни қутқаргани келдим, ҳазратим! — деган сўзларига Шайхнинг одамни ларзага соладиган қўйидаги жавобини эшигади:

— Йўқ, йўқ, имомзода, ундей демагил, сен ўзингни қутқаргали келдинг. Сен мени қутқаролмайсан, қутқаргувчи Эғамдир... Сен ўлимдан қўрқиб, куффор илкида шаҳид бўлаётган қавмнинг азобларидан кўз юммоқчисан. Аммо, шуну англали-ким, қўрқув иймонсиз бандаларнинг қисматидур. Бу дунёда ёлғиз Оллоҳдангина қўрқишиш кераклигини билмаган куффордан фарқинг борму?.. Ёдингда бўлсин: Алқасосул миналҳақ! Ҳеч бир иймонсизлик интиқомсиз қолмайдур. Бандасининг қўлидан келмаса, рўзи маҳшар бордур... Эвоҳ... Эвоҳким, сенинг бу азобларинга чидаб бўлмаяпти, имомзода...

Имом Мужтаҳиддиннинг шаҳарни ташлаб чиқинг, деган илтижоларига жавобан Шайх Кубро дейди:

¹ Мирзо Улуғбек. Тўрт улус тарихи. Тошкент, “Чўлпон” нашриёти, 1994, 128-бет.

— Мен ўз юртимни, ўз халқимни кулфатда ташлаб кетмайман. Мен умр бўйи аҳли куфру залолат бўлмиш зо-лимлар даргоҳидан, уларнинг нопок мажлисларидан қочдим. Мен умр мо-ҳиятини саъий ҳаракатда кўрдим, дунё қуллигидан озод бўлмоққа интилдим. Билдимки, энг ноёб неъмат қаҳрамон-лик, Оллоҳ йўлида қилинган фидойи жасорат экан. Ўз қавми, ўз қулбаси, ўз фарзандини куффорлардан ҳимоя қилиши эса улуғ саодаттур”.

Қиссадаги мазкур тўқнашув манза-ралари акс этган саҳифалар ҳаяжон билан ўқилади. Муаллиф шайх Наж-миддин Кубронинг ватансеварлик фа-зилатларини ёрқин бўёқларда маҳорат билан тасвирлай олган.

Чингизхон 1219 йилнинг кузида ўтрорни қамал қилиб, Самарқанд ва Бухорони босиб олгандан кейин, Ало-вуддин Муҳаммад Гурганжни ташлаб қочди. Унинг ишончли амирларидан икки-уч нафари ўз қўшинлари билан Чингизхон хизматига ўтганда бутун мамлакат, айниқса, ҳимоясиз аҳоли зулмат қўйнида қолгандек бўлди. Фа-қат Нажмиддин Кубро хонақосидан бир илоҳий нур тарааларди. Қалбида Ватан меҳри, эл меҳри бўлғанларги-на шу хонақоҳ остонасидан нари кет-мас, мудофаа чораларини кўрар эдилар. Бу муқаддас туйғудан жонини ортиқ билганлар юртни тарк этмоқ-да эдилар.

Кетаётганлар “Сўнгги марта орқа-сига қаради. Сўнгги марта Шайх Кубро хонақоҳи эшигига куюниб, тун қўксига сачраётган нурни — зулмат қўйнидаги олис юлдузни кўрмоқчи бўлди. Ё, Раббано, у шунча олисда ту-риб, ўша нурни, ўша юлдузни кўрди. Ўша нур, ўша юлдуз олис-олисларда жимиirlab турарди. У худди уни қий-наган оғриқ каби жимиirlab турарди. Оғриқ каби жимиirlарди бир юлдуз...”

Гурганж қамали етти ойга чўзилди.

Муаллиф Шайх Кубронинг алами ниносини қофозга шундай забт этади:

“Шаҳарни қамал қилганларнинг ىцаҳар деворлари, томлар устида уй-кусиз қўзларини қаршидаги саноқсиз гулханларга тикиб ўтирган йигитлару чоллардан, дарвозахоналарда тор чер-тиб, сармаст қўшиқ айтиётган ўспи-ринлардан, очликдан шишиб кетган набираларига эртак айтиб ўтирган

момойлардан, қўзларини мўлтиратиб сутсиз кўкракларни беҳуда эмаётган чақалоқлардан, унинг даргоҳида давра қуриб ўтирган бу ёш-ялангдан нима истайдилар, уларга қандай қасдлари бор?..”

Хоинлик содир бўлиб, шаҳар дар-возаси душманга очиб берилгач, Шайх Кубро ўз шогирдлари ва муридларини жангга бошлади:

— Ўлим йўли муборак йўлдур. Ва-тан учун ўлим топмоқ эса муқаддас одатдур. Худойим элчиси ўз ҳадис-ларида: “Ватан сарҳадини бир кун ҳимоя қилмоқ олтмиш йиллик нафл ибодатидан ортиқроқдур” демишлар. Илло, ўлимимиз бошқаларга ибрат бўлсин!

Шайх қўлида найза, бир мўгул ас-каридан тортиб олган қилич билан икки-уч нафар душманни ер тишлатди. “Сўнг уч қадамча нарида қўзлари даҳшатдан чақнаб ёнаётган, қўлида алвон байроқни ушлаб олган мўгул навкарига тушди. У хавф-хатарни пи-санд қилмай, байроқни баландроқ кўтаришга уринар, бу билан сафдошларини яна шиддат билан олға босишига ундумоқчи бўларди. Шайхнинг қўзида унга хос бўлмаган нафрат ва адоват учқунлари чақнади. У бирдан олдинга ташландию, қиличини мўгул кўкрагига санчди. Тугбардор қулаб тушар-туш-мас, кокилига чанг солди. Аммо, туг-бардорнинг ўлимини кўрган орқадаги мўгуллар Шайхни камондан ўққа тут-дилар. Навкарларнинг бири шайх қўксини тешиб ўтди. Шайх: “Оҳ!” — деди-ю, ерга кулади. У тугбардор ко-килини қўйиб юбормасдан чап қўли билан қўксидаги новакни суғуриб олди, сўнг бутун кучини йигиб душман бай-роғига чанг солди...

Мўгулларнинг бири жон бераётган шайхнинг қўлидан байроқни тортиб олишга уринди, аммо кучи етмади. Байроққа иккинчи мўгул ёпишли. Аммо, Шайх Кубронинг бармоқлари душман байроғини шундай куч билан қисиб турарди, душманлар бу куч олдиди ожиз қолдилар...”

Мирзо Улуғбек Шайх ҳазратлари ҳақида шундай марҳамат қиласидилар: “Муршиди аъзам Шайх Нажмиддин Кубро худо амри билан Хоразм учун бошини тикди. Бошини топширишда қотил яловига ёпишди. Дини Ҳақ

иқлимининг шоҳи ул пийр сарпанжасидан ўн забардаст йигит яловни тортиб чиқариб ололмадилар. Сайдилар шайхи сарпанжасида коғир яловини кўриб ҳайратда қолган оқиллар бу ҳолни шарҳладилар: Ялов учини Шайх тутиб, тарих айтдики, вафотим санаси “Шоҳи шуҳадо” (“Шаҳидлар шоҳи”)-дир”.

Ҳа, уруш қоидасида ҳар икки томон баҳодирларидан бири енгилса, ёки бирор мухолиф томон байроби сарнигун этилса, яъни ерга ётқизилса, шу томон енгилган ҳисобланади. Лекин, саҳройи мӯгуллар урушида боболар удумига риоя қилинармиди?..

Аловуддин Муҳаммад Хоразмшоҳ шармандаларча қочган бир пайтда

Шайх Кубро тарихимизда ўзининг пири муршидлигини, ҳақиқий ватанпарварлар шоҳи эканлигини исбот этди. Чингизхоннинг яловини йиқитди!

Буюк давлат арбоби, Ватан учун жон фидо қилган Жалолиддин Мангубердининг 800 йиллик юбилейи нишонланадиган ушбу 1999 йилда Хуршид Даврон пири муршид, халқ қаҳрамони Нажмиддин Кубро ҳақидағи тарихий бадиаси билан мазкур улур тўйга муносиб тұхфа тайёрлади. Олис тарихимизни, буюк фидойи сиймоларимизни ҳамиша ардоқлаб келган халқимиз “Шаҳидлар шоҳи” қиссасини қўлдан қўймасдан эъзозлаб ўқишига шубҳа йўқ.

*Наим НОРҚУЛОВ,
тарих фанлари номзоди.*



ХИКМАТЛАР

Ақл жасурликдан баланд туради.

Нодонлик — барча ёмонликлар онасидир.

Сабрли бўлмагунча — доно бўлолмайсан.

Энг яхши фикрлар — умум мулкидир.

Донолик аччиқ илдизнинг ширин мевасидир.

Оқилга бир ишора кифоя.

Ҳасадгўйга байрам йўқ!

Бойлик дўст эмас, дўст бойликдир.

Хидео ЯМАДЗАКИ

Виждон

Хикоя

Ү

н тўққизинчি декабр, чоршанба, Кобе¹, Санномия тумани.
Коити Такаги қаторасига ишратхоналарни кўздан кечирди-да, қоронги йўлак-ка бурилди.

Бугун унинг кайфияти жуда чоф эди ва шунга яраша жой қидирарди. Бир яйраб ичгиси келганди.

Унга ёқадиган майхоналарнинг борлиги турган гап, лекин баъзан одамнинг кўнгли бошқа, нотаниш жойни тусаб қоларкан.

— Хуш келибсиз, марҳамат қилинг! — дея уни илиқ муомала ва табассум билан қарши олишди.

Бундай дамларни у хуш кўрарди: гўёки янги бир дунёга кириб қоларди-да. Худди қимор ўйинидагидек, ҳозир қартани тортиб оласану туз ёки олтилик чиқади...

У бош иргаб, хизматчилар билан саломлашиди-да, пештахта ёнидаги жойга ўтирди. Ўша заҳоти бир қиз югуриб келди-ю, пальтосини олиб кетди. Кўринишидан талабага ўхшайди. Официантлик қилиб пул топаётган бўлса керак.

Ўз турқи-тароватининг у қадар жозибали эмаслигини яхши билган Такаги аёл зотининг бирортаси яқинлашдими, тамом, дарров қовоғини солиб оларди. Аслида-ку, аёлларга нисбатан кўнглида сира кири йўқ эди. “Лъяннати итфеъл!” — ўзи ҳақида у шундай ўйларди.

Майхоначи иш йўқлигидан пештахта ортида мудраб ўтиради. Залда эса учта қиз хизмат қиларди. Хўрандалар ҳам бор-йўғи учтагина. Шунинг учун Такаги бу ерда вақтини хушчақчақ ўtkазишга умид қилмаса ҳам бўларди.

У чўнтағидан сигарет олиб чекди. Бир вақтнинг ўзида ичиш ва чекиш зарарли дейишади. Лекин у одатланиб қолганди. Алкогол билан никотин аралашмаси унга қаттиқ таъсир қиласади.

Соат ўн иккиларга яқин Такаги иккинчи бор виски буюрганида майхоначи унга сўз қотди:

— Бу ерга биринчи бор келишингизми?

— Ҳа. Жойларингиз хўп осуда экан...

Шу пайт эшик очилиб, залга янги мижоз кирди.

— Оқшомингиз қутлуг бўлсин! Бирам совуққотдимки, — дея у қўлларини бир-бирига ишқади-да, пештахта ёнидаги баланд ўриндиқча ўтирди.

“Майхона хувиллаб ётибди-ю, жой қуригандек менинг ёнимга ўтиришиничи”, — энсаси қотди Такагининг. Кейин ўша нусхага кўз қирини ташлади. Анча ёш экан.

¹ Кобе — Япониядаги йирик шаҳарлардан бири. Хидео Ямадзаки ана шу шаҳарда, 1957 йилда туғилган.

Майхоначига иситилган виски буюраётіб: — Сиз бу ерга энди келишингизми? — деди у.

“Хойнаңыз бу ерга учраган одам билан валақлашгани келган бўлса керак, лекин менга қолганда тушини сувга айтсин”, ўйлади Такаги.

Кўшниси ҳам анойилардан эмас экан:

— Жуда соз! Мен ҳам биринчи бор келишим. Бу ер жуда тинч экан, тўғрими?

Такаги фижинди. Бу шилқим қўшнидан тезроқ қутулишнинг йўлини қилиш керак. Жинни бўлса-я!

Кўшниси эса қўлидаги виски тўла стаканни сиқимлаб, ҳар замонда худди ширин шароб ичаётгандек ҳўплаб-ҳўплаб қўярди.

Кейин оғир ҳўрсинди-да, қайта ўзига келгандек бўлди.

— Яхши қиздиради-да, — минғирлади. Сўнг Такагига мурожаат қилди:

— Менга қаранг...

“Аҳмоқона ҳазилини бошляяпти, шекилли”, — ўйлади Такаги.

Майхоначи уларга қараб қўиди.

Такаги кўшнисига ўғирилди: “Қўрқаяпти деб ўйламасин тағин”.

— Сизга нима керак ўзи?

Ҳалиги йигит оғзига ерёнгоқдан ташларкан, хитоб қилди:

— Сиз, тақсир, қотиллик қилдингиз, шундай эмасми?

Атрофдагиларнинг нафаси ичига тушиб кетди.

Қизғин суҳбат қилаётган учта хўранданинг овози ҳам ўчди-қолди.

Ҳатто, жаранглаб турган мусиқа ҳам пасайгандек бўлди.

Такагининг стаканидаги муз парчалари шарақлаб кетди.

— Бу нимаси — ҳозир шунақа ҳазиллашадиган бўлишганми? — деди у юмшоқ оҳангда.

Такагининг жанжалга тоби йўқлигини сезган майхона соҳибаси — “мамасан” енгил нафас олди-да, кўпчиликнинг оромини бузётган йигитга яқинлашди. Майхона яна аввалгидек сал жонланди. — Меҳмонлардан тортиб мезбонларгача — ҳамма-ҳамма ҳам тинчланиб, яна ўз иши билан машғул бўлди. Майхоначи радио қулоғини буради. Жаз йўсинидаги мусиқа янгради. Оҳанг таниш, лекин Такаги унинг номини ҳеч эслай олмади.

— Аҳмоқона гапларнинг нима кераги бор, яхши йигит, — деди майхона соҳибаси. — Бутунлай нотаниш одамга ҳам шунақа ҳазил қиласидими?..

Ўз навбатида Такаги ҳам соҳибанинг ташвишини аритиш учун жилмайишга уринди. Лекин табассуми унинг ўзига қўпол туюлди. Шунда ҳам, самараси яхши бўлди шекилли, майхоначи унга яна бир қадаҳ виски қўиди.

— Парво қилманг, — деди Такаги. — Унинг гапларига мен эътибор ҳам қилганим йўқ.

Коити Такаги майхонага тўплангандарнинг кайфиятини бузгиси келмади. Чунки соҳиба уни баобрў мижозга ўйяётганга ўхшарди. Боягина таранглашган асаби энди юмшаган ҳам эдики, ҳалиги овоз яна тўнфиллади:

— Шундай қилиб, сиз одам ўлдирингиз-а? — ҳамма ўзига нафрат билан тикилаётганига ҳам парво қилмай, давом этди: — Ўз хотинингизни ўлдирган экансиз-да!?

Айланма ўриндиқда ўтирган Такаги йигитга бурилди. Унинг башарасини тузукроқ кўрмоқчи эди. Фазаби қайнаган Такаги ўзини зўрга тутиб турарди.

Кўшниси ўттиз ёшлар чамасидаги йигит экан. Қорамтири бўз свитерда. Жинси шим кийган, оёғида кроссовка. Соchlари одатдагидан узун, лекин кишида ёмон таассурот қолдирадиган даражада эмас. Энг муҳими — қараашлари жиддий. Ҳечам жиннига ўхшамайди.

Такаги яна бир қадаҳ виски буюрди-да, ён қўшнисига мурожаат қилди:

— Афтидан, сизга бунақанги ҳазиллар ёқадиганга ўхшайди, лекин бу борада мен бошқача фикрдаман. Шу боисдан ҳам, мени кечирасаниз-у, келинг, яххиси, бемаъни гапларча чек қўяйлик.

У ҳар бир сўзини дона-дона қилиб аниқ айтди. Лекин ҳалиги йигит ўз фикрида қатъий эди. У тиржайган қўйи деди:

— Гапни чалғитмоқчимисиз? Лекин мен ҳақиқатни биламан-ку!

Такаги бу нотаниш шилқимнинг ўзида қанақа хусумати борлигини тушунолмади. Модомики, қилаётган иши билан бу йигит жанжал чиқармоқчи экан, бошқача йўл тутмоқ керак:

— Майли, бўлмаса, — деди Такаги. — Сизнинг ногорангизга бир ўйнаб кўрайлик-чи. Фараз қилайлик, иш сиз айтгандай ҳам бўлган. Энди марҳамат қилиб айтинг-чи, нима сабабдан мен хотинимни ўлдирдим? Батафсил галириб беринг!

— Шундай дейишингизга ишончим комил эди, — деди илжайиб Такагининг сұхбатдоши. — Кеча сиз уйга тун яримдан оққандан кейин қайтдингиз ва хотинингиз билан жанжаллашиб қолдингиз.

— Жанжалнинг сабаби? — сўради Такаги.

— Сабаби? — қайта сўради сұхбатдоши. — Сиз хотинингизга хиёнат қилдингиз. Одатда бу нарса жанжал билан тугайди. Лекин кеча бошқача бўлди.

— Хўш-хўш?

— Эҳтимол, рафиқангиз кеча сизни ўта ғазаб билан фош қилгандир. Бунинг устига, буни ўзингиз ҳам яхши биласиз, ёшлидан жуда жizzаки эдингиз! Кучдан ҳам худо берган! Жаҳлингиз чиқиб кетди, ўзингизни тутолмадингиз, хотинингиз овозини учирмоқчи бўлдингиз. Ўзингизга келиб, бундоқ қарасангиз ўлиб ётиби. Уни бўйинбонгиз билан бўғдингиз. Уни ўз бўйнингиздан ечиб олдингиз-ку!

Шу жойга келганда ҳалиги киши бир зум жимиб қолди.

Ўртага сукунат чўкди. Шунда Такаги ишнинг пачавасини чиқарганини сезди.

— Мен гапимдан қайтдим. Бу ўйинингиз менга ёқмаяпти. Нима бу ўзи — янги ўйинми? Балки сиз ушбу майхонанинг доимий мижозидирсиз. Ҳаммангиз гапни бир ерга қўйиб, менинг устимдан куляпсизлар! Шундай эмасми?

Майхона соҳибаси дарҳол Такаги шубҳасини рад этишга тушди.

— Вой, нималар деяпсиз? Бизнинг ҳеч нарсадан хабаримиз йўқ! Мана бу мижозни ҳам илк бор кўриб турибмиз... Худо ҳаққи! Шундай эмасми, Такеситян?

— "Мама-сан" рост айтаяпти. Буни анавининг ўзи ҳам тасдиқлаши мумкин. Сиз ҳам ҳазилингизни йигиштиринг! Эпласангиз ичинг-да!

Ўзини кўлга олган Такаги ўзига ва нотаниш сұхбатдошига виски буюрди.

— Ташаккур, йўқ демайман! — у тутилган қадаҳни бажонидил олди.

Воқеанинг жанжалсиз барҳам топганидан ҳафсаласи пир бўлган эркаклар гурухи яна ўз гурунгларини давом эттиридилар. Ярашувдан кейин бор-йўғи ўн дақиқача вақт ўтди. Кулданни диққат билан кўздан кечираркан, ҳалиги киши тағин гап бошлади:

— Бугун эрталаб ахлатни ўзингиз олиб чиқдингизми?

Худди шундай бўлган эди. Такаги қўлидаги қадаҳни четга қўйди.

— Хўш, нима қилиби?

Майхоначиларнинг ҳаммаси сұхбатлашаётганлар томон ўгирилишди. Узилган текин томоша яна келган жойидан давом этди.

— Мана сиз, "хўш, нима қилиби?" деб мени қийин аҳволга солиб қўяяпсиз. Ахир ахлатни одатда хотинингиз олиб чиқарди, шундай эмасми? Бугун эса ўзингиз олиб чиқишингизга тўғри келди. Бу тушунарли, чунки хотинингиз тирикмас. У энди ахлатни олиб чиқолмайди. Демак, сиз эҳтиётсизлик қилдингиз — ахлат ошхонада бир-икки кун турса ҳам бўларди-ку. Сизнинг ахлат олиб чиқмаслигингизни кўшниларингиз жуда яхши билишади, ахир.

Бугун эрталаб Такагининг хотини боши қаттиқ оғриётганини айтиб, кўрпайдан турмаганди. Шу боисдан ахлатни Такагининг ўзи олиб чиқсан эди. Бундай жасоратга у биринчи бор қўл уриши эди. Ахлат тўла халтани кўтаргандан кўчада яланғоч юрган маъкул. Бунинг устига, аксига олгандек, унинг ахлат олиб чиққанини кўшни аёл кўриб қолганди.

Хозир ёнида ўтирган мана бу одам ахлат олиб чиқишидек шармандалика кўл урганини қаердан билдийкин? Нима деб жавоб беришни билмай қолган Такаги нотаниш кишининг кўзларига тикилди. Такагининг хатти-ҳаракатидан майхонадагилар унинг сұхбатдоши рост гапни айтгаётганини сезиб туришарди.

— Нима? Гапим ёлғонми?

Такаги жаҳл билан қўшнисига қаради.

— Қани гапир-чи, гапиравер! Сен буни қаердан биласан? Мақсадинг нима ўзи?

— Қаердан? Ахир гап бунда эмас-ку. Сиз менинг: “Хотинингизни ўлдирдингизми?” — деган саволимга жавоб бермадингиз-ку?

Нотаниш кишининг гапи суҳбат аввалидагига нисбатан анча ишончлироқ янгради. Ҳаммаси ўща лаънати ахлат туфайли денг! Такагини ҳар нарсадан кўра майхонадагиларнинг бу айномага ишонишлари мумкинлиги ташвишга соларди.

У “мама-сан” билан майхоначига кўз қирини ташлади. Ҳудди кутилганидек, улар манави муттаҳамга ишониб ўтиришибди. Бу яна қанча давом этиши мумкин? Йўқ, бунга чек қўйиш керак.

— Сен мени қўрқитмоқчи бўляпсан. Айтганларинг ҳаммаси қуруқ гап. Яхшиси, шундай қиласиз — мен уйга сим қоқаман! Тушунарлим? Гўшакни хотиним олади — гап тамом, вассалом!

Такаги гўшакни кўтариб, уйдаги телефон рақамини эслашга уринди.

Ёнида турган йигит етти хонали рақамни айтди.

Ё тавба, ўзининг телефони!

Йигит, тиржайганча:

— Телефонингиз рақамини мен яхши биламан, жаноб Коити Такаги! — деди.

Такаги гўшакни қўйиб, бармоғини у томонга ниқтади:

— Шошмай тур, телефонда гаплашай, кейин сен билан... — Такаги чинакамига ғазабланди ва уй рақамини терди.

Унинг суҳбатдоши елкасини қисиб, тўнғиллади:

— Қанақа одамсиз ўзи! Бекорга телефон қилаяпсиз...

— Сабр қилинг, — деди тишини ғижирлатиб Такаги.

Бир неча сониядан сўнг гўшакдан “ду-уд, ду-уд, ду-уд” деган товуш эшилди. Нимага? Нимага гўшакни кўтартмаяпти хотини?

Ўнинчи бор “ду-уд” товуши эшитилгач, Такаги гўшакни қўйди. Ҳамманинг ўзига қараб турганини ҳис қилди.

— Қизиқ, — деди Такаги атрофдагилар эшитадиган қилиб.

Майхона бекаси ҳамдардлик билан бошини чайқаб, тиржайиб тураверди.

— Қизиқ, — деди яна Такаги ва жойига қараб юрди.

Уч эркак ўтирган стол ёнидан ўтётганда қулогига:

— Балки ҳаммаси ростдир? — деган гап чалинди.

У бир он тўхтаб қолди, гаплашаётганларга ғазаб билан нигоҳ ташлади. Кейин бу воқеага алоқаси бўлмаган одамлар билан тортишиб ўтираманми деб ўйлади-да, кўзларини ерга қадаганча ўз ўрнига бориб ўтири.

Кўшниси қувончини яширолмай гап ташлади:

— Ана, кўрдингизми? Ҳеч ким жавоб бермаслигини ўзингиз яхши била туриб, сим қоқдингиз-а?! Умуман, қойилмақом қилиб ўйнадингиз.

Майхона хизматчилари жанжалнинг олдини қандай олишни билмай эсан-кираб қолишиди. Аёллар гўё ҳеч нарса бўлмагандек тутишди ўзларини. Майхоначи Такэси ҳам уларга кўшилди.

— Ўзимни бошқачароқ тутишим керак, — ўйлади Такаги, эҳтимол, бу одам билан танишдирман. Балки у узоқ қариндошимиздир?

Ҳалиги йигит майхоначи келтириб қўйган шишадан қадаҳига тўлдириб пиво қўйди-да, бир кўтаришда сипкорди.

— Хотиним нега жавоб бермаяпти? — минғиллади Такаги.

Йигит унинг гапини эшитиб қолди.

— Хотиним нега жавоб бермаяпти, деяпсизми? — сўради у.

— Ҳа, — деди Такаги. — Бу пайтда у уйда бўлиши керак эди.

— Демак, ўйинни давом эттиряпсиз? Балки тан олиш керакдир?

— Нимани? Хотинимни ўлдирганимними?!

Суҳбатга майхоначи аралашди. Бу Такагининг аҳволини анча енгиллаштири.

— Нима, сиз меҳмонимиз хотинини ўлдирган демоқчимисиз?

— Ҳудди шундай! — деди нотаниш йигит. — Ишонмайсизми? Хотини телефон гўшагини олмади — бу сизга далил эмасми? У телефон қўнғирогига жавоб бермади. Чунки ўлган.

Аҳвол сира яхшиланмаётганини кўрган майхона соҳибаси Такагига ёрдамга шошилди.

— Бўлди, етар энди. Бу бир ўйин дейилган эди-ку!

Нотаниш йигит нигоҳини “мама-сан”га қаратди.

— Ўйин деяпсизми? Ҳазилга бало борми?! Телефон гўшагини олмаяптими — яна қанақа исбот керак? Энди бир жаноб Такагига қаранглар, менинг гапим ростлигига ишонасизлар.

Майхонадагиларнинг жим бўлишганидан Такаги ғалати аҳволга тушиб қолганини тушунди. Нимадир қилиш лозим. Қандай бемаънилик, деб ўйлади у. Умуман, жавоб бериш шартмикин? Терлаб кетди.

Исиб кетдим, деб ўйлади Такаги, бўйинбогини бўшатаркан. Ҳеч ким чурқ этмади. Шу онда “хотинини бўйинбоги билан бўғиб ўлдири” деган гапни ҳамма эслади.

Унинг суҳбатдоши яна тилга кирди, секин, мулоҳаза билан гапиравди.

— Кеча Такаги-сан уйдан эрталаб соат олтида чиқди... Шундайми? Ишни тахминан еттидан йигирма дақиқа ўтганда тамомлади ва майхонага йўл олди. Аввалига у билан қўл остида ишлайдиганлардан иккитаси бор эди, кейин бир ўзи қолди. Ҳозирча ҳаммаси тўғрими?

Майхонадагилар Такаги қандай жавоб бераркин деб, нафасларини ичга ютиб ўтиришарди.

— Тўғри...

Такаги бунақангى жавоб унинг аҳволини сира яхшиламаслигини тушунарди. Лекин нима қиссин, феъли шунақа — ёлғон гапиришни ёмон кўради.

— Демак, мен давом этаман... соат ўн бирда ўйнашиникига йўл олди...

— Тўхтанг, мана шу ерда ёлғон гапирдингиз, — қатъий норозилик билдириди Такаги.

— Мен вақтни чалкаштиридимми?

— Йўқ, йўқ... Ўйнаш борасида... Бу ҳақиқатга зид...

— Аммо тан олинг-да, худди шу нарса қотилликка сабаб бўлди! — деди йигит кулиб, Такагининг елкасига шапатилаб қўяркан.

— Мен ўлдирганим йўқ деяпман-ку, — столга муштлаб деди Такаги.

— Ундан бўлса телефон гўшагини нега ҳеч ким кўтармайди?

Такаги индамади. Ўрнидан туриб телефонга йўл олди. Телефон рақамлари-ни зўрға терди. Бир неча бор уринганидан кейингина гўшак “ду-уд, ду-уд” қилишга ўтди.

— Кетадиган вақт бўлди, — орқароқда ўтирган уч мижоз ўрнидан туриб эшикка йўналишиди. — Бу иш нима билан тугаганини эртага айтиб берарсизлар.

Уларнинг шивирлашгани Такагининг қулогига чалинди, лекин у ўзини босди, шайтонга ҳай берди.

Телефон эса ҳамон жавоб бермасди.

Нотаниш йигит яна Такагига мурожаат қилди.

— Гўшакни олмаяптими? Вақтни бекорга кетказяпсиз...

Майхоначи ташвишланиб Такагига қаради. Бу пайтда меҳмонларни кузатгани чиқсан қизлар қайтиб киришди. Янги мижоз ҳануз уйига қўнғироқ қилолмаганини тушуниб ҳиринглаб кулишди.

Такагининг ўрнига қайтиб ўтиришдан бошқа иложи қолмаганди. Ростини айтганда у караҳт бўлиб қолганди. Аксига олиб телефон жавоб бермаётганини қаранг.

— Балки хоним чўмилётгандир? — деди бўғиқ овозда меҳмонхона соҳибаси. У дарҳол полиция чақирмаганига афсусланарди. Энди эса кеч бўлди — мажарони ўзи тинчтиши керак.

— Бўлиши мумкин! — қувватлади уни майхоначи.

Яна нотаниш йигит аниқлик киритди.

— Жаноб Такагининг ҳаммомида сув қувури тармоқли...

— Тўхта-чи, сен ўзинг эмасми?..

Кутимагандада бу фикрдан ўзиям қўрқиб кетди: “Хотинимни шунинг ўзи ўлдирган бўлса-я?!”

— И-е, ҳали шунақами? — деди нотаниш йигит босиқ товушда. — Энди мениң қотиллиқда айбламоқчи бўляпсизми? Сизнинг хонадонингизни жуда яхши билганим учун миянгизга шунақанги бемаъни ўй келган бўлса керак. Рафиқангиз менга сизни кузатишни топширган бўлса-чи? Мен айғоқчи бўлишим ҳам мумкин-ку? Сиз содир қилган қотилликнинг тасодифий гувоҳи бўлган хусусий изқувар бўлсан-чи?! Бунга нима дейсиз?

Тахминлари анча ишончли кўринарди. Айниқса, майхона хизматчилари учун.

— Ундаи бўлса сиз айтганингизни тасдиқлайсизми? —бу саволи билан Такаги қўпол хатога йўл қўйди.

Унинг рақиби майхонадагиларга ўгирилди:

— Эшитдиларингми? Далил талаб қиляпти. Демак, жиноягини тан олаяпти, шундайми?

Бундай мантиқ кино ва теледетективларда кенг тарқалган.

Такаги дарҳол ўзини ўнглаб олди.

— Йўқ, мен буни айтаётганим йўқ. Қидирув маҳкамасида ишлаётганингизни қандай исботлайсиз?

— Барибир! Нега менинг касбимни суриштириб қолдингиз? Ўз жиноягини тан олганингиз учунми? Агар бирор айбингиз бўлмаганида мен билан гаплашиб ҳам ўтирасдингиз. Шундай эмасми?

Далил-исботлар қанчалик содда, аҳмоқона бўлмасин, лекин Такагининг аҳволи борган сари танглашмоқда эди.

У нима дейишни билмай, сукут сақлаб тураркан, елкаси оша аёл кишининг товуши жаранглади:

— Жаноблар! Бу ерда бир чатоқлик борга ўхшаяпти. Балки, полицияни чақириш керақдир? Меҳмонларимиз қарши бўлишмаса, албатта.

Бу сўзлар аниқ Такагига қаратилган эди.

“Мама-сан” аччиқланди:

— Эсингни едингми?

Ҳалиги ёш хоним сал-пал отиб олган бўлса керак, бўш келмади:

— Полицияни чақирысан нима қилибди?! — Шу пайт Такаги ҳайрат билан сўраб қолди:

— Қизиқ, нега энди шу пайтгача мен сенинг кимлигингни сўрамабман. Исминг нима?

Унинг суҳбатдоши яна бир қадаҳ пивони бўшатди-да, бепарво бир тарзда минфирилади:

— Биз адашлармиз, ота исмларимиз ҳам бир хил. Мен — сизнинг вижданингизман!

— Мен ўлдирганим йўқ дедим-ку!

— Унда нега хотинингиз телефон гўшагини кўтармаяпти?

У гапни нуқул нозик жойидан оляпти. Оддий, лекин хотин негадир телефонга жавоб бермаётган бир вазиятда анча самарали усул.

— Яна бир қўнғироқ қилиб кўрай-чи, — деди Такаги телефонга яқинлашаркан.

Бу пайтда унинг суҳбатдоши майхона соҳибаси ва сотувчига қараб гапида давом этарди:

— Энди мен жаноб Коити Такаги виждони сифатида эътироф этмоқчиман: кечка кечкурун мен хотинимни бўғиб ўлдирдим. Далил керакми? —Марҳамат. Мана — бўйинбоги. Мен бўйинбогимни қарийб алмаштирмайман. Улар менда бор-йўғи учтагина. Мана, бугун кечаси бошқасини тақдим.

Телефон гўшагини қулоғига босганича, Такаги ўз “виждони”нинг “эътирофи”ни ҳам тинглаётганди.

Бўйинбогининг нечталиги хусусида у рост гапираётганди. Бўйинбогни алмаштиргани ҳам рост. Чунки хотини ўрнидан туролмади ва бўйинбогини ўзи ўзгартириб тақишига тўғри келди.

“Виждон” эса ҳамон ўша руҳда давом этарди:

— Бўйинбогни алмаштирганим боиси шундаки, шу пайтгача тақиб юрганим хотинимнинг бўйнида қолган. Эрталаб то бошқа бўйинбогни топгунумча бутун кийим жавонини титиб чиқди. Авваллари бу ишни хотиним қиласарди.

Бу ҳам қисман рост эди.

Лекин буларни у қаёқдан билиб олган экан? Буни кейинроқ аниқлаш мумкин, ҳозир эса телефон қилиш лозим.

Ташвиш уни бутунлай эсанкиратиб қўйганди. Хотини жавоб бермасди!

— Нимадир бўлганга ўхшайди, — минфирилади Такаги.

— Агар ростдан ҳам ташвишланаётган бўлсангиз, полицияга хабар беринг, — деди ҳалиги аёл.

— У полицияга телефон қилолмайди, — деди “виждон”. — Чунки қотиллиги маълум бўлиб қолади.

Такаги ҳатто қичқириб юборди, гўшакни жойига илди-да, ўтирган жойига шошилди.

— Қани гапир-чи, мақсадинг нима ўзи?

“Виждон” сира тап тортмади:

— Бу жуда жўн нарса-ку. Унинг режаси шундай — ўзи шу ерда, майхонада ўтиаркан, кимдир, албатта у томонидан сотиб олинган биттаси бунинг хона-донига ўт қўяди. Кейин жиноят содир бўлган жойда куйиб кулга айланган жасадни топишиди.

Бу ҳар қанча даҳшатли бўлмасин, жуда ишончли изоҳлар эди. Буни қаранг-ки, ҳатто Такагининг ўзи ҳам унга ишонишга тайёр эди.

Ҳамма шубҳа билан Такагига тикилганди.

Такаги барибир ошкора баҳсни давом эттиришга қарор қилди.

— Бунинг барини бутунлай бошқача тушунтириш ҳам мумкин. Масалан, бу ерга келишдан олдин сен менинг уйимга кириб, хотинимни ўлдиргансан. Энди айбни менга тўнкамоқчи бўляпсан.

— Шошманг-чи! — унинг гапини бўлди нотаниш йигит. — Агар мен қотил бўлсам, бу ерга келишимнинг нима кераги бор эди? Сизга иқрор бўлиш учунми? Ўзимни балога гирифтор қилганими? Ўта бемаънилик-ку, бу!

Такаги хотинининг ўлдирилиши ҳақидаги сұхбатнинг кечишига изн бериб, хатога йўл қўйганини ҳис этди. Лекин жим турадиган бўлса, бу унинг мағлубияти сифатида тан олиниши мумкин.

— Лекин сен... — эътиroz билдиримоқчи бўлди-ю, керакли сўз топилмай қолди. У ўрнидан туриб яна телефонга борди. Ахир хотинининг биргина сўзи ҳар қандай далиллардан ишончлироқ эди-да. Ҳолбуки, майхонада ҳозир бўлганлар рақибининг ҳақлигига ишонишган эди.

— Қаёқда қолди экан? — йиғламоқдан бери бўлиб Такаги хотинини кийди.

“Мама-сан” нотаниш йигитга юзланди:

— Нега энди сен қотиллик ҳақида полицияга хабар бермадинг?

Такаги даҳшатга тушди — уни қотил деб айтишяпти-я!

— Мен бундай қилолмайман! Ахир мен — унинг виждониман. То унинг ўз айбига иқрор бўлиб, полицияга бормагунча, кутишдан бўлак чорам йўқ.

Нотаниш йигит телефон қилишга уринаётган Такагидан кўз узмасди. Бошқаларнинг нигоҳи ҳам Такагида эди.

— Гўшакни олмаяпти, — хўрсинди Такаги. Унинг кайфи бутунлай тарқаган эди. Елкасини совуқ тер босганини сезди. Гўшакни оҳистагина жойига илди. Тушкун бир ҳолатда майхона соҳибасига юзланди:

— Кетишим керак. Ҳисобни бера қолинг.

Нотаниш йигит кескин бурилди:

— Кетяпсизми? Тўғри полицияга борарсиз, албатта.

Такаги унга жавоб қайтарадиган аҳволда эмасди. Фойдасиз. Барибир уни қотил деб ҳисоблаяпти.

Такаги илғичдан пальтосини олди. Умрида илк бор ўзини мағлуб ҳис этди...

Кўчага чиққач, гандираклаб телефон будкасига борди. Эшигини очиб, ичига кирди-да, гўшакни кўтарди. Шу пайт кимдир будкани қаттиқ-қаттиқ тақиллатди.

Такаги гўшакни жойига илиб, орқасига ўгирилди. Нотаниш йигит!

— Мени кечиринг, — деди у.

Такаги унинг гапини бўлди:

- Энди менга айтиб берарсан?
 - Нимани?
 - Телефонга нима бўлганини?
- Йигит кулди.

— Э, бу жуда жўн-ку. Бугун кечқурун уйингизга қўнгироқ қилиб, рафиқангизга куйидагиларни айтиб қўйишимни сиз менга тайинлаганингизни айтдим. Яни: “Бугун менга бир киши сим қоқади. Кўнгилсиз воҳеа. Мен унга кечқурун уйда ўзим ҳам, хотиним ҳам бўлмаймиз деганман. Лекин у жуда ўжар одам, қайта-қайта сим қоқиб, текшириб кўриши мумкин. Мен эса бугун чиндан ҳам ушланиб қоламан, илтимос, гўшакни кўтара кўрма. Агар менинг ўзимга уйга қўнгироқ қилиш керак бўлиб қолса, телефон уч бора жиринглагандан кейин гўшакни кўяман-да, шу заҳоти яна сим қоқаман”.

Буларнинг ҳаммасини мен сизнинг номингиздан гапирдим. Рафиқангиз сизга ўта садоқатли эканини яхши биламан, шунинг учун у айтганингизни, албатта, бажаради. Шундай эмасми?

Ха, у ҳақ. Ҳаммаси жўнгина.

Хотиним, албатта, унинг галига ишониб, “менинг” айтганларимни бажонидил бажараган.

- Менинг хонадоним қандайлигини қаердан биласиз?

Бу нарса Такагини айниқса қизиқтиради.

— Э-э, бу шу қадар жўн-ки, сизга айтиб бериш ҳам нокулай. — Нотаниш йигит терлаган бурнини артди. — Кеча куннинг иккинчи ярмида мен сизнинг уйингизга борган эдим. Ўзимни телефон алоқаси хизматиданман, деб таништиридим. Тан оламан — алдаб, ёмон иш қилдим. Лекин рост, уйингизга бостириб кирганим йўқ, ишонинг. Рафиқангизга: — Агар хўп десангиз, телефоннингизни текшириб кўраман, дедим. “Бепулми?”. “Албатта”, — дедим мен. “Ундай бўлса кириб, текшира қолинг”, — деди хотинингиз ва мени уйга бошлаб кирди. Бунчалик ишим ўнгидан келади, деб сира ўйламагандим. Хотинингиз жавондаги буюмларни тахлаётган экан. Зериккан кўринадилар, роса гапирдилар. Анча-мунча нарсани гапириб бердилар. Шунда мен бўйинбоғингиз учта эканини билиб олдим.

— Хўш, ахлат-чи, ахлат?

Нотаниш йигит ўнгайсизланди:

- Бундан осони йўқ...
- Сиз менинг уйимни пойлагансиз, шундайми?
- Худди шундай.

Бир оз жимлиқдан кейин у тушунтира кетди:

— Демак, сиз уйингиз ёнида турган оқ “пикап”га эътибор бермабисиз-да? Мен ўша машинада ўтириб, кеча уйингизни пойладим. Уйга қачон қайтиб келганингизни ўшанда билиб олдим. Эрталаб эса ахлат олиб чиққанингизни кўриб ҳайрон қолдим. Қўшни аёллар сизга ҳайратланиб қарашганидан авваллари бу иш билан шуғулланмаганингизни билиб олдим. Сиз кетганингиздан кейин анча вақт ўтгач, яна хотинингиз билан боғландим. Гаплашмоқчи эканимни айтдим.

— У мазам йўқ, деб рад этди, шундайми?

— Шундай! — хитоб қилди нотаниш йигит. — Яна саволингиз борми? Ҳаммасини айтиб бўлдим, шекилли?

— Яна битта, энг сўнгги савол: бу машмаша сизга нима учун керак бўлди?

Нотаниш йигит яна тиржайди:

— Жаноб Коити Такаги! Ишонинг, майхонага мен биринчи бор келишим, у ерда мени ҳеч ким танимайди. Худди сиз каби, мени ҳам танишмайди. Иккаламиз ҳам бир хил аҳволда эдик. Шунга қарамай, менинг гапларимга осонгина ишонишди. Улар сизни, Такаги-санни жиноятчи, қотилга йўйишиди.

Йўқ, мен сал ошириб юбордим, шекилли. Яххиси, сизни қотиллик содир этганликда гумон қилишди, дея қолайлик. Яна денг, биттагина далил — уйда телефонингиз жавоб бермаганига асосланиб, шундай ўйлашди.

Шундай воҳеа содир бўлиши мумкин. Аниқроғи, шундай бўлди ҳам. Ҳаётда “ҳақиқат нима?” ва “кишилар нимани ҳақиқат деб ҳисоблайдилар?” деган са-

волларга жавоблар ҳамиша ҳам мос келавермайди. Мен сизни шунга ишонтири-моқчи бўлдим. Ушбу томоша ҳам худди шу мақсадда кўйилди.

— Лекин нега энди айнан мени шунга ишонтиримоқчи бўлдингиз?

Нотаниш йигит жавоб бермади.

— Бугун ҳаво совуққа ўхшайди, — деди у ва қоронфилик қаърига сингиб кетди.

Такаги унинг изидан бир неча қадам босди-да, тўхтади. Телефонга қайтиб келди ва уйига кўнғироқ қилди. Ҳалиги йигит айтганидай, уйда телефон уч бор жиринглагач, гўшакни илди ва рақамни қайта терди.

Гўшақдан хотинининг ташвишли овози эшитилди.

Такаги хотинига бугун уйга боролмаслигини айтди, энди телефон жиринг-лаши билан гўшакни кўтаришни илтимос қилди. Унинг миясида ҳамон нотаниш йигит айтган гаплар чарх уради. У катта йўлга чиқди. Лекин дарҳол телефон будкасига қайтиб кириб телефон қилди:

— Сасаки? Бу менман. Эртага Митихико Акамацу иши бўйича ҳибсга олиш ҳақида рухсат бўлиши керак эди. Яна бир оз кутайлик. Ўйлаб кўришим керак. Гувоҳларни яна бир бор сўроқ қилиш керакка ўхшайди. Мен ҳозир полиция маҳкамасига қайтаман. Бир оз ишламоқчиман, сен эртага баравақтроқ келгин. Йўқ, йўқ. Ҳозир келишинг шарт эмас. Очигини айтсан, бу кечада ўзимга жуда ҳам керак — ўзим бош қотирмоқчиман.

* * *

Орадан ярим йил ўтгач, вилоят суди маҳкамасининг биноси олдида полиция инспектори Такаги Митихико Акамацу билан учрашди. Акамацу уйда йўқлигига хотинини бўғиб ўлдиришган экан. Такаги унга ҳақиқий жиноятчи қўлга олинганини хабар қилди. Акамацу бир йигит ҳамроҳлигига етиб келди.

— Салом алайкум!

Акамацу саломга жавобан бош эгиб таъзим қилди.

— Ҳаммаси учун раҳмат!

Акамацу бу иш юзасидан тергов олиб борган полиция инспекторига миннатдорчилик билдириб, ўз шеригини таништириди.

— Бу йигит менинг дўстим. Талабалик йилларидан оғайнимиз. Қачонлардир биз уччаламиз вақтни жуда кувноқ ўтказардик — хотиним ҳам талаба эди. У бўлса, бу ердаги ҳаваскорлик театрига раҳбарлик қиласарди. Ҳозир у артист, лекин жуда ҳам машҳур эмас.

Такаги қўлини чўзиб, ўзини таништириди.

— Биз танишмиз! — тиржайди артист. Инспектор Такаги бирдан уни таниб қолди. Бу ўша — тунги майхонадаги унинг “виждони” эди!

*Файзи ШОҲИСМОИЛ
таржимаси*



Парижда ўзбек наволари

Франция жаҳон халқлари этнографик институтининг Марказий Осиёдаги Тошкент бўлими ташаббуси билан ўтган йилнинг ноябр ойида Париж шаҳрида “Ўрта Осиё халқларининг маросим қўшиқлари” деб номланган халқаро фестивал бўлиб ўтди. Фестивалда Узбекистон, Қозоғистон, Қирғизистон, Тожикистондан таклиф этилган санъаткорлар иштирок этдилар.

Ўзбекистонлик санъат аҳли таркибида таниқли ва машхур қўшиқчилар, бастакорлар, хусусан, Ўзбекистон халқ артисти Шерали Жўраев, Ўзбекистон халқ артисти Турғун Алиматов, шунингдек, Ўлмас Расулов, Абдураҳим Ҳамидов, Мавлуда Самандарова ва бошқалар бор эди.

Уч кун давом этган фестивалда асосан Ўрта Осиё халқларининг турли маросим, тўй-маъракаларда ижро этиладиган куй-қўшиқлари янгради. Хусусан, Ўзбекистон халқ артисти Шерали Жўраевнинг “Наврўзи ажам” концерт дастури йиғилган шинавандаларнинг завқи-шавқини тошириб юборди. “Ўзбегим”, “Соҳибқирон”, “Файра-ғайра”, “Лазги”, “Тўйлар муборак” қўшиқлари ижроси ва тўртликлар мажмуи асосида хонишлар француз, араб, инглиз, эрон, турк, афғон миллиати вакилларидан иборат шинавандаларда кучли таассурот қолдирди.

Шуни алоҳида таъкидлаш керакки, қўшиқларни катта маҳорат билан ижро этган ширадор овоз соҳиби гўёки тингловчиларни ўзига ром қилиб қўйгандек эди.

Хофизни томошабинлар қайта-қайта саҳнага чорладилар, ўзбек тилида янгрраган қўшиқ учун хорижлик тингловчилар ҳам уни узоқ олқишиладилар.

Франция пойтахтида бўлиб ўтган қўшиқ ва оҳанглар байрами бутун дунёда ўзбек миллий маданияти ва санъатига катта қизиқиши билан қаралаётганлигидан далолат берди.

Турли миллият халқлари мусиқа маданиятини ўрганиш, унинг бойликлариidan баҳраманд бўлиш, халқларнинг бир-бирига яқинлашувига, дўстлашувига олиб келиши шубҳасиз, албатта. “Ўрта Осиё халқларининг маросим қўшиқлари” фестивали ҳам айнан шу йўлда қўйилган қутлуғ бир қадам бўлди.

Улугбек РАҲИМОВ